

UTL AT DOWNSVIEW



D RANGE BAY SHLF POS ITEM C
39 10 15 04 02 007 5

BP
75
S8
v.3

Su'ād, Yūsuf, Düzceli
Mirāt el-ḡu'ūn

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY





Su'ād, Yūsuf, Düzceli

مِرَاتُ الشُّعُونِ

Mirāt el-şū'un

سیر سنیۃ جناب رسالتآب سید الانامیہ دائر
بعض معلوماتی حاویدر

مؤانی :

یوسف معاد

معارف نظارت جلیلہ سنک ۲۷ شوال ۱۳۲۱ و ۳ کانون ثانی
۱۳۱۹ تاریخلی و ۲۳۸-۵۰۷ نومرولی رخصتنامہ سنی حائر در

مهرسز نسخه لر ساختہ در

در سعادت

عصر مطبعہ سی : باب عالی جادہ سندہ نومرو ۴

۱۳۲۲

غرم



بِسْمِ اللَّهِ الرَّحْمَنِ الرَّحِيمِ

BP

75

S8

فصل حادی عشر

1085733

مکمل نیمی سنه هجریه وقایع

اسلام خالد وعمرو و عثمان . غزوة موته . سریه ذاة السلاسل .
 سریه ابی عبيده . خضره یه . بطن اضمه . فتح مکه . بعث خالد .
 غزوة حنین و هوازن . غزوة اوطاس . غزوة طائف . بعث
 عمرو بن العاص . اسلام عروه . اتخاذ منبر . اسلام جبله ابن
 ایهم . اسلام فروه . ولادت ابراهیم نجل النبی . فوت زینب
 بنت النبی . نبرخ .

۹

— اسلام خالد و عمرو و عثمان —

شهر صفرده ایدی « خالد بن الولید ، عمرو بن
 العاص ، عثمان ابن ابی طامحه ، مسلمان اولمشلردر .

خالد ايله عثمان ابن ابی طلحه، برلكده مدينة منورمه
كليورلردى. عمرو ايسه وقعة احزابده قریشلرك منهزماً
مكیه عودتلى، مخاطرات آتیهیه قپو اچش نظریله
باقه رق کندوسنك هر درلو امید مظفرتی محو اولدیغی
حاله ارض حبشه صاوشمش ایدی.

ظن و تخمینی اوزره شایدکه قریش، مغلوب اولور
ایسه کندوسی حبشهده بولنوب مصاب اولش اولیه جق!
اما غالب کلورسه سلامتله مکیه عودت ایدمیله جک وهر
ایکی تقدیردهده متضرر اولیه جق ایدی!...

عمرو، هنوز، نجاشی نزدنده ایکن سفارتله حبشه
کلان عمرو ابن امیه الضمری حضرتلرینی اولدیرمک
اوزره انه ویرمسنی نجاشیدن رجا ایدوب نجاشی،
تکلیف واقعی صوک درجهده تقییح وحقایق متظاهریه
قارشى حالا مسلمان اولدیغندن ناشی عمروی تویسیخ
ایتمش عمروده اوراده قبول اسلام ایدرک مدینه طاهرهیه
طوغری یوله چیقمشدی. خالد بن الولیدك اسلامه
ابتداء میلی، رسول الله صلى الله علیه وسلم، حدیبیه
سفرنده وعسفان منزلنده صلات خوفه مشغول اولدیغی
آنده عاینه بر قاج کره قصد ایدوب موفق اوله مامسی
ساعتنده ظهور ایتشدی.

خالد، اسلامك احواله نظراً عاقبت غاليتنى اكلا -
 يهرق، روماليله التجا ايمنى قورمشدى. شوقورونتيده
 ايكن افنديمىز، عمرة القضاء مقصديله مكديه كلوب دوليد
 بن الوليد، دن برادرى خالد بن الوليدك حانى استفسار
 بيوردى. و: [خالد، دين اسلامك حق اولدينى نظرندە
 مخفى قاله حق آدماردن دكلدر] ديدى كه بوده خالدك
 عرفاتنى تقدير ديمك ايدى. اوايه كويا مسلمان يوزينى
 كورمامك اوزره مكه خارجنه چيقمشدى.

وليد بن الوليد، كيفيتى و حقندە ابزال بيوريلان
 التفات ستايش آميزى برادرينه يازدى. خالد دخى اندن
 محظوظ ومنبسط اوله رق ارتق قبول دين اسلامه قطعياً
 قرار ويرمش اولدينى خالد عودت ايتدى و مدينه
 طيبه يه عزيمت عزيميله مكه ده صفوان بن اميه يه ملاقى
 اوله رق:

— «يا ابا وهب! ناصلسك محمد [عليه الصلوة
 والسلام] عرب و عجمه غالب كلدى كندونه تبعيت
 ايدلم انك شرفى بزم شرفىز ديمكدر»

ديدى. صفوان، مخالفته ابدأ دوام ايدە چكنى
 سويلدى. خالد، صفوانك سوزينى ايشيدنجه باباسيله

برادرینک بدرده مقتول اولدقلرندن ناشی اغبرار وانفعالی
باقی اولدیغنی دوش-ونه رک باشقه رفیق بولمق نیتله اندن
واز کچوب عکرمه ابن ابی جهله راست کلدی و اکا
دیدیکنی بوکاده سویلدی. فقط عکرمه دخی صفوان کبی
س-وزلر سویلدی. بونکله رفاقت املی مقطوع اوله رق
صوکره عثمان ابن ابی طلحه یی بولدی. چونکه او،
خالدک دوستی ایدی. مع مافیه احدده باباسی طلحه، عمی
عثمان و درت برادری بولنان مسافع، جلاس، حارث،
کلابک قتلاری عثمانی داغدار تأثر ایتشدی. خالد، بو
جهتی نظر اعتباره الهرق بر کره تردد ایله برابر: [بز،
دایکده اوطورن بر دلکی یه بکزرز که اوستندن بر قوفه
صو دوکولدیکی کبی طیشاری چیقمنه مجبور اولور] دیه
بر مقدار مقدمه دن صوکره ماده یی آچدی. عثمان ایسه
خلاف مأمول اوله رق اجابت و موافقه مسارعت
ایتدیکندن او آنده مدینه سعادته کیده جکاری وقتی
قرارلشیدیر دیلر.

خالد، عثمان ایله برلکده مدینه سعادته کلیر ایکن
یولک هده منزلده عمرو بن العاصه راست کلدی عمرو،
بونلره: [مرحباً بالقوم] دیدی. بونلرده: [وبک] دیه
حسن مقابله ده بولندیلر.

عمرو، نرمیه کیتدکاریفی صورتی. خالد:

— «والله لقد استقام الميسم وظهر الامروان

هذا الرجل لني فاذهب اسلم»

دیدى. عمرو کندوسنكده عين مقصد ايله مدینه نبوته متوجه ایدوکنی سویلیمکله هپسی رفیق اولدیلر. برلکده ایکندی وقتی مدینهیه واردیلر. راحله لرینی ظاهر حررده اناخه ایتدیلر. خبر مقدملری مسموع عالی بیوریلوب افندیمز، ممنونیتندن: [رمتکم مکة بافلاذ کبدها] دیه سویلیدی.

خالد، لباس پاکنی کیه رک نحو رسالته یونولوب کیدرکن تصادف ایلدیکی برادری ولید: [یوری زیرا سنک مقدمکز رسول اللهک موجب سرور و محظوظیتی اولمشدر] دیمکله خالد، سرعتلیدی. قارشیدن کوردیکی دقیقه دن خالدک حضورعالی رسالتپناهییه مثول ووقوفه دکن افندیمز، تبسم اوزره بولندی.

خالد، رفیقلرندن اول ذات اقدس رسالتپناهییه نبوته سلام ویردی. رسول اللهده وجه طلق ايله رد سلامدن صوکره:

— « الحمد لله الذى هدانا لهذا. قد كنت ارى لك عقلاً
رجوت ان لا يسلمك الا الى خير،
بيوردى. خالد :

— « يا رسول الله ! ادع الله لى يغفر تلك المواطن
التي كنت اشهدا عليك »
ديه رجا اتمكله افنديمز :
[الاسلام يجب ما كان قبله] ديه بيوردى . خالدده .
مستريح اولدى .

صوكره عثمانده عين وجهه اوزره بيعت ايتدى
عمرو، كندى ترتيب و ارزوسيله و ذنب ماتقدم و ما
تاخرى ايجون استغفار ايتديرمك مقصديله رفيقلايرنى
اوكنه قاتوب حضوره سوق ايتمش و كنديسى انلردن
كيرو قالمش ايدى . مع مافيه حضور غاليله حجاب و حياء
سندن يوزينى قالد يروبد و وجه نوار نبوى يه باقغه قادر
اوله مامش و حتى حين بيعتنده مضمرى اولان ذنب
ما تاخرندن استغفار جهتي اونوتهرق رفيقلايرى كى
يالكنز ما تقدمدن بحث ايدى بيلمشدر ! .

قدوم عمرودن مقدم بركون رسول الله صلى الله
عليه و سلم ، اصحاب كرامنه : [يقدم عليكم اليلة رجله

حکیم] بیورمشلردی [*] فرداسی کیجه عمرو بن العاص،
رفیقزلیله برابر مدینهیه مواصات ایتمشدر .

خالد، بنی مخزوم اشراقندن [ولید بن المغیره] نک
اوغلی اولوب قریشک سوارى فرقهسى قوماندانی دیمک
ایدی. فن حربده فوق العاده درایت و مهارت اکا داد
حق ایدی .

عمرو بن العاص، بنی سهم اشراقندن و بین العرب
عقل و فطانتیله معروف برداهی حصافتشعار ایدی .
عثمان دخی بنی عبدالداردن اولوب کعبه معظمه نک پرده
داری ایدی. مفتاح بیت ، انلرده بولنور ایدی که شو
صورتله حائز اهمیت اولان اوچ بیوک ذاتک بردن قبول
اسلام ایتلمی هیئت اسلامیه ایچون بادی سرور عظیم
اولمشدر .

۴

غزوة موته

موته، شام دیارنده کرک بلده سنک قبله جابنده کائن

[*] اخراج الخطیب البغدادی ان رسول الله صلى الله عليه
وسلم قال يوما لاصحابه : يقدم عليكم الليلة رجل حكيم فقدم
عمرو بن العاص مهاجراً .

وبلقايه تابع بر پردرکه اکا اضافتله مشهور اولان محاربه،
 روم قیصری امراسندن [شرحبیل بن عمرو الفسانی] نک
 سفیر نبوی [حرث بن عمرو الازدی] رضی الله تعالی
 عنه حضرت لرینی قتل ایتمش اولمسندن ایلری کلمشدی .
 رسول الله صلی الله علیه وسلم جناب حرثی انه
 نامه سعادت ویره رک هرقل طرفدن بصری وحوالیسنه
 والی اولان حرث ابن ابی شمر الفسانی یه کوندرمشدی .
 سفیر مشارالیه موده شرحبیل ، راست کله رک سؤال
 ایتدی . شام طرفنه متوجه اولدیغنی اکلامسی اوزرینه
 «سنده غالباً محمد [علیه الصلوة و السلام] ک ایلچیلر -
 ندنسک» دیه ابتدا بند و بوقاغی اورمش صوکره شهید
 ایتمشدر .
 جناب حارثدن باشقه سفراء کرام رسالتپناهی اده -
 سنده هیچ بزى قتل اولنماش شرحبیل ، حارثی سفیر
 نبوی اولدیغنی بیلیدیکی حالدله قتل ایتمشدی !
 شو مادهیه مطلع اولدیغنی زمان افندیمز ، پک زیاده
 متأثر اوله رق همان براردو تجهیز بیوردیلر . آزادلیلرندن
 [زید بن حارثه] رضی الله تعالی عنه حضرت لرینی ، انه
 بیاض بر رایت ویره رک اردویه قوماندان تعین ایتدی .

و: [زید شهید اولور ایسه جعفر ابن ابی طالب اوده
شهید اولور ایسه عبد الله بن رواحه امیردر او دخی
شهید اولور ایسه مسلمانار برینی اوزرلرینه امیر انتخاب
ایتسونار] دیه بیوردی .

نعمان اسمنده بر یہودی ، او آنده حاضر ایدی :
[یا محمد ! پیغمبر ایسه ک اسفی صایدفک کیمسه لر جیمه
مصاب اوله جقلر . زیرا انبیاء بنی اسرائیل ، بویله بر
ایشده هر قاج کیمسه نک آدینی صایار لرسه هپ مصاب
اولورلردی] دیمکله زید اکا رغماً :

— « ائمه انه رسول صادق بار »

دیه سویامشدی .

ناس ، موته سفریچون جرفده طویلاقمق اوزره
خروجه مسارعت ایلدیلر . رسول اکرم صلی الله علیه
وسلم دخی بر لکده جیقوب عسکری « تنیة الوداع » نام
بایره قدر تشییع بیوردی . و تنیده توقفله : [او صیکم
بتقوی الله و بمن معکم من المسلمین خیراً . اغزوا
باسم الله فی سبیل الله من کفر بالله . لاتغدروا ولا تغلوا
ولا تقتلوا وایداً ولا امرأه ولا کبیراً فانیاً ولا منعزلاً

بصومعة ولا تقربوا نخلاً ولا تقطعوا شجراً ولا تهدموا
بناءً [ديه وصايا اجرا بيورديلر .

عسكر حرکت ايلديكي اتناده بعض اهل اسلام :
[دفع الله عنكم وردكم صالحين غامين] ديه ندا ايتمكله
عبدالله بن رواحه رضي الله عنه ، انلره قارشى :

لكننى اسأل الرحمن مغفرة

وضربة ذات فرغ تقذف الربذا

او طعنة بيدي حران مجهزة

بحربة تنفذ الاحشاء والكبد

حتى يقال اذا مروا على جسد

يا ارشد الله من فاز وقدرشدا

شعرينى سويامشدر .

حين وداع وافتراقنده رسول الله صلى الله عليه وسلم
اكا [قل شعراً تقتضيه اقتضاباً] ديه امر بيوروب مشاراليه
دخى درحال :

انى تفرست فيك الخير نافلة

فراصة خالفت فيك الذى نظروا

انت الرسول فمن يحرم نوافله

والوجه منه فقد ازهى به القدر

فثبت الله ما آتاك من حسن

نذيت موسى ونصر كالذي نصر وا

شعري سوباش اندن ناشی رسالت پیام صلی علیه الاله
افدی مزده : [وانت فبتك الله يا ابن رواحه] ديه دعا
بیور مشاردر.

•
•

شر حبیل ایسه اردوی اسلامك حرکتدن خبردار
اوله رق - سدوس بن عمروی بر مقدار - روایت کوره
اللی بیک - عسکرله مقابلیه کوندر دکن صوکره سندوسی
منتظم بر اردو تجهیزاته تشبث وجانب قیصریدن استمداد
ایلمشدر .

اهل اسلام اردوسی ، سدوس بن عمروه وادی القراده
راست کلوب محاربهیه کیریشدی . فقط سدوس مقتول
وعسکری مهزوم اولدی .

سدوس مصادمه سنی آز بر همتله بر طرف ایدرک
اردوی اسلام معانه واردی . حالبوکه قیصر شر حبیل یوز
بیک نفرلی بر قوڈامدادیه تشدید مش واندن فضله لحم ، جذام ،
باقین وسائر بعض قبائل عربان دخی شرحیلله التحاق
ایلدیکندن دشمن ، دهشت ویره جک درجهیه وازمش

وشو قوتك مقدمة الجيشى مالك بن رافلهنك معيتنده
اولدينى حالده مآبه قدر آچيلمشدى . اكا اوچ بيك
نفر دن عبارت اولان بر قوتله مقابله تهاكهلى كورونه رك
عسكر اسلامه طور غونلق كلدى .

بناءً عليه اردو ارکان كرامى ، يا عودتلىنك ويا
لزوم امدادك عرض عتبه علىاى جناب رسالما ب سيد
الانامى اولنمى خصوصلىرىنى تأمل ومذاكره ايجون او
محلده ايكي كيجه قالديلر .

عبدالله بن رواحه رضى الله عنه ، اردوى اسلامك
رجعتى شان وشرف اسلامه ياقشميه جنى وبعد مسافه
جهتيله استمداد دن ده استفاده حاصل اوله ميه جنى مطالعه سنى
بيان صددیده : [اى قوم ! والله سنرك شمدى اكرام
ايلديك كزشى ، سبب خروجكيز اولان شيدر . ارزوى
شهادتله چيقديكر . بز ، عدد وقوت وكثرتله قتال ايتيورز .
بلكه انجق دين ايله ايدوبورز . ايمدى يا غاليت
يا شهادت] ديهرك مسامينى قتاله تحريض ايلدى .

معانده ايكي كون اقامتن صوكره متوكلاً على الله
روم اوزرينه ايلرويه طوغرى عزم وحركت اولندى .

بلقا مضا فائندن مشارف نام محله دشمن اردوسنه تصادف
ایدلمشدی .

موقع انتخابچون اسلام اردوسی اورادن کیری به
طوغری براز چکارکدن صوکره صاغ قول [قطبه بن
قتاده العنری] نك صول قولده [عبادہ بن مالک
الانصاری] نك قومانداسی التمدہ اولمق اوزره صف
حرب ترتیب ایدلدی . زید حضر تلری ایسه رایت النده
اولدینی حالدہ قلب عسکرده ایدی .

طرفینک مقاتله به باشلا به جفی برصرده جناب زیدک
قابله جواربسی ، خدامی ، نخاستانلری ، بعض کونه
عقدملر ایراث واحداث ایدرک وزید، شو عقدملری
خلوص درونه و صفوت قلب و صدره مانع کوردرک
خواطر مذکورہ بی دفع ایچون عسکر مسلمینه : ای
معشر مسلمین ! هیکز شاهد اولیکز که نقدر
ایراد وعقارم ومتملکاتم وار ایسه هپسنی بیت ائمال
مسلمینه باغشلام . زخارف دنیا شرف دین و عقبانک
برجزه قلیلنه معادل اوله من . بوکون اوشرفک احراز ی
کونیدر [ديه صوت بلند ایله ندا و بمرده نفسنه ده] ای
نفس ! ایشته یالکیز قالدک ارتق خلوص نیت ایله غزا

ایتملیسک [دیه خطاب ایدوب صوکره حربیه مباشرت
ایتمشدی ! فقط حین مقاتله نه مزراق ایله اوریلهرق
شهید اولمغله رایتی جعفر آلمشدر .

جعفر دخی یاره لندی . یاره سیله برابر هیچ فتور بیله
کتیر میه رک ثبات ایتدی . وبری بری اردنجه صاغ و صول قوللری
کسیلدی فقط قولی کسیلنجه رایتی صول ایله طوتدی صول الی
قطع ایدیلنجه اوزمان یرمه دوشور مامک اوزره رایتیه صارلدی .
نهایت وجودنده سکساندن زیاده یاره اولدینی حالدیه مرتبه
شهادته ایره رک رایت یرمه دوشدی . عبدالله بن رواحه
رضی الله عنه حضر تلری در حال سکر تدی قالدیردی . النده
بولندینی حالدیه قتاله باشلادی . برارالق دشمن قلنجی
طوقانه رق پارمقلرینک بری نیم مقطوع قالمشدی . حالبوکه
یاری کسیک پارماغی اعمال سیفده کندیسنه زحمت واذیت
ویرمکه باشلادیغندن آتندن ایندی . نیم مقطوع پارماغی
ایاغنک التمه قویوب چکدی قوپارتدی . اندن صوکره شهید
اولنجه یه دکین ایستدیکی قدر مانعسز حرب ایتدی .

جناب عبدالله بن رواحه نک وقوع شهادتیه اردوی
اسلام ، قوماندانسز قالمش بولمغله برابر رایت سعادت

یره دوشمندی . فقط یرده قلمامق ایچون [ابوالیسر
کعب بن عمرو الانصاری] رضی عنه الباری حضرتاری
آلدی . و اهل اسلام طرفندن امارت عسکریه انتخاب
اولانه جق ذاته نسایم ایتک اوزره [ثابت بن اقرم العجلانی]
حضرتلرینه و بردی .

اردوی هابون . مشکل بر موقعده ایدی . هزیمت ،
تماماً . لایله نوحه ایتشدی . خالد بن الولید ، بوزغون
عسکرک اوکنه کجدی اردویی فراردن یقویق ایستدیکی
حالدده موفق اوله مدی . انجق کندیس انتخاب ایستدیکی
سپره صوقولدی .

ایشته اویله طار بر زمانده [قطبه بن عامر] رضی
الله تعالی عنه حضرتلری ، بوزغون عسکری طوردیره .
بیامشدر ! . .

صوت باند ایلده دیمشدی که :

— « ای جماعت مسلمین ! فرار ایدرکن اولمکدن
مردانه مقاومت ایدرکن اولمک ده خیرلیدر »
شو سوزدن عسا کر اسلامیهده ای بر تاثیر حاصل
اولدی . بناءً علیه بوزغون عسکر ، یورکلنه رک دشمن
علیهنده اولق اوزره همان کیرییه طوغری دوندی !
خالد بن الولیدک معینه طویلاندی [ثابت بن اقرم]

حضرتلری دخی رایتی اکا ویردی . جناب خالد ،
بدايت امرده امتناع کوستره رک :

— « امر امارته سن بندن دهازياده احق واليقسک
زیرا سن بندن دها یاشلیسک »
دیمشسهده ثابت :

— « سن فن حربی بندن دها ای بیلیرسک ..
خصوصيله بن بونی انحق سکا ویرمک ایچون اندم »
دیمکه برابر افکار مسلمینه مراجعت ایدرک :
— « ای جماعت مسلمین ! خالده امارتنه
راضیمیسکز ؟ »

دیوب جواب موافقتده الیغندن جناب خالد ،
رایت سعادت النده و موجود عسکر معیتنده اولدینی
خالده محاربه ایلمشدر .

خالده او کون اثناء حرب و قنالده ابراز ایلدیکی
بسالت پک فوق العاده ایدی . حتی النده طقوز عدد
قلنج قیرلمشدی !

مجاهدین کرامک قتليله برابر کوستردیکی متانت
و فعالیت مردانه سنه دشمن عسکری نظر تحیرله باقیور
ایدی .

خالد بن الوليد، ترتيب و تصور ابتدئي بالانسان
عسائيله عسكري شو بيوك دشمنك الزدن قورنار -
مشدی :

صباحين عسكري تعيه ايدركن اولكي وضعي
دكشدردی، پيشداري دمدار، مداري پيشدار تعين
ايتدی ! صاغ قولي صول قوله صول قولي صاغ قوله
چكيردی كه شو ترتيب، يكي امداد عسكري كلديكي ظنيله
دشمنی فنا حالمه توهم ايده جكدی ! .

خالد . شدتلی بر هجوم ايتش و دشمنی یرندن
اوينادوب کیری به طوغری پوسکورتمشدر .

ايشته او زمان خالته، دشمنك معسکرده براقديني
بعض اشيائي آلهرق کري دوندی . و اردوسنی هيئنيله
ياواش ياواش منزل سلامتہ چيقاردی .

مؤتمده حرب وقوعه کلدیکی کون رسول کبريا
افنديمز، اصحاب کراميله برابر مسجد شريفده اوطور -
پورلردی . دیده پر نور بصيرتلی ايله عالم معنایه ناظر
و متوجه ایدی . بر الرالق [الصلاة جامعة] ديه ناسی
چاغیره رق منبر سعادتارينه چيقدی . مبارك چشم انور -
لرندن ياش اقمقده ایدی : [ايها الناس باب خير باب خير،

باب خیر اخبارکم عن جیشکم هذا الغازی [ديه باشلايه رق
 [زید بن حارثه] حضر تلرینک شهید اولدیغنی سولیدی .
 اندن صوکره براز زمان سکوت اوزره بولنوب [عبدالله
 بن رواحه] رضی الله عنه حضر تلرینک دخی شهید
 اولدیغنی کوزلرندن یاش آقدیغنی حالدیه بیلیدی . بر
 ازدها صوکره : [اخذ الراية سيف من سيوف الله حتى
 فتح الله عليهم = رایتی ، اللهم قلنجلرندن بری آدی
 و جناب حقده فتیحی انک یوزندن ویردی] بیوردی که
 سیف تعبیرندن مقصود عالی ، خالد بن الولید ایدی ! .

جناب خالدك [سيف الله] لقب و عنوان جلادتیله
 ملقب و معروف اولمسی افندیملرک شو تعبیر شریفلرندن
 ایلری گلشدی .

مرویدرکه اصحاب کرامدن [یعلی بن امیه] رضی
 الله عنه حضر تلری ، موته خبرینی حضور رسالته عرض
 و اعلام ایده چکی زمان افندیملر ، اکا :

— « ایسترسهک سن بکا خبر ویر ! ایسترسهک بن

سکا خبر ویرهیم »

دیتمشدی . جناب یعلی :

— « بیوریکز یا رسول الله ! »

دیدیکندن رسالتیاء افندیمر ، مؤته وقوعانی اصحابیه
برر برر خبر ویردی .

رسول اکرم افندیمر ، جعفر ابن ابی طالب رضی
الله عنه حضرتلرینک فوتندن طولای پک محزون
و متأثر ایدی .

مجاهدین کرامک مدینه منوریه یوم وصولنده
استقبال ایچون راکباً خارج شهره قدر چیقمشدی .
او زمان جعفرک دها صبی بولنان اوغلی [عبدالله] ی
قارشوسنه المشدی . عودت ایدن مجاهدین ارمسندمه
جعفرک بولناماسی سبیلله چوجغک یوزینه باقدقیجه آغلار
و مبارک چشم شریف نبوتلرندن یاش آقار ایدی .

جناب جعفر رضی الله تعالی عنه حضرتلرینک
حققنده طرف اشرف رسالتدن : [جعفرک کسیلان ایکی
قولنه بدل جناب حق ، اکا ایکی قناد ویردی کوردمکه
سماده ملکلرله اوچیور ایدی] بیورلدی . و ازغلی
عبداللهه دخی : [هنیئاً لک ابوک یطیر مع الملائکة فی
السماء] تبشیر عظیمی اجرا اولندی که حضرت شهیدک
[ذو الجناحین] و [طیار] دیه شهرت المسی بوندندر .

۳

سریه ذات السلاسل

قضاءه طائفه لرندن بلی ، عذره قبیله لرینک مدینه
منوره حیواناتی غارت ایتک اوزره وراه وادی القراده
تحشد ایتکده اولدقلری مسموع عالی اولقله تنکیللری
ضمینده علیهلرینه شهرجمادی الاخره سنده عسکر کوندرلدی .
مهاجرین وانصاردن مرکب اولان اشبوفرقه ، اوتوزی
سواری اولق اوزره اوچ یوز نفر ایدی و بیاض برلوا
ایله سیاه برایتده اللرنده ایدی بیوک والده سی [*] بلی
قبیله سندن اولق مناسبتیله «عمرو بن العاص» شوفرقه نک
امارت عسکریه سنه طرف اشرف رسالتدن مأمور تعیین
ایدلک اوزره : [حاضر اول سنی برغزایه کوندره حکم که
غنیمته نائل اوله جقسک] دیه دعوت بیوریلورکن عمرو ،
کندوسنک دنیا مالی ایچون مسلمان اولمدیغنی سویلمش
اوزمان حضرت سیدالانام افندیمزده : [نعم المال الصالح
لارجل الصالح] بیورمشدی .
همرو بن عاص رضی الله عنه حضرتلری ، دشمنک

[*] «بابای عاص بن وائلک والده سی»

قوتنه وافت اولدیفی زمان مرکزدن استعدادده احتیاج حس
ایدرك بنی جهینه دن [رافع بن مکیث] رضی الله عنہی
حضور رسالته کوندردی استعداد ایتدی .

انك اوزرینه رسالتینه افندیلمزده [ابو عبیده عامر
بن عبدالله الجراح] رضی الله تعالی عنہی ایکی یوز نفر
عسکر ایله امداده کوندردی . حین حرکت ایتلمی لزومی
اختلاف ایتیموب اتفاق اوزره حرکت ایتلمی لزومی
طرف عالی پیغمبریدن کندوسنه اهمیتله امر و توصیه
بیورلمشدی .

ابو عبیده حضرتلرینک معیتنده کی قوه امدادیه
ایچنده جناب شیخین مکرمین حضراتی دخی موجود
ایدی ! .

ابو عبیده اردوگاهه واصل اولدیفی زمان عسکرک
وظیفه امارتی اجرا ایتک ایسته مشدی . لیکن عمرو
بن العاص :

— « سن بکا امداد اچون کلدک اصل امیرالجیش بنم ،
دیه رد ایتدی . ابو عبیده ایسه طبعاً ملایم برذات
ملکی الصفات ایدی جوابده دیدی که :

— « رسول الله ، اختلاف ایتیمکز دیه امر ایتدی
سن بکا اویماز ایسه ک بن سکا او یارم »

عمرو ، امارتجه غيرك ايليشكنى كشمشدى ! .
 بناء عليه امام اولوب عسكركه نماز قيلديردي . اصحاب كرامك
 افضللى [ابو بكر الصديق] ايله [عمر الفاروق] رضى الله
 تعالى عنهما حضر تلى ، عمروك اداره عسكريه سى التته
 او صورتله كيرمش اولديلر !

جناب عمرو بن العاص ، عسكرك كندينه ويكديكرينه
 درجه انقيادىنى كورنجه كندى معلوماتنه مراجعت
 ايدهرك يارينكى حركتى ايجون بر پلان ترتيب ايتمش
 انجق ترتيب و تدبيرنده زياده شدت كوسترمشدى ! حتى
 كيجه اردوده آتش ياقلمامسنى شديدأ منع ايتدكن فضله :
 [هر كيم آتش ياقار ايسه انى او آتسه آتارم] ديه
 اعلان دخی ايلمشدى ! . هوا ايسه صوغوق اولمغله
 عسكرك ، تحمل ايدهميهرك شيخين حضر تلىنه شكاييت
 ايتديلر .

جناب فاروق ، حدت ايدوب :

— « نه ديمك ! بو آدم ، عسكركى صوغوقدن قيره -

جق مى » .

ديدى . بو سوز امير الجيشك پلاننك عليهنده
 ايدى . ابو بكر الصديق رضى الله عنه ، امير الجيشك ترتيبى
 تحسين و فاروقك حدتنى تسكين ايدهيور ايدى :

— و طوقانمہ یا عمر ! حضرت رسول اللہ ، انی
انجی احوال حربہ وقوفی ایچون امیر تعین ایتدی
مادامکہ امیردر ایشنه قاریشماق اولمز ،

عمر ، ارتق سکوت ایتدی . چونکہ امیر عمروک شو
پلائی ، موافق نفس الامر بر مصالحت ایدی . بناء علیہ
اکا مخالفتله عسکرک آتش یاقسی بر چوق محاذیر و غنا
طراته بادی اوله بیلہ جک ایدی . مثلاً قوۃ اسلامیہ یہ نسبتہ
دشمن ، کایتلی ایدی . اسلام عسکری آتش یاقدینی حالده
دشمن آنی قارشیدن تخمین ایدرک مقدارینی اکلادقدن
صوکره تلاش ایتمسکسزین طایانه طورہ جق ایدی .

عمرو بن عاص ایسه کیجه ترتیب ایتدیکی پلانک
اکمالی ایچون صباحلین بر هجوم ناکهانی اجرا ایتدی .
دشمن اسلام اردوسنک مقدار صحیحنی بیلمدیکی جهتله
بردنبزه اورکوب بوزلدی . معسکرده برخیلی حیواناتی
ترک ایدرک طاغلدی .

عسکر اسلام ، انلرک براقدقلری حیواناتی اخذ
واغتنام ایله ساناً مدینہ طاهرہ عودت ایتدی .
انشاء عودتده غایت صوغوق بر کیجه عمرو بن
عاص ، احتلام اوله رق یالکنز براستنجاء و تیم ایله عسکره
صبح نمازینی قلدرمشدر .

خبر سلامتی پایگاه سعادته عرض الحجون عمرو ،
 عوف بن مالکی مدینه طیبیه کوند رمشدی . عوف بن
 مالک ، عمرو ایله ابو عبیده ارسند کی ماجرای و ابو
 عبیده نك عمرو صورت اطاعتی دخی عرض ایتدیکندن
 انك شو حالی بالخاصه محظوظیت سنیه یی موجب اوله رق
 حقنه : [یرحم الله ابا عبیده] دعاء مخصوصی ارزان
 بیورلمشدر .

عمرو ، مدینه منوره یه کلدیکی زمان یوله جنب
 ایکن امام اولوب ده عسکره نماز قلدردیغندن طولابی
 طرف اشرف رسالتیناهیدن استجواب ایدلدی . هوانك
 شدت برودتندن ناشی اغتسالی حالنده هلاك قورقو -
 سیله بعد التیمم نماز قلدردیغنی سویلدی . حضرت سید
 الانام افندی مزده تبسم بیوردی . انكاره دلالت ایده جك
 باشقه بر حال و طورده بولمیبوب یالکیز صوغوق هواده
 عسکره آتش یا قدرمدیغك علت و حکمتی ده سؤال
 ایتدی . دشمنك اوزاقدن آتشی کوریکی حالده مقدار
 عسکری کشف و تخمین ایده بیللمسی احتماله منی ایدوکنی
 عرض ایدوب کیفیت قرین استحسان عالی اولدی .
 عمرو بن عاص ، هنوز یکی مسلمان اولمشکن کبار
 اصحاب کرآمدن مرکب بویله فرقه قوماندانلغسه مأمور

بیور لمسیله برار و طفریت واقعه سندن فوق الماده ممنون
ایدی. نزد رسالت پناهیده سائر لره فضل و رحمتانی اولمه
اولیه افانم اصحاب اوزرندمه مسند قوماندانی به مأمور
بیور لمیه بنی فکرینه ذاهب اولمشدی ! . حال بوکه انک
حکمت امارتی ، او خصوصده حائز اولدینی معلوماتی
و برده بیوک والده سنک بنات قضاء عدن بولنمسی ایدی .
جناب ابی عیدمه نک اکا اطاعت و تبعیتی ایسه منع وقوع
اختلاف ایچون مجرد مماشات قییلندن برشی ایدی ! .
جناب عمرو ، اوفکرینی مقام تفاخرده اولوق اوزره
اظهار ایتدی . معاودت و مواصلتدن سوکره ایدی بر
کون حضور رسالت پناهیده دیدی که :

— یا رسول الله ! انک زیاده سودیکک کیمدر ؟ »

افندیمر :

— « عائشه ! »

دیه جواب ویردی . عمرو ، بردها صوردی :

— « نسواندن دکل . ارککلر ایچنیده انک زیاده

سودیکک ؟ »

افندیمر ! جواب ویردی :

— « عائشه نک باباسی ابو بکر ! »

— « یا اندن سوکره ؟ »

— « عمر » —

عمرو ، سؤالی تکرار ایتدجکه رسالتپناه افندیمز ،
 اصحاب کرامانی صره سیله سو یلردی . بو وجهله بر چوق
 اصحاب کرامک اسمی یاد بیورلدیغی حالده کندیسنه نوبت
 کلمدیکندن عمرو اوتانه رق سکوت ایتشدر !

فی الحقیقه عمرو بن عاص حضرتلرینه نسبتله عندالهیده
 وعند رسالتپناهیده دها سو کیلو پک چوق ذوات وبلکه
 طبقات اصحاب کرامدن عمروک بولندیغی طبقه نک اوست
 طرفنده برخیلی طبقات وار ایدی . سؤالده دوام ایدوبده
 جواب المسی لازم کلسیدی سکیزنجی سنه هجریه دکین
 قبول اسلام ایتمش اولان اصحاب کرام تماماً صایله جقده
 عمروه بعده نوبت کله جکدی . عمرو بن عاص ، بونی
 اکلا دی سکوت ایتدی .

•
•

۴

— سریة انی عیبده —

جهينه علمينه

شهر رجبده ایدی ابو عیبده عامر بن الجراح رضی الله
 تعالی عنه حضرتلری ، اوچ یوز نفر عسکر ایله برابر

ساحل بخردم [قبليه] موضعده جهينه طائفه سنك
 نكيكه مأمور آسوق اولمشدر فرقك ارزاقی آزاو لایغندن
 نوکتهرك بر خلی صفندی چکمشلر حتی اغاچ یاپراغنی
 اکل دخی ایتمشلردی !

شوصقندی بی جناب حق، مندفع ایلمشدی. حقت
 بر لطف مخصوصی اولمق اوزره دکر، [غبر] نامنده
 بیوک بر بالنی ساحله، قرمیه آمش او بالی ایله اسلام
 عسکری تمام یازم آی مرزوق اولمشدر. لکن حرب
 و قتال وقوعه کلدن عودت ایدلدی.

...

۵

سریه ابن الربی

[نجدده خضرهیه]

اصحاب کرامدن « ابوقتاده نعمان بن الربی » رضی
 الله تعالی عنه حضرتقلری اون بش نفر عسکر ایله برابر
 شهر شعبانده حرکت ایتدی. نجد دیارنده [خضره]
 نام محله ساکن بنی غطفان علیه اعزام اولنیور ایدی.
 جناب ابن الربی، غطفانیلرک بر ازینی قتل و درت نفر
 عورت ایله برقاق نفردده صیلرینی اسیر ایتدکن صوکره

ایکی یوز، اُس دوه و ایکی بیک قویون غنیمتله مظفرآ
 عودت و مدینه منورهیه مواصلت ایتدی که شو وقعده
 فرقه مذکوره، خارج مدینهده اون بش کون قالمشدی.

...

۶

سریه ابن الربیع

[بطن اضمه]

ینه ابوقیاده بن الربیع حضرتلری، سکر یوز نفر
 عسکر ایله سوق اولمشدی « بطن اضم » مدینه طیبیه
 اوچ مرحله مسافهده بریردره افسدیمز، مکه علیهنه
 حرکت ایچون بعض تشبثاتده بولندیغی زمان کندی
 نجد طرفیله مشغول کوستروب تشبثات و تدارکاتی اهل
 مکه دن صاقلامق فکر یله شوفرقه تجهیز و اخراج اولمشدی.
 یولده « عامر بن الاضبط اشجعی » نام کیمسهیه
 تصادف ایدلدی عامر، اسلامنی بللی ایدرک ایفاء تحیه
 الاسلام صدندده بولدره القاء کلمه السلام ایلدیکی حالد
 عسکر افرادندن « محلم بن جثامه » انی اسکی بر ماجرایه
 مبنی اوق ایله اولدیروب دوه سیله اشیاسنی مال غنیمت
 دیه الدی.

عالمك یندن صدور ایدن شو جنایتك وقوع
ائماندن جناب حق، اقی : [ولاتقولوا لمن اتى اليكم
السلام است مؤمناً . . .] آیت کریمه سیه نهی و تحذیر
بیورمشد .

اشبو آیت کریمه نك سبب نزولی ، بر روایت کوره
عالمك وجه مبسوط اوزره ابن الاضطلی روایت دیگره
کوره اسامه بن زید حضرت تلمیذك «مرداس بن نهيك» ی
قل ایتمشیدر : غالب بن فضاله حضرت تلمی ، بر طاقم
عسکرله ارض فدكه کولدرلدیکی زمان اهل فدك قورقو-
لرندن اطرافه طاغیلهرق مرداس قلمشیدی . سریه نك
بوکا تصادفده مرداس ، تماماً اظهار اسلام ایلدیکی حالده
اسامه ، انی قتل ایدوب قویونارینی مدینه منورهیه سوق
ایتدی . فقط کیفیت ، نظر رسول الله عین جنایت
کورولدرلک اقدیمز ، زیاده متاثر اولمش واسامهیه مع التوبیخ
اعتاق رقبه امر ایتمشدر .

ابوقناده ، معیتله کیری دونوب مدینه سعاده کلیرکن
رسول اکرم صلی الله تعالی علیه وسلم حضرت تلمی نك
مکيه حرکتلرینی «ذی خشب» منزلده اکلایهرق کندوسی ده
اردوی همایونه التحاق ایتك اوزره یولی تعقیب ایتدی .
و «سقیاء» منزلده یتشدی .

۷

فتح مکه

حدیبیه مصالحه سنده خارج مکه اولان قبائل عرب،
 مخیر بر اعلمش ایدی بناءً علیه ختام عقد مصالحه ده بنی
 خزاعه، در حال عهد و امان رسالت پناهی به داخل اولمش
 بنی بکر دخی قریشیلره التحاق ایتشدی :

ایکی طرفدن بری دیگر طرفه و دخیلارینه دخل
 و تعرض ایتماک شرط مصالحه ایجابانندن ایدی . لکن
 شو ایکی قبیله ارسنده عهد قدیمدن برو برودت و منا-
 قرت اولدیغندن بنی بکردن [نوفل بن معاویه] نام شخص،
 بر قاچ هوادار لرله بر لکده بنی خزاعه دن بر طائفه نك
 علیه قیام ایتشدر :

بنی بکردن بر آدم ، سید سکنه عالم صلی الله علیه
 و سلمی هجو ایدوب انی بنی خزاعه دن بر ذات هجودن
 منع ایچون دوکش یاره له مش ! . هاجی مرقوم دخی
 بالمراجعه بنی بکری تحریک ایا مشدر . بنی بکرك دعوتیه

قریشیارده فتاده حاضر بولمشلر. ولکن متکر اولدوق بولمشلر !

بنی خزاعه، و تیر اسمنده برصویک کنارنده ساکن ایدی. نوفل، انلری غارت ایتک اوزره علملرینه کیجه یورودی. بنی خزاعه. شدتلی مدافعه لرله بنی بکری رجعت قهقرایه مجبورایدهرک روایت کوره حرم شریف کعبه یه دکن سورمش و او زمان کندیلرندن یکر می مقتولده اولمشری.

بنی بکری بنی خزاعه علمنده کی شو معامله سی معا- هده واقعه نك خلاقی اولدینی کبی قریشک بنی بکری بنی خزاعه علمنده التزام ایتسی ده عین خلاف ایدی. قریشدن عکرمه ابن ابی جهل، صفوان بن امیه، سهیل بن عمرو، خویطب بن عبدالعزی، مکرز بن حفص نام رؤسا، کندیلرینی کویا بلای ایتماک ایچون یوزلرنده نقاب اولدینی حالده شو ماجرا ده بولمشلر !

وقعه، مدینه طیبه یه هنوز عکس ایتزدن اول کیفیت، طرف اشرف حضرت رسالتپناهیدن اصحاب کرامه اخبار بیورلمشدی :

قتالک لیلہ وقوعنده سید الانام علیه الصلوة والسلام افدیمز، زوجات طاهر اتندن ام المؤمنین میمونه رضی

الله عنها بك حجره سنده بیتوت بیورمش اولغله نصف
 اللیلده تجدید و ضوء ایچون خلوتخانه سعادتلرندن چیقمش
 ایکن اوچ کره: [ایک] صوکره ینه اوچ دفعه: [نصرت]
 تعیر شریفی لسان رسالتلرندن صدور ابتدکنی میمونه
 ایشیدوب:

— «یا رسول الله! بویله وقتسنز کیمکله قونوشدیکز؟»
 دیدی. رسالتپناه صلی علیه الاله اقدیمز:

— «خزاعه دن بنی کعبک راجزیدرکه بندن طلب
 نصرت ایدر و قریشک یاردمیله اوزرلرینه کیجه هجوم
 ایتدکلرینی سویلر»
 دیه بیوردیلر.

بروجه اخبار نبوی [عمرو بن سالم الخزاعی] قرق
 نفر سواری رفقا سیله برابر اوچ کون صوکره و روایت
 اخرایه کوره ایرته سی کونی حضور پر نور پیغمبری یه
 کلدی. رسول الله صلی الله علیه و سلم، اصحاب کرامیله
 برلکده مسجد شریفده اوطور مشلردی. عمرو ایچری یه
 کیروب پیشگاه رسالتپناهیده طوردی. و بث شکوائیه
 باشلادی:

یارب انی ناشد محمداً

حاف اینا وایه الاتلدا

قد كنت والدآ وكنا ولدآ
 نمت اسلمنا فلم نزرع يدا
 فانصر هداك الله نصر ابدآ
 وادع عباد الله يا نوا مددا
 فيهم رسول الله قد تجردا
 ان سيم خسفآ وجهه تربدا
 في فيلق كالبحر يجرى مزبدا
 ان قريشآ اخلفوك الموعدا
 ونقضوا ميثاقك المؤكدا
 وجعلوا الى في كداء رسدا
 وزعموا ان لست ادعوا احدا
 وهم اذل و اقل عددا
 هم يبتونا بالوتير هجدا
 وقتلونا ركما وسجدا

جناب رسالتآب افنديمز ، [حسبك يا عمروا] ديه
 اني اسكات ايدوب وعد نصرته ممنونا اعاده و متعاقبا
 تجديد مصالحه مقصديله ابوسفيانك مدينه يه كلك اوزره
 اولديغني و كلديكي حائده ده مكيه خائبا و خامرا عودت
 ايده جكني افاده بيورديلر .

ابو سفیان، قریشک شو معاملہ عہد شکنانہ سندہ
 ذی مدخل دکل ایدی . وقعہ نک تماس ایتدیکی جہتلر
 ملاحظہ ایدلکدن صوکرہ نقض عہد دیمک اولدیغی
 اکلاہرق یکدیکرینی تعیب و تقبیح ایتدیله . نہایت
 تجدید صلحہ چارہ ارامق اوزره ابو سفیانی حضور
 عالی رسالتہ اعزامہ قرار ویردیله !

نائرۂ قتالک قبیلتین ارہ سندہ اشتعال ایتدیکی —
 اخبار عن جانب الغیب اولہرق — مشکات صدر رسالتدن
 بارقہ نمای ظہور اولورایکن افندیمز : [اما ان هذا العارض
 لیخبرنی ان النصر یحی من عند الله] بیوردقدن صوکرہ
 اکا : [انظروا فان ابا سفیان یحی ویلتمس ان یجدد
 العهد] تبشیرینی ده علاوہ بیورمشدی . اندن زمان قلیل
 مرورنده ابو سفیان چیقہ کادی . تجدید صلح و تمديد
 معاهده فکرندہ ایدی .

اولا کریمہ سی و حلیہ جليلة المنزلۃ جناب
 رسالتیناہی [ام حبیبہ] رضی اللہ تعالی عنہایہ کیتدی .
 سعادتخانہ رسالتہ مبسوط اولان بساط شریف نبویہ
 اوطورمق اوزره ایکن ام حبیبہ منع ایدوب بساطی
 طی اتمکله ابو سفیان :

— « بساطی بندنی صاقینورسك یوقسه بنی بسا .
طدغنی ؟ »

دیه صوردی . ام حبیبه :

— « بساط . سید الانام علیه الصلوة و السلامکدر
سن مشرک و نجسک . سنی اوطورمغه قومم »

جوانی ویریرکن ابوسفیانک جانی صقیلهرق :

— « -ن بزدن ایربلهلی شر و آفته مصاب اولوب
اخلاقک دکشمش بوزولمش ،
دیدنی . ام حبیبه اکاده :

— « جناب حق ، بکا اسلام شرفنی احسان بیوردی .
سنگ قریش ارمسند . ریاست و دعوائی فطانتکله برابر
وحدانیت خدا و نبوت حبیب کبریائی انکارله بر طاقم
معمولات و مصنوعات بشریه دن اولان اشیاء خبیسه بی
معبود اتخاذ ایدیشکدن دهـا بیوک شر و قباحتمی
اولور . »

جواب حقارت آیزینی ویردیکندن ابو سفیان ،
اورادن منفعلاً قالقوب حضور رسالتپناهی به واردی . و :
[بن حذیبه مصالحه سنده بولندم مدت معاهده مزنی
تمدید ایدلم] دیه تجدید صاحب و مسالت استدعاسنده
بولندی حضرت پیغمبر : [-ن بونک ایچون می کلدک

یا ابا سفیان [دیه بیوردی . ابو سفیان ، اوت دیدی .
 رسول الله : « هل كان فيكم من حدث = يوقسه منافئ
 معاذه بر وقوعا تکرمی وار؟ » دیه تجاهل کوستردی .
 ابو سفیان : « معاذ الله بز صلح وعهدیمز اوزرنده بز تبدیل
 وتغیر ایتمیزه جوابی ویردیکندن رسول اکرم : [فتجن
 علی مدتنا و صاحبنا = مادام که سزده او یله بر حال
 حادث دکل تمدید وتجدیده لزوم یوق بزده صلح ومدتمز
 اوزرینه بز] دیه بیوردی که بوندن صوکره ابو سفیان
 ایچون دیه جک بر حرف بیله قالماش دیمک ایدی . مع
 مافیه ابوسفیان چاره بوله میهرق سوزینی بردها تکرارلدی
 فقط جواب قبول آله مدیغنه مبنی ابوبکر الصدیق ، عمر
 الفاروق رضی الله عنهما یه صره سیله مراجعت ایتدی .
 جناب ابی بکر ، رسول الله عائد بو مثللو اموره قطعاً
 وضع ید مداخله ایدمه میه جکی بیانیله جواب ویردی !
 عمر ایسه پک زیاده شدت اظهار ایدرک :

— « بندمی شفاعت امید ایدرسک؟ ایش بکا قالیرسه
 بر قارنجیه بی بیله کندیمه ارقداش بولورسم علیهمکزه همان
 حرکت ایدرم »

دیدی که بو، بیوک بر تهدید ایدی! انلردن صوکره

حضرت علی کرم الله وجهه نك خانه سینه گیتدی نزد
مرتضاه فاطمة الزهراء و یانلرنده حضرت حسن بر
صی اونهرق وار ایدی. ابو سفیان :

— « یا علی سن بکا قومك اك قرییسك کلدیکم
کبی بنی خائب کوندرمیهرك بنم ایچون حضور محمدیه
شفاعت ایت »

دیه رجا ایتدی. حضرت علی :

— « بز رسول اللهك عزم ایلدیکی شیئه قارشی
کندوسنه سوزسویله، میز »

دیمکه ابو سفیان فاطمة الزهرايه التفات ايله :

— « یا فاطمه ! زینبک ابو العاصی حمایه ايله قور-
تاردینی کبی سنده بنی جوار و حمایتکه الده قورتار »
دیدى. فقط اندن :

— « بن بر قادین کیمسهیم جوار و حمایه المدن
کاز »

جوانی الدی. اوزمان ابو سفیان، حضرت حسنی
کوسترهرك تکرار :

— « ای محمدك قیزی شو اوغلککه امر ایتزمیسك
تا که ناس بیننده جوارینی اعلان ایدوب دنیا طور دتجه
سید العرب اولسون »

دیدى. سوزى مفید اوله میهرق :

— « اوغلم چوجقدر جوار و حمایه نه اولدیغی

بیلمز »

جواب ردیه مقابله ایدلدی .

صوکره :

— « اوله ایسه باری علی به سویله »

دیدى. حضرت فاطمه :

— « سن کندک سویله »

دیدى .

ابو سفیان ، شاشیرمش یأس و حیرت هر طرفندن

احاطه ایتشدی ! جناب علی کرم الله وجهه افندیمره

رجا ایتدی. دیدى که :

— « یا علی ! ایشم مشکلاته اوغرا دی شاشیردم سن

بکا بر عقل ویر ! »

علی ، اکا :

— « سن هپسنک بیوکیسک طوغری مسجده

کیت ! طرفینی جوار و حمایتکه الدیغی اعلان ایت ! »

چاره اودر »

دیدى. ابو سفیان ، استیضاح ایدرک :

— « بو تدبیر کافی اولورمی دیرسک »

دیدی. حضرت علی :

— « بیلیم. فقط باشقه تدبیرده بولهئم »

جوابی ویردی . ابو سفیان ، شو تدبیری اجرا
ایتمک اوزره بر سائق مجهول کندوسنی مسجد سهله
سوق ایدوب کیتدی و :

— « ای ناس! آگاه اولیکیزکه بن. هرا یکی طرفی ده
کندی عهد و امانم التنه الدم. والله بنم عهدیمی کیمسه
قیرماز ظن ایدرم »

دیه اعلان امان ایتدی ! .

بو اعلاندن سوکره دوه سنه بینوب هان مکه یولنه
کیتدی. حالبوکه کندوسنی بو باده تصدیق ایدن یوغیدی!
اصحاب کرام ایسه تعجب ایدرک الک ارقه سندن بری
برینه باقوب کولشدیلر .

ابو سفیانک مدینه منوره ده مدت مکث واقامت بر
از امتداد ایتدیکندن قریش قومی انی قبول اسلام
تهمتله اتهام ایتشلردی .

ابو سفیان ، مکه یه کیجه واصل اولمشدی زوجه سی
هند، قریشک اتهامنی اکا بیان ایتدکن سوکره :

— « بوقدر اکلندی که کوره ايو بر حوادنله کلد کسه
ارککسک ! »

دیدى. ابوسفیان ، جوابده، ماهو الواقع نه ايسه انى
سویلدى. لیکن اوجوابدن هند، حدتله نرك:

— « یایدیغك ایش اومیدر »

دیملکه برابر قوجه سنك کوکسنه بر دپه اوردی!
ابوسفیان، قومك کندیسنى انهام ایتمسندن وقاریسك
شوبد معامله سندن طولای دنیایه کوسمش وتبرئه ذمت
ایچون صباحلین اساف، نائله نام بتلرك حضورینه کیدوب
شرفلرینه قربان کسمش و [فوت اولنجه یه دکن سزه
عبادتدن واز کچم] دیه انلره تقدیسی بر عهد و پیمان
ویرمشدی ! .

*
* *

اشراف و رؤساء قریش ، ابو سفیاندن صور دیلر:

— « نه خبر وار تجدید مصالحه ایتدکى »

ابو سفیان :

— « واللہ محمد [علیه الصلوة والسلام] دن تجدید

معاهده ایستدم. جواب اله مدم ابو بکره کیتدم خیر کوره مدم.
عمره مراجعت ایتدم بزه اک بیوک دشمن انی بولدم. دیگر
مسلمانلری برر برر کزدم. هر بری بر بهانه ایله بنی

باشدن ساودی. حکمدار ارینه بودرجه اطاعت ایدر بر
قوم ایستدم. تجدید مصالحه موقوف اوله مدم الحبق
علیک ارشادیلله کندم بر مصالحه عمومیه اعلان ایدوب
کندم! »

جوابی وردی. رؤسا :

— « یا او زمان سنی محمد [علیه الصلوة و السلام]
تصدیق ایتمیمی ؟ »

دیدیلر. ابو سفیان :

— « ایتمدی! فقط باشقه چاردهده بوله مدم »

دیه جواب وردی انک اوزرینه :

— « اوله ایسه سن هیچ بر ایش کوره مامشسک.
سنک کندی کندیکه اعلان ایتمدیگک صالحک نه حکمی
وار. علی، بیساغی سنکله اکنمش! . سن بزه صاح
خبرینی کتیرمدک که امین اولهلم. حرب خبرینی ده کتیرمدک که
صاقنهلم تدارکده بولنهلم »

دیه انی لوم وتوبیخ ایلدیلر.

• •

مذاکره — ابو سفیانک مدینه دن انفکا کندن
صوکره ایدی جناب رسالتا ب افدیمز، برکون حجره
سعادتن طیشاری چیقوب اوطوردی و :

— «ابوبکری چاغیریکز!»

دیه امر بیوردی ابوبکر کلدی. افندیملک قارشوسنه
اوطوردی بر مدت کیزلیجه مکالمه وقوع بولدی. سوز
یتدکدن صوکره افندیملر انی صاغ یاننه اوطورتوب عمر
الفاروقی ده چاغیردی. اودخی کلدی حضور نبویده
اوطوردی. وبر از محرمانه مکالمه اولندی صوکره بردنبره
یوکسک سسله عمر، سوزه باشلادی :

— «یارسول الله! انلر، ائمه الکفر در سکا ساحر،

کاهن دین انلردر یالانچی دین دم انلردر»

عمر، فنا حالده حدتلی کورینیور ایدی. فقط سبب
حدتی اصحاب کرامجه مجهول ایدی اراده سنیه رسالتینهای
شرفصادر اولمدقجه حضوره واريله میه جغیچون اصحاب
کرام حضراتی قارشیدن محاوره بی تماشا ایدرلردی .
اساس مسئله مباحثه نکه اولدیغنی بیلمدکاری حالده
یالانکز عمرک غضوبانه لاقردیلرینی ایشیدیر و باقشوب
طوررلردی .

مکالمه نکه ختامنده عمری صول طرفه کچیره رک دیکر

اصحاب کرامی چاغیردی . انلرده حضور پر نور رسالته
دیزلایلر. افندیملر، بیوردی که :

— سزه بو ایکی ارقداشکزک برر مثالی سوبله.

یممی ؟

اعباب کرام، جواب ویردیلر :

— « بیوریکز یار رسول الله ! »

بونک اوزرینه مبارک یوزخی ابوبکرک طرفنه چوروب :

— « الله یولنده ابراهیم، یاغدن دها مالیم ایدی،

و عمرک طرفنده توجهله :

— « الله یولنده نوح، طاشدن دها قانی ایدی لیکن

ایش، ینه عمرک دیدیکی اوزره در. سزه، همان سفره حاضر

اولیکز »

بیوردی .



مذاکرات واقعه نیک تدارک حقنده جریان ایلمش

بولندیغی تحقق ایتشدی مع مافیہ مسئله، ینه تمامیه اکاز.

شلمامش و تدارکک هانکی طرف علمینده ایدوکی

بیانه مامشدی. اصحاب کرام، ایشته اصل اوراسنی اکلا.

مق ارزوسنده بولندقلری حلاله سؤاله جسارت ایده.

مدیلر. عمر دخی غضبناک اولدیغندن اندن استیضاح،

دهشتی موجب اولمقدمه ایدی. فقط مجلس طاعله قدن

صوکره ابوبکرؓ تزدینہ واروب اندن صوردیلر. او
دیدى که :

— رسول الله ، قریش علیہندہ حرکت ایتک
خصوصندہ کی رأیی صوردی بندہ یا رسول الله ! انلر
سنک قومکدر نہایہ الامر ایمان و اطاعت ایدہ جکلرینی
بیایرسک دیدم بندن صکرہ عمری چاغیردی او بابدہ کی
مطالعہ سنی صوردی عمر ایسہ قریش علیہندہ شدت
عظیمہ اظهار ایتدی . واقعا قریش قومی تحت ادارہ یہ
المدقجہ قبائل سائرہ اله کلز انکیچون رسول الله ، سزہ
شمدی مکہ اوزرینہ سفرہ حاضر اولمکزی امرایتدی ،
شو جواب ، اصحاب کرامی تماماً خبردار ایتمشدی .
غزات کرام همان کرمی " تام ایله تدارکاتہ تشبث ایلمش
و رسالتپناه افندیمنز دخی غفار ، اسلم ، سلیم ، اشجع ،
مزینہ ، جہینہ قبیلہ لرینی [خدایہ و روز جزایہ ایمان
ایدنلر رمضان اوائلندہ مدینہ یہ کلسہ ونلر] دیہ دعوت
ایتمشدی .

قبائل مرقومہ . رمضان شریفک ابتداءسندہ مدینہ
منورہ یہ طوغری طاقم طاقم کلککہ باشلادیلر . شاعر
بدیع الماتر نبوی جناب حسان بن ثابت رضی الله عنه

حاضر تلری اهل اسلامی حربہ تشجیع ایچون وار
قوتنی لسان طلاقته ویرمشدی . رسول اکرم افندیمر
دخی بو خصوصده کی تشبثاتی اهل مکدن ممکن مرربہ
صافلامق ایستدی . حتی : [اللهم خذ علی اسماءهم و
ابصارهم فلا یرونی الا بغتة ولا یسمعون بنا الا فجأة]
دیه دعا دخی ایتمشدی . که مقصد همایونلری مقابله
ایچون حاضر لالغته وقت برآمدن قریشی بغتة
باصمق ایدی ! بطن اضم سریه سی ده ایشته انجق بو فکرة
بناء نجد طرفنه چیقارنشدی .

سریه نك طرف دیگره اخراجیله برابر مکه یوللرینی
طوتوب مواردینی قطعاً کسمک اوزره بنی خزاعه یی ده
تقاضره مأمور ایتمشدی .

* *

مکتوب — هیئت اسلامیجه شو مرتبه ده اهمیتلی
تشبیلر اجرا اولسدینی نازک بر زمانده ایدی تشبثات
وتدارکات واقعه یی اخبار ضمنتده مدینه دن رؤساء مکه یه
بر مکتوب یازلمشدر ! .

مکتوبك حاملی ، [ام سازه] نامنده برقاری ایدی .
مرقومه ساره ، بنی هاشمک ازادلیلرندن اولمقله برابر

رسول الله و اهل اسلامه عداوت ايدردى . وعداوتى
سبيله رؤساء مشركينه متفق ديمك اولديغندن انلره و
بالخاصه عبدالعزى بن خطله خواننده لك ايدر و رسول
كبريا عليهمده سويلنيان هجويه لرى محضر مشركينه تغى
ايله ايراد ايدوب حضارى اكلندي رير و اوسايه ده قريشك
نائل عطاياسى اولور كچينور ايدى . فقط بدر هزيمتندن
صوكره مكه جه حادث اولان حزن و ماتم ، مرقومه نك
اعتبار خوانند كيسى نظر رغبتدن دوشورديكندن ساره
آرتق ديانمك اوزره مدينه يه كلىشدى . شدت مضايقه
سندن بحاله حضور پر نور رسالته عرض حال ايتمش
اقديمز دخی اكا بردوه يوكى ذخيره احسان بيورمى .
حالبوكه حين معاوتنده ولى نعمتتک تشبثاتي عليهمده
النه ويريان مكتوبى كمال اهتمام ايله ايصال ايجون مكه
يولنه دوزلمش كيتمى .

رسول ذیشان، ايشه مطلع اولديلر . ودرحال [على
زير ، مقدار] رضوان الله عليهم اجمعين حضراتى
چاغيرتوب :

— « كيدىكز روضه خاخ نام محله وصـ ولىكزده

ایده دوه ایله کیدر بر قاری به تصادف ایده جکسکیز او
قاریده بر مکتوب وار آلوب کلیمکزه

دیدي اصحاب مشارالیهم حضراتی ، همان سیر سریع
ایله کیتدیلر . ساره ، روضه خاخدمه ایدی کیدیور ایدی
طور دیروب مکتوبی ایستدیلر . قاری انکار ایتدی .
اثواب و انقالی بالاعتنا تحری و تفحص ایلدکاری
حاله مکتوب بولمیدیغندن عودنه قرار ویردکاری
صرهده حضرت علی ، رفیق لرینه اعتراض ایدوب :

— « واللہ پیغمبر ، بالان سویلمدی و اکا سمان
بالان خبرده گلدی مکتوب محققدر که قاریده در ،
دیدي قیلنجی چکندی و :

— « چیقارم جقسک و الا اوستکدن البسه کی
صویوب سنی چیقلاق ایده جکم . رسول الله بالان سویلمزه
دیدي . بو تهیدید شدید قارشی ساره ، مکتوبی
صاج اور کولربنک اره سندن چیقاردی اللربنه و یروب
یولنه دوام ایتدی .

مکتوب مذکور ، آچلیدینی زمان ظاهر اولان
مضمون و امضا ، هرکسک نظر تحرینی جلب ایتدی :
[اما بعد یا معشر قریش ! فان رسول الله صلی الله تعالی

عليه وسلم جاءكم بجيشٍ كالليل يسير كالسيل . فوالله لو
جاءكم وحده لنصره الله و انجزله . فانظروا
لانفسكم والسلام] شومكتوب ، كبار اصحاب كرامدن
[حاطب ابن ابى بلتعة اللخمي] حضر تلرندن ايدي .
بودرلو حر كته حمل و تحريض ايدن سبب و ماده نك تحقيقنه
لزوم كوريله رك مشاراليه ، هان حضور رسالنه جلب
اولندي :

— « يا حاطب ! ندر بو ؟ »

بيورديلر . حاطب :

— « يا رسول الله ! سويليهيم عجله ايمه ! قريش
ايچنده اهل و عيالم وار فقط انلري حمايه ايدم جك
عشيرتم يوقدر . شو وسيله ايله مكده برال پيدا ايديم
مطالعسنه مبنى جرء ايتدم يوقسه بن مؤمنم ايمانده ذره
قدر خلل و قصورم يوقدر »

ديه جواب ويرديكندن عمر الفاروق حضر تلري ،
اكا : [الله سنك جاتكي السون رسول اللهك يوللري
او قدر اهميتله طوتيرديغنى كورديكك حالده سن قريشه
معلومات ويره يورسك] ديه سويلد كدن صوكره :

— « يا رسول الله ! اذن ويرده شو منافقك بوينى .

دیدیکی حالدہ رد بیورلمشدر :

— یا عمر ! حاطب ، بدر غزاسنده بولندی .
نه بیلمسك بلکه جناب حق ، اصحاب بدره هر نه
یاسه کز بن سزی عفو ایشمدر دیمش اوله »
جناب عمر الفاروق ، کوزلرندن یاش آققده
اولدینی حالدہ سکوت ایتدی .

سفره دعوت اولسان قبائل متجاورده دن بر چوق
ذوات مدینه طیبه یه طویلاشمشدی . رسول مکرم اقدیمز
[ابرهم کلثوم بن حصین الغفاری] رضی عنه الباری
حضر تلمیذی مدینه ده مأمور براغوب رمضان شریف
اونجی چهارشنبه کونی معیتده اون بیک نفر عسکر
بولدینی حالدہ صائماً مکیه طوضری حرکت وعزیمت
بیوردی .

شو مقدار عسکرک یدی یوزی مهاجریندن ، درت
بیکی انصاردن بیکی مزینهدن ، درت یوزی اسلمدن ،
سکز یوزی بنی جهینه دن ایدی مهاجرین عسکرنده
اوچ یوز ، انصارده بش یوز ، مزینه ده یوز ، اسلمده
اوتوز ، جهینه ده الهی رأس ات وار ایدی .

اردوی هایونک ابواء منزله دیگر قوله کوره سقیاء
ایله صرح مایننه وصولی صرمده عم زاده نبوی « ابو

سفيان بن الحارث بن عبدالمطلب، و انك اوغلى « جعفر
ابن ابى سفيان » و عاتكة بنت عبدالمطلب اوغلى و ام سلمه
حضرتلرينك برادرى « عبدالله بن ابى اميه بن المغيرة » به
راست كلديلىر . بونلر ، مككدن مدينه منوره به هجرت
ايتمكده ايديلر .

ابو سفيان ، رسالتپناه افنديمرك حليمه دن رضاعاً
قرنداشى اولدينى و زمان بعثدن اوللرى محبت والفق
بولندينى حالده بعثدن صوكره ديكر قريش افرادى
مثلو عداوت مسلكنى طوتمشى . رسول كبريا علمنده
شاعرانه لسان استعمال ايدردى !

بوكره طرفلرينه هييج التفات بيورلمديغندن طولايى
ابو سفيانك كوسترديكى تاثر و اضطراب ، مستلزم شفقت
اوله رق امهات مؤمنيندن [ام سلمه] رضى الله عنها
حضرتلرى ، شفاعت صددنده افنديمزه :

— « يا رسول الله ! لا يكن ابن عمك و ابن عمك
اشقى الناس بك »

ديدى . جناب على دخی انلرى طريق نجاته ارشاد
ايچون ابو سفيانه :

— « رسول اللهك وجه شريفنه مقابل اوله رق

حضور عالیجنه کل و [نالله لقد آتک الله علینا و انا کما
خاطمین آدی .

دیدی . ابوسفیان ، تنیه جناب مراتضی اوزره حرکت
ایته ی . واکا مقابل رسول کبریادخی : « لا تتریب
علیکم الیوم یغفر الله لکم و هو ارحم الراحمین » جوابی
ویردی . متجیلرک عذرلری ارتق قبول بیورلمشدی .
لکن روایت کوره ابوسفیان ، اندن صوکره حجابندن
باشنی قالدیروبده . وجه پاک احمدنی به طوغری برنظار
ایده مامشدر ! . ذو الخلیفه مک سقیاء منزلهده حضرت
عباس رضی الله عنه ، تصادف ایتهدی . اوده ارتق اظهار
اسلام ایده رک اهل و عیالیه برلکده مدینهیه هجرت
ایده بور ایدی . رسول الله صلی الله علیه وسلم ، انک هجر-
تندن پک زیاده محظوظ اوله رق :

— « یا عباس ! سن مهاجرینک خاتمه سی اولدک »
بیوردیلر . عباس ، یاننده کی اشیا سنی مدینه منورهیه
کوندره رک کندوسی او منزله اردوی سعاده قایلیدی .
افندیمز و معیتی هنوز صائم ایدیلر . یولده عسفان ایله
قدید بیتنده [مدید] نام صویه مواسلت اولندیغی زمان
افندیمز کندوسی صو ایله افطار ایدوب هرکسک دمغیر
ایدوکنی اعلان ایلمشدر آندن صوکره شهر رمضانک

انسلاخه دكين هپ مفطر بولنديلر . بنی سلیم عسکری
 قديد منزله اردوی هایونه التحاق ایتدی افندیمز ،
 بو منزله الویه و رایات عقد ایدوب بنی سلیم عسکرینه
 برلوا ایله بر رایت ، بنی غفاره بر رایت ، بنی اسلمه
 ایکی لوا ، بنی کعبه بر رایت ، بنی مزینه اوج لوا ، جهینه
 درت لوا ، بنی بکردن بر جماعت مسلمیه برلوا ، بنی
 اشجه ایکی لوا ویردی . بنی کعبه ویریلان رایتی « ابو
 شریح خویلد بن عمرو » الله آلدی .

اورادن کیجه یاتسوزماننده [مرالظهران] واردی .
 مرالظهران ، مکیه درت فرسخ مسافهده برمنزلدر .
 حالبو که قریش ، هنوز مادهدن خبردار دکلدی .
 بنی خزاعه ، طریق مواردی اولجه قطع ایتمش بولندیغندن
 و قتیله قریش ایشه اطلاع حاصل ایدمه مامشردی مع مافیه
 اهل اسلام طرفندن امنیتلری یوغیدی انکیچون خوف
 و خشیت اوزره ایدیلر . ایشه اوراده یعنی مرالظهران
 نام محله اون بیک آتش یاقلمسنی افندیمز عساکر
 مسلمینه امر و فرمان بیوردی . مقدم هایون ، بیوک
 بر آتش دونماسیله قریشه اعلان و اعلام اولندی ! .
 رؤساء قریش ، علماهنده کی حرکتدن امین اوله .

مدقارندن صوك درجه ده حيرت و تلاشه دوشديله.
 رئيسلى بوانان «ابوسفیان» كينه پاىگاهنه وارديلر
 ابوسفیان دخی «حكيم بن حزام» و «بدیل بن ورقاء»
 ايله برابر اولوب مرالظهرايك اوزرنده كي ديه جيقدي.
 كوزينه دهشتلى بر آتش دونماسى كورندي ابوسفیان،
 بردنبره ديه جك برشى بوله مدي او آتش دهشتناكه بر
 معنی ویره مدي آنجق :

— «عرفه آتشرينه بکزره»

ديه بيلدي. بدیل ايسه :

— «بنی عمروك آتشريدر»

ديرکن ابوسفیان :

— بنی عمرو، بوندن آز دره»

سوزيله مقابله ايتدی. شو محاوره دوام ایدرکن
 مراوچی ده اردوی همایون قاره قولنك الله دوشديله
 اوکیجه عباسك ذهني بعض ملحوظات تخدیش
 ایتکده ایدی. فکرنبه شو اردو، قریش اوزرينه
 غفلتله مکيه کیره جك اولدینی تقدیرده بیوک برفسالق
 وقوعی محقق ایدی بناء علیه او محذور ملحوظ وقوعه
 کلامك اوزره همان دخالتله مسارعت ایتلمیچون عباس،
 واسطه بولوب ده قریشه خبر ویرمك جهتی تصورايتدی.

رسول الله بك بغلة بيضاي سعادتلرينه بينوب اردوى
مسلميندن طيشارى چيقمشدى . قاره قوللارك الله
دوشمش اولان ابوسفیانك سنى اوزاقدن ايشتىدى .
صوردی :

— « ابوخنظله ميدر [۱] »

جواب كلدى :

— « اوت »

اوراده بولوشديلر. ابو سفیان دیدى كه :

— « بو نه علامتدر يا ابا الفضل! »

او سؤاله عباس، دهشتلى بر جواب ويردى : [هذا
رسول الله فى عشرة آلاف فاسلم ثكلتك امك] كلان،
رسول اللهدر وعساكر مسلميندر اكر شو اردوى
عظيم، عنوة مكيه داخل اولور ايسه قریش نامى محو
اولمش ديمك ايدوكنى بيلديرمك ايستى! .

ابو سفیان، ارتق رجايه باشلامشدى . روايته كوره
ابو سفیان ، قاره قوللارك الله دوشنجه محافظه فرقهسنه

[۱] ابوخنظله، ابوسفیانك برديكر كنيه سيدر خنظله بن
ابى سفیانك يوم بدرده جناب على طرفندن قتل ايدلديكى جلد
اولك بحث مخصوصنده محرر در .

او کیجه مأمور بولسان حضرت فاروقه تبشیر و اعلام
کیفیت ضمیمه :

— «جشاک بنقر اخذناهم من اهل مکه،

دیدیلر. عمر ممنونیتنی بیان ایدرک :

— «کتیردیگکز آدم باری ابوسفیان اولسیدی،

دیمشدی .

حضرت عباس ، ابو سفیانی بغله سعادتك اردینه

پیندیروب حضور رسالته کتوردی عباس ، چادرلرک

اوکندن چکرکن [عسکر ایچنده بویه ناهنگام کزن

کیمدر] دیه اصحاب کرام دقت ایدوب عباسی کورملریله

برابر [عم رسول، عم رسول] دیر وچادرلرینه کیرر -

لردی عمر ایسه چادیرینک اوکنده هر آتشدن بیوک

بر آتش یاقمشدی .

عباس، الک حذاسنه کلدی . عمر، ابو سفیانی او

زمان کوردی. کفار حقننده کی غیظ وشدنی مزداد اوله رق

دیدی :

— «یاعدوالله ! سنده نه ایمان وار نه امان !. باقکه

شمدی بن سنک بوینکی ناصل اورم جغم »

عمر، شو فکرینی اجرایه رخصت المی ایچون خیمه

سعاده طوغری یورودی عباس ده سرعتمیوب دربار

سعادتہ یتشدی ہر ایکسی دہ حضوردہ ایدیلر لکن
بری ابو سفیانک شدتلہ علیہندہ دیکری لہندہ ایدی.
عمر الفاروق، جناب رسالتہ:

— «یا رسول اللہ! شو آدم، اللہک دشمنیدر نہ
ایمانی وار نہ امانی! اذن ویردہ همان شمدی بونی
اوریم،
دیرکن عباس:

— «یا رسول اللہ! بن ابو سفیانہ امان ویرمشم،
دیدیکندن فیخر عالم افندیمز، ابو سفیانک امتحان
قلبی ضمنندہ:

— «یا اباسفیان! مسلمان اولکہ سلامتی بولہ سک»
بیوردیلر. ابو سفیان ایسہ:
— «یالات و عزای نہ یایہیم؟»

جوانی ویرمش و عم مکرملریلہ حضرت فاروقک
او مسئلہدہ کی فکر و اجتہادلری دہ متخالف بولمش
اولدیغنه باقرق اندن صوکرہ رسالتہناہ افندیمز، عباسہ.
— «بو کیجہ ابوسفیانی چادرکہ حبس و توقیف
ایتدہ صباح یانمہ کتیر ایجابنہ باقارز»
امرینی ویرمشدر.

ابو سفیان ، او کیجه عباسك چادرنده موقوف
 قالمشدر . صباحین عسکر اسلام ، صباح نمازینك آبدستی
 ایچون مبادرت ایدر لرکن ابو سفیان بر کره قورقش
 سوکره هپسی رسول الله مقتدیاً جماعتله نمازه طور ونجه
 هنوز امامت و جماعت رکوع و سجود بیلمیان ابوسفیان ،
 اسلام جماعتك ارکان صلاتده امام هماملرینه صورت
 اطاعت و اتباعلرینه حیرتله [بن ، بونك کبی بر ملک
 دها کوردم] دیمکله برابر قریش ایچون غفو و امان
 مقصدنده اولوب اولمدیغنی اکلامسفی عباسدن رجا
 ایلمشدر .

عباس ، ابوسفیانی خیمه سعاده کتوردی . رسالتناه
 صلی علیه الاله افندیمنز ، اکا صورتدی :
 — « یا ابا سفیان ! هنوز لاله الاله الله ديه جکک وقت
 ایریشمدیمی ؟ »

ابو سفیان ، جواب ویردی :
 — « یا محمد [علیه الصلوة و السلام] سن نقدر
 کریم ، نقدر حایم ایمشک انام بابام سکا فدا اولسون ! .
 اللهمدن باشقه بر الله دها اولسیدی قریشك حالی بویله
 اولزدی »
 نبی مکرم ، تکرار صورتدی :

— و یا محمد رسول الله ديه جكك كلدیمی؟

ابو سفیان، اكا قارشى بر از تلعم ایتك ایسته یه رك:

— « بونك ایچون بر از مهلت ویرا. زیرا هنوز

شبهه دن قور تیه مدم »

دیر كن عباس، انی غیابة الجب هلاكه دوشور مامك

اوزره در حال یدكله دی. و زمین نصیحتده :

— « یا ابا سفیان! و یحك اسلم و اشهدان لا اله الا الله

و ان محمداً رسول الله قبل ان یضرب عنقك »

دیدى. عباسك بوسوزی ایسه هم جدی و خیر خواهانه بر

نصیحت، هم ده بر ته دید عظیم دیمك اولدیغندن ابو

سفیان ارتق اظهار اسلام ایتدی .

ابو سفیانك طرف اشرف رسالت پناهیدن مهلت

استدعاسنده بولندیغی ساعتده جناب فاروق، شمشیر

بدست اولدیغی حالده خیمه سعادتك خارجنده گزینیر

و : [آه ابو سفیان سن شمعی طیشاریده اولسیدك

بویله لاقردی ایدم مزدك] ديه حدتندن کندی کندینه

سویلنیر ایدی .

ابو سفیانك قبول اسلام ایتدیكى کون عین زمانده

[حکیم بن حزام] ایله [بدیل بن ورقاء] دخی مسلمان

اولمشلردر .

حکیم، دیمشدی که:

— «یا رسول الله! ناسک بر طاقم اوباشیله قوم
و عشرتکی قیرمغرمی کلدک؟»

بوکا رسول الله صلی الله علیه وسلم:

— «قریش، بوبابده اظلم و افجردد. سبز، حدیبیه

دهکی مصالحه مزه قارشنی غدر ایتدیکز. خزاعه دن بنی
کعب علیه حرم بیت الله ده اتم وعدوان ایله نجاسهر
و نجاسر ایلدیکز.»

دیه بیوروب بدیل بن ورقاء خزاعی:

— «والله یا رسول الله! قریش، بزه غدر ایتمشلردر.

اگر قریش، طرفدارلق ایتمش اولمسیدیلر بنی بکر، بزه
بو درلو مامله ده بولنه مزلردی،

دیه تصدیق ایتدیکندن حکیم:

— «قد کنت یا رسول الله! حقیقاً ان تجعل عدتک

و کیدک لهوازن فانهم ابعد رحماً و اشد عداوة،

دیمکه مجبور اولمش بوکا حضرت نبی اکرم:

— «انی لارجو ان یجمعها لی ربی فتح مکة و اعزاز

الاسلام بها و هزيمة هوازن و اخذ اموالهم و ذر اریهم،

دیه مقابله ایتشدر. ایشته بو صروده ایردی که

ابوسفیان:

— « یا رسول الله! قریش، شو ایشدن کف ید ایلہ
اعتزال ایتسہلر آمن میدرلر »

دیہ صوردی، افندیمز:

— « نعم من کف یدہ و اغلق دارہ فهو آمن =
اوت کیم کہ الی بو ایشدن کری چکوب خانہ سی قبوسنی
اوزرینہ قباہ آمندر »

دیہ بیوردی . حضرت عباس رضی اللہ عنہ دمہ:

— « یا رسول الله! ان ابا سفیان رجل يحب الفخر
فاجعل له شيئاً = ابو سفیان ، فخر و مباهاتی سور بر
آدمدر . بو کون کندوسیچون مدار افتخار اولہ جق
برشیلہ انی ممتاز بیوریکز تا کہ قومی بینندہ انکله افتخار
ایتسون »

دیدی . حضرت پیغمبر :

— « نعم من دخل دار ابی سفیان فهو آمن ومن
دخل المسجد فهو آمن ومن القى سلاحه فهو آمن ومن
اغلق بابہ فهو آمن و من دخل دار حکیم بن حزام
فهو آمن »

بیورمش و برلوا عقدایله ابورویحیہ بالاعطا: [ومن
دخل تحت لواء ابی رويحة فهو آمن] دیہ ندا ایتسنی

اكا امر ايندكدن سوكره ابو سفيان ايله حكيم وبديلى
 وادينك طار بر محلنده طورديروب عسكرى كوسترمسنى
 عباس رضى الله عنه امر صددنده افنديمز :

— « احببه عند حطم الحيل حتى تمر به جنود الله
 فيراها = ابوسفيانى اردونك كچه چكى طار بريره
 كنوركه اللهم عسكرى كورسون ،
 بيورمشدر .

خانه سنده هر كسك امين و آمن اولملى امتيازىنك
 قيمتى تقدير ايتمكه برابر خانه مى قرىش مستامنلرندن
 بك آز بر مقدارىنى آله بيلوب او حالده طيش اريده بك
 چوق كيتمه لرك قاله جقلىرىنى ابو سفيانك عرض عتبه
 عايضا ايتمى ، ابورويحه يه لواء الامان اعطاسنه سبب
 اولمشدى .

عباس رضى الله عنه ، ابو سفيانى الوب بر كچيده
 كنوردى . ابو سفيان كچيده عسكرك مرورىنى تماشا
 ايتمكه عسكردخى فوج فوج كلكده ايدي . بر بلوك
 عسكركه اشارتله :

— « شو كيملردر ؟ »

ديدى . صوردىنى بلوك ، سيف مسلول الهى حضرت
 خالد رضى الله عنه قومانداسى التنده بنى سليمندن بيسك

نفرلی بر فرقه ایدی. حذایه کلدکلی آند هپسی بر
اغزدن تمکیر کتیردیلر .

عباس، ابو سفیان:

— « خالد بن الولید »

دیه جواب ویردی. ابو سفیان :

— « ها شو بزم ولیدک اوغلی خالد می ؟ »

دیددی. عباس :

— « اوت »

دیددی .

خالدک او فرقه سندن صوکره [زییر بن العوام]
رضی عنه السلام حضرتلرینک درت یوز نفری حاوی
زرهلی مهاجرین یکتلری دخی حذایه کلوب کذلک
تمکیر آلبرکن ابو سفیان :

— « بونلر کیملردر ؟ »

دیددی عباس :

— « زییر بن العوام »

جوابی ویرنجه ابو سفیان :

— « ها همشیره زاده کز می ؟ »

دیوب [اوت] جوابی الدی .

اندن صوکره [ابو ذر الغفاری] حضرت تارینک بنی
غفار فرقه سی کچور ایدی . ابو سفیان صورتی :
— « بونلر کیمدر ؟ »

عباس :

— « بنی غفار ! »

جوابی و بر مکله ابو سفیان :

— « [مالی و اغفار] یعنی انلرله یینمزده کچمشمز
یوقدر »

دیدي .

انلردن صوکره خزاعه قبیله سنک مهم بر شعبه سی
بولنان بنی کعبدن بشیوز نفر سواری و آنی متعاقب سکر
یوز نفر مزینه تیر اندازلری و انلرک ارقه سندن ده بنی
لیث ایله بنی ضمره نک دوت یوز نفر دلاورلری کچدی .
انلردن صوکره بنی اشجع کچور ایدی . ابو سفیان
صورتی :

— « بونلر کیمدر ؟ »

عباس :

— « بنی اشجع ! »

دیدي . ابو سفیان اظهار استغراب ایدی :

— « سبحان الله محمد [عليه الصلوة والسلام] لك اك
قوى دشمنی انلر ايدیلر شمدي مطیع اولدیلر »
عباس، او زمان اكا جواباً :
— « نور اسلام، انلرك قلیلرینی منور ایتمش که اوده
اللهك بر فضل و عنایتیدر »

دیدي. ابوسفیان حیرتده قالمشدي! ملی ویاخود جبلی بعض
اسبابدن طولای چوق زماندنبرو بینلرنده منافرت موجود
اولان بونجه قبائل مختلفه یی از زمان ایچنده اداره واحده
آلته الوب خبر سرجه مکیه دکن همان سوق ایده.
بیانمک نه بیوک اقتداره توقف ایده چکی ملاحظه سیله
ذهنی اشغال ایتمش طور یور ایدی! .
ابو سفیان شو ملاحظات ایله مشغول ایکن اصل
موکب هایون قارشیدن ظهور ایتشدرد! که سواریلرك
و زرهلیلرك منتخبلرندن اولمق اوزره بشیک نفرلی بر
فرقه مخصوصه ایدی .

فخر کائنات افسدیمز حضرتلری ، قصواء نام ناقه
هایونلرینه شرف انداز اولدقلری حالد امام جلیل
الهمام والالرنده [سعد بن عباد] رضی الله عنه رایت
سمادتی طوتیور و طرف اشرف یمینده صدیق اکبر ،

جانب سنی المناقب یسارنده [اسید بن حضیر] رضی الله
تعالی عنهما حضرت تری ، شرف مصاحبت ایله متشرف
بولیور لر ایدی . مهاجرین و انصار کرام حضرت ائی ده
کیمی راجل ، کیمی راکب اول حضرتک اطرافنی احاطه
ایدوب جمله تکبیر لرله کایور لر دی .

صداء تکبیرک فضا ده حاصل ایندیکی عکس و اهتزازک
تمایان اولان قدسیتی ، [لولاک لولاک لما خلقت الافلاک]
سری تشریح ایتمکده و شو موکب مغبوط الکواکبی
لسان نصرت [علیک عون الله] دیه القشلامقده ایدی .
ابو سفیان موکب هایونی اوله بر هتیده کورر
ایکن عباسه :

— « یا ابا الفضل ! لقد أصبح ملک ابن اخیک
ملکاً عظیماً » — یا ابا الفضل ! برادر زاده کک ملک
وسلطنتی بیومشدر ! »

دیملکه عباس ، انی :

— « صوص ! او سلطنت دکل نبوتدر »

سوزیله رد ایتدیکنندن ابو سفیان دخی :

— « اوت نبوتدر »

دیه سوزینی دکشدیرمشدر ! . موکب هایون ارتق

يا قلاشمشدى ! ابوسفیانك مواكب سائرده كورمديكى
برهیتله كليور ايدى .

فرقه انصارك علمدارى بولنان [سعد بن عبادہ]
حضر تلى راتى حامل اولديغى حالدہ ابوسفیانك حذاسنه
كلديكى زمان :

— « يا ابا سفيان ! اليوم يوم الملحمة ! اليوم
تستحل الكعبة »

ديه سويامش ايدى. ابو سفيان ، سعدك بوتهديديله
دهشتلر ايجنده قالمغله عباسه توجه ايدرك :
— « حبذا يوم الدمار »

دعشدر. موكب همايون تمام حذايه كلشدى. ابوسفیان،
او آنده حضور رسالته كیدهرك معرض شكایتده :

— « الم تعلم ما قل سعد بن عبادة ؟ »
ديرکن وارد اولان :

— « ما قل ؟ »

كلام استفهام نبويسنه مقابل سعدك بياناتنى ايراد
ايتمش واکا قارشى طرف اشرف رسالندن :

— « كذب سعد . ولكن هذا يوم يعظم الله فيه الكعبة
«يوم تكسى فيه الكعبة»

جواب تبشيرنى المشر محمد بن اسحقك روايته كوره :

سعد حضرت تلمیذ ابوسفیانہ اولان تہدید بی مهاجر بن کرامدن
بری [عمر الفاروق رضی اللہ تعالیٰ عنہ (۵)] ایشیدہ رک
حضور رسالتیناہی بہ کیتدی. و :

— «یا رسول اللہ! ما آمن ان يكون لسعد في

قریش

دیہ بیان رأی ومطالعہ ایندی. اندن صوکرہ رسول
مکرم افدیمزده جناب علی بی :

— «ادرکہ! فخذ الراية منه ! فكن انت تدخلها»

فرمانیلہ بالا رسال سمعک البدن رایت سعادت
الدر مشدر . فقط شو شرف عامداریدن محرومیت ،
سمعک خاطرینی تغیرایده چی . لاحظہ سیلہ رایت ، اوغلی
قیس بن سعدہ ویرلدی . سعد حضرت تلمیذ عامدارلقده
رضاء شریف رسالتیناہی بہ . موافق صورتده اوغلتک ایفای
وظیفہ ایدہ بیلمسندن امین اولہ میہرق اندن التمسینی رجا
ایتدی الک اوزرینہ قیسندن نزع ایله زبیر بن العوام
حضرت تلمیذہ تسلیم ایدلدی .

ذی طوی نام محلہ وصول زمانندہ رسول اکرم
افدیمز ، اردوی هماونلرینی آدہ توقیف ، ایتشدی . کہ

[ه] قال ابن هشام : الرجل المذكور هو عمر .

بوکا کلنجیه دکین حرکت اسلامیه دن قریش خبردار
 اوله مامشدی انجق اردونک ذی طواده کی توقی ائساننده
 قریش شبهه لهرک تحقیق کیفیته قیام ایدرکن علیهلرینه
 واقع اولان حرکتدن معلومات اله یللمشله ابوسفیان ده
 عباسک یانندن ایزیلهرق مکّه یه طوغری سرعتله کیتدی.
 قریش ایسه انک باشنه طوپالانوب دیدیلر :

— « یا ابا سفیان ! کلان کیمدر ؟ »

ابوسفیان :

— « وای حالکیزه که قارشو طورمه میه جغکیز بر قوت

ایله محمد اوزریکزه کلیور ! »

دیه انلری مژده لهدی ! اندن صوکره قریش :

— « محمد نه دیدی ؟ »

دیه صوروب :

— « ابوسفیانک خانه سنه ، مسجده کیرنلر و خانه سنده

اوطوروب قپوسنی قاپایانلر امیندر دیدی »

جوانی الیرلرکن حدت و حیرتلرندن :

— « الله ، سنی رذیل ایتسون ! بوناصل خبردرکه

بژه سویلیورسک ! »

دیدیلر. ابوسفیان ، باشقه چاره بوله میهرق :

— « ای جماعت ! قبول اسلام ایدیکز ا سلامتی
بولورسکیز »

دیمشدی . اوزمان زوجہ سی معہودہ ہند ، حدتندن
حجوم ایدوب ابو سفیانک صقالی طوتدی . و :

— « ای آل غالب شومعتوہ حریفی اولدیریکیز .
دیہ باغیردی . ابوسفیان :

— « براق صقالی ! واللہ مسلمان اولمزشک قتل
اولورسک ! ہایدی کیت یریکہ اوطور ! »

تہدیدیلہ انی بالاسکات خانہ سنہ اعزام ایتک ارزوسندہ
بولاندی . ہنددہ خانہ سنہ قاپاندی

مکہ خلقنی ہیجان عظیم استیلا ایتشدی . کیمی ابو
سفیانک خانہ سنہ ، کیمی حرم شریفہ ، کیمی گندی خانہ سنہ
قاپانیر ، کیمی دہ حیران و سرکردان طولاشیر ایدی . مع
مافیہ ابوسفیانک اسلامی سبیلہ اکثر قریش ، مسلمانلغہ
مائل اولمشیدی [سہیل بن عمرو ، عکرمہ ابن ابی جہل ،
صفوان امیہ] بنی بکر ایلہ بنی حارث و بنی ہذیل ،
احا بیش قبیلہ لرندن بر مقدار عسکر ایلہ اسفل مکدہ
خندمہ نام محلہ محاربہ یہ حاضرلندیلر .

حضرت زبیر بن العوام رضی عنہ السلام مہاجرین
کرام ایلہ برابر [ثنیۃ علیا] دن کیروب خاصہ سنجاغنی

حجو نده دیکمه و رسول الله کندوسنه يتشـنجه به قدر
 ایلویه وارماغه واسلم ، غفار ، جهینه ، مزینه و قبائل
 ساثره عسا کريله برابر خالد بن الوليد حضرت تلرینک ده
 اسفل مکده واقع [لبطه ، خدمه] یولاريله کوروب
 سنجاغی بیوتک طشره سنده دیکمه طرف اشرف رسالتدن
 مأمورا و لشردی ابو عبیده عامر بن عبدالله الجراح حضرت تلری
 دخی برجماعت ايله اهل مکنک سلاحسز طاقنک اوزرینه
 بطن وادی یولندن حرکت ایدم جکدی قریش طرفندن
 تشهیر سلاح ایدلمد کجه محاربه وقوعه کتیرلما سی امراء
 مشارالیه حضرتانه شدیداً امر و تنبیه اولندی . بناءً
 علیه کیمسه به تعرض ایدلمیه رک کمال آداب و تعظیم ايله
 مکة مکرمه به کیرمک اوزره اردوی هایون قول قول
 یورودی . سردار کتیبه اصفیاء حضرت حبیب کبریاء
 اقدیمز دخی [اذاخر] طریقله مکة مکرمه به توجه
 بیوردی . ذی طواده مجتمع اولان عسکر مسلمینی و هر
 برینک امر دینده ابراز ایتدیکی اطاعت جانسپارانه
 و بسالت فداکارانه سنی و برده حین هجرتده مکده
 و مکة یولارنده مصادف اولدقلری احوالی و بوکون
 حق هایونلرنده تجلیساز اولان لعاف عال العال ذوالجلالی

موازنه و ملاحظه ایدرکن حس شکران ایله حاصل
اولان تواضعلرندن ناشی سرمعالی افسر رسالتپناهیلرین
اول قدر اشاعی به اکملردی. که مبارک لحیه شریفه لری
نافه هامونلرینک پالاننه ایریشمشدی. اهل مکه تعرضه
جرمت ایدمه مدی. انجق خدمه ده خالده قارشى طورمش
اولان مکلی و منفقری تشهر سلاح ایتدیلر بالضروره
مقابله ایدیلرک جمعیلری طاغیدلمشدر.

جمعیت منهزمه فراریلرینک بر اوجی مسجد الحرام
قبوسنه قریب حزوره محلنه منتهی اولمشدی.

ذی طوادن حرکت بیوریله جفی اشاده و دیگر بر
روایت کوره مکیده دلوللرندن صوکره افندیمز، ابوهریره
واسطه سیله انصار کرامی حضور عالیلرینه چاغردی و
محضر انصارده قریشی مراد ایدمک :

— « قریش قومنک اوباشنی کورور میسکز ؟ »
دیدکدنصوکره مبارک برالن — مقبوض مفروضی
یچر کبی — دیگر الی اوزرنده حرکت ایتدیرمک :
— « احصد و هم حصداً حتی توافونی بالصفا =
— انلری اکین یچر کبی یچیکز ! تا که صفاده
بکا ملاقی اولنجیه دکن ! »

دیه اجرای قتال ایچون انصار کرامه اجازت ویردی اشبو
اجازتک دخول مکهدن صوکره خدمه ده خالده قارشی بعض
اهل مکهدن حرکات اوباشانه سی اوزرینه شرف صدور ایتمش
اولدینی ده مرویدر .

ابو هریره دیر ایدی که :

— « اجازت اوزرینه بز در حال یورودک الیمزه

یکنی اولدیردک »

ابوسفیان، ایشته اوپله دهشتلی بر حالده حضور عالی به
کیره رک معرض شکایتده: « ایحت خضراء قریش لاقریش
بعد الیوم = قریش کزیده لرینک قانی دو کولدی قالمدی ،
دیدیکه چون طرف اشرف رسالتدن: [من اغلق باباه فهو آمن]
عبارة شریفه سیله تأیید امان بیورلمشدر .

خدمه ده اوکون اهل مکه و متفق لرندن یکر می اوچ
مقتول و اهل اسلامدنده « کرزبن جابر الفهری » ایله
« حبیش بن الاشعری » حضرتلری شهید اولمشدر .
مشار الیها حضرت خالده فرقه سندن . آز آیری دوشمش
بولندقلری حالده دشمن الله کچه وک قتل ایدلمشلردی .
خدمه ده بولنق اوزره اهل مکهدن حماس نامنده
بری - لاحقوب خانه سندن چیقارکن زوجه سی اکا :

— « نریه کیده یورسک ؟ »

دیمش اوده :

— « اهل اسلامدن سکا بر خدمتکار کتیرمه که ! »

جوانی ویرمشدی .

قریش بوزلانی و قیوسنی قاپایانک امین اولدیغنی

اعلان ایدلیدی ائشاده تلاش ایله کلوب زوجه سنه :

— « قاری ! قیوی قاپا ! که قیوسنی قاپایان، امیندر »

دیرکن زوجه سی :

— « هانی خدمتکار کتیرمه چک ایدک قاپوده می

براقدک ؟ »

دیه استهزا ایتدیکنندن حماس، بیان معذرت صد دنده :

وانت لو شهد تنا بالخدمه

اذفر صفوان وفر عکرمه

و ابو یزید قائم کا المؤتمه

واستقبالت بالسیوف المسلمه

یقطعن کل ساعد و جمجمه

ضرباً ولا تسمع الا غمغمه

لهم نهیب خلفنا و همهمه

لم تنطقی فی اللوم ادنی کلمه

جواب شاعرانه سنی ویردی .

رسول اکرم اقدس میز ، حضرت خالدک دست پر زور جلادتندہ قلنج پارلادیغنی کورمسیلہ امر و تنبیہ عالیترینہ قارشئ ملحوظ اولان حرکتدن استفسارضمنندہ در حال آدم کوندردی . سبب قتال ، جواباً کندیلرینہ عرض و اعلام اولانه رق : [قضاء اللہ خیر] دیہ سکوت بیوردیلر . خالدک مصادف اولدینی مزاحمہ و مقاتلہ دن بشقہ مقاومتہ تصادف اولمقسزین اردوی همایون طاق طاق مکذیہ کیردی . حضرت فاتح ام القری ، کداء یا خود اسفل مکذہ کدین دخول ایله حجونہ مواصلت ایدوب راحلہ همایونلرندن ایندی .

ودریدن معمول اوله رق قوریلان خیمہ خاصہ سعادتلرینہ کیردی . مبارک اللرندن و یوزلرندن توزی سیلدی . صوکرہ خیمہ سعادتندہ دیگر روایتہ کورہ ام هانی بنت ابی طالبک خانہ سنہ عزیمتله اندہ غسل ایدوب سکر رکعت نماز قیلدی و بعدہ سلاحلرینی طاقندی قوشاندی . باشنه مغفرینی کیدی و راحلہ سنہ بینہ رک اوپله بر هیئت و هیئتله حرکت بیوردی که میانندہ سیف شریفلری ، سر سعادت افسرلرندہ سیاه عمامه لی مغفرلری ، جانب یمنندہ ابو بکر الصدیق ، جانب یسارندہ اسید بن حضیر ،

رکاب هایونلرنده یلال ایله عثمان ابن ابی طلحه رضوان الله
 علیهم اجمعین حضراتی بولمقدده ایدیلر . وجه پاك تابنا کاری ،
 او عمامه سیاه التمه غمامه سیاه ایچندن شمعنه باش ظهور
 اولان نیرالسماء کبی اوار قدسیته لمعان ایتمکده ایدی
 هجوندن خدمه به قدر آتلور صف باغلابوب جمله سی
 او حضرتك شرف مرورینه انتظار ایدر وضع اوزره
 بولایورلر ایدی . موکب هایون ، صفلر ارم سندن خطوه
 خطوه ایلرولمکده وحیب خدا صوت لین وتر جیع کزین
 ایله سوره انا فتحنا بی تلاوت ایتمکده ایدی . کعبه معظمه
 کوروندیکی آنده [الله اکبر] دیدیکندن جمله اصحاب
 کرامده تکبیر کتیردیلر اصحاب کزینك بر اغزندن تکبیر
 کتیرملرندن تحصیل ایدن صدام دهشت اداء طاغلری
 ایکلتمش و اودیة ام القری ، صانکه موکب هایونی
 «خوش کلدیگز» ديه القشلامش ایدی .

بی احرام اولدینی حالد حرم شریف بیت الله کلوب
 حجر الاسود حذاسنه حین وصولده ید سعادتلرنده بولنان
 کوچوک بردکنك ایلا حجری استلام و تکبیر بیوردیلر

••

او کون یوم جمعه ایدی و عید فطره اون کون

قامشیدی. بیت‌الاهی یدی دفعه طواف ایتدی. طوافده
 اصحاب کرام، افندیمرک مبارک ایزینه باصوب اردنجه
 کیدرلردی. اوزمان ابوسفیان، بر محله طواف اهل‌اسلامی
 تماشا ایتکده ایدی کندی کندینه: [آه بر اردو دها
 طویلاسمده شو آدمله حربه باشلاسم نصل اولور]
 دیدی. ابوسفیان، اوملا حظه‌ده ایکن افندیمر، آنک
 یانندن کچور ایدی یوزینه باقرق: [او آدم، سنی یینه
 تذلیل ایدر] بیوردی. بوسوزدن ابوسفیان، توبه و
 استغفار ایتدکن صوکره: [حقا پیغمبرسک فی‌الواقع
 قلبمده او یله بر قورتی وار ایدی] دیه اعتراف جرم
 ایتشدی!

فضاله بن عمرو بن الملوح الابی دخی اثناء طوافده
 سوء نیتله یاواشجه یاقلاش مقده اولدیغی کشف و تفرس
 بیوریلوب انی اشغال واسکات ضمننده:

[فضاله میسک] بیوردی. فضاله‌ده [اوت] دیرکن
 رسول اکرم: [نه دوشونیورسک] دیه صوردی اوده: [دوشوندیکم
 یوق انجق ذکر الله ايله مشغولم] دیدیسه ده افندیمر آنک
 جوابنه مقابل تبسم ایتدی. و: [ذهنگده قوردیغک
 شیدن توبه ایت] بیورمقله برابر مبارک الی فضاله‌نک

کوکسی اوزرینه قوبدیفندن سینۀ پر کینه سنده کی قورتی
در حال زائل اولدوق ایمانک آندن صوکره رسوخ پیدا
ایتدیکنی بعده کندیسکی حکایه ایللمشدر.

افدیغز ، طوافده دست شریفارنده بولان قضیب
[دکنک] ایلرکن شریفی استلام بیوردی طوافدن
صوکره باب الیتده راحله سعادتارینی اناخه ایلدی .
حول یتده او زمان سنهک کونلری عددنجه اوچوز
التمش عدد صنم مجسم موضوع ایدی . انلری محواتمک
اوزره دست هماونلارنده کی دکنک ایله برر برر اصنام
مرقومهیه اشارت و [جاء الحق وزهق الباطل ان الباطل
کان زهوقاً] آیت کریمه سنی تلاوت بیوررلردی . اشارت
علیه اصنامک یوزی طرفه طوغری واقع اولدیفنی حالده
بتلر ارقه لری اوستنه وارقه جهتلرینه طوغری اولدیفنی
حالده یوزلری اوستنه ییقیلوب دوشرلردی ! . صنملر
ایسه ایاقلرندن قورشون قلاهی کی شیلرله قوتلی یاشمیدرلمش
ایدیلر! اصنام تماماً قیرلدی حول الحرم هر درلو خسایس
آناردن تطهیر ایدلدی .

اعظم الاصنام اولان ، هبل ، قیریلور ایکن زیر بن
العوام حضرتلری ، ابوسفیانہ تعریض صددنده :

« سنك احده وجوديله افتخار ايتديكك هبلي
 كوريورمينسك ديمشدي . ابو سفيان اظهار محجوبيت
 ايدرك : « اراق توبيخي براق يازبير ! اكر محمدك
 الهندن باشقه اله اولسيدي ايشلر باشقه درلواولورايدى »
 جوابنى ويردى .

افنديمز ، حاجيلردن معيت سنيه لرنده بولان عثمان
 ابن ابى طلحه دن بيت معظمك مفتاحنى ايستدى . اوده
 والده سى « سلافة بنت سعد » ك ياننه كيدوب مفتاحى
 آندن ايستدى . سلافة بركره امتناع ايدر كى اولديسه ده
 بالتهديد انندن الهرق رسول الله كيتيردى و ويرمك
 اوزره انى اوزاديركن عباس حضر تلرى حاجيلكك دخی
 خدمت سقايتة علاوه سيله بنى عبدالمطلبه تخصيص بيورلمسنى
 استدعا ايتديكندن عثمان مفتاحى ويرمكدن جايره رق انى
 كبرى چكدى حضرت على او آنده : [يارسول الله !
 حاجيلك خدمتى اهل بيتكه تخصيص ايتمايسكز] ديمش
 بولندي . بونك اوزرينه رسول اكرم صلى الله تعالى عليه
 وسلم افنديمز : [يا عثمان ! الله ويوم قيامته ايمان ايتدك
 ايسه مفتاحى وير !] ديدى . عثمان ، اندن صوكره :
 — « آل امانتله ! »

دیہرک مفتاحی ویردی. انجق آباء واجدادینہ مخصوص
اولان خدمتک الندن کیدہ چکنہ دائر سوزلری ایشدکجه
محزون و مثلم اولبور ایدی. عثمانک شوامتاعی اوزرینہ
حضرت علی، امک قولنی بوکوزک الندن مفتاحی زورایله
الذینقی سعید بن المسیب، روایت ایتمشدر رسول الله
صلی الله علیه وسلم، بیت معظمه یه کیرمزدن اول ایچنده کی
صنعلرک اخراجی امرایتدی و داخل کعبه نك دیوارنده
منقوش اولان صورتلری سیلملری ایچون حضرت عمر
ایله عثمان بن ابی طلحه بی کوندردی انلرده صورمذ کورمبی
محو ایتدیار. یالکیز اللرنده ازلام اولدینی حالده تصویر
ایدلمش بولنان ابراهیم و اسماعیل عایهما السلامک
صورتلرینی ابقا ایلدیار ابو طلحه اوغللری، بیتی
کندیلرندن باشقه سی آچه من ظن ایدرلرکن سیدالبطحاء
افندیمز کیردی. و ازدحام اولماق ایچون امر ایدوب
باب البیتی اوزرلرندن قاپاندی.

معیت سنیه لرنده هاسامه بن زید، بلال حبشی، عثمان
بن طلحه، بولنیورلردی. جدران کعبه ده منقوش اولان-
دیگر بر روایتیه کوره مجسم و مهیکل بولنان- اوایکی
تصویری کوره رک نیچون محو ویا اخراج ایتدکلرینی

عمر دن صور دی. عمر اکا جزمت ایدم دیکنی سویلدی.
 ازلام ایله قطعاً - تقسام ایتدک لری حالده کفار قریشک
 او یله بر طرزده انلری تصویر ایتدکلرندن و یا خود انلره
 الداند کلرندن طولای حقلرند. تقریب مخصوص اوله رق:
 [قاتلهم الله اما والله لقد علموا انهم لم يستقسموا بها قط]
 بیوردی. و همان محو ایتک اوزره اسامیه صو امر
 ایدی.

روایت کوره اسامه، صوبی قوفه ایله دوکر رسول
 الله صلی الله علیه و سلم دخی دست شریفلریله هم سیلر
 هم: [قاتل الله قوماً یصرون مالا یخاقون] بیورر
 ایدی.

ایچریده برخیلی مدت مکث و آرام ایتدیلر. رسول
 صاحب البیت افندیمز، داخل بیتده نماز دخی قیلدیلر.
 نمازده قیویه مقابل اولان جداره توجه ایتشدی. فقط
 قیچ رکعت نماز قیلدینی تعیین اولنه مدی. نماز و دعادن
 صوکره چیقدی. ایشیکده طوردی و قیونک ایکی طرفی
 اللریله طوتدی. خالد بن الولید، خلقک تهاجم وازدحامی
 قیودن منع و دفع ایتمکده ایدی. مفتاح کعبه، افندیمزک
 انده و صاحبی عثمانه اعاده ایدمک اوزرما ایدی اودقیقهده

حضرت علی، سدانک یعنی حجابت یتکده سقایه زمزم خدمته علاوه بجی عیدالمطایبه و بر منشی استدعا ایلدی فقط بوکا قارشوی افندیمز، او کونک کرم و وفاء زمانی اولادینی بیاسیلله عثمانی اراتوب مفتاحی اکا : « خذوها یا بنی ملأحة ! خالدة ! نالدة ! لایز عهسا منکم الاطامه دیه اعاده ایلدکن باشقه خدمت مذکورده به اخرک الی یوم القیام منع مداخله سنی جناب حق جل و علی [ان الله یأمرکم ان تؤدوا الامانات الی اهلها ..] آیت کریمه سیله امر و فرمان بیورمشدر .

عثمان، مفتاحی آلوبده کیری چکیلله جکی انساده رسالتینه افندیمز، اکا خطاباً :

— « الم یکن الذی قلت لك ؟ »

بیوردیلر .

سبب — هجرتدن اول مکة مکرمه ده اوداعی نهج الصواب هدايت افندیمز، برکون عثمانه راست کله رک انی دینه دعوت ایتدی ،

عثمان، بر طور استکبار ایله :

— « یا محمد [علیه الصلوة والسلام] شایان تعجبدرکه

بنم سکا متابعتی ارزو ایدم بورسک حالبوکه سن قومکک دینه مخالفت و دین آخری احداث ایتدک »

ديه جواب ويردى .

بومحاوره دن صوكره ايدى ينه بركون امام المرسلين
افنديمز، ناس ايله برابر كعبه معظمه يه دخول ارزوسيله
باب كعبه يه كلنجه عثمان ، حق نبويده بعض مرتبه عنف
وغلظت كوسترديكندن افنديمز، اكا مقابل الزام حلم
وسكوت ايدرك :

— « لعلك ستري هذا المفتاح يوماً بيدى اضعه حيث

شئت »

بيوردى. عثمان، بونى استبعاد صدنده :

— « لقد هلكت قریش يومئذ و ذلت »

ديدى. قریشك او حالده واو كونده كسب مسعوديت

ايدجكنى بيان ايچون افنديمز دخى :

— « بل عمرت يومئذ و عزت »

ديدكدنصكره كعبه يه كيرمشيدى. كلام نبوى، عثمانك

يوره كنده ير طوتهرق امر موعودك عقيب محاوره ده

همان حادث وحاصل اوله جنى خوفيله مفتاحى الدن كيدر.

مامك اوزره او ذيقه دن اعتباراً اسلامه ميل ايتمش

بولندينى حالده قومنك زجر و تحذيره سكزنجى سنه

هجريه يه قدر مسلمان اوله مامشدر .

عثمان دیر ایدی که: حضرت پیغمبر، بکا خطاباً «الم
 یکن الذی قلت ذک» دینچه مکّه مکرمه ده قبل الهمجره
 سویلمش اولدقلری: «یا عثمان! املک ستری هذا المفتاح
 يوماً بییدی اضعه حیث شئت» کلامی درخاطر ایدرک:
 «اوت یا رسول الله! شهادت ایدرم که سن حق رسول
 الله سک» دیدم ایدی.

رسول اکرم افدیمز، بیت خدادن چیتقدنصوکره
 ایشیکده طور دقلری حالد: [لا اله الا الله وحده لا شریک
 له. صدق وعده ونصر عبده. وهزم الاحزاب وحده]
 دیدی. خاق، حول بیت اللهده مجتمع واهل مکّه،
 حقلرنده اولنه جق معامله دن اندیشناک ایدیلر. بیوردی که:
 «کندی حقلریکیزده نه درلو معامله می ملاحظه ایدرسکز؟»
 بوکا:

— «نقول خیراً ونظن خیراً»

جوابی ویرملریله افدیمز دخی همان او آنده:

— «اذهبوا فاتم الطلقاء»

دیه اعلان ایلدیکی عفو عمومی ایله برابر برده
 خطبه او قویهرق خطبه ده جاهلیتک عادات ورسومی وبالخاصه
 ربابی نهی ایتدی. و احکام قصاصی و دیات مغلظه و

و مخففه بی و شبه عمد و خطائی ا کلاتدی . جاهلیت زمانندن
 قلمه دعوارک بطلانسه حکم ایتدی و برکافر ایچون بر
 مسلمک قتل ایدیلهمیه جکنی ، اختلاف دین و ملتک مانع
 ارث اوله جغنی ، دعاویده دائماً مدعی به بینه و منکره یمن
 تکلیفی لازم کله جکنی اوج کیجه لک مسافیه قادیلرک بلا
 محرم سفر ایتما لرینی ، بعد العصر حین غروبده و بعد الصبح
 حین طلوعده صلات و یوم الاضحیه ایله یوم الفطرده
 صیام جائز اوله میه جغنی امر و اخطاردن صوکره بیوردی که :
 ای قریش ! نسب سبیلله اولان مفاخرت جاهلیه بی
 جناب حق ، سزدن اوزق ایتدی . او مقوله مفاخرتله
 خلقه قارشی تکبر و تعظمی ترک ایدیکز زیرا جمله خلق ،
 آدم علیه السلامک اوغلار یدر آدم ایسه طوپراقدن مخلوقدر
 بنی آدمک بری برندن فضل و زیاده لیکلری انجق نقوی
 ایله در [یا ایها الناس ! انا خلقناکم من ذکر و انثی و جعلناکم
 شعوباً و قبائل لتعارفوا ان اکر مکم عندالله اتقاکم ان الله
 علیم خبیر] او قودی ،

حضرت ابو بکر الصدیق افندیمرک پدری ابو
 قحافه نك قبول اسلامی ، مخدوم مکرمنک دلالتیه
 ایسته بو اناده واقع اولمشدر . حضرت صدیق ، بابای
 ابو قحافه بی النسن طوتوب حضور سعادت کتیردی

افديمر : [هلا تركت الشيخ في بيته حتى اكون انا
آتيه] ديه بيوردي صديق ، اني ييشكاه رسالته او طور دى .
رسول الله . مبارك لاريله صدر ابى قحافه يى مسح ايدوب
كندوسنه اسلام تكليف ايلدى ابو قحافه ده مسلمان اولدى ابو
قحافه بك صاحبي صقالى اختيار لغندن بهم بياض اولمشدى
افديمر : [غيروهما وجنبوهما بالسواد] ديه خضاب امر
بيوردي .

رسول اكرم صلى الله عليه وسلم ، صفايه چيقوب
او طور دى حضرت فاروق دخی انك آلت طرفنده
او طور دى . اندن صوكره ناس برر برر رسول الله بيعت
ايمكه باشلاديلر . ار ككلر يالكيز اسلام وجهاد اوزرينه
بيعت ايتديلر ، حضرت نبى مكرم انلك الله و رسوانه
اطاعت ايتلري اوزرينه بيعتلريني قبول ايتدى .

بيمة الرجال تمام اولدقدن صوكره نوبت قادينلره
كلكله حضرت على كرم الله وجهه نك همشيره سى « ام
هانئ بنت ابى طالب » عاص بن اميه نك قيزى [ام حبيب]
و عتاب بن اسيدك خاله لرى اروى ، عاتكه ، و حارث بن
هشامك قيزى عكرمه ابن ابى جهلك زوجه سى « ام حكيم »
و خالد بن الوايديك همشيره سى « فاخته » كى نسوان قريشدن

شان و اعتبار خصوصند بر کونه امتیازی اولانلر، نسوان
سائرتهك اوكلارينه دوشوب حضور پر نور رسالته
كلديلر .

ابوسفياك زوجه سي هند دخي تبديل شكل و قيافته
متكرمه اولديني حالد قادينلرك ارسنه صوقيلوب گلشدي !
قادينلرك بيعتلى اولما بده شرف نزول ايدن : [يا
ايها النبي ! اذا جاءك المؤمنات يبائعنك على ان لا يشركن
بالله شيئاً ولا يسرقن ولا يزنين ولا يقتلن اولادهن ولا
يأتين بهتان يفترينه بين ايديهن و ارجلهن ولا يعصينك
في معروف] آيت كريمه سنده اولديني اوزره التي مادم
اوزرينه مني ايدى :

۱ — على ان لا يشركن بالله شيئاً

۲ — ولا يسرقن

۳ — ولا يزنين

۴ — ولا يقتلن اولادهن

۵ — ولا يأتين بهتان يفترينه بين ايديهن و ارجلهن

۶ — ولا يعصينك في معروف

مواد مسرودهك وجهه ترتيبى، قبض خصوصنده
اشياء مذكورهك اكبر و اكثرى ياخود بين النسوان

اظهاری مادی و نه تقدیم طریقہ علیہ علی سباق التزلی اولمغله
ینہ سباق بسوط اوزره صرمیلہ سوق و تبلیغ ضمنده
طرف اشرف رسالتنا هیدن:

— « ابا یمن علی ان لایسرن بالله شیئاً = الله
هیچ بر شیئ اشراک ایتماکز شرطیلہ بیعتکزی اخذ
و قبول ایدرم »

تکلیفی در میان اولندی. هند اوزمان باشی قالدیره رق
معرض تقدیرده: «والله سن ارککاره تکلیف ایتمدیکک
شرطی بزه تکلیف ایدم یورسک ارککارک یالکیز اسلام
و جهاد اوزرینه بیعتلری قبول ایتدک» دیه مقابله ایتدی.
رسول خدا افندیمز، اندن صوکره :

— «ولایسرن = سرقت دخی ایتماملری شرطیلہ»
بیوردیلر. هند، اوزمان ده: «ابوسفیان، ناکس بر آدمدر
مالندن الدیغم مقدار قایل، بیلمم بکا حلال یا خود حرام
اولورمی؟» دیدی. ابوسفیان، حاضر ایدی: [کچمشده
الدیغک وار ایسه حلال اولسون] دیمیلہ رسول اکرم،
تبسم ایتدی و طاعیه رق: [هنده یسک] بیوردی.
هند دخی لسان تضرعه: [اوت هندم! کچمشی عفو
ایت یار رسول الله! تا که الله ده سنی عفو ایتسون]
دیدیکندن افندیمز، صد بخنه رجوع ایدرهک:

— «ولایزنین = زنا دخی ایتماملری شرطیله»
 دیدی . هند . نسوان حاضره ایله حققلرنده لوث
 زنای استبعاد صره سنده :
 «او تزنی الحرة = حره قادین هیچ زنا ایدرمی؟»
 دیدی . بعده نجی مکرم :
 — «ولایقتان اولادهن = چوجقلرینی اولدیرما .
 ملری شرطیله»

بیوردی . هند «بز، چوجقلری کوچوک ایکن
 بیوتدک و بیوک ایکن سن انلری بدرده اولدیردک ارتق
 نه اولدی ایسه سز و انلر اوراسنی دها ایو بیلورسکزه»
 دیدی . عمر الفاروق زیاده تمکین و وقاری وار ایکن هندک
 شوسوزینه طایانه میوب کولدی و کولمکدن ارقه سی اوستی
 ییقیلدی . افندیمز دخی تبسم ایتدی و :

— «ولایاتین بهتان یفتزینه بین ایدیهن وارجلهن»
 دیدی که بوندن مقصد عالی ، قادینلرک کندی اولادی
 اولمیان لقیطلری زوجلرینه قذف و نسبتله بهتان ایتمش
 اولماملرینی امردن عبارت ایدی . هند : [والله بهتان ،
 چرکین شیدر . سن بزه رشد و مکارم اخلاق ایله
 امر ایدیورسک] دیدی .

اندن سوکره حبیب خدا افندیمز :
 — «ولایم صینک فی معروف = منکر اولیان خسو-
 صامده رسول الله عصیان ایتماماری شرطیه»
 بیورنجه هند: [بز بودیوان عالی به سوکره عصیان
 یتیله کلرک] دیدی .

مواد مسروده، نسوان طرفندن ارتق قبول ایدلمشدی .
 بناءً علیه رسم بیعتک اجرا سیچون حضرت عمر الفاروقه
 امر هایون شرفصادر اولدی او دخی بر روایت کوره
 مصافحه صورتیله باو کاله اخذ بیعت ایتمش روایت
 اخرایه کوره افندیمز دست هایوناری بر ثوب ایله مستور
 اولدینی حالده نسوانک بیعتارینی مصافحه اخذ و اجرا
 ایلمشلر در .

روایت دیگره نظراً بر قابده صویه افندیمز ، ال
 صوقوب نسوان دخی غمس و غطس ید صورتیله بیعت
 رسمی اجرا اولمشدر .



هند، می هدر ایدیلان نسوان مکدن ایدی . بو
 کره مظهر غفو و امان پیغمبری اولمش و خلوص قلب
 ایله ایمان دخی کتیر مشدر . مسلمان اولدقن سوکره

درونده حب دین مبین و عشق سید الانبیاء و المرسلین
افندیمز خروشان اوله رق :

— « یا رسول الله ! بو کونه دکین اهلنک مقهور
و مدمر اولسنی ایستدیکم یالکز سنک خیمه سعادتنک
ایدی . والله شمدی یر یوزنده اهلنک عزنی ارزو
ایلدیکم انحق سنک خیمه سعادتکدر . بو چوق غفلتده
ایمشر . سن نقدر کریم و حلیم ایمش سک ! . سکا نظر
محبته باقیان کوزلری الله تعالی کور ایتسون . »

دیمکه اکا مقابل رسول ذیشان افندیمز، انک اسلام
خصوصنده قوت قلبنک آتیا کسب ازدیاد ایده جکنی نور
اقدس نبوتله کشف بیوردیغندن :

— « وایضاً و الذی نفس محمد بیده — والله بو
جال، سنده دها زیاده اولسه کرکدر »

دیدی . هند ایسه کرک ذات رسالتپناهیه کرک
بتون اهل اسلامه صوک درجهده بغض و عنادوتله معروف
برقادرین اولدینی حالد انک اوحالنی فیض ساری نبوت،
بر مجلسده محو ایدوب اهتداسندن صوکره دین مبین
اسلامه و ذات پاک پیغمبرییه محبتی اول درجه مزداد
اولمشدی که اودقیقه دن اعتباراً یاننده نام نامی رسالتپاهی

ذکر اولدیقجه دروینده فرج عظیم حاصل اولور و اغلایه
اغلایه خلیفات و سینات سابقه سندن کمال حجاب و ندامتله
استغفار ایلردی .

هئند، امر بیعتک ختامیله خانه سنه کلدیکی زمان
منزاند، کی اصنامی کاملاً طیشاری به آتمشدر .

صفاده رسم بیعتک اجرا سیله افندیمز، دعایه مشغول
بولدقاری انشاده بعض انصار کرامک [رسول الله،
وطنه کلدی، قاوشدی، عشیرتیه بولوشدی کورشدی،
بوندن صوکره عجباً بزم بلده مزه کیدرمی] کبی بعض
افکار و اندیشه لرله یکدیگرینه حسب حال ایتدکاری معلوم
عالی اولدق بعد الدعاء کیفیت، انصاردن استیضاح
اولندی. انلرک دخی: [اوت یار رسول لله! ذهنمز بویله
بر شی کلدی] دیماری اوزرینه: [ای جماعت انصار!
بن، اللهک قوی و رسولی یم سنرک بلده کزه هجرت
ایتم. حیات و ممات سنرکله در] بیورلدیغندن انصار،
النفات واقعدن طولانی فوق العاده مسرور اولمشار
و سرورلرندن اغلاشلمشاردر.

او کون وقت ظهر اذاتی حضرت بلال حبشی
رضی الله عنه، بیت معظمک اوستندم او قومشدر. اذان

اوقونور ايكن بهض اطفال ، انك سسنى تقليداً استهزا
ايتملر وابوجهلاك قيزى چويريده : [الله، بابامه لطف
و احسان ايتمش كه وقيله فوت اولدى ده بالاك كعبه
اوزرنده باغيرديغنى كورمدى] ديمش ايدى !.

حارث بن هشام دخى ديمشدى كه: كاشكه اولجه فوت
اولوب ده بو كونى كورميه ايدم.

اشراف و رؤساء قريش، بو سياقده و بيان تأسف
صددنده برر سوز سويامشله. انجق ابوسفیان، محاورات
واقمه نك قوه قدسيه نبوتله كشف بيوريلاه جغنى بيلديكندن
ايلروده ينه سبب محجوبيتى اولور ملاحظه سيلاه قورقدیغنه
مبنى ياننده كي صناديده: و بن، محمد [عليه الصلوٰة والسلام] ك
حقنده هيچ برشى سويليه مم زيرا اكاسمان بيلديريلور
ديه بيلمشدى. بو سوزلرى كندى يئنرنده سويلر كن
رسول مكرم افنديمز ، انلك اوزرلرينه سبحانه رحمت
كي سايه انداز عزو وقار اوله رق جريان ايدن محاوره -
لرينى انلره برر برر خبر و بره سيلاه ابوسفیان اكا قارشى
كلانى كتم وانكار ايتدى. افنديمز، انك او خصوصده كي
عيب و قباحتنى يوزينه اورميوب حقنده يالكلر بر تبسم
ايلاه ! كتفا بيوردى. حارث ايسه برهان و بداهته قارشى
همان :

— « بن شهادت ایدرم که من، حق پیغمبر سبک
 زیرا بزم بو سوز لریمزه هنوز کیمسه مطلع اولاماشدی »
 دهرک قبول اسلامدن باشقه چاره بولهمدی .

یوم فتحک ابرتسی کونی بنی هذیلدن « جندب بن
 الادلع ، مکیه کلمشدی بنی کمبدن « خراش بن امیه انی
 قیاج ایله قارلسدن اوره رق باغیر صاقلرینی طشره یه
 دوکدی . جندب ، او حالده ارقه نی بر دیواره طایادی .
 یره طوغری آقوب یاسیلش اولان باغیر صاقلرینه نظر
 نومیددی ایله باقیور ایدی . صوکره کوزلری دوندی .
 صوکه کلامی اوله رق :

— « ای خزاعه قومی ! بو غدیری بکا ایتمه موقوف
 اولدیکز »

سوزینی بروضع حزین ایله سویلارکن دوشوب فوت
 اولدی .

کیفیت مسموع عالی اولدینی زمان رسول اکرم
 همان قالقوب بر خطبه او قودی :

— « تحقیقا جناب الله ، خلقت ارض و سما و آفرینش
 شمس و قمر دن بری مکئی حرام ایتشدرد . و روز قیامته
 قدرده حرام اولسه کرکدر الله و یوم آخرته ایمانی

اولان هر آدمه مکهده قان دوکمک ومکهده بولدینی شیء
 قالدیرمق حلال دکلدر مکرکه تعریف ایده . و مکهنک
 اغاجلرینی کسمک و اوتلرینی یولمق دخی جائز اولمز .
 رسول اللهک مکهده قان دوکدیکنی و قتال ایلدیکنی جواز
 قتل و قتاله دلیل طوتان کیمسه یه سز، سویلیکزه بندن
 بشقه کیمسه یه او حلال اولمز و بندن صوکره کیمسه یه
 حلال اولیه جقدر بکا دخی حلال دکل ایدی انجق کونک
 بر ساعتده حلال اولوب اندن صوکره حرمت یرینه
 کلدی اولجه حرام اولدینی کبی ینه حرام اولدی . ای
 خزاعه! الکنزی قتلدن کیری چکیکز ! اول کشی بی که
 قتل ایلدیکز دیتی اوزریکزه حکم ایتدم و یریکز . اگر
 بوندن صوکره برینی دها اولدیریرسه کز و لیلرینی مخیر
 ایدرم ایسترلرسه دیت الیرلر . ایسترلرسه قصاص ایدرلر
 حکم رسائپناهی موجب عالیمسجه بن کعب، مقتولک
 دیتی اوله رق ورته سنه یوز دوه و یرمشلردر!

اهل مکه حقنده ارزان بیوریلان امن واماندن ارکک
 قالدین بر قاق کیمسه لر مستثنا ایدیلر . جنایات و سیئات
 عظیمه لرندن نانی بالاستثنا دملری اهدار ایدلمشدن .

عبدالله ابن ابی السرح — هندك نائل عفو و امان
 اوله بیلدی امانه حسارت و بره دك دیگر فراریلار دخی
 استمداء صفح و امانه و طلب عفو و غفرانه میادرت
 ایتشاردر. حتی عبدالله ابن ابی السرح، شو امید ایله
 عثمان ذی النورین رضی الله عنه حضرت تارینه دخالت
 ایتشدی .

صحابی* مشارایه ، دخیل مرقومك سود قرنداثی
 اولدیغنه مبنی دخلاتی قبول ایدمك آئی کیزله مش و بر
 مدت صوکره حضور پر نور نبوته عرض ایدوب عفو
 ایتدیرمشدی .

ابن ابی السرح ، رسول الله مکده ، بولندیقی
 ایام قبل الهجرته خدمت کتابت وحی الهیده بولاناردن
 بریدر. فقط انشاء ثبت و تحریر آیات حضرت القرآنده
 [عزیز حکیم] یرینه [علیم حکیم] یازمق کبی بالالتزام بعض
 تصدیقی اکلاشیله رق مرتد و مطرود اولمشدی. ایشته
 انك بوکره عفو ی بابنده حضرت ذی النورینك استر -
 حامنه قارشى محل جوابده افندیمز، التزام صمت و سکوت
 بیورمشاردی. شو جوابك دهشتی ایسه مسلم ایدی .
 بناء علیه حضرت عثمان ده مقام نیازده اطنا ب کلام و بالدفعات
 تکریر استرحام ایتمکله اعدل البشر افندیمز:

— « قد بايعناه فلينصرف = بيعتي قبول ايتـدك
 همان دفع اولسون »
 ديه آنی ذی النورین حضرتلرینه مع الاکرام
 باغشلا دی ! »

ابن ابی السرح، حضور عالیدن چیققدقن صوکره
 رسول الله صلى الله عليه وسلم اصحاب کرامنه : [اما کان
 فيکم من يقوم اليه فيضرب عنقه قبل ان ابايه = بيعتي
 قبول ایتزدن اول قالغوب بونی اوره جق ایچکزده
 بر آدم یوقی ایدی] ديه سبب صمت وسکوتلرینی اظهار
 بیورملری اوزرینه حضار کرام ایچندن عباد بن بشر
 دیدی که :

— « والله يا رسول الله! سنك بر كوز اوجيله امر،
 و اشارتکه منتظر ایدم اگر ادنی بر اشارتک اولسیدی
 بن انی همان قتل ایدردم »
 بو سوزده قارشى افندیمز :

— « ماكان لني ان تكون له خائنة الاعين = لسانيله
 اظهار ایلدیکنک خلافتی کوزيله اشعار معناسنه خیانت
 اعین، هیچ بر نیدن صادر اولمدی »
 بیوردیلر. ابن ابی السرح، بوندن صوکره دیتند.

قوى مسلمان اوله رق بر خيلى غزواتده يارارلق
 كوتورمش وحتى حضرت عثمان رضى الله عنك زمانده
 مهره والى نصب و تعيين ده بيورلمشدر .

عكرمه و صفراوه — قريشك خندمه انهزامندن
 صوكره ابن ابى جهل ، بن طرفه صفوان بن اميه ؛
 جده به قاجمشدى . عكرمه نك زوجه سى دام حكيم ، اظهار
 ايمان و زوجى عكرمه انچونده استحصان نفو و امان
 اتمش اولديغندن بالتمقيب عكرمه يي يمه كيتك اوزره
 كمى به يزنمش اولديغى حالده بولدى و :

— « ناسك اك حليجى و اك كريمى اولان ذات
 طرفندن سكا امان ايله كلدم »

ديه انى كيرى . مكه مكرمه به كتيردى . هر ايكي
 برلكده خيمه سعادتك قپوسنه كلديلر . ام حكيم ،
 بالاستيدان مستور اوله رق حضورعالى به كيردى . و :

— « يارسول الله ! عكرمه يي كتيردم »

ديدى . بو خبردن رسول اكرم صوك درجه ده
 محظوظ اوله رق فرح و محظوظيته مبنى همان يرندن سرعتله
 قالقار ايكن حتى رداء شريفه لرى اوموزندن دوشمشدى

امر ايدوب عكرمه بي ايجرى به كيتير تدى. و اكا التفات
مخصوص اوله رق: [مرحباً بالراكب المهاجر] خطاب
بركت نصابى ابدال بيوردى. عكرمه دخى در حال مسلمان
اولدى. و حيا سندن يره طوغرى او كنه باقه رق :

— « يارسول الله ! تحقيقاً سن ، ناسك اك زياده

ايولك ايدى چيسى و طوغرى سوزايسى و سوزينه وفا
ايدى چيسى سك »

ديدى. افنديمز، محظوظيتله :

— « اى عكرمه، سن بنم المدين كله جك نه بي ايستر-

سك و يره جكم،

بيوردى. عكرمه، او زمان :

— « بن، انى ايستر كه شر كه نقويت ويرمك ايجون

سنك عليهم كه كي جميع حركات و تفوها تمك عفو و مغفرت

اولنسنى جناب حقدن طاب ايدمه سك »

ديمكله حضرت رسول الله، مبارك اللرىنى قالديروب :

[اللهم اغفر لعكرمة كل عداوة عادانها او منطق تكلم به

او مركب اوضع فيه يريدان يصد عن سبيلك] ديه دعا

ايلدى .

عكرمه، بو مظهريت مخصوصه نك و يردىكى سرور

تا محصور ايله و اخلاص و صميميله :

— « یا رسول الله ! کفر زمانده اسلام علیهنده
 صرف ایستدیکم دینارک ایکی مثنی شمعی تقویت دین
 مبین اوغورنده صرف ایده جکم واسلام علیهنده کی جنک
 وجد الملك ایکی اولقدرینی شمعی کفار ایله ایده جکم »
 دیمش و دیدیکی کبی اخیراً پک چوق یارارلق ابراز
 ایدوب اجنادین غزاسنده شهید اولمشدر.

صفوانه — بن امیهنک برادری « عمیر بن وهب
 الجمحی، بالاستدعا صفوانی عفوایتدیرد کدنصو کره جده یه
 کیدوب صفوان ایله کوروشدی رسول اکرمک فصل
 حلیم و کریم واقرباسنه تقدیر مشفق و وفادار اولدیغنی
 اکلاتدی :

— « او، سنک عم زاده کدر، امک عز و شرفی سنک
 عز و شرفک دیمکدر »

دیه رک صفوانی مکة مکرمه یه کتیردی. صفوان،
 حضور عالی رسالتپناهی یه کیردیکی زمان برادری عمیره
 اشارتله رسول اکرمدن صورتی :

— « بو آدم دیورکه سن بکا امان ویرممشک
 اولیه می ؟ »

رسول الله صلی الله علیه و سلم [اوت] جوابی
 ویردی. صفوان :

— «اويله ايسه مسلمان اولمق اچون بكا ايكي آي مهلت وير»

ديوب [درت آي مخيرسك] جواب عايسني آلدی .
صفـوان، اندن صوكره مشرك اولديني حالدۀ امن
وامان اوزره قاله رق معيت سنيۀ رسالتپناهيده كيتديكي
هوازن غزاسنده مسلمان اولمشدر.

هبيره وابنه الزبيري — ام هاني بنت ابی طالبك
زوجي «هبيره ابن ابی وهب المخزومي» ايله «عبدالله بن
الزبيري» نجران جانبده فرار ايتمش ايديلر . هبيره ؛
نجرانده كافراً فوت اولدی .

عبدالله بن الزبيري ، هيجو تهمتيله متهم ایدی بر
مدت نجرانده قالدی . صوكره مقصد اسلام ايله مدينه
طيبيه يكلهرك ملازمت رسالتپناهي به متوجه اولدی رسول
الله . انك كلديكنی اوزاقدن كوردیكي ساعتهده :

— «ايشته ابن الزبيري ، بر يوز ايله كليوركه انده
فور اسلام وار»

بيوردی . ابن الزبيري :

— «السلام عليك يا رسول الله ! بن شهادت ايدرمكه

الله بر وسن انك رسولی سك . حمد و ثناء اول الله كه
 بنی اسلامه هدايت ایلدی . یار رسول الله ! سكا قارشو
 چوق مناسبتلر ائكمه بولندم فقط چوق ده پشجان اولدم ،
 ديه كال ندامتله اعتذار و اعتراف جرم و قصور
 ایدهرک مسلمان اولدی . سيد الانام عليه الصلوة والسلام
 افنديمز : [الحمد لله الذي هدانا لهذا الى الاسلام . يا عبدالله !
 بيلمش اول كه اسلام ، كچمش كناهلری عفو ايدر]
 بيوردي .

ابن الزبيری ، وادی اعتذارده بر خيلي اشعار
 سويلمش و مدائح سنيه يي حاوی قصائد انشاد ايتمشدر .
 رمضی — مشرکين مکدن بر قاچنك کندوسنه وعد
 ايتدکری مکافاته مقابل عم النبي حمزه رضی الله عنه
 حضر تلرينی احد غزوه سنده شهيد ايتمشیدی .
 اشبو جنایت عظيمه دن ناشی و حشینك دمی هدر
 ایدی .

يوم الفتحده مکدن قاچه رق بر مدت اطرافده
 طولاشدینفی حالده امين بر مایجاً دائمی بوله مدیغندن
 بالمجبوريه حضور پر نور رسول الله دخالت ایتدی .
 فقط رسول ذیشانك خاطر عاطر لرنده اكا قارشى تأثر

واغبرار اثری باقی بولندیغندن کوزینه کورو نماسی امر
و تنیه بیورلمش او بیچاره ده دائمی نظرگاه سماجاه
رسالتپناهیده بولمق کبی بر شرف عظیم جهانبهدن محروم
اولدینی حالد طیشاریلرده وقت کچیرمشدر .

سبب معلوم منقوریتنه مقابل بر فدا کارلق ایتک
تصورنده ایدی . شو تصور سوقیله ایدی که حضرت
صدیق زماننده یمن حوالیسنده بیوک بر غائله چیقارمش
اولان مسیلمه کبی بر شریر صبیحه حمزه یه آتدینی
حربه ایله اولدیره بیلمشدر !..

عبدالعزی بهر ضطل — قبل الفتح مدینه سعادت
کله رک مسلمان اولدیغندن طرف اشرف رسالتدن بر
قبیله نک جمع و تحصیل صدقاتنه مأمور بیورلمش و معیتنه ده
خزاعه قبیله لی بر خادم ویرلمشدی . بر کون عبدالعزی ،
خادم مرقومه قوشاق طعمانی حاضرلمسنی امر ایدوب
کندوسی او یودی . خادم دخی احضار طعماده مسامحه
ایده رک او یودی !.

عبدالعزی ، او یاندینی زمان خادمک طعمانی حاضر
ایتمکسزین او یقویه یاندیغنی کوروب حدتلمدی . خادم
مرقومی اولدیردی .

اوزمان حریف، عثمانک وخامت نتیجه سنی ملاحظه
ایده رک مدینه سعادت کلمه اراق جرأت ایده مدی .
طوبالادینی صدقه حیوانانی برابر سوروب مرتد اولدینی
حمله مکینه قاجدی هدردی ، اشبو قل نفس و صو کره
ردت تهملرینه مبنی ایدی .

رسول الله صلی الله علیه وسلم افسدیمز ، فتح مکه
کونی طوافده ایکن اصحاب کرامدن بری عبدالعزیز
استار کعبه به متعاق اولدق کزلی طور دینی کوردی .
و کیفیتی حضور رسالتیناهی به عرض ایتدی . شرف صدور
ایدن : [فاقولوه] فرمان پیغمبرینی موجب غایب سنجه
او آنده او مقامده انی « سعد بن حریث » ایله « ابوبرزة لاسمی »
مشترکاً اولدیردیلر . دیگر روایتیه کوره « شریک بن
عبدة العجلانی » قتل ایتشدیر .

صورت به نقیند — تهمت هجو ایله متهم ایدی .
فتح مکه کونی قپوسنی اوزرینه قپایوب خانه سنده او طور انک
امین اولدینغی ایشدیکنه مبنی امید سلامتله همان خانه سنه
واردی . وقپوسنی قپادی .
حضرت علی کرم الله وجهه ، انک خانه سنه واروب
سؤال ایلدی بادییه کیتدیکی جوانی آلدق کیری
دوندی .

حویرث، کندوسنك خانه سنده بواندینى بلای اولوق
 قورقوسندن ناشی باشقه بر محله کیزلنك اوزره طشره
 چیقمشدی . حضرت علی ، سوقاقدہ راست کلهرك انی
 اولدیردی .

مقیس به ضبابه — قتل نفس وردت تهمتاریله مہم
 ومہدر الدم ایدی برادری هشام بن ضبابه ، اولجہ
 مدینہ طاهرہ یہ کلوب مسلمان اولغله برابر مریمسع
 غزوہ سنده حاضر بولنمشدی .

غزوہ مذکورہ دن عودت اتناسنده بنی عمرو بن
 عوفدن برزات، بونی مشرک ظنیله سہوآ اولدیردیکندن
 مقیس ، مکہ دن کلدی و اظهار اسلام ایله برادرینک
 قانی دعوی ایلدی .

حضرت سید الانام علیہ الصلوٰۃ والسلام ، دیت حکم
 ایدرک بنی فہردن برزاتی اکا ترفیقاً بنی نجارہ کوندردی .
 بنی نجار ، مقیسہ برادرینک دتی اولوق اوزره یوز دوہ
 ویردیلر .

مقیس ، دتی الوب عودت ایدرکن رفیقنی یولده
 طاش ایله قتل وبالا رتداد دوملری مکہ سوق ایتشدرا .

مکہ بولندہ اوزمان شو بیتلرله اعلان شوق سرور
ایتمکده ایدی :

قتلت به فہراً و حملت عقله
سراة بنی النجار ارباب قارع
وادرکت ناری واضطجعت موسداً
و کنت الی الاصلنام اول راجع

خدمہ مدہ مشرکینک انہزامندن صوکرہ مقیس ، بعض
ہوادار ایلہ بر محلہ کیزانوب شرب شرابہ مشغول
بولیورلردی . ثمیلہ بن عبداللہ الکلبی ، انلرک اوحالہ
واقف اولہرق یانلرینہ واردی و اورادہ مقیسی قیلنج
ایلہ اوروب اولدیردی .

ہبار بہ الاسود — حق پیغبریدہ اذیتلرہ جرأت
ایتملردن ایدی بدر وقعہ سندنہ داما دنبوی « ابوالعاص
بن الربیع » کریمۃ سعادتق حضور رسالتہ اعادہ ایتک
اوزرہ مدینۃ طاہرہ دن اطلاق اولنوب اودہ زوجہ سی
« زینب بنت النبی » صلی اللہ علیہ وسلم ی اعادہ ضمنتہ
دوہیہ ارکاباً مکدن یولہ چیقارمشدی .

اوزمان بوہبار ، بر باشقہ سی ایلہ انک یوانی کسہرک
بندیکی دوہی قارغی ایلہ اوردیغندن حضرت مشار الیہا ،

هود جندن یره دوشوب حملی ساقط اولدینی حالده
خسته لشمشدی .

شومعامله نك وقوعی اوزرینه رسول اکرم، هبارك
یولده اخذ و در دست یچون تعقیبنه حمزة بن عمرو الاسامی بی
برقاج نفر اهل اسلام ایله مأمور ایتمش ومتجاسر لرک حیا
احراق لرینی ده انلره امر بیورمشدی .

فقط عمروك حین حرکتمده : [انی کنت امرتکم
ان تحرقوا فلاناً وفلاناً بالنار و ان النار لا یعذب بها
الا الله . فان اخذتموها فاقتلوها] دیه احراق بالناره
داثر اولان امر سابقنی تعدیل بیور دیلر .

حضرت زینب ، مرض مذکور تأثیر یله اخیراً ارتحال
ایلدیکندن هبارك هدر دمنه سیئات مسروده سبب
اولمش بولندیغی حالده اشبو فتح مکه کونی اله کچمه سی
قابل اوله مدی .

حضرت رسول الله ، مدینه طیبه ده برکون
اصحاب کرام یله برلکده اوطور ورکن هبار ، بقتة حضور
سعاده کلوب عرض دخالت و قبول دین مبینه مبادرت
ایتمکله عفو بیورلشدر .

زمان کفر ندمکی سیئاتندن طولای راست کلان

بعض اهل اسلام ، هبارده سوکر اوده باشنی یره
طوغری اکوب تحمل ایدردی .

کیفیت مسجوع عالی اوله رق طرف ذیشرف
پیغمبریدن : [سب من سبک = سنی سوکنی سنده
سوک] دیه مقابله بالمثله رخصت احسان بیوردی .

•

مارت به طوطی — سیپاشنه مینی مهدر الدم
ایدی . فتح کونی حضرت علی . بونی اخذ و قتل
ایتمشدر .

قرننا — عبدالعزی بن خطاک جاریه و خادمه
و مغنیه سی ایدی . افندیسک قارشوسنده مغنی ایله اوقو .
دینی هجریادن طولانی دمی اهدار ایدلمشیدی و لیکن
استیمان ایدمک نائل صفح و امان اولمشدر .

قریه — ده ابن خطاک کدک جاریه و مغنیه سی
و قرنناک رفیقه سی اولمغله عین تهمتدن طولانی مهتمه
ایدی . قتل ایدلیدی .

ارنب — ده خطاک آزادلیسی و جاریه سی
ایدی . مهدر الدم اوله رق اولدیرلمشدر .

امماره — بنی هاشمک آزادلیلردن و هاجیه لردن

ایدی. حاطب بن بلتعنهك مکتوبی مکّه یه ایصاله وساطت
 ایتمدیکی حالد روضه خاخذ طویلهرق الندن مکتوب
 آلمشدی. بناء علیه مهدر الدم ایدی. بر روایتده
 يوم الفتحده حضرت علی الیه قتل ایدلمش دیکر روایتده
 کوره عفو بیوریلوب حضرت عمر زمانده «ابطح»
 نام محله اوستنه بر سواری آت سوردیکندن متأثراً
 فوت اولمشدر.

ام ممر — دخی مهدر الدم اولهرق قتل ایدلمشدر.

دمی اهدار ایدیلان افراد معلوم و ماعداسی هر حالده
 امین ایدی. رؤساء قریشدن «خویط بن عبدالعزی» نک
 بر محله مختفی بولندیغنی عتبه علیای رسالته عرض ایتمش
 اولان ابو ذر الغفاری حضرتلری، هدر دمی تصریح
 ایدلمش اولانلرک ماعداسنک امین اولدینی حقنده الیغنی
 جواب عالی بی کیدوب خویطبه سویلشمس خویطبه ده
 سرورندن حضور پر سرور رسالته کلهرک قبول اسلام
 ایتمشدی.

مکه مبارکک فتحی ارتق قطعاً تمام اولمشدی.
 فاتح البعلاء افندیمرک او ائزاده مکه معظمه ده مدت مکث
 واقامتی اون بش و دیکر روایتده اون طقوز کون قدر

زماندر بنی امیه دن « عتاب بن اسید » رضی الله عنه
 حصم تاری ناسه نمار قیلدیرمق اینیون مکده والی
 براقسی که مکیه برنجی اولهرق تعین اولنان والی اودر
 بونک اجراء مأموریتی صد دنده کندوسنه خطاباً حضرت
 پیغمبر اوج کره [اتفاق ففداستعماتک علی اهل الله]
 دیه بیورمشدیر بونک اوزرینه عتاب، مسلمانلاری جماعت
 صلونه دوامه بحیورایتک مقصدیلله : [واللہ لا اعلم متخلفاً
 يتخلف عن الصلوة فی جماعۃ الا ضربت عنقه فانه
 لا يتخلف عن الصلوة الا ما فقی] دیه کوستردیکی شدت،
 بعض ذواتی پیشگاه رسالتیناهی به بت شکوایه سوق ایتمکله
 حقدده ، سول الله صلی الله علیه وسلم : [انی رأیت فیما یری
 النائم کأن عتاب بن اسید آتی باب الجنة فاخذ بحلقه لباب
 فقلقلها قلقلها شدیداً حتی فتح له فدخلها فاعز الله به الاسلام
 فنصرته للمسلمین علی من یرید ظلماً] دیه بیورمشدیر .
 روایتسه کوره اهل مکیه فقه وسنت سنییه
 اوکرتک اوزره معاذ بن جبلی عتاب ایله برلیکده بو
 دفعه براقش دیگر قوللره کوره افندیمز، حنین وهوازن
 سفرلرندن مکیه مراجعتارنده بر منوال مبسوط معلم
 فقه وسنت اولهرق براقشدرمشارالیه عتاب، فتح مکه کونی

قبول اسلام ايتمش اولان اصحاب گرامدن هنوز يکرمی
بر ياشنده بر نوجوان ایدی شو وظیفه به مقابل کندوسنه
یومی بر درهم معاش تخصیص بیورلمشدی .

مناة — ساحل بحرده مشلل نام طاغده اوس وخزرج
قبيله لرینک و دینداش لرینک مناة اسمنده بر صنعی وار
ایدی . مشلل ، ساحل بحرده بر طاغدرکه اندن قدید
منزلنه اینیلور . سعد بن زید بن اشهل حضرتلری ، صنم
مرقومک هدم و احساسنه مأمور بیورلدیغندن یکرمی
سوارى عسکريله کیدوب هدم و محو ایلمشدر جناب
سعدك هدم مناته مأموراً یوم حرکتی ، رمضان شریفک
یکرمی دردنجی کونی ایدی .

عزى — قریش ایله بنی کنانهك عزى اسمنده کی
صنعی ده مکة مکرمه به بر کیجه لك مسافده [نخله] نام
محلده ایدی . عزى ، قریش عندنده اصنامک اعظمی
ایدی خالد بن الولید رضی الله عنه حضرتلری ، ایکا
مأمور بیورلمقله اوتوز نفر سوارى ایله کیتدی .
عزى ، اوج باجاقلى برشى اوزرنده ایدی . باجاقلى
قیروب یره دوشورد کدنصوکره اوستنده کی بناییده

او زرينه چو گدېره رك عودت ايندى .
 او زمان حضرت رسول جليل عليه افضل التحية
 والتبجيل افديمز خالده :

[برشى بايه مدك] بيورديلر . خالده ، تېكرار نخليه
 كيدوب كوردى كه عزانك خدمتجىلرى عزايى طـاغده
 باشقه بر محله : [يا عنى خبايه ، يا عنى عوريه ، ديه تعزیه
 اتمكده بولنيورلر خالده ، عزايى تېكرار قيراركن ايچنده
 سيام و جيالاق و صاحى طاغنيق برقارى چيقه رق هم
 فرياد ايدر هم باشنه صاحنه طوپراق آتار اولدينى خالده
 قاجغه باءلامغله :

يا عنى كفرانك لاسبهانك

انى رأيت الله قداهانك

ديوب انى قيلمىچ ايله همان قتل اتمشدى .
 بوندن صـوكره خالده ، واقع حالى عرض و اعلام
 ايلديكى زمان رسول اكرم افديمز ، قتل عزاده خالده
 تمام موفقيتى تقدير و تصديق ضمننده : [اوت اوه
 عزى ايدى بلده كزده كنديسنه عبادت ايدملك املندن
 ارتق مأيوس اولدى] بيورمشلردر .

سواع — مکه مکرمه یه اوج میل مسافده هذیل
 قبیلہ سنک برصمی ایدی انک هدمنه «عمرو بن العاص»
 رضی اللہ عنہ، مأمور بیور لمغله واروب سواعی کسروا محاکم
 ایتشدرد.

۸

بعث خالد

فتحک تمامی اوزرینه حول الحرمده بولنان قبائلک
 دعوتی صرہ سی کلش دیمک ایدی. بومناسبتله اطرافه بعض
 مأمور لر کوندریلور ایکن خالد بن الولید رضی اللہ عنہده
 [یلملم] ناحیه سنده بنی جذیمه یه مأموراً شهر شوالده ارسال
 بیورلدی. خالدک اوزمان معیتندہ مهاجرین و انصار
 کرام ایله بنی سلیمدن مرکب اوجیوز اللی نفر عسکرده
 وار ایدی.

مکه معظمه یه بر منزل مسافده بولنان ناحیه مذکوریه
 واردی اهالی بنی جذیمه، احتیاطاً سلاحلی اولدقلری
 حالده استقبال ایتدیلر.

خالد، انلرک کیملر اولدقلرینی صورتی. قبیلہ خاقی

— و بز، مسلمانلر، نماز قیلرز. محمد [علیه الصلو
و السلام] ک نبوتی تصدیق ایدرز. مسجدلر یابدق اذان
واقامت او قورز.

دیدیلر. خالد، نیچون سالاخی کلدکرینی ده
سؤال ایتدی: « عربدن بیضنک بزم عداوتی واردر.
اوزاقدن کوروخجه قورقدق که سز انلردن
اوله سکر بناء علیه احتیاط اوله رق سلاخلمشیدک،
دیدکارینی خالد، ایشتدیکی خالد سوزلرینه اعتبار
و التفات ایتیوب ترك سلاح ایتلرینی امر و تکلیف
ایتدی اهالی مرقومه ده امر واقعه قارشى تماماً اطاعت
کوسترمش ایدیلر. بونکله برابر حضرت خالدک دیت
ایجاب ایده جک درجه ده کوستردیکی شدت، مسموع
عالی نبوی بیورلدینی انده رسول خدا افدیمر تأسف
ایدوب حضرت علی بی بر چوق اموال ایله در حال
اورایه کوندرمش و قبیلله خلقنک اجراء مواساته بذل
غنايت پیورمشد.

غزوة حنین و هوازن

اهل اسلامك مكة مكرمه ي فتح ايتسى ، قريشدن
بك چوق كيمسه لك سبب اسلاملى اولمشدر . مكده
اول مسلمان و اسلام طرفدارى آزاكن عقيب فتحد
ايمان ايتمامشلى آزالدى . دين اسلام بر مرتبه دها ميدان
الهرق قريش طرفدارى بولنان قبائل وعشائر ، مسلمانلرم
متوجه اولدى . فقط عربك اك بيوك قبائلندن
[هوازن] قبيلهسى ، مسلمانلرك و مسلمانلغك توسع
اشتهارينى منع ايتك اوزره [محمد فن حرب آشنا اولميان
مكه ليلرى بوزمش ايسه بزي ده انلرمى قياس ايدى بور]
ديه عتو و استكبار كوستررك سببسالاركتيبه انبياء عليه
افضل الصلوة و اكمل التحايا افنديمزله حرب و قتاله
بالاتفاق وادى [حنين] ده جمع و تحشيد جيوشه مبادرت
ايتديلركه بوخصوصده مرضعه رسالتپناهى حليمه سعديه نك
قبيلهسى بنى سعد بن بكر قبيله سيله بنى هلال ، بنى جشم ،
بنى نضر قبائلى ده ثقيف و هوازن ايله متفق و جميلهسى
هوازن رئيسى [مالك بن عوف النضرى] نك قومانداسى

التقدم مجتمع ایدی . بالکثر هوازندن بنی کعب و بنی
کلاب، بو مسئلهده بیطرف بولندیلر .

حنین، ذی المجاز قربنده بر وادینک یاخود بر
صویک نامیدر مکه ایله طائف ارمه سنده و طائفه ده
قربدر .

بنی ثقیفک رئیس [کنانه بن عبید یا لیل] یاخود
[اسود بن قازب] ایدی شو صورتله اولان اجتماع
عسا کردن هوازن اردوسی، یکر می بیک نفرلی براردو
اولدی. هوازنک تشبثات واقعه سی مسعود عالی بیوریلوب
درحال افندیمز دخی تدارک مشغول اولدی. حتی رؤساء
مشرکین قریشندن صفوان بن امیه دن عاریت سلاح
الندی .

صفوان، کندیسندن سلاح استعاره ایدلایکی زمان
صوردی:

— «غصبأمی یا محمد!»،

رسول اکرم صلی الله علیه وسلم افندیمز:

— «خیر غصبأ دکل بلأکه سکا اعاده ایدیلنجه ده کین

تاف اولور ایسه تضمین اولنق شرطیله عاریت ایسترم»

بیورملریله صفوان [اوله ایسه بأس یوق] دیهرک

اوج يوز عدد زره و یرمش و نوفل بن حارث بن
عبدالمطلب دخی وجه مذکور اوزره اوج عدد مزراق
اعاره ایتشدی .

سلطان قلمرو رسالت افندیمر تدارکاتی اتمام بیورنجه
مکده عتاب بن اسید رضی الله تعالی عنه حضرت تلرینی
والی تعیین ایتدی . ومکه اهل اسلامنه احکام دینی تعلیمه
مأموراً معاذ بن جبل رضی الله عنه حضرت تلرینی ده عتاب ایله
برلکده براغهرق شوالک التنجی ویا یدنجی جمعه ایرتسی
کونی دلدل اسملی استر هایونلرینه راکب و « سفیدی،
ذاة الفضول » اسملرنده بری بری اوستنده ایکی درعی
لابس اولدقلری حالده حنینه متوجهاً حرکت بیوردیلر .
اشبو زرهلر، حضرت داود علیه السلامک جالوتی قتل
ایلدیکی صرهدده لابس اولدقلری درع ایدوکی مرویدر .
معیت جهانپناهیلرنده اون ایکی بیک نفر وار ایدی .
عسکرک بیک نفری مهاجرین کرام، درت بیک نفری
انصار کرام، بشیکی جهینه و مزینه . بنی سلیم، بنی اسلم،
غفار، اشجع قبیلهلرندن و ایکی بیک ده اهل مکده و مؤلفه
القلوب طاقمی ایدی که ابو سفیان بن حرب و اوغللاری
یزید ایله معاویه، خویطب بن عبید العزی و ابو جهلک

برادری حارث بن هشام، سهیل بن عمرو، اشراف مؤلفه
القلوبك سر آمدانندن ایدیلر. برلکده سکسان نفرده مشرک
اولوب ایچلرندن بری صفوان بن امیه ایدی .

*

ابوواقیلی ، نقل ایندر دیرکه :

حنین سفرنده معیت سنیة رسالتیناهیده ایدم. یوله
یشیل یاپراقلی کوزل و بیوک بر اغاچه تصادف ایتدک .
اچاجک طراوت و نصارتی نظر رغبت و استحسانمزی
جلب ایتدی زمان کفر و جاهلیته قریب العهد اولدیغمزک
سوقبله اولمی ایدی که کفار قریش و غیرلرینک سنهده
بر کون محل تفرج و تیزه اولق اوزره « ذاة الانواط »
اسملى بویله جسیم براچاچلری بولندیغنی تخطر ایدرک:
— « یارسول الله ! بو اغاچی « ذاة الانواط » اتخاذا
ایتمکه بزه مساعدته ایت نته کیم قریشک ذاة الانواطلری
اولدیغنی کبی بزده کلوب بونده اکلنیرز ،

دیدک. قریش ، ذاة الانواطلرینه سنهده بر کون
کیدرلر اغاچک داللرینه سلاچلرینی آصارلر. دیننده
قربان کسوب او کون ای بر ذوق و تفرج ایدرلردی
مکر بو تکلیفمز ، مکروه کلدی . افندیمز ، حیرت
و استکراه ایله :

— «الله اكبر والله سزبكا برشی سویلديكزكه حضرت موسى [عليه السلام] قومی بومثللو برسوزسویلمشردی [اجعل لنا الهاء کمالهم آلهة] دیوب موسی دخی انلره: «تحقیقا سز، احق برطائفه سکز» جوابی و پر مشدی «بیورمقله سوزیمزدن ناشی رسول اکرم صلی الله علیه وسلمه قارشی نادم و محجوب اوله رق توبه و استغفار ایلدک».

*
* *

برکیجه سحر وقتی ایدی افندیمز، عسکرینی تعیمه و ترتیب بیوردی فرقه مهاجرین ایچون مرتب ایکی لوانک برینی عمر الفاروق رضی الله عنه دیکرینی حضرت علی المرتضایه، اوسیلرک لواسنی اسید بن حضیره خزر - جیلرک لواسنی ده سعد بن عبادیه و یردی.

بنی سلیم قبیله سیله مکه عسکر، مقدمه الجیش [چرخه جی] تعیین اولمش و بونلره غازی نامدار حضرت خالد بن الولید، قوماندان انتخاب بیورلمش ایدی.

اردوی همایون، مکمل و منتظم بر اردو ایدی. شو انتظام و کثرته مبنی ایدی که جناب ابی بکر الصدیق رضی الله تعالی عنه افندیمز، عسکر اسلامک انتظام و کثرتنه

نظر مسرتله باقرق و اتحاد و اقياد اوزره حرکتلرینی
 ملاحظه ایدهدک: [بوعسکر، ارتق قلتدن ناشی بوزولمز]
 دیمش بولمسیله سهواً صدور ایتیش اولان بوسوزک اضمین
 ایتدیکی خطاه غرور آمیزدن طولایی حقلرندم بر جزاه
 سماویئک تحقیق حلوانی رسول اکرم، اکلا بهرق طبع
 عالی رسالیناهیلرینه کراحت حاصل اولمش و فی الواقع
 اردوی همایون بادی امرده بر هزیت مهمهیه تصادف
 ایتشدی! . حتی انهرام اسلامه و انهرامک وقوعی حاکی
 اولان: [و یوم حنین اذ اعجبتکم کثرتکم]
 آیت کریمه سنک معرض توپخده شرف نزولنه شو
 سوزک تسبب ایتدیکی مرویدر .

کلام مذکورک یا کاشانی بدیهی ایدی . زیرا کثرت
 و قوت، کرجه اسباب مطلقوته دندر لیکن نصرتده
 حقک احسانیدر . اسباب لازمه حاضر ایدلکدنصکره
 نصرتی انحق طرف حق جل و علادن بکله ملیدر .

شو خصوصده ظهور ایدن خطایی تماماً تصحیح
 ایتدیرمک و ناصر حقیقینک آنحق کنیدیسی اولدیغنی
 بیلدیرمکده اتمه بر درس اعتبار و ابتصار اولق اوزره
 جناب حق، اشبو غزاده مسلمینه ابتدا هزیت صورتی

کوستروب عقینده عنایت الهیه سی اوله رق برده مظفریت
عظیمه احسان بیوره شدرد ! .

دشمن اردوسنک قوماندانی مالک بن عوف ،
محافظه مال و عیال غیرتیه حرب ایتدیرمک کبی بر
ملاحظه بناه عسکرینی بالجمله نسوان و صبیان و حیواناتی
ایله برلکده معرکه یه کتیردرک : [جمله کز یکو جود
اولدینگز حالد هجوم ایده جکسکیز] دیه امر ایتشدی .
اردوی هایون ، شوالک اونجی و دیگر روایتیه
کوره اون برنجی کونی اقشامی حنینه مواصلت ایتمکه
دشمن طرفندن کلان جاسوسک مشهوداتی حقنده کی
افاداتی هوازن عسکرنده خوف و خاجانی موجب
اوله رق برخیلی مقداری طاغیلمش و افندیمرک تجسسه
مأمور آکوندردیکی « عبدالله ابن ابی خدره » دشمنک نسوان
و صبیان و حیوانات برابر اولدینگز عرض و اعلام
ایدرکن افندیمرک ، تبسم ایله : [ان شاء الله انلر ،
یارین هپ مسلم انلره غنیمت اوله حق] دیه تبشیر
بیوردی .

وادی حنینه کیدیله جک یول طار اولدینندن
عسکر مختلف یولاردن فرقه فرقه ایریلوب یورودی .

طليعه به مأمور حضرت خالد بن الوليد ، بنی عحابا
 سکر دویب کیدرکن بوصولردن دشمن ، بردنبره بایره رک
 اوزرینه یغمو رکبی اوق یاغدیرمغه باشلامقله طليعه نك
 بر قسم مهمی بولنان بنی سلیم ، بوزولیویردی . خالد
 دخی او آنده اوق ایله یارملوب مکه عسکری هزیمتده
 بنی سلیمه برابر ویرو اولدی ، طليعه نك شوو حالی
 کتیه نك بتون اقسام وشعبات سارمسنه بر لحظه ظرفنده
 سرایت ایدرک قوجه اردو ، طاغیلدی مرکز میدان
 محاربه ده یالکز فخر کائنات افندیتمز ، نزد هایونلرنده
 عم عالیری عباس ، فضل بن عباس عمزاده لری ابو
 سفیان بن حارث بن عبدالمطلب . ابو بکر الصديق ،
 عمر ، علی ، اسامه بن زید ، عبدالله بن مسعود
 قالمشردی .

امر ایمانده ضعفی بولنان مکه لیلرک و علی الخصوص
 مؤلفه القلوب طاقنک افکاری درحال بوزولمشدی ! .
 حتی ابوسفیان بن حرب ، اسلامک او قورقونج بوز -
 غونانی ائناده مکه لیلردن بری ایله سویلشور ایکن :
 [بو هزیمتک دکره قدر ارقه سی النهماز] دیمشدی ! .
 صفوان بن امیه نك انابر قرن دشی کلدی دخی ،

اصحاب كرامك موفقیات متابعه سنده کی حالی باشقه
 درلو اكلامقده اولدیغنی بللی ایدرك بر وضع
 سخره آیزایله : [بوكون سحر بوزولدی] دیمش و
 صفوان ، انی رد و تقییح صره سنده : [صوص الله
 آغزیکي بیرتسون ! بكا هوازندن بری حاکم اولمقدن
 قریشك حکومتی دها خیرایدر] دبه کلدیهی تکدیر
 ایتشدی .



سلطان هر دو جهان افندیمز ، شجاعته ده بهمتا ایدی .
 اك طیار ، اك خطرناك زمانلرده اصلا تلاش و فتور
 کوستر مزدی .

شجاعتلری حقنده جناب علی المرتضی دیر ایدی که :
 محاربه شدت بولوب ده باشمز صیقیلدیغنی وقت هپمز
 حول رسول الله صیغفور ایدك .

ایشته بو دفعه کی هزیمته بتون اردو بوزولدیغنی حالده
 او حضرت عالمیت ، قطعاً فتور بيله کوستر میهرك دللی
 کالی هیبت و صولتله سمت اعدایه طوغری سوجه چا -
 لیشیر و کندیسنگ بویله بر محله خوف و هراس سببيله
 صاووشه جق همان بر شخص عادی اولیوب بر نبی حق

صادق الوعد الامين اولديغى و على العموم بيانات و
تبليغاتك بركون اولوب ده برر بر ريز حصوله كاديكنك
كوروله چككى و دين مينك تعمم و اغتلاي موعود
و محقق بولنديغى تكرر صدده : [انا لبي لا كذب
انا ابن عبد المطاب] ديه طرف مخالفى تهديد ايدردي !
انجق ابو سفيان بن حارث ، دلايك يولارندن ، عباس
و عبدالله بن مسعود حضراتى ده ركاب هايوندن طوتوب
سولندن منع ايدرلردى .

مسلمانلار ، هزيتى تمام كورد كدن سوكره بوزغون
عسكرى ينه ميدان حرب وقتا له كتيروك ايچون معياددى
اصحاب كزنى برابر صاغ طرفه چكيلهرك :

— « اى ناس ! كليكر . بن ، رسول الله . محمد

بن عبد الله »

ديه چاغيردى و ندا ايتسنى عباسه امر ايتدى .

عباس كور سسلى بر ذات ايدى . درحال صوت
جهير ايله :

— « يا معاشر الانصار ! يا اصحاب الشجرة و يا

اصحاب سورة البقرة ! »

ديه ندا ايتدى . انك اوزرينه عسكر اسلام ،

طرف طرف [یا لیلیک یا لیلیک] صدالریله جمله میدان
 محاربه یه و پایگاه عالی نبوته عودت ایتمشلردر .
 جناب حق ، عسکر اسلامه ارتق کمال صبر و سکینه
 احسان بیورمش و شاهد فتح و ظفر اردوی هایونه
 رهبر اولمشدی . هوازن عسکری هجوم ایدرکن حضرت
 علی کرم الله وجهه بالمقابله انلرک علمدارینی قتل ایتدیکندن
 او انشاده نبی اکرم صلی الله علیه و سلم : [الآن حمی
 الوطیس = شمدی فرون قیزدی] بیورملریله برابر
 راکب اولدقلری دلله : [البدی البدی] دیدی . دلل ،
 درحال قارننی یر و یردی . افندیمز ، دللک اوستنده
 اوتوردینی حالده الیله یردن بر آووج طوپراق و یاخود
 اوفق طاشلر آلدی . و : [اللهم انجز لی ما وعدتني] دعاسنی
 او قودی و صوکره : [شاهت الوجوه] دیه آووجنده کی طوپراغی
 سمت اعدایه طوغری آتدی ! .

معجزاتندرکه آتیلان بر آووج قوم یاخود طوپراق
 قتالدن منع و اشغال ایده جک بر مقدارده اولدینی
 حالده کفاردن هر برینک کوزینه ، بورون دلیکارینه
 کیرم رک انلری فوراً هزیمته اوغرا تمشدر .
 دشمن ، هول جان ایله مال و عیالنی براغوب ارتق فرار

ایده یورلردی. اهل اسلام ده اناری بالتعقیب کیمنی قتل کیمنی
اسیر ایدردی. حتی ایشته شو آنده ایدی که اغنیاء انصار
کرامدن و خزر جیلردن ابو طاحه رضی الله تعالی عنه
حضر تلری دشمن عسکرندن یکرمی نفری قتل ایتشدرد.



سوء قصد — عباسک اصحاب کرامی نزد رسالتده
نباته دعوت ایتزدن آز مقدم ایدی. «شیه بن عثمان
ابن ابی طاحه» مضمهر فاسدینی حربک هنکام بحر اننده
اجرا ایتک اوزره افندیملک نزد هایونلرینه صوقوانه
باشلادی. صاغ طرفندن کلدی، حضرت عباسی انده
بوله رق جانب یسارینه رجوع ایتدی. صواندهده ابو
سفیان بن الحارث، قائم ایدی. جانب یسار و یمنندن
انته از فرصت ممکن اوله مدیغنی اکلا نیجه خلف ظهر
هایونندن یاقلاشدی. قلنجی یتشدیره جک بر منزه کلدیکی
و قلنجی قالدیردینی بر دقیقه ده کوزینک اوکنده ییلدیرم
آتشی کی برشی پارلادی. شو آتش، خوف و خاجاتی
موجب اوله رق شیه کیری یه طوغری پوسه کوررکن
افندیملر، التفات بیوروب ماجرایه اطلاع لرینی بللی
ایتمکمزین: [تعال یا شیه] دیه چاغیردی. شیه نزد

هياونه کيتیدی . افنديمز رفيق و ملايمتله شيبه نك
 صدريني : [اللهم اعذه من الشيطان] ديه مس و مسح
 بيوردي . برکت مسح عالي ايله نبي اکرم صلى الله تعالى
 عليه و سلم بالاخره محبوب قلبي اولمش ايدوکنی
 حکايه صددنده شيبه : [والله سيد الانبياء ، روحمدن
 قولاغمدن ، کوزومدن دها زياده سوکيلم اولمشدر] دير
 ایدی .

روايته کوره شو غزومه اتی بيک نفر اسير ،
 يکرمی درتبيک رأس دوه ، قرق بيکدن زياده قويون ،
 قرق بيک قيه کموش مال غنيمت اوله رق اهل اسلام
 انه کچمشدر . دشمندن يتمش قدر مقتول بولنديغی حالده
 اهل اسلامدن يالکيز درت نفر شهيد اولمشدر که بری
 «ايمن بن ام ايمن» رضی الله عنهما حضرتلريد .

عقيب غزومه خالد بن الوليدک بولمسنه امر
 نبوی شرفصادر اوله رق لدى التحری هر طرفی ياره لی
 اولديغی حالده بولمش و حضور برنور رسالته کتيرلمشدر .
 حضرت نبي اکرم صلى الله عليه و سلم ، دهان
 شريفارينک آب حيانندن سورمکله جريحه لر درحال
 کسب التيام ايتمشدر .

طرفيك ابتداء تلاقيسندہ حكمة اهل اسلامه
 يوز كوتن هزيمتك خبرى مكيه واردينى زمان بعض
 اهل مكة: محمد [عليه الصلوة و السلام] اولمش محمد.
 يارده منهزم وپريشان اولمش. بوندن صوكره قوم عرب،
 بابالرينك ديننه دوزلر، ديه اظمار ممنونيت ايلمش بونلره
 قارشى مكة مكرمه والى وقائمقامى عتاب بن اسيد رضى
 الله عنه: محمد [عليه الصلوة و السلام] اولمش ايسه
 شريعتى باقى و مولاسى حى لايوتدر، ديمشدى.

۹۰

— غزوة اوطاس —

حزين واديسندن هوازن و ثقيف اردوسى واقبح
 هزيمتله منهزم اوله رق قبائلدن هربرى بر طرفه طاغليمشدى
 شونلردن التى يوز قدر بر طائفه [دريد بن الصمه] نك
 معيتنده اوطاس نام محله چكلمشدى كه اجتماعلى اهل
 اسلام حقتده بر فيكر خيره مبنى اولمدينى جهتله انلرى
 تنكيل و استيصال ايجون عليهمرينه اصحاب كرامدن [ابو
 عامر عبيد بن سليم الاشعرى] رضى الله تعالى عنه
 حضر تلرى ، بر فرقه عسكرله كوندولمشدر . فرقه

مذکورده حضرت ابو عامرک برادر زاده سی ابو موسی
الاشعری ایله زبیر بن العوام ، سلمه بن الاکوع رضوان
الله علیهم اجمعین حضراتی ده وار ایدی .

ابو عامر ، حین مقاتله ده دریدک فرقه سندن طقوز
شخصی قتل ایتدی . اونجیسی میدان کیردیکی زمان
ابو عامر ، انی علی الاصول دینه دعوت ایدرکن حریف ابو
عامری رد ایتدی ابو عامر بونک قتلنه مانع مشروع
قالمدیغنی بیان ضمنتده :

— « یارب شاهد اول ! »

دیدي او ده بالمقابله :

— « یارب شاهد اوله ! »

دیمش بولندیغندن ابو عامر ، انک شو سوزندن
تعجب واستغراب ایدرکی اوله رق سینی تفکر زمینده
براز توقیف سیف ایتمکله فرصتدن بالاستفاده کافر مرقوم
تخلیص جان ایدوب قاشمدر .

بنی جشمندن حارنک « اوفی . علا » نامنده ایکی
اوغلنک آتدقلری اوقلردن بری ابو عامری دیزندن
اوره رق شهید اتممدر . رضی الله عنه
حضرت ابو عامرک وقوع شهادتندن سوکره انک

برادرزاده سی ابو موسی الاشعری حضرت تباری قوماندان
اولمش و قاتلی دخی بالتعقیب یاشوب قیلنج ایله اولدیرمشدر.
قاتل ابو عامر ، درید بن الصمصمک اوغلی سلمه ،
ایدوکی ده مرویدر .

فتح و ظفر ، جناب ابی موسی الاشعری حضرت تبارینک
الده یوز کوستردی . بر چوق اسرا ایله بر خیلی اموال
غنایم اله کچمک عسکر اسلام مسروراً عودت ایتدی .
اسیرلرک اره سنده مرضعه رسالتپناهی و حلیمه بنت
ابی ذؤیب ، ک قیزی و شیاء بنت الحارث ، دخی وار
ایدی که رسول اکرم صلی الله علیه و سلمک رضاعاً
همشیره لر ی دیمک ایدی .

شیاء ، حضور رسول الله کتورلدیکی زمان کندی
عرض و تعریف ایتدیکندن افندیمز ، انی طانیوب مأز
اولمش و مبارک کوزلرندن یاش کلمشیدی .

رداء شریف لرینی یره سر مرک شیانی الک اوزرینه
لا و طورتدی . و حقنیده حرمت و رعایت کامله ابراز
پیوریدی . حق نزد نبویده معزراً قالمسینه بلده سنه
اعاده سی بیننده تخیر ایدوب شیاء کندی بلده سنی اختیار
ایتمکله افندیمز ، بر کوله و جاریه ایله ایکی دوه بر
قویون دخی احسان ایدمک انی دیارینه کوندردی .

ابو عامر حضرتلری ، حالت موت و احتضارند
 ابو موسی الاشعری حضرتلرینه وصیت ضمننده: [رسول
 الله بنندن سلام ایت بنم ایچون استغفار ایتسون] دیمشدی.
 ابو موسی ، مدینه منورهیه کلد کدنصوکره عرض و اعلام
 کیفیت ایتدی. حضرت پیغمبرده در حال آبدست آلهرق
 و مبارك اللارینی هوایه زیاده قالدیرهرق : [اللهم اغفر
 لعبید ابی عامر اللهم اجعله يوم القيامة فوق كثير من
 خالقك من الناس] دیه دعا ایتدی. شو دعانک عقبننده
 ابو موسی : « بنم ایچون ده یار رسول الله ! » دیه رجاده
 بولدیغندن انک حقنندهده تکرار الاری هواده اولدینی
 حالده : [اللهم اغفر لعبد الله بن قیس ذنبه و ادخله يوم
 القيامة مدخلا كريماً] بیورلیدی .

حضرت شهنشاه اقلیم رسالت افندیز ،
 فتح ام القریایه حرکت هایونلرندن از مقدم « ابو قتاده »
 رضی الله عنه حضرتلری سکر بوز نفر عسکرله نجد طرفنه
 کیتمشدی . « اضم » نام محله [عامر بن الاضبط] .
 تصادف اولندی . عامر بونلره سلام و یردی . سلام
 تحیه مؤمن بناء علیه شعار اهل اسلام اولدینی جهته

کند و سنک مسلمان بولندیغنی کوزل اعلام و افهام
ایتمشدی .

فقط معیت ابی قتاده ده کی عسکر دن [محلم یاخود
محکم بن جثامه] اسکی بر ماجرادن طولایی عامری
اوراده اوقایله قتل ایده رک دو وسیله اشیا سی مال غنیمت
دیه المشدرا که شو معامله ده کی چرکینک بدیهی ایدی .
بو مقوله معاملات و جنایاتک وقوع امثالندن اتی سی
و تحذیر ایچون حق جل و علا حضر تلی : [... و لا تقولوا
ان القی الیکم السلام لست مؤمناً ...] آیت کریمه سی
انزال بیور مشدر .

ابو قتاده نک سفردن عود تنده اردوی هایون مکه
اوزرینه یور و مشدی اوده معیتله برابر مکه سمتنه
یوللانهرق بتشمش لر مکه نک فتحنده حاضر بولندقد نصو کره
حنین غزاسنه دخی چیقمش لر ایدی .

حضرت پیغمبر ، وادی خنینه صلات ظهری ادا
ایدوب بر اغاج کولکه سنه او طور مقله اصحاب کرام ده
اطرافنده طور دیلر . ایشته اوساعتده غطفاندن فزاره
قبیله سنک رئیس « عینه بن حصین » ، مقتول عامر بن
الاضبطک قاتلی طلب و دعوی ابدی . اکا قارشی بنی
تمیم شیخی « اقرع بن حابس » دخی قاتل محلمی مدافعه یه

باشلادی. کیفیت حضور رسالتده دور ودراز بر محاکمہ بی
تشکیل ایدم رک اک صوکره ورثه نك موافقتیله دیتہ قرار
ویرلدی . و : [محلم کلسونده رسول الله انك ایچون
استغفار ایتسون] دینلدی . محلم کلوب نبی اقدسک
حضور هابونلرنده اوطوردی . رسول اکرم، اکا :
— « آدک ندر ؟ »

دیه صوردی . « محلم بن جثامه » جوابی آلهرق
صوکره اره لرنده شو محاوره جریان ایتدی :
— « عامر بن الاضط، اسلامنی سزه بللی ایتمشکن
انی قتل ایتدکمى ؟ »

— « انك اسلامی اظهار ایتسی انجق اولومدن
قورتلمق ایچون ایدی . »

— « یا سن قلبنی یاردکمى که طوغریمی یالانمی
بیله سک »

— « انك قلبی بر قطعه الحمدیر یارلسه نه اکلاشیلور ؟ »

— « یا قلبنی بیلمزسک لساننده اینانمزسک نه
یایملى »

محلم ، صوکره درجهده ملزم و مبهوت قالمشدی .
دیه جک سوز بولهمدی [یارسول الله ! بنم ایچون استغفار
ایت] دیدی . حضرت پیغمبر، انك او استدعاسنی رد

ایدمرک : [الله سنی عفو ایتمون] بیورمهله محلم ،
 بوزوله رق و کوزلریدن یاش آفرق قاقوب کیندی .
 ویدی کون صو کره کدرندن وفات ایتدی .

ضربیدرکه محلمک جسدینی ارض قبول ایتیوب
 طیشاری آیدی . تکرار دفن ایدلیدی حلاله یینه آیدی .
 کیفیت رسول الله صلی الله علیه و سلمه عرض اولندی .
 او زمان اقدیمز : [ان الارض تقبل من هو شر من
 صاحبکم ولكن یرید الله ان یعظکم = ارض اندن یعنی
 محلمدن دهافنا کیسه لری ده قبول ایدر اما جناب حق
 سزه وعظ ایتک ایستر] بیوردیلر .

محلم ، بردها دفن ایدلیدی وارض طشره آتمسون دیه
 امر تنبیه نبوی وجهله اوزرینه بیوک طاشلر وضع
 اولندی .

ذوالکفین — « عمر بن حیمه ، نک او طوندن معمول
 و ذوالکفین اسمنده کی صنمک کسر و محاسنه » طفیل .
 بن عمرو الدوسی « رضی الله عنه حضرتلری اعزام
 بیورلیدی . شو خدمتک ایفا و اتمامندن صو کره کلوب
 طائفده اردوی هایونه التحاق ایتسی ده جمله وظائفندن
 ایدی . طفیل رضی الله عنه ، صنمی ییقوب یوزینه آتش .

دو کدیکندن ذوالکفین ، یانغه طوتوشدینی ساعتده انی
سیر ایدر و استخفاف و استحقار صدندده :

یاذا الکفین لست من عبادکا

میلادنا اقدم من میلادنا

انی حششت النار فی فؤادکا

دیور ایدی. صوکره کندی قبیله سی بولنان بنی دوسدن
معینه درت یوز نفر الهرق بر منطوق فرمان هایون
رسالتپناهی اردوی همایونه طائفه یتشمشدر.

۱۱

غزوة طائف

حنین بوزغونلرندن ثقیف قبیله سی طائفه عودتله
بر سنه لك ذخیره لرینی یانلرینه آلهرق طائف قلعه سندنم
تحصن ایتدیلر !

حنین اردوسی قبائل متفقهدن مرکب بر اردو
اولدینی حالد انک اقبح هزیمتله وقوع انهزامندن صوکره
دها بیوک قوتی حائر بر دیگر اردونک اسلامه قارشی
تحشید و تحشیدی امکائی قالمدیغنی و تنکیلرینه اهل
اسلامک هر حاله حرکت ایدم جکنی اکلامشدر و اکا
مبنی تدبیر تحفظی اولهرق قلعیه قیامشدر ایدی !

هوازن رئیس « مالک بن عوف » دخی متحصنلر
میانده ایدی .

رسول اکرم صلی الله تعالی علیه و سلم ،
حزین اسراسیله اموال غنایمنی جعرانده [۵] جمع
ایتدیردی . محافظه سنه بر مقدار عسکرله عباد بن بشری
مأمور تمین بیوره رق کندیلری ، قوه موجوده ایلر برلکده
طائفه یورودی .

اوزمان امهات مؤمنیندن [زینب و ام سلمه] رضی
الله عنهما حضرتلری ، معیت سنیده ایدیلر . مشار
الیهمادن هر بری ایچون آری چادر قورولمش ایدی .
ایکی چادرک ارمهنده افندیمز ، نماز قیلر ایدی که محل
مذکورده « مسجد طائف » اسمنده بر مسجدک الآن
موجودیتی مرویدر .

جناب خالد بن الولید رضی الله عنه ، مقدمه یه
مأمور ایدی . یولده تصادف ایدیلان اسکی بر قبره اشارتله
حضرت پیغمبر :

— « هو ، ابورغالك قبریدر . اغاج بوداغی شککنده
التوندن معمول بر شی ده مدفوندر » .

[۵] جعرانه : مکه مکرمه یه اون قدر میل مسافه ده بر محلدر .

بیورمقله بعض اهل اسلام، محل مذکوری قازوب
غنصن ذهبی چیقارمشدر.

اردوی هایون، سمرة الرما محلنه مواصلت ایتدیکی
انئاده بنی لیث قبیله سندن برینی قتل ایتمش اولان قبیله
بنی هذیلدن برکیمسه جقنده قصاص شرعی اجرا
اولنمشدر.

سمرة الرعادن طائفه وارلدی. و قلعه درحال
محاصره التمه المدی حضرت سلمان فارسی رضی الله
عنک معرفتیه شو محاصرهده منجیق دخی استعمال
اولنمشدی. اسلامده ابتدا منجیق قوللانیه لان
غزا، شو غزا و اول استعمال ایدیلان منجیق ده بودر.
ثقیف رئیس «عروه بن مسعود» ایله «غیلان بن
مسلمه» اشبو وقعده وثقیف میاننده دکل ایدیلر بونلر،
مکه فتوحاتک ختامنده اسلامه قارشى عربده مقابومته
تاب وتوان قالیه جغنی و اوحالده ابتدا طائف طرفلرینه
حرکت ایدیه جگنی اولجه کشف ایتدکارندن لدی الاقتضا
محافظة بلده ایچون قوللانیه جقلرای منجیق صنعتی اوکرنمک
اوزره [جرش] طرفته کیشمشدردی.

مع مافیه ثقیف، صوک قوتی بازویه ویره رک قلعه دن
مدافعه ایتمشلر چوق اوق آتمشدر در حتی دردی انصار

گرامدن اوله رق اون ایکی ذاتی شهید و بر خبلی کیمسه
لری مجروح ایله مشلردی .

عبدالله بن امیه ، شو غزائک شهداسندن و عبدالله
ابن ابی بکر الصدیق رضی الله عنهما حضرت تلری ده جریحه
داراننددر . مشار الیهک یاره سی چوق زمان دوام ایتمش
ونهایت بدر عالی لری حضرت صدیقک ایام خلافتنده جریحه
مذکور هک تاثیر سی سبب فوقی اولمشدر .

ذوالکفین مصاحبتک ختامیله طفیل الدوسی حضرت تلرینک
طائفه عودتنده معیتنده غزایه کلمش اولاندردن بر قاج کیمسه .
لرک وقوع شهادتی اوزرینه افندیمر امر بیوروب نفیک
باغلری قعماً قلع و احراق اولمش و اهالی محصوره
طرفندن وقوع بولان رجا و استدعایه بناء امر قلع
و احراقدن بالاخره صرف نظر ایتدیرلمشدر .

منجنیقک ضرب سر میسیله قلعه دیوارنده حصوله کتوریلان
رخنندن بعض اهل اسلام کیروب ایچریده سوری خرق
ایتمک باشلامشلردی . محصورین ایسه قیزغین تیمور جبو-
قلرینی رخنه دن طیشاری به دورتمک صورتیه به بالمداغه
انلری اورادن منع و دفع ایتمشلردر .

بناء علیه یالکز میدانده وقارشودن قلعه به اوق ایله

محارب بدن باشقه چاره قالمدی. خالد بن الولید حضر تبری،
بر قاج دفته میدانه کیردی. و مبارزه یه قیفدن آدم
ایستدی. رؤساء مشرکین و محصوریندن عبد یلیل:

— « سکا بورادن قارشى چقه حق آدم یوقدر .
بز ابراز قیزی تو کدنجه یه قدر مدافعه ده بولنه جغز صوکره .
مجموعه بردن هجوم ایدوب محو اولنجه یه دکین حرب
ایده جکز ،

جوابی ویردی .

محاصره مک شدنلی بر هنگامنده « عینه بن حصن
الفزاری » اهل طائفله مکمله ایچون طرف اشرف
رسالت پناهیدن بالاستیدان رخصت الهرق کیتدی .
انلره مأوریت و مأذونیتک بالطبع خلافی اولدینی
حاله :

— « تمسکوا بمکانکم ! واللّه لنحن اذل من العیید .
لو حدث به حادث لتجدن العرب عزاً و نعمة . فتمسکوا
بمحضنکم ! و ایاکم و ان تعطوا ما بایدیکم . و لا یتکازن
علیکم قطع هذه الشجر »

دیوب عودت ایستدی . مکمله مک صورت جریانی استفسار
صددنده حضرت رسول الله . اکا :

— « ثقیفه نه سویلدهک ؟ »

دیه موردی . عینه :

— « انلری دین اسلامه دعوت و نار جهنمدن
تخذیر ایتدم کندولرینه جنت یولنه دلالتده بولندم . »
جوانی ویررکن افندیمز ، اولابده قوه کاشفه
نبوتلریله ادراک ایلدیکی ماجرای عینه نك یوزینه قارشى :
— « یالان سويلدك . سن ، انلره شویله سويلدك ،
بویله سويلدك »

دیه حرفیاً نقل ایتمکله عینه ، اعتراف و استغفاردن
باشقه چاره قالمدیغنی اکلایه رق مناسبتمز ایتکندن ناشی
صوك درجه ده نادم و محجوب اولدیغنی حالده :
— « طوغری سويلدك یا رسول الله ! توبه ایدرم »
دیه بیلمشدی .

فتح مأمول دکلدی . محاصره ، اون سکیز و روایت
کوره یکر می کونلره کلشدی .

ثقیف اهاالیسنك کوله لرندن شو صرمده اردوی
اسلامه قاچانلرك آزاد ایدیلر جکلری اعلان بیورلدیغندن
برروایت کوره اون ، دیگر روایت کوره یکر می اوچ
نفر ، قلعه دن پایگاه رسالتیناهی به فرار والتجا ایلمشدر

ایچلرندن اسملری معلوم و مضبوط اولانلر : [مضطجع
، نفع ، ازرق ، وردان ، یحنس النبال ، ابراهیم بن
جابر ، بشار ، نافع ، نافع] نامنده طقوز ذاتدر .

مضطجع — عامر بن معتبك كولهسی ایدی رسول
الله صلی الله علیه وسلم ای « منبعث » اسمیه اسمیه
و تلطیف بیورمشدر .

نفع — طیب مشهور حارث بن کلدنك كولهسی
ایدی . حین فرارنده قلعه دیوارندن بکره [مقره]
استعمالیه اشاعی ایندیکندن « ابو بکره » کنیه سیله
مکنی اولمشدر .

ازرق — بوده ابن کلدنك كولهسی و دهات
عربدن حلیف بنی امیه مشهور « زیاد بن ابیه » والدیهسی
سمیه نك قوجهسی ایدی . اسلامی اوکرتمك اوزره
رسول اکرم ، بونی خالد بن سعید بن العاصه ویرمشدر .

وردان — عبدالله بن ربیعہ نك كولهسی ایدی .

یحنس النبال — ابن مالک الثقفینك كولهسی ایدی .

ابراهیم — خرشة الثقفینك كولهسی ایدی .

بشار — عثمان بن عبداللهك كولهسی ایدی .

نافع — حارث بن کلدنك موالیسندن ایدی .

نافع — غیلان بن مسلمہ نك موالیسندن ایدی .

بونلر ، مسلمان اولدقدنصوكرم . علملر بدم اسمائلك
 طلب و دعوالرى رد اولانهرق بالمكس آزاد ايدلنگارى
 بيان سيورلمشدر .

عثمان بن مظعونك زوجهمى و خوله بنت الحكيم ،
 طائف اغنياسندن و باديه بنت غيلان ، ك ياخود و رفاعه
 بنت عقيل ، ك حاياتى كندوسنه و يريله چكى وعد ايدلر
 ايسه حصارك فتحنه چاره بوله جفنى سده نيه رسالتهناهي به
 عرض ايتديرديكى حالده معروضات واقعه مقرون قبول
 عالى اولامديغدن خوله ، كييفتى حضرت عمره سويلدى .
 جناب فاروق ، بالمراجعه ظرف ذيشرف سيدالانام
 اكرميدن استيفاح ماده ادوب بوسنه فتح طائفك . يسر
 و بمقدور اولديغنى اكلادى .

ايشته بو اراده ايدى كه افسديمز ، عودت عزم
 عايسنده اي و كنى عمر الفارونك و ساطت و تصوييله
 اعلان ايتديردى . فتوحات يوز كوستر مكسز بن عودت
 خصوصى ، بعض غزاته آغير كلدرك موجب قيل و قال
 اولدى . افسديمز فتحك شمديلاك ميسر اوليه جفنى بيلديكى
 حاده عسكرى يهوده اتعاب ايتمامك فبكرنده ايدى .
 مع مافيه جس اولنان تأسفك دفعيله برابر حكمت

معاودتی عسکره علم الیقین اوله رق تلقین و اعلام ایچون
ایرته سی صباح شدتله قتال قومانداسی ویردی . وقوع
بولان محاربه ده ایسه بر قاج نفر اهل اسلامک یاره لی
قالمسندن باشقه فائده کورلمدیکندن یینه عودت اعلان
بیورلدی .

بو دفعه عسکر ، ممنون و محظوظ ایدی . اردو
خالقک بو درلو حرکات عامیانه سینه قارشى افندیمز ،
تبسم بیوردیلر .

اشبو محاربه ده ابوسفیان بن الحارث بن عبدالمطلبک
بر کوزی اوق ایله چیقارلمشدر . حضرت نبی اکرم
اکا :

— « یا ابا سفیان ! هانکیسنی دیلرسنک ؟ دعا ایدیم ده
کوزوکمی یرینه کلسون ؟ یا خود دیلر ایسه ک الله تعالی
سکا جنتده بر کوز ویرسون »
بیوردی . ابوسفیان ده :

— « یا رسول الله ! ایسترم که جنتده ویرسون »
دیوب آووجنده کی کوزینی یره آتمشدر . مشارالیه ابو
سفیان ، مؤخر آ وقعه یرموکده شهید اولمشدر .
اهل اسلام ، ثقیف علیهنه دعا ایتمسنى رسول اکرمه

عرض ایتدیلر . نبی غنار افندیمر بالکس انلره اسلام
وهدایتله دما ایتشدر .

...

تقسیم غنائم — اردوی هایون ، ذی القعدة نك
بشنجی کیجه سی جمرانه یه کلدی . اموال غنیمت . انده
تقسیم ایدلدی . حین تقسیمده افندیمر غنیمتی یالککن
اهل اسلامه حصر و تخصیص ایتیوب قلوبک دین اسلامه
جلب و تالیفی ایچون « ابوسفیان بن حرب ، واوغلاری
« یزید و معاویه ، خویطب بن عبدالعزی ، عکرمه ابن
ابی جهل ، و برادری حارث بن هشام ، سهیل بن
عمرو ، حکیم بن حزام ، حارث بن حارث بن کلده ، علاه
بن حارثة التقی ، عینه بن حصین الفزاری ، صفوان بن
امیه ، اقرع بن حابس ، مالک بن عوف النضری ، قیس
بن عدی ، یه یوزر رأس دوه ایله برر مقدارده کموش
احسان بیوردی بونلردن کیمی مکه اشرافندن کیمی قبائل سائر
رؤسا-ندن مؤلفه القلوب کیمی ده هنوز مشرک ایدی ! .
حقلرنده شوصورتله لطف عالی ابدال اولنه رق کوکلری
آلنمشدر .

مخرمه بن نوفل الزهری همیر بن وهب الجمحی ،
هشام بن عمرو العامری ده ایکنجی درجه ده اشرافندن

بولنگرینه مبنی کندولرینه قرقر دوه ایله برر مقدار
 کوش و سعد بن ربوع مخزومی، به الی دوه ویرلدی.
 حضرت پیغمبرک ابراز بیوردقلری جود و سخا
 پیمبرانه سی، اشراف ورؤساء عربی حیرتده برانقشدی!
 حتی حین تقسیمده اک اعلا جنسندن یوز قدر دوه نك
 بر وادیده طویلانمش طور دیغنی صفوان بن امیه کورده رک
 ایستکنی بللی ایدم چک قدر صیق صیق باقدقن صوکره:
 — نه کوزل دوه لر در ،

دیملکه رسول اکرم :

— « او یله ایسه انلر سنک اولسون ،

دیه دوه لر ی اکا بخش واحسان بیورمشدر!
 صفوان ، هنوز مسلمان دکل ایدی حین فتحده
 قبول اسلام ایچون بالاسلدها مکده دوت ماه مهلت
 المشکن بو مرتبه جود و سخا انجق خصات رسل و انبیاء
 اولدیغنی : [ماطابت نفس احد بمثل هذا الا نفس نبی]
 دیه اعتراف ایدم رک ارتق تمام طیب نفس ایله مسلمان
 اولمشدر .

اقرع بن حابس ایله عینسه بن حصن الفزاری ،
 قریشدن دکل ایدیلر . ولیکن رؤسادن بولنگرینه یوزر

دوه احسان بيوريلهر قرق اشراف قريشك برنجي درجه سنده
عد و اعتبار ايدلديار . بونلره يوزر دوه و يرلديكي حالده
عباس بن مرداس اسماعلي به قرق و ديكر روايته كوره
انجق درت دوه و يرلديكندن عباس ، كوچنهر ك :

اتجعل نهي و نهب العبيد
بين عينة و الا قرع
وما كان حصن ولا حاس
يفوقان مرداس في الجمع
وما كنت دون امرئ منهما
و من تضع اليوم لا يرفع

ديه صورت شاعرانه ده اعلان تأسفه باشلادی . افديمز ،
اكا قارشى . [اقتطعوا عنى لسانه] بيورمه قله حضرت صديق ،
عباسي دوه طوقا دينه كتوروب حصه سنى يوز رأس دوه يه
ابلاغ ايتدى عباس ، ارتق منون و مطيب اولمشدى .
بناء عليه عرض شكران ضمننده پيشگاه رسالتپناهي به
كلى رسول الله صلى الله عليه وسلم اكا :

— « يا عباس ! سن بنم حقمده شعرمى سويلدك ؟ »
ديه سؤال ايتدى . عباس ، اعتذاره ابتدار ايدهر ك جواب
ويردى :

— « يا رسول الله ! تحقيقا بنم شعرم ديامك اوچنده »

قرنجه کبی قپردار طورور و قرنجه کبی دیلمک اوجنی
ایصیریرسویلمکدن باشقه چاره سنی بوله نم اختیارالمده دکل «
افندیمز ، تبسم ایدهرک :

— « اوله در قوم عرب ، شعرسویلمدکجه طوره من
نته کم دوه باغیرمدقجه اولمز »

بیوردی . حالبوکه انصارکرامه دیکرلری قدر حصه
ویرلمدیکندن بنی عمرو بن عوف منافق لرندن « معتب بن
قشیر » برطاقم قیل و قاله جسارت ایتشدی .

معتبک شو کفت و کوسی اصحاب کرامدن حضرت
عبدالله بن مسعود واسطه سیله مسموع عالی اولدی .
مشار الیه ابن مسعود حضرتلری دیر ایدی : انصاردن
برینک شو تقسیمده عدالت اجرا اولمادی وجه اللهده
قصد ایدلمدی دیمسی اوزرینه کلدیم انک او سوزینی
افندیمزک قولاغنه کیزلیجه سویلدم . شدله غضب ایتدیلر
و غضب وانفعال لرندن وجه پاک تابنا کلری قیزاره رق :
[رحم الله موسی لقد اودنی باکثر من هذا فضیر] بیوردی
بن ده کاشکی سویلمیه ایدم دیدم .

سعد بن عبادہ رضی الله عنه دخی قیل و قال انصاری
عرض عتبه علیا ایتشدی افندیمز ، اکا :

— « یاسعد ! سن بومسئله ده نه حالده سک ؟ »

دیه صورتی قلاباً طرفدار انصار اولدینی جوابی
 سعدن المسی اوزرینه انصار کرامی خیمه سعادترینه
 جلب و جمع ایتدیردی. خیمه مذکور سخیاندن ممول
 ایدی. سوکره خطبه به آغاز ایله خدایه حمدوننا ایلدی و:
 — « سزدن صدور ایتدیگی بکا واصل اولان او
 لاقردیلر نه ایدی. سز او یله برشی سویلدیکزمی؟ »

دیه صورتی. انصارک المچندن بیوکاری :

— « عقل و اذعان صاحب لریم یار رسول الله ! برشی
 سویلمدیلر و لکن کنجیلر : [الله تعالی صوچنی عفو
 ایتسون قریشه اعطا ایدرده بزی ترک ایدر حالبوکه
 قلنجیلریمزده قائلر هنوز طاملا مقده] دیدیلر ،
 جوابی ویردی . تقسیمات واقعه علیهنده بعض انصارک
 شو تفوهاتی موجب انفعال عالی اوله رق کندولرینه تنبیه
 و اخطار صدندده رسالت پناه افندیمز ، کندی وجود پرسود
 همایونلری سببیلر جناب حقک انصار کرامه احسان
 بیوردینی نعم متنوعه بی تمدا و احوال انصارک ضلالتدن
 هدایت ، اختلافدن اشتلافه فقر و عیالدن غنا و سعه حاله
 تبدله محضا وجود مسعود همایونلری سبب ایدوکنی بسط
 و ایراد ایله :

— « یامعشر الانصار ! قریش، جاہلیت و مصیبتدن
 دها یکی قور تلمش ضعیف الاعتقاد مسلمانلردن بن ،
 انلرک جبر خاطر لری و دینه تألیف قلوبی ایچون کندولرینه
 زیاده جه حصه ویردم انلر، دوه، قویون آلب مملکتلرینه
 کیده جکلر سزده رسول اللهی الوب کندی دیاریکزه
 کیتمه راضی دکلیسکز ؟ اکر هجرت اولمسیدی انصاردن
 اولور ایدم . اکر ناس بر وادی به انصارده وادی
 آخره سلوک ایتسeler بن انصارک اولدینی وادی به کیدر
 ایدم »

بیوردیلر . انصار کرامده راضی و خوشنود و الوفات
 عالیدن ممنون و متشکر اولدیلر . انک اوزرینه رسول
 اکرم صلی الله علیه و سلم ، مبارک الارینی قالدیروب
 خاصه انصار و انلرک اولاد و احفادی حقنده : [اللهم
 ارحم الانصار و ابناء الانصار] ديه خير و مرحمتله دعا
 ایتسدر .

• •

وفود هرازه — تقسیم غنایمک اثناء ختامنده هوازن
 اشرافندن طقوز و دیگر روایت کوره اون درت ذات ،
 جمرانده حضور رسالتپناهی به کلوب قبول ديه اسلام
 و قبیله لرینک مسلمان اولدقارینی عرض و اعلام ایتدیلر .

اسیر اولان اولاد و ازواجاریتک طرفلری نورد و اعاده سنک
طایب صددندہ :

— ہ بار رسول اللہ ! اعلف و کرم عیمکیزدن رجا
و امید ایدرکک اولاد و ازواج و اموالاریمیزی بزم
احسان بیورہ سکز اسری ایچندہ سنک رضاعاً عمته -
لرک و خالارک بوالدینی کی طفولایتک ہنکاکہندہ سنی
حضانہ سندہ حفظ و تربیہ ایتمش، سکا خدمتار و کفالتار
ایلمش قادینار واردر بزم ابی شمر الغسانی ، نعمان بن
المنذر کی ملوکہ بو حضاتی ایفا ایتمش اولاسیدک و سکا
اولان اتساب و اختصاصمز انلرلہ اولمش اولاسیدی
حقمزدہ سندن شمدی مأمول ایتدیگمز شو عاطفتی
انلردن امید ایدر ایدک سن ایسہ جملہ مکفولارک اکر -
میسک ،

دیہ نیاز مند عاطفت اولدیلر .

ذوات مذکورہ نک ایچندہ ہ ابورقاء زہیر بن صرد
سعدی ، دخی وار ایدی . معرض نیاز و استعطفادہ :

امنن علینا رسول اللہ فی کرم
فانک المرء نرجوہ و تنتظر
امنن علی بیضۃ قدما قہا القدر
مشتت شملہافی دہرہا خبر

امن على نسوة قد كنت ترضعها

اذفوك تملأوه من محضها الدرر

یتلرینی سویلیدی. رسول اکرم :

— « بن، سزی کلیر ظنیلہ تقسیم غنیمتی بو قدر
زمان تأخیر ایتدم سز کچ کلدیکنز کوریورسکنز که بونجه
خلق، غنائیمک تقسیمنه منتظر درلر. بنم عندمده سوز -
لرک سوکیلیمی طوغریسیدر. ایمدی ماللریکنزله اسیرلر -
یکنرک هانکیسنی دیلر سه کنز اختیار ایدیکنز »

دیه بیوردی . انلر، اولاد و ازواجلرینی اختیار
ایلدکارینی سویلدیلربونک اوزرینه افدیمز :

— « سزک اولاد و ازواجلریکنزدن بنم و بنی هاشمک
و برروایتده بنی عبدالمطلبک حصه سه سنه دوشنلری سزه
ویردم و خلقندن ده دیلیه یم که حصه لرندن و ازچکسونلر. بن
اوילה نمازینی قیلدقدنصکره، مجمع ناسه کلوب اسیرلریکنزک
استردادنده رسول اللهی شفیع ایتمش اولدیغکنزی و خلقندن ده
رجا ایتدیکنکزی سویلیکنز بن، او زمان سزک ایچون
سویلیویررم »

دیه تنبیه ایتدیکنندن هوازن دخی موجبنه حرکت
ایلدیلر . رسول الله صلی الله علیه وسلم قیام ایله خدایه
حمد و ثنادن صوکره :

— د ای قوم! تحقیقاً سزك قرنداشلیکز تائب
و مسلم اوله قلمری حالد کلدیلر انلره اسیرلرینی اعاده
ایتمک قرار ویردم. ایمد صفاء خاطر و طیب نفس
ایله ارزو ایدنلر، اسیرلرینی کبری ویرسونلر. بویلا یاپه
میانلره جناب حقل ایلك اول ویره جکی مال غنیمتدن
عوضنی بن ویرهیم. کندی حصه می و بنی هاشمک
حصه می بونلره ویردم،

دیدی. ابتدا مهاجرین صوکره انصار کرام: [بزم
حصه لریمز، رسول الله کدر] دیدیلر اقرع بن حابس،
بوکا قارشی ایاغه قالقوب:

— «بن و بنی تمیم راضی دکلز،

دیدی. عینه بن حصن و عباس بن مرداس اسلمی
دخی بویله سویلدیلر. بنی سلیم. حصه لرینی طیب نفسله
رسول الله ترك ایتدیلر. بلاعوض ترك ایده میانلره هر
بر اسیر ایچون ایلك غنیمتدن التیشر دوه ویرله جکی
طرف ذیشرف نبویدن وعد اولنه رق اسیرلرک بر قسمی
مجاناً و دیگر قسمی عوض مؤجل ایله اولمق اوزره
کیری الندی و هر برینه قبطیه نامیله معروف کتسان
مصری دینیلان قاشدن برر جامه بالا کسا صاحب لرینه
اعاده و اعطا بیورلدی.



عینه بن حصنك حصه سنه دوشمش عجوزه بر
اسیری عینه، صاحب شرف و حیثیت بناء علیه حائز
قدر و قیمت ظن ایدرك :

— « یوز دوه فدیہ ویرلرسه اعاده ایدرم »

دیش بولنسیله مزبورنك اوغلی ویاخود ابو رقاء
زهر، اكا جواباً لطیفه طریقله :

— « یا عینه واللہ مائدیها بناهد ولا بطنها بوالد
ولا فوها ببارد ولا صاحبها بواجد ولادرها بنا کد =
بو عجوزنك نه کلامنده طراوت و حلاوت نه ممه سنده
استفاده اولنه حق بر حالت قالمشدر مفارقتیله قوجه سی
حراق ایدمك ده دکلدر وار خیرینی کور »

دیشدی! جعرانه مدت مکث واقامت علی اختلاف
الاقوال اون ویا اون اوچ کون قدر بر مدتدر. واسط
ذی القعدده وروایتہ کوره ذی القعدده نك اون سکزنجی
بر چهارشنبه کونی جعرانه ده دره کنارنده مبنی مسجد
شریفدن احرامه کیروب معتمراً معیت موجوده سیله
برابر مکة مکرمه به حرکت بیوردی .

المهم مالک — هـ وازن اشراقندن کلمش اولان

ذواندن رئیساری مالک بن عوف النضرینک احوالی
استفسار بیورلدی. انار، مالکک طائفده تقیفه برابر
بولاندیغنی خبر ویردیله. او صروده حضرت نبی محترم
اقدیمز: [لوانلی مسلماً لردت الیه اهل و مال] دیه
مسلم اوله رق کلدیکی تقدیرده مال و عیالک کندوسنه
اعاده ایدیه جکنی بیان بیوردی.

مالک اشبو، زده بی المسی اوزرینه ثقیف طویارده
کندوسنی حبس ایدر خوفیه کیجه طائفدن قاچمش
و جمرانهک مکه سمتده خارج برخلده یتشوب حضور
پر نور رسالتپناهیده قبول دین اسلام ایتمشدر اغتنام
اولمش بولنان بتون اموال و عیالی کندوسنه رد و اعطا
سیله برابر ابروجه یوز دوه ده احسان بیورلمشدر،
کمال من و محظوظیتنی برقصیده سنده شویله بیان ایدر:

مان رأیت ولا سمعت بمنله
فی الناس کلهم بمنل محمد
اوفی و اعطی للجزیل اذا احتدی
و متی یسأ یخبرک عما فی غد
واذا الکتیبة عردت انیابها
بالسمهری و ضرب کل مهند

فَكَأَنَّهُ لَيْثٌ عَلَىٰ إِسْبَاحِهِ
وَسَطُ الْمِيَاهِ جَازِرٌ فِي مَرَصَدِ

مالک، ورودندن اول اسلامه میل ایتمش اولدینی
حالدہ ثقیفہ دن خوفہ منی کتم حال و کیفیت ایدہ یور
ایدی. ایشته یو دفعه قبول اسلام ایتیمی سببیلہ بالتلطیف
دیارندہ کی اهل اسلام اوزرینہ عامل تعیین بیورلمش و
فرصت دوشوردجکہ ثقیفی تضییق ایتک خصوصی ده
کندوسنه امر و تنبیہ اولنمشدی .

اندن صوکرہ حضرت رسول اکرم صلی اللہ علیہ
وسلم، اورادن مکہ مکرمہ یہ کلدی . کیجہ لین
مکہ مکرمہ یہ کیروب بیت اللہی زیارت ایتدی . « عتاب
بن اسیدہ رضی اللہ عنہ حضرت تلرینی یومی بردرهم معاش
ایله امیر یعنی والی و ابو موسی الاشعری ایله
معاذ بن جبل رضی اللہ عنہما حضرت تلرینی ناسہ احکام
شرع شریفی و آداب دینیہ یی بیلدیرمک ایچون قاضی
تعین ایلدی . ابن ابی محذورہ رضی اللہ عنہی ده . مؤذن
براقدی مشار ایله ابو محذورہ ، غایت کوزل سسلی
واون اتی یاشنده برچو جق ایدی . بلال حضرت تلرینک
فتح مکہ کونی او قودینی اذانی تقلیداً استہزا ایتمش

اولان اطفال مکدن بری ده اشبو محذوره ایدی . او
 زمان بونک کوزل سنی افدیمز . ایشیدم رک کندوسنی
 بودفعه نزد هایونلرینه . جاب وحقنمه دعا ایلدکرنصوکره
 مؤذن تعیین بیوردی . تاریخ هجرتک الی طقوزنجی
 سنه سنه دکن مکده مؤذک ایدوب وفات ایتشدی .

طواف بیت الله ضمنده . ذی طوی دن اوغانی
 مأذونا مکیه کوندرن نسوان جندن بری ، سفاه
 قریشدن حفظ و حمایه ایچون شو صورتله ایتدیکی :

اعیذه بالکعبه المستوره

ودعوات ابن ابی محذوره

و ماتلا محمد من سوره

و اتی بعیشه مسروره

تعویذنده مؤذن مشار الیهک اذانسدن بحث

ایتشدی .

قیس بن سعد بن معاذ رضی الله عنهما حضرتلرینک
 کوندردلیکی صداة قبیله سی اعیانندن زیاد بن حارث ،
 قیسک حرکتی ایشتمسینه مکیه کلهرک حضرت پیغمبرله
 ملاقات ایتمش ولدی الاستیضاح سبب عزیمتی اکلا -
 دقدنصوکره صورت شفیعانه ده : « یا رسول الله ا قیسی
 اعاده ایت بن قومک وافد وکفیلیم انلر قبول اسلام

ایدرلر ، دیدیکندن قیس اعاده بیورلمشدر . اون بش
کون مرورنده قیایه مذکوره خلق کلدی . حضور نبوید .
مسلمان اولدی .

افدیمز ، اصحاب کرامیلر برلکده مکدن ینه کیجه
حقیقوب بعض بقایای غنیمتی مرالظهرانده بالتقسیم اواخر
ذی القعدة مدینه منوره یه کیردی . یوم انفکاکدن
عودت ومواصلته قدر یتمش التی کون کچدی .



حضرت امیر ، بو سنه ناس ایله حجی عربک وقت
جاهلیتده کی مناسکی اوزره ایفا ایتدی . عتاب خاندان
بنی امیه دن عادل ، صالح ، اداره امورده قادر ، نافذ الکلم
ویکرمی بریاشنده برنوجوان ایدی . ضمه فاهالی کندیسندن
ممنون و امارتندن خوشنود ایدی . فقط کبار قریش ،
بویله برنود میدنک ریا - تی الته کیرمکدن ممنون اولما مشلردر .
حتی ابو سفیان ایله دیکر یکی مسلمانلرک بر قسمی اندن
صوکره مدینه منوره یه نقل ایتدیلر اشبو نقل اوزرینه
ابو سفیان ، نجران والیسی تعیین بیورلدی اوغلی معاویه
رضی الله عنه معیت سنیده کاتب وحی الهی اولدی .

۹۶

بعث عمرو بن العاص

مدينة منوره به عودت همايوندن صوكره عمرو بن
العاص حضرت تاريخي عمان حاكم كرى و جيفره ايله برادري
« عياده [۱] » سفير كوندردي . بونار قيرنداش ايديار
عمرو ، ابي بن كعبك خط دستيله محرر نامه همايوني
حامل ايدى [۲] » عمانده ايكي اميردن ابتدا عياده تصادف
ايتدى . عياذ ، جيفردن اشرف ابدى عمرو ، سبب عجيت
و صورت مأموريتى عياده اكلاتدى .

عياذ ، سفير مشاراليهك جيفره ايله ملاقاتنه و حامل
اولداني نامه سعادتك ده اكا تسايينه لزوم كوردهك :

[۱] بواسم متن نامه سعادته اولداني كبي برخيلي آثار
سيردهده « عبد » در علامه عبي عينك كمرى يانك تشديدى
و آخرنده ذال معجمه ايله « عياده » يازمشدر .

[۲] بسم الله الرحمن الرحيم . من محمد عبدالله و رسوله الى
جيفره و عبد ابني الجلد . سلام على من اتبع الهدى اما بعد
ادعوكا بد عاية الاسلام اسلمنا تسلمنا فاني رسول الله الى الناس
كافة لانذر من كان حيا ويحق القول على الكافرين وانكما ان
اقررتما بالاسلام وليتكما وأن ايما ان تقرا بالاسلام فان ملككما
خائل عنكما و خيلي تحمل بساحتكما وتظهر نبوتى على ملككما .

— « برادرم بندن بیوکدر . ملکده ده بندن
مقدمدر کندوسیه سزی کورشدیریم مکتوبی ده اکا
ویرسکز »

دیمکله برابر استیضاح صددنده :

— « بنی نیه دعوت ایده یورسک ؟ »

سوزینی علاوه ایتدی . عمرو بن العاص :

— « اللهم برلکنی و محمدک عبدالله و رسول الله
اولدیغنی صدیقه »

دیمسیله آره لرنده باب محاوره آچیلدی :

عیاذ — « یا عمرو ! سن کندی قومکیزک سیدی

اوغلیسک سنک پدرک نه یایدی بزده اکا او یالم »

عمرو — « بابام فوت اولدی . کندوسنه ایمان نصیب

اولدی ایستردم که مؤمن اولسونده حضرت پیغمبرک

رأی شریفی اوزره عمل ایتسون . لکن جناب حق ،

یکا هدایت احسان بیوردی بن مسلمان اولدم » .

— « نه زمان مسلمان اولدک ؟ »

— « یاقین زمانده »

— « اسلامک هانکی دیارده واقع اولدی »

— « دیار حبشه و نجاشی نزدنده »

عمرو، نجاشینک قبول اسلام ایتدیکنی بو صروده
حکایه ایتشدی.

— «نجاشی مسلمان اولنجه قومی اکانه معاملهده
بولندیلر؟»

— «نجاشی، بعد الاسلامینه سلطنتده قائم اولدی.
قومی کندوسنه اتباع ایتدیلر.»

— «باباسلری، کشیشلری ده تابع اولدیلرمی؟»

— «اوت انلرده.»

— «یا عمرو! صاقین یالان سویلمه که انسانده یالاندن
چرکین برشی دها یوق.»

— «قطعیاً یالان سویلیم. دینزده یالان حلال
دکلدر.»

— «بیغمبریکز نه امر ایدر و نه کبی شیلردن نهی
ایدر.»

— «الله تعالی به طاعتی امر ایدر. معصیتدن نهی
ایدر. صدق و صلهٔ رحم امر ایلر. ظلم و تعدیدن،
شرب خمر و زنادن اصنام و اوثان عبادتدن منع ایدر.»

— «نه کوزل شیلره دعوت ایدر. برادریم اگر بنی
دیگرسه واروب اکا ایمان و اطاعت ایدردک. و لیکن
برادریم ترک سلطنتله اختیار ذل و مسکنت ایتمز.»

— « برادرک اکر قبول اسلام ایدرسه حضرت
رسول اکرم ، انی ینه قومنه ملک ایدر . انجق اغیادن
زکات الوب فقرایه ویرر »
— « بونه کوزل عادتدر ! »

سوز بو نقطه یه کلیرکن عیاذ ، زکاتک ده صورت
و کیفیتندن سؤال ایتدی . عمرو ، زکاته متعلق بعض معلومات
ویردی . هر نوع اموال و هر صنف حیوانانندن زکاتک
کمیتنی اکلادتدی . عیاذ ، استغراب ایدر کی اوله رق !
— « یا عمرو ! شمدی بزم وادیلرده اغاج یاپراغنی
سیوب کزن طوارلردن ده النور می ؟ »

دیدی . عمرو :

— « النور »

جوابی ویردی . عیاذ ، بونک اوزرینه عمان اهاالیسنک
مسلمان اوله بیله جکلرینی عقلی کسمدیکنی بللی ایتدی :
— « ظن ایتم که عمان خلقی بعددار و کثرت بیشمار
ایله مطیع و مسلمان اولسون »

مدینه یه بعد مسافه سیله برابر خلقنک کثرت و قوتنه
بناءً اهل اسلامک تجاوزندن قورقدقلرینی بیان ایتمک
ایستیور ایدی .

عمرو، بودن سوکره اوچ کون دها مکث ایتدی.
 عیاذ، جیفر ایله کوروشوب عمروک مأموریتی و منا.
 قشای خبر وردی. جیفر، عمروی یاننه چاغیرتدی.
 ایچری به کیررکن قویماق ایچون خدمه، عمروی برکره
 قولدن طوتدیله ا جیفر، انلری منع ایتمکله عمرو،
 ایلری به واروب اوط-وره جق اولدی اوطورتمدیله.
 او زمان عمرو، جیفرک یوزینه باقری. اوده: «نه
 ایسترسک» دیدی. سبب مجیئت و مراجعتک ندر
 دیمک ابدی. عمرو نامه هایونی تسام ایتدی. جیفر،
 اتی نهایتنه قدر او قویوب یاننده اوطورن عیاذه اوزاتدی.
 اوده تماماً او قودقن سوکره جیفر، سؤال ایتمکه باشلادی
 دیدی که:

— «قریش نه یابدی؟»

عمرو جواب وردی:

— «قریشک بعضی طوعاً بعضی کرهاً تابع اولدی
 جمله خاق اسلامه رغبت ایتدی. حناب حقک هدایتی
 یتشوب ادراک ایتدیله که اولجه ضالانده ایمشله! شمدی
 ایمانه کلدیله. سندن باشقه کیمسه نك قالدینی معلوم دکلدر.
 اکر اسلامه گلرسه ک بیلدیسک که ایلرکزه عسکر کله.

جکدر. قبول اسلام ایتده سلامت بول. و سنی قومک
اوزرینه ینسه حاکم نصب ایتسون ،

بو جوابه قارشی جیفر، و هله بر سوز بوله مدی :
— « بونک ایچون یارین قونوشلم »

دیدى. عمرو، اورادن چیقدى . عیاذ ايله ینسه
ملاقات ایتدی عیاذ :

« یا عمرو! اکر ملک و سلطنت خوفی مانع اولمسه
امید ایدرم که برادرم مسلمان اوله جق »

دیدى. عمرو، ایرته سی کون جیفره کیتدی. ولکن
خدمه، کندوسنی ایجری یه قویـ دقلرندن عیاذک تنبیه
و توصیه سیله کیردی. بو دفعه جیفر، رد دعوتی ایما
ایدر بر صورتده تلغم ایتدی .

عمرو ایسه قبول اسلامه مقابل ملکک بقاسی و عکس
حالده زوالنی تبشیر صورتیله انی قبول و یارد دعوت
شقلرینک برینی اختیار و ترجیحده مخیر بر اقمشدی .
باشقه مناقشه یه حاجت کورمیه رک همان عودت ایده جکی
بیانیله چیقدى .

جیفر، دوشـ وندی. او کیچه عیاذ ايله مصـ حاجت
ایتدی. ایرته سی صباح عمروی ینسه چاغیرتوب هر ایکی
امیر برادر، برلکده مسلمان اولدیلر . و جمع صدقات

انجمن رخصت و پردکن فضله مخالف او زرينه ده معاونت
 ايتديلر عمرو دخی عمامده اغياہ هر يك زكاتلرینی طو .
 بلادی . فقراسنه ویردی . و درون بلده ده کی مجوسیلری
 جزیه به باغلایه رق مدینه منوریه عودت ایتدی .

۱۶۳

اسلام عروه

عروه بن مسعود، طائفك محاصره سی زماننده
 جرشدہ ایدی . رسول الله صلى الله عليه و سلمك
 مدینه طیبیه عودتلرندن سوکره عروه ، جرشدن
 طائفه کلدی .

برارالق اعیان طائفدن « غیلان بن مسلمہ » ایله
 مشاورده اکا دیدی که :

— « دقت ایدم یورمیسک محمد [عليه الصلوة والسلام] .
 وخلقك اکا اتباعنه ؟ »

غیلان :

— « اوت کور یورم سن نه ملاحظه دمسک ؟ »

دیدي . عروه :

— « عرب ، بزی صاحب رأی رزین ظن ایدم یور .

لرسده او ذاته ايمان و اتباع ايتدجكه بز. اويله دكلمشزه
جوانی ويريركن غيلان :

« سندن شو سوزك ثقيف اره سنده صدورندن
ممنون اولم . سن انلك رئيسی ده اولسهك علمكده
جراتلندن قورقورم »

ديمش .. بونك اوزرينه عروه، قبول اسلامه و اتباع
سید الانامه عزم قویسنی قطعاً بیان ایتدکن صوکره
غیلانه دیدی که:

سکا بن، شمیدی به قدر هیچ برکیمسه به سویلمدیکم
برشینی سویله یهیم محمد [علیه الصلوة و السلام] ک مکده
ظهورندن مقدم بر وقت تجارت مقصدیله نجرانه کیده .
یور ایدم . یوله قافله نك نزول ایتدیکی بر محله ارقداشلر
مدن از ایریله رق بر کولکده یاتمشدم . قارشیمده
ایکی جاریه بلیره رك یامه طوغری کلدیله . کولکهنك بر
طرفنه اوطوردیلر بن . یاتمده ایدم . او یورکی مخصوص
کوزلریمی قاپادم . ایکی جاریه ، بکا اش - ارتله یکدیگرینه
شویله قونوشدیله :

« من هذا فيما نقولین یا ابنة الاکرمین »

« هذا عروة بن مسعود . سید غیر مسود . مفیض

جود و عسره منجود »

— « صدقت يا ابنة الاكرمين! فمن اين هوى! الى
اين نوى؟ »

— « اتى من المعقل المنيّف . طائف ثقيف . وهو
بنوى نجران ذاة المخاليف »

— « صدقت يا ابنة الاكرمين! فما هو مصيب فى
سفره هذا؟ »

— « تسهل طريقه . وينفق سوقه . ويملو فوقه »

— « صدقت يا ابنة الاكرمين! فما عاقبة امره ؟ »

— « يعيش زعيماً ويتبع نبياً كريماً ويتعاطى امراً
جسيماً فيرتد عنه كليماً »

— « صدقت يا ابنة الاكرمين! وما النبى ؟ »

— « داع حجاب له امر عجاب . ياتيه من السماء »

كتاب يهر الالباب و يقهر الارباب »

محاوره لرى بورايه كلنجه سكوت ايتديلر بنده اويويه
قالمشم . اويانديغم ائناده جاريه لريوق ايدي . وقتا كه نجرانه
واردم پاپاس دوستم وار ايدي يانسه كيتدم بكا نصيحت
و وصيت اوله رق : « يا ابا يعفور! شمدي خاقي ارشاد
ايدم . جك نبى ذیشانك مكده زمان ظهور بدره . ديدى . بن :
[اوديديكك شى ندر؟] ديه صوردم . پاپاس . يمين ايدم . لك :
— « والله او ذات ، انديانك آخرى و خير ليسيدرم .

قوه فی قتل عاد کبی قتل ایدم جکدر . حین ظهورنده
ابتدا کندوسنه ایمان ایدم جک سن اول ،
دیدى . بن ، نو سوزلرک بر حرفی بیله کیمسه یه
سویلما مشدم ارتق ایمان و اتباع ایتدم .

* *

عروه ، ابدن صوکره طائفدن مدینه طاهره کلوب
مسلمان اولمشدر بلده سنه عودتند قومی دین اسلامه
دعوت ایچون استیدان ایدرکن رسول الله صلی الله علیه
و سلم اکا : [انهم قاتلوك = انلر ، سنی قتل ایدم جکدر]
بیوردیلر .

عروه ، ثقیفک کویا کندی حقه ندکی حسن ظننه
الدانهرق : [لو وجدونی ثاماً ما ایقظونی] دیدی که ثقیفدن
بر قیلنه خطا کلیه جک قدر هر خصوصده امین اولدیغنی
سویلماک ایستیور ایدی .

طائفه عودتند اهالی بی دینه دعوته مبادرت ایتمش
ایدی . ثقیف ایسه بالمخالفه کندوسنه لسان ایله خیلی
اذا وجفا ایتمشلر . نهایت بر صبح وقتی خانه سنک طامی
اوزرند صبح اذاننی او قورکن اسافل ثقیفدن بری انی
اوق ایله اوردی ! .
عروه او دقیقه ده :

— واللّٰهك برلكنه ومحمدك رسالتنه شهادت ايدرم
 رسول الله بو حالى بكا اولجه بيلديرمشدى .
 ديه دين وايمائى اظهار ايتدى .
 مشار اليك خبر قتلى مسعود على اولدينى زمان
 حقنده: [مثل عروءه مثل صاحب يس . دعى قومه الى
 الله فقتلوه] بيورلمشدر .

...

۱۴

— اتخاذ منبر --

خطيب منبر لاهوت صلى الله تعالى عليه وسلم ،
 اوائل احوالده مواعظ ونصايحى اياقده اولدقلى حالد
 ايفا بيورورلردى . مسجد شريفده مقام وقيام سامى
 رسالتپناهينك تسهيل ايجون اصحاب كرامك ارزولرى وطرف
 اشرف پيغمبريدن ارزان بيوريلان مساعده سنيه اوزرينه
 سهيل بن سعد الساعدى دولكر ميمون ايله برلكده بر
 خرما اغاجى كوكنى كتيرمشلر . دولكر ميمون ، محراب
 سعادتك صاغ حانبنه ركز ايدوب افسدبمز . مذكور
 ستونه اتكا ايتمكده بولندينى حالد ينه اياق اوزره خطبه
 اوقور ايدى . بر مدتده بويله كچدكدن صوكره روايته

کوره مدینه طاهره به کلمش اولان بر رومی ، او حالی
 کوره رک بر منبر اعمال ایدم جگنی سویلدی .
 ولدی العرض کیفیت ، مقرون مساعده سنیه اولدی .
 رومینک یاپدینی منبر ، اوچ قدمه لی ایدی . موقع مخصوصه
 وضع ایدلدی جمعه کونی رسول الله ، خطبه ایچون اوزرینه
 حیق دینی وانصایحه بدء و مباشرت ایدم جکی آندم اولکی
 خرما ستونی ، وجود مسعود رسالت پناهیدن کندوسنی خالی
 بولوب تأثرندن ایکله مکه باشلادی . ! مختلف روایتلره
 کوره ستونک صدام حنینی : یا وروسی ارایان ناقه نک ،
 یا خود انانی ایستیان طفلك ، یا خود برعاشق واله آواره
 دلک آوازی کی یا خود خوار تور کی ایدی ! . بتون
 جماعت حاضره ایشیدیلر . افندیمر ، منبردن نزول ایله
 واروب مبارک اللرینی ستونک اوزرینه وضع ایتمدکجه حنینی
 منقطع اولمدی . روایت کوره ستونی قوجاقلیه رق اکا
 دیدی : [اکر ایسترسهک سنی اولکی موقعه کده دیکیم
 یکیدن یشیلانوب یازاقلنوب میوه ویره سک . ایسترسهک
 جنت باغنه دیکیم جنت چشمه لرندن سقی اولنورسک
 صایحا واولیاء الله ، میوه کدن برلر] آذرب توقفدن صوکره :
 [نعم قد فعلت نعم قد فعلت] سوزینی علاوه ایتدی و تکرار منبر

سماده چیقدی و ستون مذکوری دنیاده غرس اولمق
ایله آخرنده غرس ایدمک بیتند. خیر ایتدیگی حالد
امک آخرتی اختیار ایلدیکنی وانی و مس و مسجله تسکین
ایتمیدی قیامته قدر بالان طور. جغنی بیلدیردی .

...

۱۵

— اسلام جبيله —

جبيله بن ايهم، بنی غساندن ایدی و بلقاده و الی ایدی.
طرفه نامه همايون تسلیم یله دین مبین اسلامه دعوت
بیورلدی . جبيله دخی بالا جابه مسلمان اولمق ایله برابر
جانب عالی رسالت پناهی به جوابنامه و هدایا کوندردی .

...

۱۶

— اسلام فروه —

فروه بن عمرو الجذامی ، جذام قبیله سمندن
ایدی. قیصر روم طرفندن معان حوالیسی عربلرینه
امیر و متصرف ایدلمش ایدی .

طرف ذیشرف حضرت رسالت پناهی دن یازدیریلان
نامه نامی همايون ایله عمرو بن امیه الضمری رضی الله

تعالی عنه ارسال بیوریلہرق شو اثناده دینہ دعوت
ایلدی . فروہ قبول اسلام ایدوب سفیر پیغمبری
معززا اعاده ایتمش وسید الانام علیہ الصلوۃ والسلام
افندیمزہ برآت ، وفضہ نامندہ بیاض برقار ، برحمار ،
برقاج طوپ قماش ، بر سرمہ لی قفتان ہدیہ رسمیلہ و
مسعود بن سعد نامندہ بری یدیلہ گویدر مشدی .

رسول اکرم صلی اللہ علیہ وسلم ہدایای واردہ بی
قبول بیوردی . ومسعودی حضرت بلال رضی اللہ عنہ
مسافر و یروب اکرام و ضیافتی دہ امر و نبیہ ایتدی
قماش طوپلرینی ازواج طہراتنہ تقسیم وقاطری ابو بکر
الصدیقہ اعطا و قبای زرینی مخرمہ بن نوفلہ بخش ایلدی .
حمارک حسن محافظہ سنی ابواسید ساعدی یہ اصمارلدی .
وفروہ نک مکتوبنہ یازدینی جوابنامہ سعادتہ برابرانہ
جائزہ اولہرق اون ایکی بحق قیہ (= ۵۰۰ درہم)
کوش و یروب مسعودی ممنوناً اعاده ایلدی .

فقط قیصر ، فروہ نک اسلام فی ایشیدہ رک انی قبول
اسلام تہمیلہ بالالہام نصرانیتہ رجوع و ردت تکلیف
ایتمشدی . فروہ ، بومسئلہ دہ موافقت کوسترمامسنہ مبنی
فلسطین قصبہ سی جوارندن مرور ایدن نہر کنارندہ
مصلوباً اعدام ایدلمشدر .

...

۱۷

ولادت ابراهیم نجل النبی

علیه السلام

خلال ذی الحجه ده رسول اکرم افندیمرک نجل
کریمی ابراهیم ، جواری سعادتلرندن ماریه رضی الله
عنهان تولد ایتشدیر .

قبله سی آزادلی جاریه سی سلمی ایدی . سلمی ،
زوجی ابوراعه ولادت ابراهیمی سویلمشیدی . اوده
حضور رسالتپناهی به تبشیر کیفیت ایتمکله ، زده اوله رق
افندیمر ، ابو رافعه بر کوله احسان بیوردی و اوکیجه
ادینی ابراهیم دیه قودی .

جبریل علیه السلام کله رک : [السلام علیک یا ابا ابراهیم]
دیه سلام ویردی . بوندن رسول الله صلی الله علیه وسلم
زیاده محظوظ و بمنون اولدی . یدنجی کون عقیقه اولمق
اوزره بر قویون کسیدی . و ابراهیمک باشنی تراش
ایدوب صاچی آغز لغنجه کوش بر منلی نقره ایله مساکینه
تصدق ایلدی . صوکره امر عالی ایله او صاچی دفن
ایتدیله .

مرضیه سی حقندہ کی روایت اختلاف پذیر . بر روایت
 کورہ دایہ سی ، خارج مدینہ دہ عوالی قریہ لرندہ ساکن
 « براء بن اوس » ك زوجہ سی « ام بردہ خولہ بنت
 المنذر بن زید الانصاری » ، دیگر روایتہ کورہ قرای
 مذکورہ دہ ابو سیف حدادك زوجہ سی ام سیف ایدی .
 انس بن مالک رضی اللہ عنہن منقہ ولد رکہ :
 ابوسیف دمیرجی ایدی . کوروکنك اوجاغندن خانہ سنہ
 دومان کلیر ایدی . رسول اکرم ، نجل نجیبنی کورمك
 ایچون ابوسیفك خانہ سنہ کیدہ جکی زمان انس ، ابتدا
 کیدر حدادہ خبر ویریر ایدی . حدادہ آشنی سوندیریر
 دوماننی کسدیریر ایدی . صوکرہ افندیمز ، کیدوب ابرہیمی
 کورور آغوش سعادتنہ آلیر اوپردی .

۱۸

فوت زینب بنت النبی

صلی اللہ علیہ وسلم

کرائم مکرمہ نبویہ نك بیوکلری زینب رضی اللہ عنہا
 حضرتلری . بوسنہ دار بقایہ رحلت ایتشد .
 رسول اکرم صلی اللہ علیہ وسلم ، زوجات طامراتندن

بوده بنت زهرا و ام سلمه ايله امامن و م عطية الانصاريه
رضوان الله عليهم اجمعين حضرت امه بيوروب انى غسل
ايتيردى .

زينب رضى الله عنها نك على نامنده بر اوغلى ايله
امامه اسمنده بر كريمسى وار ابدى . على ، بلوغ
صره سنده وفات ايتدى . حضرت فاطمه رضى الله عنها نك
وقائنده وصيتى موحينجه امامه بي حضرت على كرم الله
وجهه تزوج ايتمشدر .

...

۱۹

نرخ

شو ارالق مدينه منورده ارزاق و ا كولات زياده
به ايه جيقه رق حاق ، ارزاقه نرخ قونلا سنى استمدا
ايتمشدر . رسول الله صلى الله عليه و لم : [ان الله هو
المسعر القابض الباسط = تحقيق نرخ ريحى ، قبض
و بسط ايدمجي جاب اللهم در] ديه استمدا ، واقى ترويج
بيوره ايتمشدر .



فصل ثانی عشر

طقوز بنی منہ ہجریہ وقایم

[سنہ الوفود]

بنی تیمہ عینہ نک مبعوثی . وفود بنی عذرہ . ولیدک بنی
مصطفیٰ بعث . بعث عبداللہ بن عوسجہ . قطبہ بن عامرک خثعمہ
بعث وارسالی . ضحاک بن سفیانک بنی کلابہ بعث وارسالی .
بعث علقمہ . بعث علی . اسلام ضمام . اسلام کعب
بن زہیر . غزوہ تبوک . وفود و اسلام ثقیف . وفود بنی
فزارہ . مکتوب حمیر وفات نجاشی . وفات ام کلثوم بنت النبی .
وفات منافق عبداللہ ابن ابی . حج ابی بکر الصدیق . وفود طی
وفود بنی کندیہ . وفود ہمدان . وفود بلی . وفود مزینہ ، وفود
بحیلہ . وفود نجیب . وفود بنی اسد . وفود بنی ہرہ . وفود بنی
صرہ . وفود بنی محارب . وفود بنی عبس . وفود بنی ازد . وفود
بنی البکاء . وفود بنی ہلال . وفود بنی دارم .

۱

بعث عینہ

حضرت نبی اکرم صلی اللہ علیہ و سلم ،
شہر محرمہ صحابہ کرامدن « بشر بن سفیان »
حضرت آلرینی اخذ زکات ایچون بنی خزاعہ دن بنی کعب
قبیلہ منہ اعزام بیورمشدی .

بشر ، بنی کعبک زکاتی طوبلار ایکن بنی تیم ،

زكاتك مقدار بنی استكنار ایدہ رك الہی اعطاء زكادن
منع انچون : [نچون مالکزی ویرہ یورسکزی] دیدیلر !
بنی کعب ، دین اسلامی قبول ایتدکارندن زكات ایسه
ارکان اصلیه دن بولدیفندن بحث ایتلمرله بریکیلر ، سلاح
وعسکرله منع والغاء زکانه مبادرت ایتدیلر !

ایکی قبیله نك شو معاملة سی اخذ و جمع زكاتی اشكال
ایتمشدی . بناءً علیہ بشرہ ایفاء وظیفہ یه موفق اوله میهرق
مدینه یه عودت و حضور برنور پیغمبری یه عرض حال
و کیفیت ایلدی .

بونك اوزرینه « عینه بن حصن الفزاری » بنی
تمیم علیهنه اعزام بیورلمشدر . عینه نك معیتده عرباندن
اللی نفر سواری موجود ایدی . شو سواریلرك انچنده
انصار و مهاجرین کرامدن بر فرد یوغیدی .

عینه ، مدینه دن جیقوب « صفراء » طریقله بنی
تمیمه کتیدی « سقیاء » نام محله قبیله مرقومه یی بفتة
اوردی . قبیله نك بر خلی حیواناتی سوردی . اون
برارکک اون بر قادین و اوچده صبی اسیر ایدہ رك کیری
دوندی . اسیرلر ، مدینه ده رمله بنت الحارثك خانه سنده
حبس و توقیف ایدلدیلر .

اسیرلرینی المق ایچون بنی تیمک بعض وجوه
و اشرفانی بر هیئت مخصوصه اولدرق مدینه کلدی .
«عطارد بن حاجب الدارمی ، اقرع بن حابس الدارمی
[۱] زبرقان بن بدرالسعدی ، عمرو بن الاهتم المنقری ،
الحیات بن یزید المجاشعی ، نهم بن یزید ، قیس بن عاصم
المنقری » وجوه مذکورهدن ایدیلر . موقوف اسیرلر
انلری کورونجه اغلامغه باشلادیلر .

رؤساء مرقومه ، مسجد شریف رسول الله کلدیلر .
بنی اکرمک هانکی حجرده ایدوکنی بیلمدکلرندن هر
حجره نك قبـوسى اوکنه کلوب : [یا محمد طیشاری
چیق] دیه باغیردیلر . افندیمز ایسه او کون او ساعتده
عائشه رضی الله عنهانک حجره سنده حال رقودده [قیلوله
ایله مشغول] ایدیلر . طیشاری چیقدی . بنی تیمک شو
نداء بلیدانهلری هر حالده قبیح ایدی . جناب حق
دخی تقیح و توبیخ معرضنده [انالذین ینسادونک
من وراء الحجرات اکثرهم لایعقلون و لو انهم صبروا

[۱] اقرع ، مقدما حنین ، طائف کبی بعض مشاهدده
معیت سنیهدده بولنهرق غنایمندن کندوسنه فوق العاده اولدرق
حصه افراز و احسان بیورلش ایدی . بو وقعهدهده بنی تیم
طرفدارى اولدینی حالده بولمشددر .

حق مخرج الهم لیکن خیرا لهم و لله غفور رحیم | ایت
کریمه سی ازال بیور مشدر .

رسول اکرمک حجره سعادندن خروجیله برابر
حضرت بلال ، اوله اذاننی او قومغه باشلادی . انلر ،
افندیملری سوزه طونه رق برار طور دیردیلمر . بعده
برلکده مسجدر شریفه کیدوب نماز قلقدن صوکره
افندیملر ، حجره شریفه لرینه طوغری عودت بیوردی .
او ازالق یئنه بنی تمیمی کوردیکی حالده آلدیرمیه رق
کیردی . سنقی ادايه مشغول اولدی . صوکره چیقدی .
صحن شریف مسجده او طور دی . رؤسا ، حضور عالی به
صوقوله رق :

— « بز ، بر جاعنر که مدحمر ، زین کتیروب ذمزشین

ویریر . »

دیدیلر . رسول اکرم آنلرک بوسوزینی رد ایدمک :

— « مدحی زین و ذمی شین کتیرن الحق جناب

حقدر بوسوزدن مقصدیکز ندر . »

دیددی . رؤسا :

— « سنکله مشاعره و مفاخره ایدمککز ،

دیدیلر . افندیملر ، جوابده :

— مابالشعر بعثت ولا بالفخار امرت و لكن
هانی کوره لم نه کز واردر ،

دیمسیله زبر قان، عطار د بن حاجبه اشارت ایتدی .
عطار د، ایچلرنده اک کنج ایدی قالقوب بنی تیممک مدح
و ستایشنی حاوی بر خطبه او قودی . بوکا مقابل امر
عالی رسالته ثابت بن شماس ، قالدی . الله تعالی به حمد
و ثنای و ذکر کلمه شهادتینی و مهاجرینک حسن خلق
و خاق ایله اولان فضیلتنی و انصار کرامکده فضل متابعتله
نصرت و معاونتیرینی ذکر و بیاندن صوکره و حدانیت
خدا و صدق رسالت رسول کبریاه ایمان ایتدیرنجیه
قدر کفار ایله حرب و قتاله مأمور من الله اولدقلرینک
بسط و اتیاننی حاوی بر نطق بلیغ ایراد ایتدی ،
انک اوزرینه زبر قان :

نحن الکرام فلاحی یعادلنا
نحن الرؤوس و فینا یقسم الربع
و نطعم الناس عند القحط کلهم
من السدیف اذالم یونس الفزع
اذا ایننا فلا یأبی لنا احد
انا کذلک عند الفخر نرتفع

پیتارینی حاوی بر شعر او قودی . بوکا حسان بن ثابت
حضر تلی :

ان الذائب من فھر و اخوت
قد بینوا سنة للناس تتبع
یرضی بها کل من كانت سریرته
تقوی الاله و کل الخیر یصطنع
اکرم بقوم رسول الله و شیعتہ
اذا تفاوتت الالهواء و الشیع
اهدی بهم مدحاً فلا یوازره
فیما احب لسان حائک صنع
جواب رنکینتی و برنجہ اقرع بن حابس :
اتیناک کما یعرف الناس فضلنا
اذا خالفونا عند ذکر المکارم
وانا رؤوس الناس فی کل معشر
وان لیس فی ارض الحجاز کدارم
وان لنا المربع من کل غارة
تکون بنجد او بارض التھام
شعرینی او قودی . بوکا دخی حسان بن ثابت :
خی دارم لاتفخروا ان فخرکم
یعود و بالا عند ذکر المکارم

هبا تم علينا تفخرون و اتم
لناحول من بين ظئر و خادم
وافضل ما ناتم من المجد والعلی
وفادتنا من بعد ذكر المكارم
فان كنتم جتم لحقن دماءكم
واموالكم ان تقسموا فی المقاسم
فلا تجعلوا لله نداً و اسلموا
ولا تفخروا عند النبی بدارم
والا ورب البيت مالت ا كیفنا
على رؤسكم بالمرهفات الصوارم

جوابی و یردی .

محاوره بومر کزه کادیکی ساعتده اقرع کندیلربنک
مرجوحیت و مجروحیتلرینی اعتراف ایتدی . و :
— « والله بوذات [محمد علیه الصلوة و السلام] .
عالم غیبدن نصرت و تأیید احسان اولنوب اندن هیچ بر
شیشی دریغ ایتما مشلر ! . . خطیبی خطیبیمزک شاعری
شاعریمزک فوقنده و انلرک سسلری ایزم سسلریمزک
اوستنده در »

دیملکه برابر هپسی او آنده قبول اسلام ایتشلردر .

ایچلرندن « قیس بن عامر » . باخاصه بذل النفات
 وحقننه : [شو ، خیمه نشین عربلرک سیدیدر]
 تبجیل کزینی شرفصدور بیوراش و اسیرلری
 کندولرینه اعاده اولندقدن فضله عمرو بن الاهتمک
 غیرى هر برینه اون ایکیشر اوقیه ویریلوب عمروه بش
 اوقیه جائزه احسان وانعام ایدلمشدر .

..

۶

وفود عذره

یمنده عذره قبیله سندن اون ایکی کیمسه . مدینه
 منوره یه گلشدی . قبیله لری اغنیاسنک زکاتلرینی کتیرمشلردی .
 ایچلرنده « جرره بن نعمان » دخی موجود ایدی [عم
 صباحاً] دیه سلام جاهلیتی ویردیلر حقلرنده رعایت کامله
 اجرا اولندی . انلرده قبول دین اسلام ایتدیلر و :
 — « یارسول الله ! بزم تجارت مزشام ایله درشام طرفنده
 ایسه روم قیصری هرقل وار . حقننه سکا برشی وحی
 اولندی ؟ »

دیه صوردیلر حضرت پیغمبر ، جوابده :

— « مرده سزمه که قریباً شام ففتح اوله جق و
هر قل اوحوالیدن چکیله جک کیده جکدر »
دیه تبشیر بیوردی . بعده عذریلر ، ممنوناً و مطیباً
عودت استدیله .

∴

۳

بعث ولید بن عقبه

خی مصطلق قبیلہ سنک زکاتلرخی اخذ ایچون رسول
اکرم . ولید بن عقبه ابن ابی معیطی مأموراً بعث و اعزام
بیوردی . قبیلہ مذکورہ ، مقدماً قبول دین ایدم رک
مسجد دخی یادیلمشلا ایدی . انجق ولیدایله ارالرنده
زمان جاعلیتدن قاله منافرت بولاندینی خالده بو کره
انک طرف نبویدن مأموراً ناحیه لرینه متوجه و متقرب
اولدیفنی ایشتملری اوزرینه استقبال ایچون یکر می بش
کشی بوله چیقارمشلا . و قدومنی تهته ضمننده دوه وقویون
کسدرمشلا !


ولید ایسه منافرت واقعه سببیله خوف و تحاشی
ایدم رک هنوز قبیلہ نک ایچلرینه کیرمزدن اول عودت

ایندی . و انلرک اندونی مساحاً قارشولوب
 قتله مبادرت ایتملرله کیری دوندیکنی رسول الله عرض
 ایلدی . که بونک افاده سنه کوره قیللهک تأدیب و تنکیلاری
 لارم کلرک سوق قونه افتدیمرخی همت ایتمک اورده .
 ایکن قیلله رؤسای و لیدک خلاف مأمول کیری
 دونیور دیکنی کورملرله شبه لهرک کلدیلمر ماهو الواقی
 حضور پر نور رسالتناهی به عرض ایتمیلر .

بونک اوزرینه تحقیق کیفیت صدندده خالد بن الواید
 رضی الله تعالی عنه حضرتلری اعزام بیورلمشدر .

حضرت خالد ، کندوسنه ویریلان تعلیمات سینه
 اقتضاسنجه قیللهک ایمان اوزره اولدنلرینه دلالت ایدمک
 احوالی کوردیکی صورتده صدقه زکاتی اخذ ایدوب کیری
 کلرک و خلافتی مشاهده ایتمیکی تقدیرده کفار حقندکی
 معاملله وجهله حرکت ایدمکدی . مغرب و عشاء
 اذانلرینک او قوندیغنی کوردیکنه مبنی زکاتارغنی الهرق
 عوت ایلدی .

ولیدک اشبو حرکتدن طولانی حقندده : [یا ایها الذین
 امنوا ان جاءکم فاسق بنبأ فیدینوا ان تصیبوا قوماً بجهالة
 فصبحوها علی ما فعلتم نادمین] آیت کریماسی نازل
 اولمشدر .



بعث عبدالله بن عوسجه

بنی جازنه بن عمرو بن قره قبیله سنی دین اسلامه
دعوت ایتک اوزره حضرت پیغمبر، عبدالله حضرتلرینی
النه طرف اشرفلرندن نامه هایون ویره رک بعث
و ارسال ایتشدی .

قبیله خالق قبول اسلام صورتیله اجابت ایتدکلرندن
فضله نامه عالینک یازوسنی غل ایدرک صحیفه سنی صو
قوفه سنه یامه یابدقلمری اخیر آسموع عالی بیورلمغله انلرک
اشبو معامله عامیانه و حماقتشمارانه لری موجب تأسف
اوله رق حقلرنده : [مالهم ذهب الله بعقولهم] دیه
بیورلمش وسهم الاصابه دیمک بولنان دعاء نبوی مستجاب
اولمشدر .

قبیله مرقومه ، وجود و صوتده، رعدت و کلامده
چیرکین بر عجله و قاریشتملق ، عقل و ادرا کده سغه
صاحب اوله رق خفیف احوال صبی اطوار قالمشدر !
حتی بولردن بعضی تمیز کلامدن عی و عاجز کوردیکنی
واقدی حکایه ایتمشدر .

..

۵

بعث قطبه

یدشہ ناحیہ سندہ ختم قبیلہ سنک تنکیلی ایچون اصحاب
 کرامدن قطبہ بن عامر حضرتلری ، معیتہ یکر می نفر
 ویریلرک کوندولمشدی . قبیلہ نک شدتلی مدافعہ سنہ مبنی
 وقوعہ کلان مقاتلہ طریفندن برخیلی آدملر یارہ لندی
 فقط قطبہ و معیتی ، انلرک بر قاج اشخاصنی قتل ایتدیلر
 و مطلوب وجهلہ تنکیل انقیایہ موفق اوله رق ختمک بر چوق
 دوه و قویونلرینی وئسوانندن بر طاقم اسیرلری آملر غامآ
 عودت ایتشلر در .

غیمت واقعہ غیراز خمس تقسیم ایدلدیکی زمان
 هر برینک حصہ سنہ دردر دوه و اوئر قویون دوشمشدی .

*

..

۶

بعث ضحاک

شهر ربیع الاولہ ایدی ضحاک بن سفیان الکلابی
 محضرتلری ، قرطا نام محله کیدرک بنی کلاب قبیلہ سفی

دين اسلامه دعوت ايتدی . قبیله خاقي بالماخافه قتاله
مجاشرت ايتلمريله ضحاک انلری حرباً بوزوب بر خیلی
اموالنی اخذ و اغتنام ايلمشدر .

۷

بعث علقمه

جده خلقندن بر طاقم کیمسه لرك حبشه ليلره ديكر
روايته کوره حبشه ليلرك جده ده بعض اهاليه تجاوز
ايتديكي مسعود عالي اولسي اوزرينه منع تعرض ايجون
حضرت نبی اکرم افنديمز ، «علقمه بن مجزز» رضی الله عنہی
اوج يوز نفر عسکرله بعث واعزام بيورمشدی .

علقمه ، معيتيله جده طرفلرندن بحراً حبشه توجه
ايدمك بر جزيرهيه وصولنده - تنكيللرينه . أمور
بولنديني - اشقيانك حرکت واقعه دن خبردار اوله رق
طاغلدقلری اكلالديغندن رجعت ايتمشدر .

۸

سریه علی

حضرت علی کرم الله وجهه افسدیمز، طیی قبیله سنک
 «قلیس» اسمند کی بت و بتخانه سنی هدم و تخریب و قبیله
 مذکور بهی تهب و غارتہ یالکز انصار کرامدن یوز الی
 نقر عسکر له نهر ربیع الاخر ده بمث وارسال بیورلمشدی.
 عسکرک یوز نفری دوه به الی نفری آتلمه راکب
 ایدی.

بر صبح وقتی بفتہ هجوم ایلہ بتخانه تخریب و ایچنده کی
 قلیس دخی قلع و افا ایدلدی. بتخانه مک خزینه سنده
 اوچ درع و «رسوب» مخذم، یمانی «اسم» ندہ اوچ ده
 قلنج بولمشدی. قبیله مک دوه و قوون کبی برخلی
 اموال و مواشیسيله بمض ذرارسی الہ کجدی. حضرت
 علی، رسوب مخذم اسمند کی قانچلری رسول اکرم
 ایچون صفی مغنم اوله رق آیردی اوست طرف مک ده
 خمینی تفریق ایدوب باقیمنی تقسیم ایلدی.

صاحب الجود نامدار حاتم طائینک قیزی سفقانه
 دخی سبابای واقعه میاننده ایدی. فقط اوغلی عدی،
 شام طرفه فرار ایتدیکندن الہ کجمدی.

رسول اکرم صلی الله علیه وسلم ، سفانی
برقاج کون سوکره مدینه طاهره ده آزاد ایدوب معززا
برادری نزدینه کوندردی . بومزره حقنده طرف ذیشرف
نبویدن ابراز بیوریلان مروت ، انصافه سبب اوله رق
عدی ، ایرته سی سنه مدینه منوره یه کلوب حضور پر سرور
رسول الله ده قبول دین اسلام ایله شرفیاب اولمشدر .

۹

اسلام ضمام

ضمام ، بنی سعد بن بکرک ایلچیمی اوله رق مدینه
طیبیه کلشدی انس بن مالک رضی الله عنه حضرتلری
روایت ایدرمشکه :

برکون مسجد شریفده حضرت رسول الله ایله
برلکده اوطورور ایدک . مسجد قپوسندن دوه ایله بری
ایجری کیردی . دوه سنی چو کروب ایاغنی باغلدقدن صکره
قومه خطاباً : « محمد [علیه الصلوٰة والسلام] هانکیک زدره
دیدى . نبی اکرم ده اصحاب کرام میاننده بریاننه طیائمش
اوطوریور ایدی . بن جواب ویردککه : « ایشته شو

بر پائے طبعش ارطورن آق بکزیلی ذاندہ ہوں
 اوزریتہ او آدم بنی محترمه ، ابن عبدالمطلب ، دیہ خطاب
 ایتہ ی ، حبیب مکرم ، جواب ویردی ، یعنی روی
 رد واستنقال کو سترمدی ، کلان آدم ، دیدی کہ :

— « سکا سوال ایدہ حکم وسؤاللریمی شدت اوزرہ
 ایدہ حکم بکا کو جنمہ جکسک ،

حضرت بنی ، ہونی قبول ایدہ رک :

— « خاطریکہ نہ کلور ایسہ سوال ایت ،

بیورمسیلہ شخص مرقوم :

— « سنک ربک وسندن اولیکلرک ربلری حقیچون

طوغری سویلکہ حق تعالی سنی جمیع بنی آدمہ بعث و

واسال ایتدیمی؟ ،

دیدی . حضرت پیغمبر ، اکا :

— « اللہم نعم ،

جوانی ویردی . اوشخص ، ینہ عین غاظتہ :

— « شہر رمضانہ اوروج طوتلمسنی دہ امر

ایتدیمی؟ ،

دیدی . جواباً :

— « اللہم نعم ،

بیورلدی . ضمام :

— « اغیا مزدن صدقه زکات آلوب ده فترامزه

ویرمکی ده سکا امر ایتدی ؟ »

دیدى . دینه :

— « اللهم نعم »

بیورلدى . ایشه بودرلوجوابلری ایشیده رک مرقوم ،

قبول دین اسلام ایتدی . و قونى دینه دعوت

ایده جکنى وعد ایلدى و کندوسنک ضمام بن ثعابه ایدوکنى
بیلدیردى .

ضمام ، کندی حوالیسنه عودت ایلدیکی دقیقه ده

خلق ، انک نزدینه طوپالاندیلر . انلر قارشى لات و عزادن

اعراض و اظهار اکراه ایتدی ضمامک اشبواستکراهندن

قبيله خلقى توحش ایدرک اکا :

— « یا ضمام ! بویه سوزسویلهمه . زیرا قورقرزکه

سکا جذام یاخود جنون عارض اولور »

دیدیلر . ضمام ایشه انلری تقریباً :

— « وای باشکیزه ! . انلر ، نهیه قادرکه بکا برشى

عارض ایتسونلر . جناب حق ، بزه رسول کوندردى .

اکا کتاب ایندیردى انک سبيله سزى ضلاتدن خلاص

ایلدى »

دید کردن صوکره محضر قومده کلمه شهادتی کتیروب
انلری دینه علناً دعوت ایتشدر . مرویدرکه ضماہک
اشبودعوتی اوزرینه اوگون اقشامہ دکین قومنک بتون
ارککی وقادینی دینه کیرمشدر .

...

۱۵

اسلام کعب بن زہیر

زہیر ابن ابی سلمی . بلغاء شعراء عربدن ایدی .
کعب ایله بحیر ، بونک ایکی اوغلی ایدیلر مابہا الاشہاری
اولان طلاق و بلاغت کیندوسنک فوتندن صوکرہ اشبو
ایکی اوغلنه میراث قالمشدی .
کعب ، لسان طلاق و بلاغت سیف و سنان شہامت
مقامندہ دین و اسلام عاہندہ استعمال ایدردی . بوندن
دولایی دہ مضوب پیغمبری اولہرق فتح مکہ کونی دمی ہدر
قلنمش بولمسنہ مبنی یمہ قاجشدی .
حضرت رسول اکرمک طائف سفرندن عودتی
اثنادہ بحیر ، مسلمان اولغلہ انک اسلامنی کعب ایشیدہ رک
کیندوسنہ : « نیچون باباک دیننی ترک ایتدک ، دیہ

ستم و تکدیری حاوی بر قصیدہ کوندردی . اشبو
قصیدہ بی بحیر ، حضور پر نور نبویدہ اوقودی . حضرت
بیغبرک بوندن ناشی کعب حقدہ کی غضب ہایونلری مشدد
اولدی . و کعبک بودرلو حرکتہ مقابل بحیر دخی رسول
خدانک حلم و مروت و مکارم اخلاقہ دائر . کتوب
یازوب کعبی دین اسلامہ وسدہ سنیہ حضرت رسالتناہی یہ
عرض مطاوعتہ دعوت ابتدی .

مکتوبک وصولندہ او آنہ دکن کعبک قابندہ بولنان
قسوت در حال زائل و دین مبین اسلامہ نور ہدایتی و رسول
اکرم خدانک و دے و محبتی حاصل اولہرق مداح جلیلہ سنہ
دائر انشاد ایلدیکی قصیدہ غرا ایلہ مدینہ منورہ یہ کلدی
ابوبکر الصدیق حضرت تلرینک یاننہ واردی . اودہ انی الوب
صبح وقتی مسجد شریفہ کتوردی . و :

— « یارسول الله ! بیعت ایدم جک »

دیہ حضور اقدس نبوی یہ عرض و تقدیم ابتدی .
کعب ، ابتدا ید مؤیدہ نبوتناہی بی طوتہرق اخذ بیعت
ایلدکن صوکرہ حضورعالیدہ دیزچوکوب او طوردی و :
— « کعب بن زهیر ، نائب و مستغفر اولدینی حالہ

استیمان ایچون حضور سعادتکزه کلمک ایستیور قبول
بیوریلور می یارسول الله »

دیوب [لعم] جواب قبول وامای المغله :

— « یا رسول الله ! کعب بن زهیر ، بنم ،

دیرکن بونی ایشیدن انصاردن بری قالقدی :

— « رخصت ویرده شونک بونی اوردیم

یا رسول الله ! »

دیدى. رسول اکرم :

— « وازکچ که او ، دین اسلامه میل ایله تابا

کمشدر »

دیه انی منع ایتدی. اول وقت کعب دخی قصیده سنی

تلاوته باشلادی . تلاوتی عاشقانه برادا ایله ایدی .

کیفیت ، محظوظیت هایونى موجب اولمقدمه ایدی . حق :

ان الرسول لنور يستضاء به

مهند من سیوف الله مسلول

بیته کلیدیکی زمان اشبو بیتک استماعندن کسب و تحصیل

بیوردقاری خط او فرلرندن ناشی افندیمز ، مبارک ظهر

شریفارندمکی برده سعادتارینی چیقاروب جائزه اوله رق

کعبه احسان واکسا بیورده شاردر . کعب دخی برده مبارکینی

شکران فراوان ایله اخذ و قبول ایدوب عمری اولدقجه

او برکذر سعادته افتخار ایده کمشدر .

* *

۹۹

غزوة تبوك

تبوك ، دمشق شام ايله مدينة منوره ارسنده بر
 موضع معروفدر شامدن مدينة طاهره زيتون ياغي
 ايله بياض اون كثرين بر قوم ، قيصر رومك شامده
 اسلام عليهنده تجهيز جيوشه متدارك اولديغي و جذام
 و غسان قيله لرينك ده روم ايله متفق بولندقلريني خبر
 و يرمسيله مقابله له لزوم كوريلهرك اردو ترتيبنه افنديمز ؛
 امر و فرمان بيورديلر .

مكندن و قبائل سائرمدن عسكر جلب ايتك اوزره
 اطرافه مأمورلر كوندرلدي . اوكونلرده مدينه حواليسنده
 براز قحط و غلا وار ايدى . او مناسبتله قدرتي اولانلرك
 عسكره اعانه ايتلري ده امر بيوردلدي .

حين تدارك و سفرده حر كتمدن مقدم محل مقصودي
 تعمين و تصریح بيورماق عادت سنيه لري ايكن بو دفعه
 روم عليهنه ايدوكى خلاف عاده اوله رق اصحاب كرامه
 اعلام بيورلمشدي كه تداركده غفلت و مسامحه اولنيه رق
 روم كي بردولتك اهميت و قوتنه و حال حاضرده كي مضايقه

معلومه به كوره هر كس متبصر و متدارك بولمق تنبيهه
رمز و اشارت ديمكدي .

اشبو غزاده اراده سنيه جاب رسالتناهي به امثالاً
ابوبكر الصديق رضی الله عنه افنديمزه تبرعا وجهاز عسكروه
اعانة جميع اموالي اعطا ايلدي .

حضرت عثمان ذی النورین رضی الله عنه دخی نامه
كوندرمك اوزره حاضر لديني ايكي يوز و في رواية اوج
يوز رأس دوه سنی حوله لری بولان ذخيره ايله برابر
ايكي يوزقيه كموش اعانة اعطا ايلمشدر . قتاده نك روايته
كوره مشار اليه حضرتلری ، اشبو غزايه بيك رأس دوه
ايله يتمش آت كوندرمشدر .

عبدالرحمن بن سمره دن منقولدر كه حضرت عثمان
ذی النورین ، بكنه بيك التون قويه رق حضور اقدسه
كتيروب دوكدی . رسول اكرم ، او آلتونلری مبارك
الليله قارشديروب : [مايضر عثمان ما عمل بعد اليوم]
ديه عثمانك سلامت وعافيت داريني يعنى ماضى و آئنده كي
خطيئانك مغفوريته او ساعتده كنديسنه تبشير
بيورمشدر .

حضرت عمر الفاروقدن مرودر كه :
تبوك سفرى اناسنده زنكين ايدم . كندى كنديه

دیدم که « ابو بکری کچه بیلورسهم ایشته شمدی کچه
بیلورم ، بو امید ایله جمیع مالمک نصفی کتیروب تجهیز
جیوشه صرف اولمق اوزره حضور اقدس نبوی به
براقدم . نبی اکرم بکا :

— « یا عمر ! اهل و عیالک ایچون نه ایقویدک »

دیدی . بن :

— « بر بوقدرینی براقدم یا رسول الله ! »

دیدم بو ائنده ابوبکر الصدیق کلدی . اعانه و یردیکی
صدقه بی کتیردی . اکاده سؤال بیورلدی . جوابده :

— « ادخرت الله و رسوله »

دیدی . صوکره بن :

— « یا ابا بکر ! هیچ برشیده سنی کچه مدم » دیدم .

عبدالرحمن بن عوف رضی الله عنه دخی قرق قیه
زر خالص العیار و دیگر روایتیه کوره درت درهم اعانه
ویروب :

— « یا رسول الله ! سکز بیک درهم وار ایدی

نصفی ربمه اقراض نصف دیگرینی اهل و عیالم ایچون
ادخار ایتدم »

دیدنی. حضرت پیغمبر: [برکت اولسون وپردیککه
و الیقویدینگک] دیه دعا بیوردی .
نبی اکرمک درود اجابت نمودی برکت اریله جناب حق
عبدالرحمانک مائه اول قدر برکت احسان بیورم شدی که
دردت زوجه سندن مرض موت زده تطایق ایلدیکی تماضر بنات
اصبع، ربع ثمن حصه ارنیه سیچون ورثه ایله سکسان بیک
درهم و بر روایتده سکسان بیک مثقال التونه صاع
ایتمشدی .

عباس بن عبدالمطلب ، طایحه بن عبدالله ، سعد بن
عباده، محمد بن مسلمه رضوان الله علیهم اجمعین حضراتی ده
بررمقدار مال اعطا ایتشلردر . عاصم بن عدی حضرت تلی
یوز وسق خرما اعطا و اتفاق ایتدی . انصار کرامدن
ابو عقیل دخی بر صاع ، دیگر روایتده کوره یارم صاع
خرما و یروب: [بوکیجه صباحه قدر خلقه قیودن اجرتله
صو چکدم اجرتم اوله رق ایکی صاع خرما و یردیله .
برخی بورایه کتیردم . برخی عیاله بر اقدم] دیمشدر .
رسول اکرم صلی الله علیه وسلم ، امر بیوردیلر
ابو عقیلک خرماسنی دیگر بعض اصحاب کرام طرفندن
کتیریلاان خرمانک اوستنه صاچدیله .

منافقلىر ، طعن وتشذيع صددنده ديديلركه :
 عبدالرحمن ايله عاصم ، او قدر كليتلى مالى مجرد رياء
 ايجون ويرمشلر !. هله ابو عقيلك برصاع خرماسنه
 اللهمك و رسولك احتياجى يوغيدى لكن ابو عقيلك
 قصدى ، كى دىنى اكديروب صداقتدن برشى المقدر !.
 منافقينك بوكونه سوزلرني حق تعالى : [الذين
 يلزمون المطوعين من المؤمنين في الصدقات والذين لا يجدون
 الا جهدهم فيسيخرون منهم سخر الله منهم واهم عذاب اليم]
 آيت كريمه سنى انزال بيورهرق رد و تزيف ايتمشدر .
 نسوان اصحاب دخى حليما لريى اهدا ايله اعانه
 اشتراك ايامشلردر . سفر ، غايت صيحا ق بر موسمه
 مصادف ايدى . حرارت هوايى منافقين سر رشته
 طوته رق مسلمانلرى تهويل صددنده : [لاتنفروا في الحر
 = ويحاجده غزا يولنه حيقميكز] ديه سمي بالفساد
 ايتديلر . منافقلىرى رد و تكذيب ايجون : [فرح المخلفون
 بمقعدهم خلاف رسول الله و كر هوا ان يجاهدوا
 باموالهم و انفسهم في سبيل الله و قالوا لاتنفروا في الحر
 قل نار جهنم اشد حرا لوكانوا يفقهون] آيت كريمه سنى
 انزال بيورلدى .

منافقتك پیشوای مشهوری و عبدالله ابن ابی بن
 سلولہ دمہ دروم دولتی محمد [علیه الصلوٰۃ والسلام]
 نہ ظن ایدم بور اصحابیلہ برابر امک اسیر اولہ جقارنی
 بیابورم دہ مسلمانلری نخویفہ چالیشیر ایدی . مسلمانلر
 ایسہ اراذل مرقومہ نک اودرلو نفوہاتنہ رغما خواہش
 هیچ ایلہ جہادہ حاضر لقمہ ایدیلر .

۰۱۰

ابتداء امرده بعض اهل ایمانک دمہ تخلف ارزوی
 حس اولنمشدی . کہ مؤمنلرک اشبو ارزوی تخلفلری
 معرض توبیخ و تقریمده جناب حق جل و علا : [یا ایہا
 الذین امنوا مالکم اذا قیل لکم انفروا فی سبیل اللہ انما قام
 الی الارض ارضیتم بالحیوة الدنیا من الاخرة فما متاع
 الحیوة الدنیا فی الاخرة الا قلیل] آت کریمہ سیلہ بیلدیر .
 مشدر .

ناسک غزادن تشاقللری ، غزانتک شدت حرارت
 ایام صیفہ و قحطہ مسادق اولمسی ، مسافہ نک بعدیلہ
 برابر لوازم حرب و غزاجہ نقصانلری مدینہ دمہ اثمار
 وفوا کہمک زمان ادراکی بولنمسی و عسکر رومک قوت
 و مہابتی کبی بر قاج وجوہ و اسبابہ مبنی ابدی .



وفود بنی کناه — تبوک سفری انسانده بنی کناه نك
وافداری بر جماعت اولدینی حانده مدینه طاهره
کلدیلر. رئیسری «وائله بن الاسقع» ایدی.

رسول اکرم صلی الله علیه و سلم، اکا: [سن کیمسک
ونه ایچون کلدک؟] دیه سؤال بیوردیلر. وائله :

— «اللهه و رسولنه ایمان ایتمه کلدک بکا قبول
امر و نهیک اوزرینه بیعت اعطا ایت»

دیدى. اولوجهله اخذ بیعت ایدمرك كندی دیارینه
کیتدی. قومنی کيفیتدن خبردار ایدرکن پدری اعراض
ایدوب بردها یوزینه باقیه جفتی سویلمش برادری وفی
روایه همشیره سی بالعکس انصاف ایله قبول اسلام ایتدکن
فضله تبوک ایچون سفر لوازمنی تدارک ایدی یروب وائله یی
مجهزاً مدینه طیبه یه اعزام ایلمشدر .

وائله نك مدینه منوره یه شوایککنجی کلیشندن آزاو
حضرت نبی معزز، تبوک متوجهاً حرکت بیورمشردى.
زاد و ذخیره کبی لوازمنك نقصانندن طولای کیری
قالغه مجور اوله جق اصحاب کرامده متأسف ایدیلر. حتی
بوکی فقراء اصحابدن «سالم بن عمیر، علبه بن زید، ابولیلی،

عبدالرحمن بن كعب مازنی ، عمرو بن غنم ، ساهه بن
صخره ، عرياض بن ساريه ، عبدالله بن مغفل ، حضراتی
برلكده حضور اقدس پیغمبری به كاوب :

— «يا رسول الله! بز، پیاده قالدق. يده جك و یرده
سنگاه برلكده غزایه كیده لم»

ديه عرض حال ایندیلر . رسول اکرم صلی الله
عليه و سلم :

— «سزك ایستدیککز بنده یوقدر»

جوانی و یرمکله انلر ، معیت سنیه شرفدن محرو-
میتارندن ناشی اغلقلری حالده پیشگاه عالیدن طیشاری به
چیقیدیلر .

اصحاب مشارالیه هم حضراتنك شرکونه اغلایشله
حضوردن چیقملری ، کندولرینك بین الاصحاب «بکائین»
عنوانیه معروفیتلرینه سبب اولمشدرکه حقیقت حال
و صمیمیت بالارینی : [وعلى الذين اذا ما نوك اتحماتهم
قات لا اجدما احباكم عليه تولوا واعينهم تفيض من الدمع
حزنا ان لا يجدوا ما ينفقون] آیت کریمه سی اشعار ایدر .
مع مافیه بونلر ، شرف معیتدن ینه محروم اولما مشلردر . ابن
یامین بن عمیر بن کعب نضری ، ابوالی ایله عبدالله بن مغفله
اوساعتمده و او یله حالده تصادف ایتدیکندن بینمك ایچون بر

دوه و زاد و ذخيره اوله ورقده برصاغ خرما ويردى.
 ديكر ايكيسى، عباس بن عبدالمطاب رضى الله تعالى
 عنه حضرت تلى جانبندن، اوچي ده عثمان بن عفان رضى
 الله عنه حضرت تلى طرفندن تجهيز ايديلهرك دوه لره
 اركاب و غزايه اعزام اولمشلردر.

ابو موسى الاشعري رضى الله عنه حضرت تلى نندن
 منقولدرکه :

اشعري جماعتى، ينه جك حيوان طاب واستدعا
 ايمك اوزره بنى حضور على رسول الله كوندريلر.
 بنده :

— «يا رسول الله ! ارقداشلم، مركب احسان
 بيورمكز استدعاسيله بنى سكا كوندريلر»

ديه عرض حال ايتدم . بوكا قارشى ائنديمز :

— «والله منزى هييج برشيئه بينديرمم»

جواني ويرديلر مكر بن، خبرم اولميه ورق او حضرتك
 حال غضب هايونلرينه تصادف ايتشم . تأسف و تأثر
 رسول الله يى مستلزم بر حر كتمده بولنديغم خوفندن
 طولاي محزون اوله ورق ارقداشليمك نرينه كلدم .
 انلره بيان حال و كيفيت ايتدم اره دن پك آز مدت

بیله کچا مشدی ایشتم که منادی بیدانی رسول الله اولان
حضرت بلال : [ای عبدالله بن قیس] دیه ندا ایدر
جواب ویردم . بلال . بکا :

— « کل رسول الله سنی جاغیر بور »

دیدى بو کره حضور عالیترینه کیر دیکم آنده
رسول الله صلی الله علیه و سلم بکا : [خذ هذين
القرینین و هذين القرینین] دیه سمدن صاتون
آلهرق حاضرلدینی الی رأس دوملری انشارتله
کوستردی . و :

— « بونلری ارقداشلریکه کتورده سوله که
جناب الله [و یاخود رسول الله] سزی بونلره
بندیر بور بیکز »

دیدى . بن ، اودوملری الدم کلدیم . وامر عالی یی
حرفیاً تبلیغ ایتدکن صوکره دیدم :

— « والله سزی براقم ما که بریکز بنمله کلوب
رسول الله مقاله لرینی ایشیدم جکدر یوقسه رسول الله
سویلمدیکی برسوزی بن . سزه تصنیعاً نقل ایتشم ظن
ایدر سکن »

ارقاشلر . بکا :

— « سن ، بزم عند مزده طوضری بر آدمسك وليكن
 مادام كه اويله ارزو ايتدك كيدرز »
 ديوب قالقديلر . برابر كيتدك . بن ديدم :
 — « يا رسول الله بزه مركب ويرمامكه اول يمين
 ايتمشدك شمدى ويردك »
 بونك اوزرينه افنديمز :

— « سزه مركبي جناب حق ، ويردى . بكا امر
 ايتدى كه برايشي ياماغه يمين ايتسه مده صوكره بيلسه مكه
 خير ، اويشي ايشلمكده در يميني بوزوب كفارت
 ايديم »
 ديه جواب ويردى .

اصراب بنى اسدوبنى غطفاندن سكسان وبرروايتده
 یتش ايكي ويا اوتوز طقوز كشي سرد اعذار
 طريقه تخلف ايچون استيدان ايتديلر . استدعالري مقرون
 مساعده سنيه اوله رق كندولرينه : « كيديكز مامولدر كه
 جناب حق ، زمان قريبه ده بزي سزدن مستغنى
 ايدر » بيورلمشدر . [و جاء المعذرون من الاعراب
 ليؤذن لهم و قعد الذين كذبوا الله ورسوله سيصيب

الذين كفروا منهم عذاب اليم] آیت کریمه صی ، اعراب
مرقومه نك صورت مخلفه لری حقه ده نازل اولمشدر .

•••

مر ویدر که تبوك انشاء تدارکنده رسول مکرم ، بنی
سلمه دن « جد بن قیس » :

— « بنی اصفر خراسنه بزمله کینه که هیچ رغبتک
وارمیدر ؟ »

دیه سؤال بیوردی . جد بن قیس ، جوابده :
— « یا رسول الله ! اذن ویرکه مدینه ده قالیم .
زیرا بنی بیلورلرکه عورتلره زیاده میلم واردر . قورقرم که
روم قیزلرینی کورور ایسه م صبرسنزقله فتنه یه دوچار
اولورم »

کبی سوزلری درمیان ایتمله بنی افخم صلی الله
علیه و سلم :

— « سکا اذن ویردم »

دیوب اندن اعراض بیوردیلر . مرقومك اعتذارنده کی
بطلان ، بدیهی اولغله جناب حق انك شاننده : [ومنهم
من يقول انذن لی ولا تفتنی الا فی الفتنة سقطوا وان
جهنم المحیطة بالكافرین] آیت کریمه بنی انزال بیوردی .

* * *

مكة مباركدن مدينة طاهريه حين هجرت سنيده
 بني سلمه دن سيدورئيسلرينك كيم اولديني سؤال بيوريله رق
 بني سلمه :

— « رئيسمز، جد بن قيسدر . ولكن بخل ايله
 موصوف و معروفدر »

جواني ويريركن رسول خدا افنديمز ، بر وضع
 انكارايله : « اي داء ادوؤ من البخل . سزك رئيسكز،
 عمرو بن جوحدر، ديمش وجد مرقومي بخلي سبيله موقع
 سيادت و رياستدن تنزيل ايلمشدي .

* * *

ذات اشرف حضرت رسالتپناهينك خلقي جهاده
 حث و تحريضنه قارشى منافقلىر ، افكار عموميه نك طرف
 طرف تشويشنه سحى و اقدامدن كيرى طور ماقدمه ايديلر .
 يومقوله دن بر كروه ، سويام نامنده بر يهودينك خانه سنده
 تشبث اهل اسلام علمينده لاقردى ايتمكده ايديلر .
 حضرت پيغمبر ، طلحه بن عبدالله حضرت تلريني اصحابدن
 بر جماعتله اعزام ايدرك انرى او خانه دن طاغندي .

جلاس بن سويد بن صامت نامنده برى ، اوغلى ياخود

اووهی اوغلی مصعب ایله برر اشکه راکبا جانب
قبادن مدینه طیبیه طوغری کلیورلردی اهل اسلامه
عداوتی اظهار وانلرک تبوک سفرندن تخافارینی ارزو
ایدهرک دیدی که :

اگر محمد [علیه الصلوٰة و السلام] ک کتیردیکی حق
ایسه بز ، بو بیندیکمز اشکلردن بدتر اولهلم ،

بوسوز ، مصعبه تاثیر ایتدیکندن مصعب ، حدتله :
— وای عد والله ! خدا حقیچون سنک بوسوزیکی
حضرت پیغمبره ایصال ایدرم . سن ، بنم لظارمده خالقک
اغزی ایدک . شمدی بوسوز سویلدک که او سوزی اکا
سویلمزهم سنی خلق ایچنده رذیل ایدر سویلمزهم بن
هلاک اولورم ولیکن هلاکدن سلامت اولیدر ،

دیدی ودرحال کلوب ماجرای :

— « یارسول الله ! اگر بنده بو کنشاهده شریک
اولوب حقمده آیت نازل اولمق خوفی اولمیدی ویاخود
بر بلایه گرفتار اولمق اندیشه سی بولنمسیدی انک بوسوزینی
سکا سویلمزدم ،

دیه عرض ایتدی . حضرت پیغمبر ، جلاسی جانب
ایدهرک صورتی جلاس ، یمین ایله برابر انکلا ایتدی
مصعب ، اوراده حاضر ایدی : [یارب رسولکه برآیت

كوندرکه صدق کلام اندن بللی اولسون [ديه مناجات
ایتدیکندن] محلفون بالله ماقالوا ولقد قالوا کلمة الکفر
وکفروا بعد اسلامهم وهموا بالم ینالوا و ماقتوا الا ان
اغناهم الله ورسوله من فضله فان یتوبوا ینک خیراً
لهم ...] آیت کریمه سی ، نازل اولمشدر .

جلاس ، آیت کریمه بی ایشیدنجه : [جناب حق ،
بکاتوبه بی عرض ایلدی] ديه مرضی عالی به مخالف تفوهاتندن
صدق و اباقله توبه ایتدی . حتی اوته دنبروا کا قارشى
ابراز ایده کلدیکی طور و معامله سنی تغییر و تبدیل ایتدیکی
کبی برو احسانیده کسمامشدر . جلاسک بو کونه حال و
حرکتی ، قبول توبه سنه و صدق قولنه علامت عدا اولمشدر .

...

تدارکاک ختایله حضرت نبی اکرم صلی الله علیه
و سلم اهل بیت رسالتلرینه نظارت ایچون حضرت
علی کرم الله وجهه افندی میزی و امور مملکتک اداره سی
ایچون ده محمد بن مسلمه بی مدینه طیبه ده استخلاف ایتدی
اداره امور مملکت ایچون « سباع بن عرفطه » بی
براقدینی ده مرویدر . دیگر بر روایتده دخی « ابورهم
الغفاری » بی براقمشدر .

حضرت علی . کندوسک معیت سنیهدده تبوکه
کیدمیه جکته تأسف ایدرک :

— « یارسول الله! بو آنه قدر هیچ برغزاده تخلف
ایتمدم سبب بدرکه بی کری یه براغوب کیدرسک ؟ »
دیدی . بوکا جوابده افندیمز :

— « اما ترضی ان تكون عندي بمنزلة هارون من
موسی الا انه لابی بعدی = راضی دگیسک که
عندمده هارونک موسی نزدنده حائز اولادینی رتبه
ومنزاتده اولهسک و لیکن شو قدر بر فرفک وارکه
هارون ، موسادن سوکره بی ایدی بندن سوکره بی
و نبوت یوقدر »

دیوب انی بالخاصه اعزاز بیوردقدن سوکره
زوجات طاهرات رسالتپناهیلرینه ده انک مأموریتی
بیان و امر نهینه اعتبار اولنمسی لزومنی اخطار ایتدی .
اردوی هایوبک خارج مدینه طاهرده « ثیة الوداع »
نام محله طویلانمسه اراده سنیة رسالتپناهی شرفصادر
اولهرق حضرت ابو بکر الصدیق رضی الله عنه ده محل
مذکوره مرکز قوماندانی بالتعیین عسکره نمازده امامت
ایتمسی طرف اشرف نبویدن کندوسنه امر ونهییه
بیورلدی .

منافق عبدالله ابن ابی سلول ، اوراده بر بلوك
ارقد اشاریله اردوكاه اسلام سمتنه یورویرهك «زباب» نام
محل مقابلنده توقف ایتدی .



رسول اکرم صلی الله تعالی علیه وسلم ، رجب شریفك
طقوزنجی پنجشنبه کونی مدینه طیبه دن حرکت بیوردی .
منافقار ، فتنه قصدیله : «علی یه اولان غیظ و برودتنه
مینی انی کری براقدی» دیدکارندن بو سوز ، علینك
کوجنه کیدهك همان سلاخلاندی . سیر سریع ایله بی
معظم افندیمره [جرف] محلنده یتشدی و :

— «یا رسول الله ! خالقده شویله بر سوز واردر
مظنهك ازاله سیچون بی معیتكزه السه کز»
دیدی . و لکن مرتبه هارونیه راضی اولسی
وصایاسنك تکرار ایله اعاده بیورلدی .



ثنية الوداعده رایات والویه عقد اولنه رق علم اعظم ،
صدیق اکبر یدینه وبرروایتده زیر بن العوام حضر تلرینك
النه ویرلدی . اوسك لواسی ، اسید بن حضیره خزر جك
لواسی ده ابو دجانه حضر تلرینه اعطا ایدلدی .

الفسار کرامدن هر بطن کندينه بر لوا عقد ايندى .
 بنى مالك بن النجار بطنتك بايراغنى عماره بن حزم
 حضرتلرينه ويرمىدى . بدمه كبرى الوب زيد بن ثابت
 ويردى . او زمان عماره :

— « يا رسول الله ! بكا غضبى ايندك كه بايراغنى
 المدين كبرى لك »

ديه صورتى . رسول الله افنديز اكا :

— « غضب ايتدم ولكن حق تقدم اهل قري انكدر
 زيد ، قرآنى سندن زياده اخذ ايتمىدر . قرآن ، كندى
 صاحبى تقديم ايديجيدر هر نقدر صاحبى قولاغى كسيك
 بر عبد سياه دى اولسه »
 جوانى ويردى .

افراد اهل اسلام ، اردوگاهده تعداد اولندى .
 بر روايتده اوتوز بيك ديكر روايتده قرق بيك ايدى .
 مقدمة الجيشه خالد بن الوليد ، ميمنه عسكره طلحه بن
 عبد الله ، ميسره به عبد الرحمن بن عوف رضوان الله
 عليهم اجمعين حضرتائى تميمين بيورلدى .

اردوى هايونك اورادن حركتى ائناده عبدالله بن
 ابى بن سلول ، نفاقدن باشقه سبب وعاته مستند اولميهرق :
 [بنم بنى اصفرله حرب وقتاله ايشم يوقدر . خلق ظن

ایدرلرکه انلرله قتال قولایدر. او یله کور یورم که شو خلق
 زنجیر اسارته طاقلسه لر و اطراف عالمه طاغلسه لر کر کدر]
 دیوب کری دوندی . کندی کبی اولان ارقداشاری ده
 برابر ایدی. انلرک خبر تخلفلری مسموع عالی اولنجه:
 — «اگر انده خیر بولنسییدی بزمله رفیق اولور
 ایدی منون اولیکز که اشرا رک شرلرندن خلاص اولدیکز»
 بیورلمشدر .

صحیح الاعتقاد اولان اهل اسلامدن ابوذرا الغفاری
 و ابو خیشمة السالمی ، کعب بن مالک ، مرارة بن الربیع ،
 هلال بن امیه حضراتی کری قالمشلردی . ابو ذر
 حضرتلری ، اردو ایله برابر چیقدیغی حالده دوه سی
 یولده قالمقله زاد و ذخیره سنی بالضروره کندوسی
 یوکنوب راجلاً اردوی تعقیب ایتمشدر ! .

ابو خیشمه ده مدینه ده بر قاج کون طور دقدن صو کره
 کری قالدیغنه پشمان اوله رق یورودی اردوی هایونه
 التحاق ایلدی . دیگر اوج ذاتک تخلفلری ده مجرد مشقت
 سفردن قاجدقلری ایچون ایدی .

وافد بنی کنانه اولان «وائله بن الاسقع» دخی تام

شو صروده . بلده سندن مدینه طیبه عودت ایتشدی .
 لعذر تاخر ایتش بولن بمض اعاب گرام ، برر برر
 حقیقوب اردوی سعادتہ التحاقه . مسارعت ایدم یورلردی .
 وائله ، او زمان :

— « بوغزاده الیمه کیرم جک حسه غنیمتی کیندوسنه
 ترك ایتک شرطی ایله بکا کیم بر مرکب ویریر ؟ »
 دیه اعلان ایتدی . کعب بن عجره ، اکا بردوه ویردی .
 وائله ، ینوب یوله دوشدی . اردوی هایونه یتشدی .

*
 *

اشبو سفردہ یک چوق غرائب مشاهده اولمشدر :
 ودیمه بن ثابت ، بر بلوک منافق ارقداشلیله برابر . موکب
 هایونک اوکی صره کیدرلردی . استهزاء صددنده
 یکدیگرینه :

— « دقت و تمجب ایدیکزکه بو آدم [رسول الله
 صلی الله علیه وسلم] شامک قصور و حصونی فتح ایتک
 ایستر . »

دیدیلر . ایچلرندن و قبیله بنی اشجعدن بنی سلمه حلبی
 اوله رق محشی بن حمیر دخی :

— « کاشکی بو سوز مقابلنده هر بریمزه یوزر

قرباج اور سیدیلر ده تک حقمزده بوندن طولای آیت
نازل اولمیدی .

دیدى . رسول اکرم صلى الله عليه وسلم بوماجرايه مطامع
اوله رق عمار بن یاسره :

— « کیت شو قوم که آتسه یاندیلر ، و سؤال

ایت که یکدیگریله شمدی نه سویلشدیلر . انکار ایدر لر سه
دی که سز شویله شویله دیمدیکزمی ؟ »

دیه امر بیوردی . عمار ، ودیمه بلوکنی استنطاق اتمکله

انلر ، کلوب حضورر سول اللهده علی طریق الاعتذار :

— « یا رسول الله ! بز ، او سوزی لهو ولعب

وملاطفه طریقله سویامشدهک »

دیدیلر . که [وائن سالتهم لیقوان انا کننا نخوص و

نلعب قل ابالله و آیاته ورسوله کنتم تستهزؤن . لاتعتذروا

وقد کفرتم بعد ایمانکم ان نعب عن طائفة منکم نعب

طائفة بانهم کانوا مجرمین] آیت کریمه سی انلرک او باده کی

مقالرینک حقیقتی ناطقدر .

مرقوم مخشی بن حمیر ، آیت کریمه نک منطوقه

عفو الهی به نائل اولان طائفه دن ایدی . حتی کندوسنه

فی سبیل الله مرتبه شهادت نصیب اوله رق قبرینک معلوم

بولماسی حقه ده کی مناجاتی قرین قبول بیورلدیغندر که

يوم يمامه شهيد اولمى و وجوددن اثر و نشان
بولما مشدر ا.

ديار مېرويه مرور — ديار حجر ، جوار وادى
القراده در . اردوى هايون اكا واصل اولدينى انساد
قوماندان كتيبة انبيا ، افنديمز :

— «بو محلك صويندن انچميكنز . وصوييله آبدست ده
الميكز . انكه يوغورلش خموركز وارايسه انى دوملره
ويريكز دوملرك ديزلري محكم باغلايكنز . وبو كيجه
شدلى بربل اسه جكدر . منزله هيچ بركيه چادرندن
ارقداشسز طيشارى چيقمسون »
ديه تنبيه بيورديلر .

اشبو اوامر و تنبيه ايدن صوكرده ديار حجر دن صورت
مرور و حر كتك تعبينى قصدايدرا اولدينى حالده [نفسارينه
ظلم ايدن شو معذب خالقك مسكن و ديارلرينه اغليه رق
كيريكنز . ناكه انلره اصابت ايدن مصيبت ، سزه ده اصابت
ايتميه] وصاياتى ده علاوه ايدركن مبارك نائى اورته لك
دوه سنى اسراع ايلدى و وادى يى سرعتله چكى . اردوى
هايوك او جوارده اقشاملين اينه چكى و اينه يكي منزله
كيهسه نك ارقداشسز چادر دن خارجه چيقمامسى امرعلى

اقتضائنندن ایدی هر کس، اشبو اراده سنییه اتباع ایتمشکن
بتون اردونک ایچندن یالکیز بنی ساعده قبیله لی ایکی
کیمسه عذر و غفلتله حدود امری تجاوزله ارقداشمنز
طیشاری چیقدیله ! .

بری ، قضاء حاجت ایچون چیقمشدی . انی خناق
عائی طوتدی . مصروعاً یره دوشدی . دیکری دوه سنی
غیب ایتمکله ارامغه چیقدی انی ده یل قابوب بنی طی دیارینه
آندی !

مصروع مرقوم ، اصحاب کرام طرفدن قالدیله
رسول الله صلی الله علیه وسلم افندیمنزک ، دعاء بالخیر شفاء
وعافیتله شفایاب اولدی . دیکرینی اردوی سعادتنک تبو کدن
عودتله مدینه طاهره موصلتندن صورته بنی طیدن
بر قاج کیمسه لر کتیردیله .

دیار حجر حدودنده بولندیفی کیجه نك ایتسی
صباحی عسکر ، صوسزلقدن صوک درجه ده . مضطر
قاله رق دربار دربار رسالته شکایت ایتدیله . غوث الرساین
افندیمنز ، یوزی قبله ده دونه رک دعا ایتدی هواده
هیچ بلوط یوق ایکن همان بلوتلر پیدا اولدی . ویکدیگرینه

قاریشهرق بیوک یاغور یاغدی . خاق ، قریه لری صو
ایله طولا بدیلر . حضرت پیغمبر افندیمنز کمال سرورندن
تکبیر ایلدی . واو آیدم بلوتلر یاریلوب هوا آچامغله :
— « بن . شهادت ایدرم که خدانک رسولی سم »

بیور دیلر . مسلمانلر ، او ساعتده کی رحمتک کیفیت
تزللی کورمش اولان بر منافقه :

— « معجزه نبویه کی کوردک . اراق عذرویه نهیه
محل یوق کل مسلمان اول »

دیدیلر . منافق خبیث :

— « اوت تصادفی بر بولوت کچردی

یاغدی !... »

جوابی ویردی .

...

برمنزلده ناقة سعادت ، ضایع اوله رق اصحاب کرام ،
ارامغه حقیقه شلردی اهل عقبه و بدردن اولان « عماره
بن حزم » حضرتلری ده حضورعالیده ایدی . عماره نک
حضورده بواندینی صروده منزلتده قینقاع یهودیلرندن
زید بن الصلت بولنه رق کندی یاران وهوا دارانه دیر
ایمش :

— « محمد [علیه الصلوة والسلام] پیغمبرم دیر و
 کوکلردن خبر ویریر . حالبوکه شمعی دوه سنک نروده
 اولدیفنی بیلمز »
 انک اشبو تفوهاتی رسول اکرم نور اقدس نبوتله
 کشف بیورهرق عماریه :

— « یا عماره ! سنک منزاکده بر آدم ، شویله بر
 سوز سویلدی . خدا حقیقچون بن ، غائبی بیلیم . مکرکه
 حق تعالی انی بکا بیلدیره . ایشته شمعی دودمک نروده
 اولدیفنی حق جل وعلا ، بکا بیلدردی . فلان محله
 یولاری برداله طولاشمش طوربور کیدیکز کتیریکز »
 دیدی بعض اصحاب ، همان کتیدیلر . یولاری دالدن
 قورتاروب دوه بی کری کتیردیلر .

عماره ، منزله کلدی حاضر اولانلره ماهوالواتی
 ا کلاتدی . ایچلرندن بری :

— « سن کلزدن اول بوراده زید بن الصلت ، سنک
 دیدیکک شیشی سویلمشدی »

دیمکه عماره حدتندن منافقک اکسه سنه بر توقات
 اوروب :

— « یا عباد الله ! بنم منزلمده بیوک بر مصیبت وار
 ایمش »

دیه حریفی اورادن سورمش چیقارمشدر.

سهیل بن بیضاده منقولدرکه :

تبوك - فرنده رسول اکرم صلى الله عليه و سلم
بر کون بنی ردیف ایامشدی یو کسک سسله بکا
خطاباً اوچ کره : [یاسهیل !] دیدی . بنده هر
دفعه ده : [لبتک] دیدم . بوندن احباب کرام تفرس
ایندیلرکه مقصود عالی ، کندیلریدر درحال اطراف
وجوانیدن بربرر حضور سامیده طویلانهرق شرفظه‌ور
خطابه منتظر اولدیلر . افندیمز ، انلره :

— دین شهران لاله الا الله وحده لاشربکله وان
محمداً عبده ورسوله حرره الله علی النار ،
بیوردیلر .

...

یولاره می — یول اوزرنده بیوک بر بیلانه تصادف
ایدیلرک خاق قورقودن یاننه یناشه مدیلر . ییلان کلوب
حضورنبویده بر مدت مکث ابتدی کورنلر ، تمجب
ایتمکله ایدی . صوکره ، کری کیده رک یولک بر کنارینه
چکلدی ناس . حضرت رسول اکرمک نزدینه طویلانیدیله .
افندیمز :

— بیلور میسکز که بو ییلان نه سویلر؟ مکده یانمه
 کلوب بر کیچه قرآن اجتماع ایدن جنلردندر. منزلی بو
 نواحیده اولدیغندن رسول خدای استقبال حققی ایفا
 ایتک اوزره قارشومزه کلدی. و بعض مشکلرینی صورتی.
 جواب آلدی شمدی اوراده طور یور و سزه سلام ایده یوره
 دیدی. بونک اوزرینه اصحاب کرام، انک سلامنی :
 [علیه السلام و رحمة الله وبرکاته] دیه احسن صورته
 و دایتدیلر. ایشته بونک اوزرینه ایدی که افندیمز: [حیوا
 عباد الله من کانوا = کیم اولور ایسه اولسون عباد الله
 قاعده تحیتی ایفا ایدیکر] بیورمشلردر.

برکون جناب پیغمبر صلی الله علیه وسلم ، احتیابنه
 بیوردی که :

— یارین قوشلق وقتی تبوک پیکارینه وارم جغز
 هر کیم که بدن اول یتشیرسه اکال صوقسون ،
 تبوک نام مرحله ، مدینه طیه دن شامه کیدرکن
 یاری یولدر . اردوی هامون واروب پیکارک
 باشنه ایندی مکر ایکی آدم اول وارمشلرمش ! پیکارک
 صوبی ایسه اردونک احتیاجنه کافی مقداردن آرزو ضعیف
 اقرار ایدی . رسول اکرم صلی الله علیه وسلم ، او ایکی
 شخصدن صورتی .

حرف بارك مسويه طوقا بدقلری آتلا تله رق کندیلری تکدیر
ایدلدی. سوکره اسریغمیری موجینجه بیکارک صوبندن
بر قاب طولدیریلدرق حضوره کتیرلدی حبیب اکرم
افدیمر. مبارک الارینی، اغزینی و وجهه شریفی قابک
ایچنه یقایوب صوینی پیکاره دوآدیکنی. متعاقب منبعدن
فوران شدید ایله صو. هوایه طوغری فیشقیرمش آقش
واو صو. بتون اردو خلقنه کفایت ایلمشدر.

اردوی هایونک تبوک منزله هیئت اقاتی اطراف واکناهه
عکس اتمکده اولایینی حالده روملرده ورومه تابع عربانده
برکونه حرکت کورولمادی بنساءً علیه محاربه ده وقوع
بولمادی. فقط شام حدودینه قدر کلوب ده قوجه روم
دولته میدان او قومسی بالخاصه دهشتی موجب اولدی.
حتی عقبه مصریه جوارنده ساحلده [ایله] دیارینک حکمداری
بولنان «یوحنا بن رؤبه» = روپن «تبوکده حضور اقدس
رسالتیاهییه کلوب اوچ یوزالتون جزیه ویرمک شرطیله
عهد وایمان طاب اتمکله کندوسنه:

[بسم الله الرحمن الرحيم. هذه امانة من الله ومحمد النبي
رسول الله. ليوحنة بن رؤبة واهل ايلة اساقفتهم وسائرهم

فی البر و البحر . اہم ذمۃ اللہ و ذمۃ النبی و من کان
معه من اهل الشام و من اهل الیمین و من اهل البحر .
فمن احدث منهم حادثاً فانه لایحیو مالہ دون نفسه و انه
طیب لمن اخذه من الناس و انه لایحل ان ینعوه ما یریدونه
ولا طریق یریدونه من برا و بحر [دیہ اماننامہ عالی اعطا
بیور و لمشدر .

اشبو اماننامہ عالی فی افندیمر ، « جہیم بن صلت » ایلہ
« شر جیل بن حسنه » حضراتہ یازدیر مشدی .

بلاد شامدن یکدیگریہ اوج میل مسافہدہ بولنان
« جریاء » و « اذرح » نام بلدہ لر اہالیسی دہ سنوی یوز
التون جزیه و یرمک اوزرہ استدعاء عہد و امان ایتملریلہ
انلرہ دخی : [بسم اللہ الرحمن الرحیم هذا کتاب من محمد
النبی رسول اللہ لاهل اذرح . اہم آمنون بامان اللہ و امان
محمد . وان علیہم مائۃ دینار فی کل رجب و افیۃ طبیۃ .
واللہ کنیل علیہم بالنصح و الاحسان الی المسلمین و من لجأ الیہم
من المسلمین من المخافۃ] اماننامہ عالیسی احسان بیور و لمشدر .

حضرت فخر المرسلین افندیمر ، تبوکدہ بر کون
محضر اصحاب کرامدہ اوطور و لرکن :

— « ما فعل کعب [بن مالک] ،

بیوردی . بنی سلمه بن بردات و یا خود « عبد الله

بن ایس ، حضرت تری ، جوابه تصدی ایدہ رک :

— « یا رسول الله حبسه برداء و نظره فی عطفیه »

دیدید کہ بو جواب ، کعبک بلا عذر تخافنی سده

سلیہ یہ عرض و اعلام صورتی دہ متضمن ایدی !

غضب و انفعال جناب نبویدن و قایہ مقصدیلہ معاذ بن جبل

رضی الله عنه . قائل مذکورہ قارشی مدافعه مقامندہ [بئسما قلت]

دیدکدن سوکرہ ذات اقدس پیغمبری یہ اقبال و توجهلہ :

— « یا رسول الله ! ما علمنا علیہ الاخیراً »

دیدید . انلرک بو درلو محاورہ لری اوزرینہ نبی

افخم افندیمزده سکوت بیوردیلر .

۵۵۰

کہہ ابازر — ابو ذر الغفاری حضرت تری ، اردوایله

برلکده حرکت ایش اولدینی حالده دوه سی یولده قالمغه

زادو ذخیرہ سنی کندوسی یوکانوب تبو کہ طوغری اردونک

عقبینجه کلیور ایدی .

بر کون رسول الله صلی الله علیہ و سلم و معیتی

تبو کہده ایکن بری جانب مدینہ طیبہ دن یولده نمایان

اولدی . اصحاب :

— « یا رسول الله ! یولده بر پیاده کلیور »

دیدیلر . افندیمر ، اوسمه باقهرق :

— « کن ابذر = ابوذر اول »

بیوردیلر . صوکره اصحاب کرام ، دقت ایدوب

کور دیلر که کلان ، ابوذردر :

— « یا رسول الله ! هو والله ابوذر »

دیدیلر . بولک اوزرینه اوسیار وحیدک حسن اخلاص

ایله آزادکی احوالک تقدیری صد دنده : [رحم الله

اباذریمشی وحده ویموت وحده ویمیت وحده] بیورلمشدرکه

بونده ابوزرک عاقبتنه اشارت وار ایدی .

مشارالیه ، حضرت عثمان ذی النورین افندیمرک

اواخر ایام خلافتنده ایجاب مصلحت اوله رق « ربذه » ده اقامته

مأمور بیورلمشدی . ویاخود کندی ارزوسیه بالاستیدان

کیدوب انده اختیار اقامت ایلمشدی . بقیه ایام حیاتی

ربذه ده سکون و آسایشله امرار ایتمش و حین وفاتنده

برکوله سیله زوجه سندن باشقه یاننده کیمسه سی بولنماش

ایدی . وصیتی موجبینجه انلر ، کندوسنی غسل و تکفین

ایدوب بول اوستنه براقدیلر . دوهیه را کب اولدینی

حاله ابتدا تصادفی ایده جک جماعته منتظر طور دیلر که

بوده و سقی اینجا بتندن ایدی . قارشودن بر جماعت
 کوروندی . دومیه راکب ایدیلر . جماعت ، حذایه
 کفجه غلام ، ابوذرک دخی ایچون ائردن یاردم ایستدی
 مکرانار ، اجله اصحاب کرامدن عبدالله بن مسعود
 رضی الله عنک جانب عراق ن حج ایچون مکه به کلان
 بر جماعتی ایدی .

ابن مسعود حضرتلری ، او آنده تائرندن صوت
 جهیر ایله اغلامغه باشلا یوب ابوذرک عاقبت بویله و فانی
 وقوع بوله جغنه دائر مشکوة صدر شریف رسالتن
 لمان ایدن نور حقیقتی قصد ایدم رک : [صدق رسول الله
 تمشی وحدک وتموت وحدک وتبیت وحدک] دیدی .
 هپی دوملرندن ایندیلر . . نمازینی ادا و کندی
 قبره دفن ایتدیلر .

...

که ابا ضیمه — ینه بر اراق یولده بری کوروندی .
 اصحاب کرام :

— د یار رسول الله ! یولده بر سواری کوروندی
 کلپور .

دیدیلر . رسول اکرم صلی الله تعالی علیه وسلم ،
 کلان سواری حقنده :

[کن ابا خیشمه] دیدی . سوکره دقت ایدوب
کوردیلرکه ابو خیشمه در !.

سبب ورود والتحاق کندوسندن سؤال بیورلدی .
اردوی هایونک حرکتندن سوکره ایدی ابو خیشمه ،
کندی خانه سنه کیرمک اوزره ایکن کوردی که ایکی
زوجیه سی محل تنهی اولان چارداغنی کوزل سوپوروب
صولامشلا صوغوق صو بارداقلا ری قویمشلا . بعض
طعاملری ترتیب واحضارایتمشلا . قبوده طور دینی حانه
کیرمیه رک بولرله برباقدی . وکندی کندینه رسول اکرم
صلی الله تعالی علیه و سلم و بتون اصحاب کرام ،
مجرد اعلاء کلمه الله و محافظه کلمه اسلام ایچون حضور
وراحتلرینی ترک ایدوب بوسیجا قاده کونش ایچنده صحرالرده
اولسونلرده بن ، بوراده کولکه ده زوجه لرمله مشغول
اولهیم بوشرط انصافدن جداً بعیددر دیه بالملاحظه نفسنی
لوم ومؤاخذدن سوکره : [والله بوایکی چارداقدن هیچ
برینه داخل اولمام . تا که رسول الله مایحق اولورم] دیوب
زادو ذخیره سنی دوه سنه تحمیلانبوکه طوغری یوالاندیغنی
مرض ایدنجه کیفیت ، محظوظیت سنیة رسالت پناهی یی
مستلزم اوله رق حقننده دعاء خیر بیورلدی .

عبدالله زوالجاريسه [*] — اردوى هايونك توك متوجهاً
حرکتی اشاده يولده ركاب عالمی به كاوب :

[۰] عبد الله، مزینه قبيله سندن در باباسنك فوتيله عمنك نزدنده
يقيم و صوك درجه ده فقير قالندى. سودكدن صوكره بر قاچ
دوه و فويون و بر ابكى ده كوله صاحبي اولدى. اسحق و عبد
العزيز ايدى. قبول دين اسلامه ميل عطيعى اولدنى حالمه
عمنك خوفندن جسارت ايده مامكده ايدى. رسول الله صلى
الله عليه و سلم افسد يزك فتح مكه دن كمال عافيت و موفقيتله
عودت سفيره لرېي استبشار اينديكي زمان بتون قوت و جسارتى
قلبه طويلا يرق عمنه ديدى :

— « يا عم! سنك مسلمان اولمكه باقيور ايدم مع التأسف
تعمدى به قدر اللهه و رسوله ايمان و اطاعت اماره سنى سنده
مشاهده ايدم. نوندن صوكره بقاء عمر و حياتمه اعتماد قابليه رق
بن مسلمان اولمغه مجبور بولم يورم. اذن ويركه مسلمان اوليم »
عم مرقوم انى رد صره سنده :

— « اكر سنده مسلمان اولور ايسهك سكا ويرديكم
اموالى صرتكدن كوملكمكه و انجه به قدر هپ آليرم »

ديه قسم ايندى. عبدالله. سوق محبت بيغمبرى ايله :

— « بن مسلمان اولدم اموالى ايسترسهك آل »

ديدى. جميع ملكنى ترك ايدهرك حتى اوزرنده كي رداء
و ازارينى دخى اكا و برهرك چيلاق اولدنى حالمه عمى نزدندن
والده سنده كلدى. خاك پاى رسالت پناهى به يوز سـورمك ايچون
مدينه منوره به كيده جكنى افاده ايندكدن صوكره بولده كيه جك
برشى ايستدى. والده سى، كندوسنه آلاجه بركلیم ويردى .

— یار رسول الله ! دعا یتکه فی سبیل الله شهید اوله یم»

دیدی . افندیز ، جوابده :

عبدالله ، کلیمی ایکی پارچه کسدی . برپارچه سنی ظهرینه ردا ، دیگر پارچه سنی ده بلنه ازار باغلابوب او هیئتله مدینه طیبه یه کلدی که آلاجه ایکی پارچه کلیمی رداء و ازار ایتمش اولدیغی مناسبیتله «ذو البجادین» نامیله تعرف ایتشدو .

عبدالله مدینه طاهره یه موصلتی صبح وقتی ایدی . ابتدا مسجد رسول الله صبح نغزینی قیلدی . صبح نمازینک مسجدده اداسندن صوکره خاکی شوبله بر تفحص بیورملری ، افندیمز که عادت سنیه لری ایدی . بودفعه نظر هایونلری ، صحابیء مشارالیه مصادف اولدی .

و انی یبانیجی بر آدم کوره رک نره لی اولدیغی سؤال ایتدی . عبدالله ، نره لی اولدیغی و نسبنی و اسنک «عبد العزی» ایدوکنی عرض ایتدی . او زمان حضرت پیغمبر : (اسمک عبدالله ذوالبجادین اولسون بزم یاقینم زده منزل طوت) بیوردیلر . . ذوالبجادین ، جوار حضرت سیدالانامده منزل کزین اقامت اولدی . و قرآن کریمی او کړندی .

تبوک سفرینک تدارکاتی ائشاده بر کون ذوالبجادین ، مسجدده آواز بلند ایله تلاوت قرآن کریمه مشغول ایدی . حضرت عمر ، انک حرکتتی انکار صد دنده :

— (یار رسول الله ! کورمنیسک شو اعرابی بی که آواز بلند ایله قرآن او قویوب خلقک صلوۃ و قرائت لینه مانع و مزاحم اولور)

دیرکن افندیمز ؛ [دعه یا عمر ! فانه خرج مهاجرأ الی الله و رسولہ] دیه حالنه براغلمسنی فرمان بیورمشلردی !

— « بکا براغاج قابوغنی کتیر! »

بیوردی . اوده سمره اغاجی قابوغندن بر مقدار
کتیروب تقدیم ایدی . رسول اکرم افندیمره انی عبداللہک
بازوسنه باغلا یوب :

— « الہی ! بن بونک قانی کفارہ حرام ایتدم »
دیگرکن عبداللہ :

— « یا رسول اللہ ! بنم مقصودم ، بو دکادی بلکہ
شہید اولوق ایدی »
دیدیکندن افندیمر :

— « سن ، عزرا نیتیلہ چیقڈک . سنی ستمہ طونوب
قل ایدہ جکدر اما ینہ شہیدسک ،
بیورمشدر .

عبداللہ ، بوکرہ تبوکہ مزلندہ حمایہ طونیلوب فوت اولدی .
وقت وفاتی کیجه ایدی . غسل و تکفین ایلہ نمازی
قیلندقدن سوکرہ قبری حاضرلورکن بلال ، النده بر
آتش شعله سنی طوتمشدی .

ابن مسعود حضرتلری نقل ایدرکہ : کیجه عسکر
طرفندہ کوزیمہ برشعله ایلشدی . شعله یه طوغری کیتدم .
حضرت رسول اللہ ایلہ ابو بکر و عمری اوراده بولدم .
عبداللہ ذوالبجادیسک قبرینی تہیثہ ایدیورلردی . قبر

حاضر اولنجه رسول اکرم افنديمز ، اني مبارك اللاريله
قبره اينديردی . ابو بکر ايله عمر دخی قبری اورتوب
اوزرينه قوفه ايله صو دو کر کن رسول الله صلی الله تعالی
عليه و سلم : [قرنداشکوزک اوزرينه قوفه یی دو کیکنز]
بیوردیلر .

امر تقیر ختام بولدقده حضرت رسول اکرم صلی
الله علیه وسلم : [الهی ! بن عبد الله بن راضی یم . سن ده
کندوسنی ارضا بیور] ديه دعا ایتدی .

ابن مسعود حضرتلری ، علاوه دیر ایدی :
— « آه کاشکی او قبرک صاحبی بن اولیدم »

تبوکده بر کیجه رسول خدا افنديمز ، قالقوب
مبارک اللاريله یم طوبره سنی آلدی « طرب » اسمنده کی
آتیه آرپه ویردی . و آتک ارقه سنی ، صاغری سنی ردا
شریفه سیله سیلدی . اصحاب کرام :

— « یارسول الله ! مبارک ردا کز ، بوکالا یقیمیدر؟ »

دیدیلر افنديمز :

— « سز نه بیلورسکوز باکک جبرائیل ، بکا بویله
امر ایتمشدر دون کیجه دخی تیمار ایتک خصوصنده .

ملائكہ ہکا عتاب استیدار جہاد وی سبیل اللہ غزا
 نیتیلہ برآت باغلایان ہر۔ سامان آتہ ویردکی ہر دانہ نک
 مقابلہ سندہ جناب حق، اکابر حسنہ یازار، و برکنامہ
 عفو ایدر،

بیور مسئلہ اصحاب سؤال استیدار:

— و یا رسول اللہ! اصناف فرسک خیرلیسی، ایوسی
 ہانکیسیدر؟،

افندیمز دخی جوابدہ:

— « خیر الخیل الادھم الاقرح الارثم، ثم الاقرح
 المحجل طلق الیمین فان لم یکن ادھم فکمیت علی
 ہذہ الشبہ = آتلك خیرلیسی، اوست دوداغی بیاض
 و آانی سقر و کندی سیام رنگلی اولاندر، صوکرہ
 سقر و مطلق الیمین اولاندر اگر سیام اولاندر
 مذکور شکل و نشان ایلہ کمیت یعنی قولہ اولاندر،
 بیوردیلر.

•••

روملرک اواننادہ اهل اسلام عاہندہ مدینہ طیبہ
 طرفہ حرکتہ تشبثاری اولمدینی و اولبابدہ کی مسمو۔
 عاتک بی اساس ایدوکی تبین ایدہ رک کیفیت موقع مذا کردیہ

قونولدی . افندیغز ، اصحاب کرامنی نزد هایونلرینه جمع ایدوب :

— « روم علیهنه دها ایلرو کیدهلم می یوقسه بورادن مدینه یه عودت ایدهلم می ؟ »

دیه استفسار رای بیوردیلر .

حضرت عمر الفاروق :

— « یارسول الله ! اکر دها ایلرویه کیتمکه مأمور ایسهک کیدهلم »

دیمکله نبی اکرم ، اکا جوابده :

— « اکر مأمور اولسیدم سزکله مشاوره ایتمزدم »

بی-وردیلر . حضرت عمر ، درحال نهج الصوابه

انتقال ایدهک :

— « یارسول الله ! روم عسکری چوق و هیبتی

بیو کدر بودفعه کی هیبت مقدم هایونلر ، انلرک کوکلرینه

خوف و دهشت براقدی . اکر شمدیلک عودت ایله

بر باشقه زمان رومه هجوم بیورسه کز اولی وانسبدر »

دیدی که حق و صوابده بومرکزده ایدی . انکچون

رسول اکرم دخی بو . طالعه یی تصویب بیورده رق عودته

میل ایلدی . او ائاده شامده طاعون ظهور ایتدی کی ده

ایشیدلکله عودت حقنمه کی فکر هایون ، تاید ایدهک :

[طاعون اولان بره کیریکز] تھذیری ایشته شوانساده
شرفسادر اولدی .

خالد بن الولید حضرت آری ، درتیزوز یکریمی نفر
عسکر ابله دومه الجندلده اکیدر بن عبدالملک اعزام
بیورلدی ،

حضرت خالاک مہتدہ کی عساکر مسلمان ار . سندہ
ہوائہ بن الاسقع دخی وار ایدی خالد . بر جمع قلیل
ایلہ موفقیتی بر کرہ استبعاد ایتدی . افدیمز او زمان :
[انک ستجدہ یصید البقر = سن ، انی بقر صیدیلہ
مشغول اولدینی حالہ بولور کنیر رسک] دیہ خالاک
موفقیتی وقوعدن اول کندوسنہ تبشیر ایتدی اکیدرہ
حوالی دومه الجندل قبائلک حکمداری ایدی کندوسی
وقیلہ سی نصرانی المذهب ایدی .

خالاک اکیدر لمہندہ کی اشبوحرکتی اتنادہ اردوی
ہمایولکدہ تبوکدن مدینہ طیبہ عودتی وقوع بولدی .
کہ تبوکدہ مدت مکث واقامت یکریمی گون قدر اولمشدی .
بر کیجہ یولده بر عقبہ دن کچیلہ جک ایدی . رسول
اکرم صلی اللہ تعالیٰ علیہ وسلم ، امر بیوردی کہ کندی
ذات اقدس لری ابتدا کچمدکیجہ کیمسہ کچمیہ . منادی ،

کیفیتی اردو یہ اعلان ایلدی. محرم راز نجی حذیفہ رضی
 اللہ عنہ حضرت تلی، ناقہ سمادتک یولارینی طوتمقدمه
 عمار بن یاسر دخی رکاب عالیده اوله رق دویمین سور -
 مکده اولدینی حالده ایکیبی معیت خاصه رسالتناهیده
 ایدیلر.

حذیفه. نقل ایدرکه:

ناکاه اون درت سوار ی قارشومزده کوروندی که
 طرفره توجه ایتشلر! کیفیتی عرض ایتدم. افندیمز،
 انلره طوغری بر کره حایق مقله هپسی کوزدن غائب
 اولدیلر.

حضرت پیغمبر. معیت سنیله لرند کی ایکی صحابی
 اکرمه سؤال ایتدی:

— «بونلر، کیملر ایدی بیلدیکزمی؟»

— «بیلمدک یا رسول الله! یوزلرینی باغلامشلردی»
 دیدیلر. افندیمز:

— «بونلر منافقلردر قیامتده دکن منافق اولسه لر

کرکدر»

دید. ودوام ایتدی:

— «مقصدلری نه ایدی بیلدیکزمی؟»

— «خیر بیلمدک یا رسول الله!»

— وقصد ايتديلرکه عقبه ده بکا مزاحمه ايله باقمی
اورکیندوب بی دودن دوشورمه چکار واولدیره -
چکاردی،

— «يارسول الله! قبله زينه، نچون خبر ووروب ده
انلری قتل ايتديرمدك»
— «او حاليده عرب، ديرلرکه مرافقتاريله دشمنلرينه
ظفر بولديني قومنی قتل ايتديردی. بوسوزی سوياتمك
ايسته م»

اشبو جواب اخيرك عقبينده افنديمز، او کورينان
منافقلر حقه ده: [يارب! سن، انلری ديله عاتنه مبتلا
قيل] ديه دعا دخی بيوردی .
ايکی صحابی، صورديلر :
— «يارسول الله! ديله عاتی ندر؟»
بوکا:

— «بر آتشدرك قبله زينه دوشوب انلری هلاك ايدر»
جوابی ویردکدنصوکره. مذکور اون ايکی منافقك
اسملرينی، کنيه لرینی حضرت صديقيه سويلدی .
ايرتمسی صباح عقبه ماجراسنی «اسيد بن حضير»
حضرتلری ايشيديرك اردوی هاپونده بولان منافقلرك

جميعاً اعدام ايدلسنى طلب و استدعا ايتدى فقط مشار-
اليك اشبو استدعاى ده قبول و تصويب بيورلما مشدر.
يولده بر موصلقدن غايت جزئى صو اققده ايدى.
افنديمز :

— كيم بزدن اول يتشير ايسه صويه طوقانمسون ه
ديه امر و تنبيه ايتمش اولدينى حالده منافقيندن بر
طائفه اول وارءرق خلاف امرعالي موصالغه طوقانديلر.
حين و صولده منافقينك حركت واقعه لرى معلوم عالى
بيوريله رق انلرى لغتله ياد ايتدكدن صو كره مبارك دست
هايونلرني موصالغك التنه طوتوب طاملايان صولرى صب
ومسح ايله برابر دعا ايتمش عقيب دعاده منبعك دروننده ييلديرم
آوازه سى كى بيوك بر كورلى حاصل اولارق تضيق
شديد ايله صو ، فوران ايتمشدر .

تبوك موقعنده كورولديكى ذكر ايديلان پيكار دنى
بونك غيرى بر پيكاردر .

رسول اكرم صلى الله عليه وسلم افنديمز ، خلال
رمضان شريفده سالماً مدينه منوره يه كلدى . ابتدا مسجد
شريفارينه نزول ايله عادت سنيه لرى اوزره انده ايكى
ركعت نماز قلوب او طوردى .

ميوك - قريده نجام ايدن . و مندر ايسه كندى حقلرده .
آيات كريمه نك خبر نزوانى ايشيدمرك مسوك درجه ده
حيران و پشمان اولمشار و عظيم بردهشت اينجده قالمشاردى
حقى اينچلارندن يدى نفرى و بر روايته كورده ده . ايوالبابه
مروان عبداللهدر ، اوس بن ثماله ، و ديهه بن حزام . نام
اوچ سخاي ، مسجد شريفك ديرم كنه افسلارنى باغلايوب
كنديارنى نجى اكرم ، حل و اطلاق ايتدكجه چوز .
ميه جكارينه قيم ايتملاردى !

رسول اكرم صلى الله عليه وسلم ، كوردى كه
بعض ذوات ديركاره باغلى طور يورلر سيني سؤال
بيوردى . اصحاب كرام ، حقيقت حالى عرض ايتديلر .
افنديمز : [بن ، يمين ايدرم كه طرف الهيدن امر صادر
اولدقجه بونلرى چوزمم] ديمكله حل واطلاق ، مأموريتنى
متضمن اولمق اوزره : [و آخرون اعترفوا بذنوبهم ۰۰]
آيت كريمه سى نازل اولمشدر .

اشبو آيت كريمه نك نزولى اوزرينه عفو و اطلاق
اولديلر . ديديلر كه :

— « يا رسول الله معيت سنه كزده غزايه كيتمكدن
بىزى يالكلز اموالز ، منع ايتدى . بز ، ماللر بىزى سكا

ویردک . آل تصدق ایتده بزى شو وسيله ايله لوٲ
معصیتدن تطهیر ایتمش اول ،
استدعاء واقع :

— « مالکزدن اودیدیککز وجهه اوزره برشى
المنه مأمور اولدم »

دیه رد اولنورکن : [خذ من اموالهم
صدقة ...] آیت کریمه سی نزول ایتمکله انلرک ثلث
اموالی اخذ وتصدق ایدوب ثلثانی صاحبیلرنده ابقا
بیورمشدر .

خالد ، برکیجه مهتابده درمة الجندلده اکیدرک سرایی
جو ارینه مواصلت ایتدی . اکیدر اوکیجه سراینک
طامی اوستنده مهتابه قارشى موقع مخصوصنده زوجه سی
« رباب بنت انیف » ايله شرب شرابه مشغول ایدی .
بونلرک اوطوردقلری محل مرتفعدن باقلدینی حالده
قارشوده کی صحرای واسع الانحانک سوت دریاسی کی
منظره مخصوصه سی رباب و اکیدرکی ارباب ذوق وصفانک
شوق تنزهلرینی تحریک ایده جک مرتبه ده لطیف ورزکین
کورونمکده ایدی .

اوزم نوشاوشده مهتابک ومنظره نک لطافته دائر
سوزلر دخی جریان ایتمکده ایدی . ایشته اويله بر ساعتده

بیانی بر صیغیر کاوب اکیدرک باب قصرینی بوسنوزیلہ اور مغہ
باشلادی. و باب، الی کورہرک اکیدرہ اکلادی. اکیدر،
برجرات سرمستی ایلہ آتی در حال حاضر کاوب برادری
حسان و ابکی نفر غلامی و بر قاجارہ خدامی معیتدہ اولادینی
خالده صیغیری تعقیبہ جیقیدی. خالد ایسہ انلرک احوالی
کورمکده ایدی.

اکیدر، کمال غفلتله حیہ انی تعقیب ایدرکن خالده راست
کلہرک طوتولدی. خالد معیتدہ بولنمش اولان افراد
سریہ دن و بی طیدن «بحیر بن بجرہ»:

تبارک سائق البقرات انی
رأیت الله یهدی کل هادی
فمن ینک حاندا عن ذی تبوک
فانا قیدامرنا بالجهاد

دیہ ماجرای کوزل تضمین ایتسنه منی اکا طرف اشرف
رسالتدن: [لا یفضض الله فاک] دعاء بالخیری ابدال بیورلمش
اوده طقسان یاشنه کادیکی زمان بیله مجرد برکت دعاء
نبوی ایلہ اغزنندن بر دیشی دوشمامش سقطلانما مشیدی.
اکیدرک برادری حسان، قصره قاجوب مقاتلهیه
استدار ایتدی بر روایتہ اکیدرک دام اسارته دوشدیکی
غریبدهده حسان، مقتول اولمشدر.

انجق اکیدرك «مصاد» نامنده بر برادری دها
بولمقله او، قصرده بالتحصن مقاتله به مبادرت ایلدی.
اکیدرك اطاعتی حائده حیا مدینه طیه به کتیرلمسی
والا قتل ایدلمسی فرمان نبوی اقتضاء جلیلندن ایدی.
خالد، انی شو ایکی شقدن برینی قبول واختیارده مخیر
براقدی. اکیدر، سلامتیچون شق اولی اختیار
ایتدیکندن خالد:

— «شو شرطله که حصاره کیره جکم»

دیدي. اکیدر انی رد ایدهمدی. قپویه کلدیله
اکیدر، قپویی آچسفی مصاده سویلیدی. مصاد، برکرم
ممانعت کوستردیسهده اصرار ایده، میهرک آجدی. اوراده
، مصالحه منقعد اولدی که اکیدر طرفندن ایکی بیک دوه .
سکیز یوز قیصر ااق ، درت یوز درع ، درت یوز قارغی .
بدل صلح ویریله جک ایدی . مصالحه ک شو وجه ایله
عقدی اوزرینه خالد ، اشیاء مذکوریه یی آلوب اکیدر
و برادری ایله اولدینی حالد مدینه منوره به طوغری
حرکت ایتدی .

مسجد ضرار — اردوی هایونک تبوکدن مدینه

موریه ، عودنی صروده بولده ، ذی اذن ، نام مزله
 بر جماعت ، حضور پر نور رسول الله ، کاوب انشا
 ابتدکاری مسجد لرینک شرف مقدم همایونیه تشریف
 بیورلمسی استماعا ایتملر . که اشبو جماعت ، گروه مکروه ،
 منافقیندن بر طاقم شرار نابکار و دعوت ابتدکاری مسجد
 دخی لسان قرآن عظیم الشان ایله لعتی یاد ایدلمش اولان
 مسجد ضرار ایدی . مکر راهب ابو عامر فاسقک سوق
 و تشویقینه ، خدام بن خالد ، ثعلب بن حاطب ، معتب
 بن قشیر ، ابو حبیبة بن الازعر . جاریة بن عامر ، و بونک
 ایکی اوغلی « مجمع » ایله « زید » و « نبتل بن الحارث »
 یخارج . مجاد بن عثمان ، عباد بن حنیف . و دیمه بن
 ثابت « نامنده اون ایکی منافق ، قبا مقابله - سنده برعله
 مسجد یامشله ! . ایچلرندن « خدام بن خالد » مسجدک
 صر صه سی کندی . مالکی اولدیفی حالده اوزرینه مسجد
 یابلمق شرطینه انلره ترک ایتشدی . مسجدک ختام
 انشایی اهل اسلامک تبوکه حرکتلرینه مصادف
 اولمش ایدی .

او زمان افندیمنزک مسجد مذکوره کیدوب
 ایچنده نماز قیلمسی نیاز صد دنده :

— « یا رسول الله ! ضمنا و مرضا ایچون صوعوق
و یا غمورلی کونلره مخصوص اوله رق محله مزده بر مسجد
یابدق . بر کره تشریف بیوروب ایچنده نماز قیلسه کز
وخیر و برکته دعا ایتسه کز »

دیدیلر . مقصدلری ، رسول اکرم صلی الله علیه
وسلمه سوء قصد ایدی . فقط امر غزادن بشقه
ایشه وقت اولدیغندن مسجده عزیمت هایونلرینی
غزوه دن عودته تعلیق صورتیله جواب ویرمشدی .
یولده انلرک مراجعتلری بوندن ناشی ایدی .

حالبوکه حقایق احوالندن جناب حق : [والذین
اتخذوا مسجداً ضراراً و کفراً و تفریقاً بین المؤمنین]
آیت کریمه سنی انزال ایله حبیب اکرمی خبردار ایتدیکنندن
درحال مالک بن الدخشمی ، معن بن عدی العجلانی ،
عامر بن السکن ، وحشی قاتل حمزه حضراتی هدم
مسجد ضراره مأموراً بعث و اسرا بیوردی بوللر ،
یولده مالک بن دخشمک محله سی بولنان بنی سالم بن عوف
دیارینه مواصلت ایتدیلر .

او زمان مالک ، رفیق معنه : [آز صبر ایت بن ،
واریم منزله دن آتش آلهیم] دهرک منزله کیتدی و برخما

دانی آتشلیوب کنیردی . اقشام ایله یاسو ارد سنده
ایدی تعجیل تام ایله اورادن واردیلر . مسجد ضراک
بانی و صاحبزری هپ یانده حاضر ایدیلر .
مسجدی او آتشله یافدیلر . ییقدیلر . هدم و
احراقدن صوکره محلی ، طرف ذیشرف رسالک
امریله مزبله ایدلشدیر .

ضالرك عورتی — خالد، دومة الجندلن کنیدیسی
قالقمزدن اول « عمرو بن امیه الضمری » حضرتلارینی
فتح واتی و ماجرای سده سنیة رسالته عرض ایتک
اوزره حسالک سلبدن برجامه سندسی ایله مدینه طاهره یه
کوندردی .

سلبدن عمرو یدیه دومه دن ارسال و تقدیم ایدیلان
جامه زر بفت سندسی ، اصحاب کرامک نظر تعجب
واستحسانلرینی جلب ایتدی . اللریله طوتوب یومشاقلنه
و حسن و ظرافتنه باقار تعجب ایدرلردی ! .
افندیمز : [لنادیل سعد فی الجنة احسن و الین من هذا]
بیورذیلر .

مذکور جامه زمین ، حضرت علی کرم الله وجهه

افندیمزه احسان اولنوب : [شققه بین الفواطم] دیه امر
بیورلدی . حضرت علی دخی آنی یرتدی . کندی والدہ سی
« فاطمه بنت اسد » و زوجة محترمه سی « فاطمه بنت النبی
صلی اللہ علیہ وسلم » ایله « فاطمه بنت حمزه » ، « فاطمه
بن ربیعہ » یہ تقسیم ایشدر .

خالد ، اکیدردن الدینی بدل صاحبک ذات اقدس
رسالتپناهی ایچون صفی مغنم نامیلہ بر مقدارینی افراز
و انتخاب و باقیسنی سریہ افرادینہ تقسیم ایلدی .

اشبو غنیمتدن وائلہ بن الاسقعہ الی دوہ ایله دها
بعض اموال اصابت ایلدیکندن وائلہ ، حصہسنی الوب
عهدی . وجبنجه کعب بن عجرہ یہ کتوردی کعب :

— « بن سکا دوہ بی رضاء باری ایچون ویرمشدم .
عمل خالصی بویلہ بر شیلہ بوزہم »

دیہ آنلری ینہ وائلہ یہ اعادہ ایتدی .

ایکی برادرلر ، حضور پر نور رسالتپناهی به کیردیکی
زمان هر سنہ بیت المالہ جزیه ویرملری شرطیلہ مصالحہ
تأیید و امضا و دومہ حکومتک ینہ عهدلرنده ابقاسیلہ
الارینہ اماننامہ اعطا بیورلمشدر . روایت اخرایہ کوره
اکیدر ، حضور عالیده قبول اسلام ایللمشدر .

بلا عذر تخلف ایتمش اولان . مؤمنلرک تخلفلری
تأسف عالی بی موجب بولمقدہ ایدی . بناءً علیہ بعض
ذوات ، مسجد شریفہ نزد ہماونہ وارد برق بیان مہذرت
طریقہ استدام عفوایلدیلر . کنجینہ حلم و کرم افندیمرده
انلرک واهی مہذرتلرینہ قارشى التزام حلم بیوررلردی .



ثمة مختلفہ — امر اعتذارده ارتکاب ایتدکاری
کذب و خلافلرینی یوزلرینہ اورمق کبی بر معاملہ ایله
کیمسه بی تخجل ایتمدی . بالکیز و کمب بن مالک ، مرارة
بن الربیع ، هلال بن امیة ، تخلف ایتمش اولانلرده
قالش بولندقلرندن ناشى انلرله الفت و مصاحبتدن اصحاب
کرامی منع ایتدی بونلرک هراوچی کمال فزع واضطراب
ایله برر گوشه به چکیلرک تضرعه مشغول اولدیلر .
حتى کمب بن مالک ، نقل ایدرکه :

[بدر و تبوك غزوہ لرندن بشقه هیج بر غزاده
حضرت پیغمبر صلی الله علیه وسلمک میتندہ بولمقدن
تخلف ایتماشدم . بدرده تخلف ایدنلرک هیج بری
معاتب اولمدی . زیرا نبی اکرم ، غیر قریشی قصد
ایدرک خروج بیوردقدن صوکره محاربه تقرر ایتمشدی .

بن، کرچه بدرده حاضر دکلم. و لیکن لیلة العقبه ده.
یعنی رسول اکرم افندیملزه عقبه مکده اسلام و جهاد
اوزرینه معاهده و مبايعه اولندیغی کیجده حاضر ایدم
بدرك کرچه خاق بیننده شهرتی وار ایسه ده بنم عندمه
لیلة العقبه حضورینک فضیلتی بدرك فضیلتدن ناقص
دکدر. او زمان که تبوکه کیتدیله. بن، ایام سائرده دن
زیاده قوتلی و ثروتلی ایدم. والله هیچ بر غزموده بنم
ایکی دوهم بولندی انجق تبوک سفری ایچون ایکی دوه
آلمشدم. تبوکه یوله چیقانلرك کثرت افرادندن ناشی
کیری قاله جقلر، کندیلر ایچون وحی الهی نازل اولدقجه
غلبه لکدن کیمسه فرقنه وارمه میه جفتی امید ایتشاردی.
معیت سنیده تبوکه کیتکم عزمنده ایدم. حق
رسول اکرمک حین حرکت هایونلرنده ینه او نیتله کندی
کندی، نه وقت و نصل اولسه یتشه بیلورم دیمشدم ایشته
شمدی کیدرم ایشته صباح حرکت ایدرم دیرکن اردو، منزل
مقصوده یتشدی. بنم ایچون یتشمک امید و امکانی قالمدی.
هر وقت منزلدن طیشاری ملوک و مغموم چیقار
ایدم. چونکه غزادن تخلف ایدنلرده یا نفاق ایله منم
یا ضعف و ناتوانلغه مبنی اذن الهی ایله معذور اولان

کیمه لردن بشقه بر فردہ تصاف ایدہ مزدوم . نبی اکرم
صلی اللہ علیہ وسلم ، بنی هیچ یاد ایتدی الحق
تبوک محانه واردی او طور دور ایکن سـؤال بیوردی .
عبدالله بن انیس : [یارسول الله ا حبسه بر داه ونظره
فی عطفیه] دیدی . معاذ بن جبل اکا قارشی : [بذممانلت]
دیدکن صوکره افندیمره خطاباً : [والله یارسول الله
بز ، او آدمک ایولکنندن بشقه بر فناغنی بیلمیز] جوابی
ویردی . افندیمر ، سکوت بیوردیلر .

وقتا که اردوی سعادتك خبر و معاودتی الندی بنی غموم
و اندیشه لر ، استیلا ایدہ رک کنندی کندیمره : « یارب !
حضور عالیده نه کی یالان سویلسیم اولور نه حیلہ ایلہ
کندیمری غضبیدن تخایص ایدہ بیلورم » دیه دوشونمکه باشلادم
بعض طرفلره دانشدم حتی خادمه بیلہ مذاکره ایتدم
فقط مقدم هایونندن صوکره اودرلو افکا باطله درونمدن
تمام آرائل و مضمحل اوله رق بیلدم که یالار ایلہ و اعمال حیل
ایلہ چاره خلاص یوقدر بناءً علیه عزم و جزم ایتدم که
ایشی اولدینی کچی طوغری - ویلیهیم . عادت سنیه لری
اوزره افندیمر ، مسجد شریفده ایکی رکعت نماز قیلوب
او طور ونجه مخلف ایدن لردن بر جماعت کله رک بیان معذرت

ایتدیلر . حضرت رسول اکرم افندیز ، انلرک ظاهر
 اعتذارلرینی بالقبول حقلرنده استغفار ایدوب باطن
 احوالرینی جناب حقّه حواله ایلدی . بنده واردم سلام
 ویردم صورت غضوبانده تبسم ایدرک بنی حضورینه
 دعوت ایتمکه واردم قارشوسنده اوطوردم : [مسلمانلرله
 جهاده کیتمکن سکا نه مانع اولدی . ینه جک دوه کمی
 یوق ایدی] بیوردیلر . بن : [اوت والله شمعی سندن
 بشقه برکیمسهک حضورنده اوطورمش اولسیدم غضب
 وسخطندن سرد معذرتله کنیدی قورتاریر ایدم ظن
 ایدرم ولیکن والله یقیناً بیلدم که سکا بریالان سویلیوب
 انکله سنی بندن راضی و خوشنود ایدرسهم کرکدرکه
 حق تعالی قریباً بکا قهر و غضب ایدر . . اگرچه
 شیمدی شو طوغری اعتراف ایتدیکم جرم وکناهمدن
 ناشی غضب ایدرسک ولیکن مأمولدر که صدق مقام
 سبیلله حضرت مولی بنی عفو ایدر و الله سفردن کری
 قالمده هیچ بر عذریم یوغیدی . حین تخلفده کی
 قوت و ثروتمدن زیاده حلالی و ماللی اولدیغنده
 یوقدر [دیدم . بونک اوزرینه رسول اکرم صلی الله
 تعالی علیه و سلم ، بنم حقمده : [بوطوغری سولدی]
 دیه سوزیمی تصدیق ایلدکن صوکره :

— « فاق باقم لم شانكده طرف حقـدن نه درلو
حکم صدور ایدم جکدر؟ »

دیدي . بن قلقدم . مسجـدن طیشاری جیقدم ،
نجی سلمه دن بر جماعت ، بکا :

— « والله بز، سنک بوندن اول برکنه ایتدیگنی
بیلمیورز دیگر متخلفینک حضور رسول اللهه ایتدکاری
اعتذار ایله بیان معذرت ایدم دک . رسول الله صلی الله
علیه وسلمک ایدم جکی استغفار . غفران ذنوبک ایچون
کافی ایدی »

دیهرک بویابده صوک درجهیه قدر اصرار ایتدیلر .
حتی اشبو اصراردن طولایی عقلمه کلدی که دونهیم ده
براعتذارده بن ایدم ! . او آنده راست کلان معاذ بن
جبل ، فکر اعتذاریمی تصحیح و کندیمی اندن تحذیر
ایتدی . بن ، او جماعتدن سؤال ایتدم :

— « بنم کی دها وارمیدر ؟ »

جواب ویردیلر که :

— « ایکی کشتی وارد سنک کی سویلدیلر . سنک
کبی ده جواب آلدیلر . بری مرارة بن الربیع العمری ،
دیگری هلال بن امیه الواقفیدر ،

بن ، ارتق طورمدم . منزله کلدم . حضرت

رسالت پناه صلی الاله افندیمر ، مسلمانلری بز ثلثة
متخلفه ایله تکلم و مکالمه دن نهی بیوردی . ناس
بز دن چکیلدیلر و بز دن متغیر اولوب تمامیه یوز
چویردیلر . ارض و مدینه طیبه باشمه زه بر دیار غربت
کبی کلدی . بو حال الی کیجه دوام ایدم رک دردیمره
یاندق . ایکی ارقداشم خانه لرینه قیاندیلر . آغلامغه دوام
ایتدیلر . بن کنج و دینج . اولدیغ سببیه منزلدن چیقار
و جماعت مسلمین ایله نمازه حاضر اولور ایدم سواقا لردم .
کزردم کیسه بکا حرف واحد لاقردی سویلمزدی .
رسول الله صلی لله علیه و سلم ، مجلس شریفنده ایکن
حضور عالیرینه کایر ایدم سلام ویریر ایدم کندی
کندیمره : « عجا سلامه جواباً رد سلام ایچون مبارک
دوداقلری تحرک ایتدیمی یوقسه ایتدیمی ؟ » دیر ایدم
یعنی سلامنی اخذ و قبول ایله رد ایتدیکنی مبارک
دوداقلرینک حرکتدن اکلماق ایستردم ده اکلایه مزدم .
کیزلیجه باقار ایدم . هر نه زمان که قرب عالیرنده نمازه
مشغول اولور ایسم کوزاوجیه بکا نظر بیورورلردی .
جانب هایونلرینه بافدیغ کبی اعراض ایدوب طرف آخره
باقارلردی . ناسک بودرلو تکلم و اختلاطدن امتناعلری

سوك در جهده جفاء عظیم اوله رق باچار عم زادهم و دوستم
ابوققاده نك باغچه سنه كیتدم اكا :

— « یا ابا ققاده ! الهی و رسول الهی سودیگی
بیلورسك دگلی ؟ »

دیدم سكوت ایتدی . بردها سـویلدیم ینه سكوت
ایتدی تکرار ایتدم [الله و رسولہ اعلم] دیه بیلدی .
ارتق سوق ما یوسیتله اغلا یه رق دوندم . مدینه
سوقاغنه کادم مکر بیع ارزاق ایچون شامدن مدینه
طیبه گلش برنبطی ، سوقاقدن بنی سؤال ایدردی ! .
خاق ، بنی اكا کوستردیلر . کادی ملک غساندن بكا بر
مکتوب ویردی . ملک غسان مکتوبینده بكا یازیور
ایدی که : [ایشتم صاحبك سكا جفا ایتمش . بنی جناب
حق ذلیل و ضایع ایتدی . بزه کل ! . حقکده مواسانه
رعایت ایدرز] بونی بویله بوانیجه دیدم : بوده بلادن
بر درلو بلاددر مکتوبی یاس و خدمندن همان آتسه
یاقدم .

تکلمك یوم ممنوعیتندن قرقنچی کیجه کچدی ،
حضرت پیغمبر ، آدم کوندرمرك قربان مرئدن بزى
منع ایتدی . سؤال ایتدم :

— « تطایقمی ایدیم یوقسه ؟ »

— « یوق بالکزا عتزال ایدوب قریب اولیه جقسک »

جوانی ویردی . دیگر ایکی ارقداشم دخی منع

ایدلدی . بونک اوزرینه زوجه مه :

— « کیت اهلك جانبته ! . بو باده حکم وفرمان

الهی صدورینه دکین قال »

دیه انی کوندردم . هلال بن امیهنک زوجه سی

حضور پرنور رسالته واروب :

— « یا رسول الله ! هلال ، براختیار کیمسه در بندن

بشقه خدمت ایده جک کیمسه سی یوقدر کندوسنه خدمت

ایچون یاننده قالدیغمدن اکراه اولنورمی ؟ »

دیه صورتی . [خیر ولیکن سکا تقرب ایتسون]

نهی وتنبهنی الهرق :

— « والله هلال ، بر پیر فایدر بر شیشه رغبت

وحرکتی یوقدر . والله اوکوندنبرو اغلامغه مشغولدر »

دیدی . بنم خانام خلقتک بعضی بکا :

— « هلالک زوجه سی کیدوب عتبه علیای رسالتدن

استیدان ایتدیکی کبی سنده زوجهک نزدنده قالمسنه

استیدان ایتسهک »

دیه بن :

— و الله اويله بايم اذن ويريرمي ويرمزمي اني ده
بيلم خصوصيله بن ، كنجم .

ديه جواب ويردم . بو حال اوزره اون كيجه دها
كجدي . تمام الی كيجه به بالغ اولدی النجی كيجه صباح
نمازی مسجدده جماعتله قبله ميوب خانمك طامي اوزرنده
قيلمش اوطورپور ايدم .

صوك درجده متحير ومكدر ايدم . جهان باشمه
طار كشم ایدی . اود قیقه ده ناكاه برصدا كه جبل سلمك
تپه سندن كلدی : [مژده يا لعب بن مالك] ديور ایدی . اشبو
ندای شری ادای ایشیدنجه ضيق ومصیبتك طرف حقدن
فرح وفرجه مبدل اولدیغنی اكلايه رق سرورمدن بی
اختیار سجدۀ شكره قیاندیم مكر نبی اکرم صلی الله
تعالی علیه و سلمه ام سلمه نك حجره سنده و كيجه نك
ثلث اخیرنده وحی الهی نازل اوله رق صباح نمازندن
صوكره توبه لریمزك قبول سورلدیغنی اصحاب گرامنه
بیله یرمش اولدیغندن ناشی بزی تبشیره مسارعت ایتمشلر
ایمش دیگر ایکی ارقداشلریمده قوشدیلر بكاده برسوازی
قوشادی بنی اسامدن بر دیگرى جبل سلمه چقدی باغیردی
انك سسی اتدن اول یتشدی .

روایتہ کورہ ندا ایدن « عمرو بن حمزة الاسامی »
 و آتہ سواری اولہرق تبشیرہ مسارعت ایدزدہ « زبیر
 بن العوام » ایدی . مرارہ یی تبشیرہ کیدن « سہیلکان
 یا سلمۃ بن سلامہ » و ہلالک مبشری دہ « سعید بن
 زید » ایدی . رضوان اللہ علیہم اجمعین ! . کعب ، دیرکہ :
 جیلدن صوت جہیر ایلہ کیفیتی بکا ایصال و تبشیر
 ایدن حمزہ یہ اوزرمدن ایکی البسہ می چیقاروب و یردم .
 صوکرہ کئدم آخردن البسہ استعارہ ایدہرک کیدم و
 حضور اقدسہ کیتدم . مسجد شریفہ اصحاب کرامیلہ
 اوطور مقدمہ ایدی طلحہ بن عبد اللہ ، بی کورور کورمن
 سکر دہرک یانمہ کلدی و بالمصافحہ تہنئہ ایلدی واللہ مہا .
 جرلردن ہیچ بری ، انک بکا ایتدینکی اکرامی ایتدی
 شو اکرامی ہیچ اونوتمم . واردم ذات رسالتیناہیہ
 سلام و یردم مبارک وجہ صبیح سعادت لری ، شوق و
 شادندن بدر درخشان کبی اولدینی حالہ بکا :

— « ابشر بخیر یوم مرعلیک منذ ولدتک امک »

بیوردی بن دیدم :

— « سندنمی یا رسول اللہ ! یوقسہ اللہدمی ؟ »

— « خیر بندن دکل اللہندر »

دیه جواب ویردیار . دیدم :

« یا رسول الله! قبول توبه مک شکرانه با چیزی

اولی اوزره تجرد ایدوب جمیع مالی الهک سیل
رضانه صدقه ایتمی ایستم »

افدیمز :

« بعضی الیقوی که حقه خیردر »

بیورملریله جوابده :

« خیردن اصابت ایدن حصه می الیقویم »

دیدکن صوکره دوام ایدمک :

« یا رسول الله! جناب حق ، انحق بنی صدقه

مبنی خلاص ایلدی . عمرم اولدقجه یالان سویلمامکه

هنرم ، توبه مک اسباب قبولنددر . والله هیچ برمسلمان

بیلمم که طوغربانی بوزندن الهک اکا انعام ایتمدیکی

شی ، بنم رسول الله حضورنده ابراز ایلدیکم طوغربانغمدن

ناشی مولاک ، بکا احسان و انعام ایلدیکی شیدن احسن

اولسون . بردها یالانه میل ایتمدم . بوندن بویلهده جناب

حق ، محافظه بیورسون . الله تعالی نبی کریمه [لقد

تاب الله على النبي و المهاجرين و الانصار الذين اتبعوه

في ساعة العسرة من بعد ما كاد يزيغ قلوب فريق منهم

ثم تاب عليهم ايه هم رؤف رحيم] آيت كريمة سنى انزال
بيور مشدر - والله نعمت اسلامدن صوكره رسول الله
قارشى صدقه موفقيتم كى بر نعمت دها احسان بيورلمدى.
ديدم]

*

..

۵۲

و فود واسلام ثقيف

رسول اكرم صلى الله عليه و سلمك تبو كدن
شهر معاودتلى بولنان رمضان شريفده ثقيفك وافدى،
مدينة طيبه يه كمشدر.

عروءك قتلندن صوكره كنديلرينك بيوك بر مخا.
طرهده اولدقلىرىنى اكلامشلىردى. چونكه. اطراف و
اكتافده بولنان قبائلك دائرئ اسلامكه كيرمكهده اولدقلىرىنى
كورمكهده و بتون قبائلك هيئت مجوعهسى ديمك اولان
مسلمانلرك اره سنده يالكلز ياشايه يه جقلىرىنى اكلاملىرله
برابر هوازن رئيسى مالك بن عوف نضرينك دخى امر
على موجبجه اجرا ايتديكى تضيقاتنه قارشى صوك
درجدهده اضطرار و اضطرابه دوشمكهده ايديلر.

نهایت چاره تحریرینه لزوم صورده رک مذاکره
 کیریشدیار . دهات عربدن و بنی غلامک اخواندن
 « عمرو بن امیه ، عبد یالیه ایشک بوجهت لرینی اکلاندی
 حاضر بوالسان وجوه نمایت دخی او فکرده عمرو ایله
 مشترک و مشارک اولدقلرینی سولدیار .

حضور پر نور رسالت پناهی به ارسال رسلدن بشقه
 چاره اولدیغنه مبنی بنی مالکدن اوچ کیسه نیک عبد یالیل
 ایله برلکده مدینه طاهره کوندرلمسنه قرار ویرلدی .
 بنی احلافدن « حکم بن عمرو ، شرحیل بن غیلان ،
 بنی مالکدن « عثمان ابن ابی العاص ، اوس بن عوف ،
 نمیر بن خرشه » مبعوث انتخاب اولندی ، بونلر ، عبد
 یالیل ایله برابر کلدیلر . مدینه منوره کوندرلمسده اصحاب
 کرامدن « مغیره بن شعبه » به تصادف ایتدیلرکه حضرت
 رسول اکرم و اصحاب کرامنک یذک دوه لرینی مغیره
 اوکون او محله رعی ایتدیره یور ایدی .

مغیره ، تقیف مبعوث لرینی توقیف ایدرک کیفیتی
 عرض ایتک اوزره کندوسی مدینه کلدی . ابتدا ابوبکر
 الصدیق رضی الله عنه حضرت لرینه مصادف اولدیغندن
 اکلاندی . صدیق اکبر افندیز دخی مقدم تقیفی عتبه
 علیای رسالته عرض ایلدی .

مغيره ، اندن صوكره ثقيفيلرك نردينه كلدى .
 انلرى حضور على نبوى به دعوت ايتدى . ونه صورتله
 عرض تحيت ايدم جكلرينى كندولرينه اوكرتدى .
 لىكن ثقيفلر ، حضور على به واردقلىنده ينه كندى
 بيلدكارى كى عرض تحيت ايتمشلردر !

مع مافيه حقلرندم اكرام ايدلمش و باخاصله
 كنديلارچون مسجد شريف قربنده چادر قورديريلوب
 هپسى آندم اقامه اولمشدر .

خالد بن سعيد حضرتلرى ، معروضات ثقيفى پيشگاه
 رسالته عرض واعلامه واوامر سنيه ي انلره تبليغه مأمور
 بيورلمشدى .

ثقيفيلر ، قبول اسلام ايدم جكلرينى عرض ايتديرديلر .
 انكله برابر دهها اوچ ماده ي ده استدعا ايلديلر كه اوده :
 صنم اعظملىرى بولنان لانتك اوچ سئنه يه قدر ابقاسى ،
 نماز قيلمقدن عفورلى ، اصنام سائر نك افناسنده بشقه لرى
 مداخله ايتمه رك انلرى كندى اللريله كسر و امحا ايتمه
 مساعده اولمى ماده لرندن عبارت ايدى . .

رسالتهناه افنديمز ، مواد ثلثه نك يالكز شق اخيرينى
 قبول بيورمى لانتك بر آن بيله بقمى جائز اولميه جنى

و نمازی بولمیان دینده خیر اولمادیی جوابیله اناری رد
ایندی .

تقیفیلر ، هدم لانک بر آی اولسون تأخیری
استدخاره اصرار ایتلمیله بر ساعت بیله تأخیر ایدیله میجکی
جوابیله قطعاً رد اولندیلر .

بناءً علیه هر تکلفی قبول طریقله مسلمان اولدیله .
ایچلورنده عثمان ابن ابی العاص ، جمله سندن حدیث السن
اولق مناسبتیله هیئت وافده ، منزللرندن آیرلاقیجه
اشیالرینی بکلمکه عثمانی براغیرلردی . منزله عودتلرنده
عثمان صاویشوب حضور عالییه کایر و دینه متعلق
مسائل سوردی . و قرآن کریمی دیکلمکه رغبت کوستیر
ایدی . حضرت پیغمبری ، او یقوده بولور ایسه ابوبکره
مراجعت ایدردی .

انک بو معامله سندن تقیف وافدلری خبردار دکل
ایدیلر . اسلامه اولوجهله کوستردیکی میل و محبتی ایله
برابر قرآن کریمی معامله باشلامسی محظوظیت سنیه
رسالتپناهی نی موجب اوله رق کندوسی ، تقیفیلره امر تعیین
بیورلمشدر .

بونلرک حین عودتلرنده لات بنخانه سندنکی اموالی

اخذ و ارساله مأموراً ابو سفیان ايله مغیره بن شعبه
یانلرینه بالترقیق اعزام اولمشدر .

تخانهك جلب اموالى ايجون مأمورلك تعیین
واعزامی ائنده ابو ملیح بن عروه :

— « یار رسول الله ! بابام عروه ، مدیونا وفات
ایتمشدر . تخانهدن کتیر یله جك اموال دن بورجك تسویه سنه
مساعده بیوریکز »

دیهر فع رقه نیاز ایتمکله استدعاسی مقرون مساعده
سنیه بیورلدی . قارب بن الاسود دخی بوندن جسارته
کلهزك :

— « یار رسول الله ! بنم بابام ده عروهك لایون
قرنداشیدر مدیونا فوت اولدی . انك ايجون ده عروهك
بورجی حقنده ارزان بیوریلان مساعده سنیه یی ابدال
بیوریکز »

دیدى . عروه مسلم اولدیغی حالده وفات ایتمش او
بری ایسه قبول اسلام ایتمکسزین فوت اولمش بولمسنه
مبنى بونك ايجون او یله مساعده اولنه میه جنی جوابی
ویرلدى .

قارب ، هر نقدر اسود ، کفر حالنده وفات

ایتمش اولسده مسلمانلرله قرائی بولغنه مرحمه مسافده
بیورلمسی استرحامنده امسارار ایندیکندن انکچون دخی
عین معامله نك اجرایی امر و فرمان بیورلمشدر .

بناءً علیه مغیره ، اموال مذکورده دن امر و فرمان
رسالتی و حمله عروه و اسودك بورجاربی تسویه
ایندکن صوکره متبایندی قنایم عدیله برنج شری
لازم کلانلره تقسیم ایدلمشدر .

لأنك كسر و هدم یچون خالد بن الولید ایله مغیره
اعزام اولدیله . مغیره ، لانی بالظه ایله اوروب طاغندی
تخانی دخی تمام تخریب ایلدکاری حالده مفتاحدارینك
اساسه طوقانلماسنی رجا ایتدی اوزرینه اساس مقصد
او زمان انتقال اوله رق همان اساسنده کی طاشلار دخی
سوکیلوب چیقارلمش و هریری کالاً محو و نابود
ایدلمشدر .

.*

۱۶۲

وفود بنی فزاره

بنی فزاره نك مبعوثلری اوندن زیاده اشخاصی حاوی

اولدینى حالدہ کلدیله . ایچلرندہ « خارجه بن حصن ،
جد یاخود حر بن قیس ، وار ایدی که اشبو جد « عینه
بن حصن » ک برادر زاده سی و جماعتک الک کوچوکی
ایدی . انصار کرامدن « رملة بنت الحارث » رضی الله
عنہا نک خانہ سنہ مسافر ایدیلر .

غایت ضعیف دوملره راکب ایدیلر . حضرت
رسول الله صلی الله علیه وسلم ، بلده لرینک احوالی
سؤال بیوردی . انلر ، قحط و غلادن ناشی بلده لرندہ کی
شدت ضیق و ضرورتدن شکایت ایدہ رک رحمت احسان
بیورلمسیچون دعا یتمنی رجا ایلدیله . « یشفع لنا ربک
الیک » جمله ننی عامیانه درمیان ایتدیله . اقتدیمر :

— « سبحان الله ویلک انا شفعت الی ربی . فمن
ذا الذی یشفع ربنا الیه . لا اله الا هو العظیم وسیع
کرسیه السموات والارض وهو یئط من عظمتہ وجلالہ
کما یئط الرجل الجدید »

دیدکدن صوکره دوام ایدہ رک :
— « ان الله لیضحک من شفقکم وازلیکم و قرب
غیاثکم »

بیورملریله فزایلردن بری ، اکا اظهار حیرت ایلہ :

— « او یضحک ربنا یا رسول الله »

دیدى . افندیمز : [نعم] جوابی ویردیلر . فزاری .
منبسط اوله رق :

— « لن نعمد یا رسول الله ! من رب یضحک
خیراً »

دیدى . بونک اوزرینه رسالتیناه افندیمز . انک او
سوزیدن کوله رک قالقدی جمه کونی ایایی . منبر سعادته
چقدی مبارک الارینی قالدیردی دعایه مشغول اولدی :
[اللهم اسق بلدک و بهیمتک و انشر رحمک و احی بلدک
المیت . اللهم اسقنا غیثاً مغیثاً مریئاً مریئاً مربعاً مربعاً مرتعاً
طبقاً واسعاً عاجلاً غیر آجل نافعاً غیر ضار . اللهم قیا
رحمة لاسقیا عذاب ولا هدم ولا غرق ولا محق . اللهم
اسقنا الغیث و انصرنا علی الاعداء] دعاده ظهر کف
سعادتارینی قالدیرمزدی الا دعاء استسقاءده قالدیر
ایدی . او ساعتده الارینی اولقدر قالدیرمشدی که مبارک
ایکی قولتوقلرینک بیاضی مشاهده اولمشدی .
افندیمزک دعایه او مشغولیتی اثناسینده اصحاب
کرامدن « ابولبابه بن عبدالمنذر » حضر تلوی . ایاغه
قاله رق :

— « یا رسول الله ! خرما ، قور و لقدمه در »

دیدى . او کونده و او هفته لرده مدینه ده نزول
غیثمه اماره اوله جق بر پارچه بلوط کور و لمدیکی حاله
غوث اعظم کائنات اولان جناب رسالت پناهک تضرع لری
اوزرینه رحمتک بهمه حال احسان بیور یله جفته ایمان کاملی
اولسنه و یا غمور یا غدیغی حاله خرما سنک ده ایصال نه جغنی
بیله دیکنه مبنی خرما یی آله جق قدر مساعده ایتسنی طلب
صد دنده بولنیور ایدی . بوکا مقابل رسول اکرم ینه :
[اللهم اسقنا] دیدیلر ابولبابه ، تکرار :

— « یا رسول الله ! ان التمر فی المرابده »

دیوب بونی اوچ نوبت تکرار ایلدی . رسول معظم
آقندیمز : [اللهم اسقنا حتی یقوم ابولبابه عریانا یسد
ثعلب مریده بازاره] دیه دعا یه دوام بیوردیلر .

روایء حدیث ، « یزید بن عبید السلمی » دیرکه :

والله جو سماده بر پارچه بلوط کور لمزکن جبل
ساعتک ارقه طرفندن بلوط لر پیدا اوله رق رحمت دولمه که
باشلادی اول قدرکه ابولبابه ، خرما لرینی سیله قایدیر مامق
ایچون قوشوب مریدینک آقندی محانی ازار یله سد
ایتمکه چپلاق مشغول اولدی . نزول رحمت ، بر هفته

دوام ابدی . کسابعه رکه متصل یاغدی سکر . فرامی
مرقوم سکزنجی جمعه ابدی :

— یا رسول الله ! هلك الاموال وانقطعت السبل
دیه تیار مکر اولدی . افدیمز ، منبر سماز لرینه
جیقوب مرفوع الید اولدینی حالدہ [اللهم حوالینا
ولا علینا علی الا کام والظراب و بطون الاویة و منابت
الشجر] بیوردیار . بلوطلر ، در حال یوکسادی . کونش
یوزی کورلدی . هوالر آجلدی . اوزمان مدینه طاهره
درمسنده بر آی متادیا یاغهور صونی آقشدی .

۰۰

۱۲

مکتوب حمیر

یمنده سلاله ملوک بنی حمیر رؤسائندن « حارث بن
عبد کلال ، نعیم بن عبد کلال ، نعمان ذی رعین ،
همدان ، معافر » نام ذوات ، اسلاملرینی عرض واعلام
ایچون « مالک بن مرة الرهاوی » بی نامه ایله حضور
سامی رسالته کونردیلر .

جناب فیخر الرسل افدیمز ، رؤساء مرقومه خطاباً

برجوابنامه یازدیروب جوابنامه ده جناب حق عزوجل
 حضر تفرینه حمد و ثنا ایله بالابتدا بلاد و مدن عودتنده
 رسوللرینک و رودلرینی و مدینه ده انزلله کوریشوب خبر
 و مکتوبلرینک وصولنی احسن و جوهله بیاندن صوکره
 نماز و زکات و غنائم و صدقات حقنده بعض و صایا درج
 و تحریر و اصحاب کرامدن « معاذ بن جبل ، عبدالله بن
 زید ، مالک بن عباد ، عقبه بن نمر ، مالک بن مره »
 حضراتی طرفلرینه ابعاث و معاذک کندولرینه امیر تعین
 بیورلایفنی تذکار ایلمشدر .

بونلرک کللری ، عیاش بن ابی ربیعه المخزومی رضی الله
 عنک مأموراً طرفلرینه کیده رک کندولرینی دین اسلامه
 دعوت ایتسی اوزرینه واقع اولمشدی .

رسول اکرم صلی الله علیه و سلم ، یازدیردقلری
 نامه هایونی عیاشک انسه و یروب : [بلده لرینه کیجه
 واریرسهک صباح اولمدقجه کیرمه ، و صباحلین احسن
 طهارتله تطهردن صوکره ایکی رکعت نماز قیل . و
 خدادن نجاح و قبول نیاز ایت و اکا دیغین . بعده
 کتابمی صاغ الکله انلرک صاغ الیرینه ویر . و سورة
 البینه ی اوقو . و دی که : « آمن محمد وانا اول المؤمنین »

ایندی سکا بر حجت ابرار اولخر الابطلانی ظاهر و بر
 کتاب مرخرف ده اتیان اولخر الاوری ذاهب اولمش !
 بیامدیکت لسان ایله میرلدا نیرلر سه ترجمه ایتملری سوبله
 « حسبی الله آمنت بما اتزل الله من کتاب وامرت لاعمل
 بینکم والیه المصیر » دی ! . مسلمان اولولر سه
 سجده الذاکاری قضب لایملری آلوب سواقا لرنده
 علماً احراق ایت [دیه امر بیورمش عباسی حضرتلری ده
 امر وفرمان رسالت پناهی بی حرفیاً اجرا ایلمشدی .

۱۵

وفات نجاشی اصحمه

اقام حبش حکمداری اصحمه رضی الله عنه حضرت تری .
 رجب خلانده وفات ایتمشد حکمدار مشارایه اوائل
 ظهور نور اسلامده برقلب پاک متین ایله اظهار ایمان
 وایقان ایتمش و اصحاب کرامک ارض حبشه هجرتا لرنده
 حقارنده ابراز ایلدیکی حرمت و رعایت کامله ایله برابر
 ذات اقدس نبوییه اولان اخلاص و محبتک آثار
 عیدیه سی بالدفعات . شاهده اولنمشدی .

یوم وفاننده کیفیتی رسول الله صلی الله تعالی علیه
 وسلم . اصحاب کرامنه : [قدتوفی الیوم رجل صالح من

الحبش فها هموا فصلوا عليه - فقوموا فصلوا على اخيكم
اصحمة [ديه خبر ويره رك اصحاب ايله برلكده مصلايه
چيقدى . انك نمازني قبله يه متوجهاً درت تكبير ايله
قيليردى .

۱۶

وفات ام كلثوم بنت النبی

اسم شریفی آمنه ایدی . قبل الهجره عتبه ابن ابی
لهبه عقد ایدلمش ایکن سورة تبت یدا ابی لهبک نزولی
اوزرینه مرقوم ابولهب ، وزوجه سی حمالة الخطبک امر
ونحریضی ايله عتبه ، اونور عین نبی بی تطایق ایتمکله
بالاخره «عثمان بن عفان» رضی الله عنه حاضر تلمری نکاح
ایتشدی .

«اسماء بنت عمیس ، صفیه بنت عبدالمطلب ، ام
عطیه» رضوان الله علیهن حاضر آتی غسل و تکفین ایتدیلر ،
پدر مکرملری قبری اوزرینه حاضر بولنوب اغلادیلر .
مرحومه مشار الیه انک جنازه سی قبر کنارینه قونلدیغی
زمان رسول اکرم صلی الله تعالی علیه و سلم ، حاضر
بولنان اصحاب کرامنه سؤال ایتدی :

— «هل منکم رجل لم یقارف الیلة»

انصار کرامدن ، ابو طلحه ، رضی اللہ تعالیٰ عنہ ،
جوابده :

— « یارسول اللہ ! بن ، بویکجه . مفارقه یی بجایه
ایتمده »

دیگله کندوسنه امر بیورلدی . اوده حضرت
ام کلثوم رضی عنہا الحی القیومی قبره ایندیردی .

•••

۱۷

وفات منافق ابن سلول

عبدالله ابن ابی بن سلول ، شهر شوال اواخرنده
خسته لانه رق یکر می کون خسته یاندقدن صوکره فوت
اولشدر .

مرقوم ابن سلول ، جاهلیتک ایام اخیره سنده خزر جیلرک
سیدی ، طلوع مهر منیر اسلامدن صوکرده جهور
پرشرور منافقینک رئیس ایدی .

وفات ایده جکی کون رسول اکرم صلی الله علیه
و سلم انک یانسه واردی بائی اوجنه اوطوردی .
منافق حالت نزعده ایدی . افندیمز ، بیوردیلرکه :

— « سنی محبت یهود ، هلاک ایتدی »

منافق، بوكا قارشى صوك بر جرأت اوله رق :
 — « سعد بن زرارہ یی یہودہ اولان خصوصتی تخلص

ایده مدی »

دیدکدن صوکره سوزنده دوام ابتدی :

— « یا رسول الله ! عتاب زمانی دکل ایشته بن
 کیده یورم جنازمدہ حاضر بولمکیزی و کوملککیزی بکا
 کفن ایدوب انکله بنی دفن ایتدیرمکیزی رجا ایدرم »
 نبی اکرم افندیمز، اوکون بری بری اوستنده ایکی
 کوملک کیمش بولنیور ایدی اوستنده بولنان کوملکی
 چیقاروب ویردی . ابن سلول ، وجود مسعود رسالته
 تماس ایله شرفیاب اولان ایچ کوملکی ایستدی . افندیمز،
 انی دریغ ایتیمه رک احسان بیوردی .

بر روایة کوره منافقک فوتندن صوکره صحابه دن
 بولنان اوغلی عبداللہ رضی اللہ عنه ، جلد شریف
 رسالتیناهی به ملاصق اولان ایچ کوملکی ایسته مشدر .
 علی کلا التقدیرین دریغ بیورلمدی اوقیص سعادت ایله
 هر قوم تکفین ایدلدی .

تکفین و تجهیزینک ختامی صروده اوغلی عبداللہ
 حضر تلرینی افندیمز ، تمزیه بی-وروب نمازینی قیلیمق
 اوزره قبره قیام ایلدکلی زمان حضرت عمر الفاروق ،
 اهل نفاقه عداوت فاروقانه سنی بللی ایدهرک :

یا رسول الله ! نمازی می قیله جفتك ! حابو كه بو آدم ،
فلان كون شویله - و یلمشدی فلان كون بویله - و یلمشدی -
دیهرك انواع سینائی تعداد ایتدی .

حضرت پیغمبر ذیشان افندیز ، تبسم ایدوب
ابن سلوك نمازی قیلمش و حقنده استغفارده ایلمش
ایسه ده بوندن بویله اهل اتفاق جنازملرینه حاضر
اولملمری و اوزرلرینه نماز قیلملمری طرف اشرف رب
العالمیندن [ولا تصل علی احد منهم مات ابدآ ولا تقم
علی قبره] آیت کریمه سیله کندوسنه امر بیورلمشدر .
نمازدن اول اشبو آیت کریمه نك شرف نزول ایتمش
اولدینی و بناء علیه ابن سلول اوزرینه افندیزك ارتق
نماز قیله مدینه ده روایاندندر .

•••

ابن سلول اهل اسلام ایچون بیوک بر بلا ایدی .
فوتیله مسلمانلر . غائله هائمه شروفسادندن قورتمشدر
ویك قدر منافقده خلوص ایله مسلمان اولمشدر .
عم النبي عباس رضی الله تعالی عنه حضرتلرینك
بدرده کی اسارتنده اشیا و اثوابی سلب و اخذ اولدنه رق
چپلاق قالدینی زمان لك وجودینه كله جك انجق بو ابن

سلوك كوماكي بولميش ایدی . ابن سلوك اوزمان
حضرت عباسه ویردیکی كوماكك مكافاتی اولق اوزره
افندیمز ، قیص هایونریخی احسان بیورمشلردر !
حدیبیه کوننده كفار قریش ، اهل اسلامی دخول
مکدن منع ایدوب ابن سلواه اجازت ویردکاری حالده
ابن سلول :

— « محمد [علیه الصلوة والسلام] رئیسزدر .

او ، ابتدا کیرمدکجه بز کیرمیز »
دیه شرط حرمت وتعظیمی ایفا ایتمش اولدیغك
مکافاتی اوله رقده حقنـده استغفار بیورلدی !
ابراز اولنان رسم عیادتده منافقین سائره قارشـی
جلب واستمالت قلوبدن عبارت ایدی !

•••

۱۸

حجج ابوبکر الصدیق

تبو کدن عودت هایون ، شهر رمضان شریفده
ایدی . افندیمز ، ماه شوالی مدینه طاهرده کچیردی .
سلخ ذی القعده کلدی . حجج شریفك اداسیجـون مکه

مكرمې شريف ارزونده بوليدلر . فقط مشركيك
تارت جاهلي لري اوزره كېي چيلاق طواف ايندكاري
مسموع عالي لري اولمغه ايله برحاله انلره بولكده
حضور بيت الله طواف ايتاريني مكروه كوروب يرينه
ابوبكر الصديق رضي الله عنه حضرت تاريني محابه كرامدن
اوچ يوز كشي ايله برابر مكه كوندردى .

ابوبكر الصديق حضرت تار ، طرف اشرف رسالتدن
امارى حائر اولمغه مكوده مناسك حجي ايتا و خلفه تعلم
ايدى جك و براءة سوره سنك اولدن اوتوز و ياخود قرق
آيت كرمي ناسه او قويه جق ايدى . سعد ابن ابى وقاص .
عبدالرحمن بن عوف ، جابر بن عبدالله رضوان الله عليهم
اجمعي حضرت تار كې اجاله احباب كرامدن بعض ذوات ده
معيده ايدلر . سيدالرسا افنديمزه هدى انچوري كرمي
رأس دوه تعين وانلري مبارك اللريه تقليد و اشعار
بيوروب امير حضرت تارينه كوندردى . حضرت اميردخى
كنديسي چون بش رأس بدنه كتوردى . هدى رسالته
مخصوص اولان دوه لرك محافظه سنه ناجيه بن جندب اسلمى
رضى الله عنه مأمور بيورلمشدى . مسجد ذى الحليفه دن
احرامه كيريدلر . انلر هنوز مكه و ارمزدن اول جبريل

عليه السلام ، نازل اوله رق تبایعات مطلوبه بی یاطوغریدن
 طوغری به ذات سالتینا هینک یا خود اقربا سندن برینک
 ایفا ایتسی لزومی بیلدیردیکندن اقدیمز ، حضرت علی
 المرتضای چاغیردی . سورة مذکورہ نك اوائلی ابو
 بکر الصدیق رضی الله عنہ سندن الوب موقفلرده ناسه
 اوقومسنى و :

- ۱ -- مؤمن اولیان شخص ، جنتہ کیرمیه جکدر
- ۲ -- چپلاق اولان شخص ، کعبه بی طواف ایتیه جکدر
- ۳ -- بوسنه دن صوکره مشرک اولان شخص ، کعبه بی
 طواف ایدیه جکدر

۴ -- الله ورسول الله دن موقت عهدی بولنان کفار ،
 انقضاء مدت لرینه دکن امیندرلر . دوت ماه دن صوکره
 مسلمان اولینلرک دملری هدردر .

کلماتی دخی اعلان ایتسنى امر و تنبیہ بیوردق دن صوکره
 « عضباء » اسمی ناقه خاصه سعادتلرینه بالارکاب ابو
 بکرک عقیبنده ارسال بیوردی . حضرت علی . ابوبکره
 یولده صباح نمازی وقتی یتشدی .

جابر دن مرویدرکه :

جماعتله نمازه شروع ایدلک اوزره ایدی «عضباء» ک
 صوقتى ایشیدلدى . رسول الله صلى الله تعالى عليه وسلمک

تشریفاری امید یله امیر ، صلایدن تأخر ایدمرك انظار
اوزره طورور ایکن حضرت علی ، کوروندی ، ابوبکر
الصديق ، اكا :

— «میرام رسول = امیرمی یوقسه رسول اوله رقیمی
کادک ؟»

دیه صوردی. حضرت علی :

— «لا بل رسول بقرامة براءة علی الناس يوم
الحج الاکبر»

جوانی ویرمکه صديق اکبر افندیز، اوائل سوره یی
علی به تسلیم ایتدی .

کعبه معظمه یه مواصلتلی، ذی القعدة نك سکنزنجی
کونی ایدی .

موقفارده خطبه یی حضرت صديق، او قودی. وناسه
مناسک حجی او کرتدی اهل اسلام او یله حج ایتدیله .
کفار دخی عادتلی و بیلدکاری اوزره حج ایتدیله .
حضرت علی کرم الله وجهه افندیز، يوم المحرrede جمره
العقبه یاننده ایاغه قالقوب اوائل سوره یی ناسه تلاوت
وکلمات اربعه یی اعلان و تبایغ ایلمشدر .

ابوبکر الصديق افندیزک امر و اخطاریله ابوهریره

حضرتلری بر جماعتله بر اشوب چادرلرک اره لرنده مجامع
ناسده کیفیتی اعلان و تبلیغده حضرت علی به معاونت
ایلدیلر تبلیغ آیات و کلمات مأوریتنک اوزرندن رفع
ایلمسندن صدیق اعظم حضرتلری ، مکدر اولمشدی .
عودتندن صوکره بر اراق سوأل ایتدی :
— « یارسول الله ! نه قصورم اولدی که سورمه یی بندن
الدک »

امر تبلیغک یا کندوسی یا خود عترت طاهره لرندن
بری طرفندن ایفا ایلمسی لزومنی جبریل علیه السلام
بیلدیرمش اولدیغنه مبنی حضرت علی یی ارسال ایلدیکنی
افدیمز، جواباً بیان بیوردیلر .

۱۹

وفود بنی طیء

بنی طیءدن اون برکشی حضور اقدسسه کلدی .
رئیسلری « زید الخیل المهلل » ایدی . رسول اکرم صلی
الله علیه و سلم ، اسلامی عرض و تکلیف ایتدی .
انلرده مسلمان اولدیلر . زید الخیل ، بیان شکران صددنده :
— « یارسول الله ! سنک وجود مسعودکله بزی تأیید
و تقویت ایدن و دینمزی معصوم ایلیان خدای عزوجل

حضرت ائمه همد و ثنا اولسون ا . بن ، سـنـك دعوت
ايلديك اخلاقدن خيرلى بر اخلاق ، دها بيليوردم .
خيرت و تعجب ايدرم كدى عقلاريمرله تباخرزدن كه طائفره
عبادت ايدر ايدك ،

ديدى . حضرت نبي افخم صلى الله عليه وسلم
[بو حال ، سـنـدـه دها زياده اولسه كر كدر] ديه
زيدك دين مينه و رسول رب العالمينه ايلورده بوندن ده
دها زياده محبتك مزداد اوله جفنى كديسـنـه بالتبشير
رفيقلرندن هر برينه بشر قيه و زيده اون ايكي قيه نقره
احسان وى طي حواليسنده بمض اراضى بي اكا اقطاع
بيوردي ،

او آله دكين اسمى «زيد الخيل» ايكن فضل و عرفانه
مبنى تغير و تصحيح ايله «زيد الخير» تسميه بيورلمشدر .
كه بوده ملاقات و صحبتندن افسديمزك ممنون اولمىسندن
ناشى ايدى . حتى حقنده ده بيورديلر كه :

عربدن برينى بكافضل و هنرايله وصف ايتسه لر كاديكي
زمان ديدكلرندن اكسك بولور ايدم و لـكـن زيد الخيرى
ديدكلرندن دها اعلا بولدم »

زيد الخيرك حين عودتـنـده بولده وقتـنـك

وقوع بوله جفنه اشارت اوله رق افنديمز : [انه لايحجوز زيد
من حمى المدينة] بيورديلر! زيد، ارقداش لريله برابر
بلده لرينه كيدر كن مجد صولرندن برينه وصولنده حميه
طوتوله رق اندن وفات ايتشدرد.

°
°
۲۰

وفود بنی کننده

سكسان ياخود التمش نفر سواری ايدیلر . اچارنده
«الاشعث بن قيس» ده وار ایدی . مدینه سعادته ، واصلته
بارگاه رسالته کیرم جکلری زمان صاچارینی طارایوب
دوزلتدیلر . کوزلرینه سوزمه چکدیلر . ایپکلی جبهه لر
کیدیلر . صوکره حضوره کیردیلر . و : [ابیت اللعن] دیدیلر .
رسول الله صلی الله علیه وسلم ، بوسوزه قارشى :
[بن . پادشاه دکلر عبداللهک اوغلی محمد] دیمکله کننده
مبعوثلری ، اسمیلله چاغیرمیه جقلرینی سویلدکلرندن
حضرت پیغمبر ؛ [ابوالقاسم] دیه بیوردی .
اوزمان بنی کننده مبعوثلری :

— «يا ابا القاسم سنك ايجون خبء واخفا ايلديكمز

شى ندر؟»

دیدیاره رسول اکرم بیان نمجمله :

— « سبحان الله حب و اخفاء، گاهنه قارشنی یاییلور

کاهن و کهنات و متکهن محقق که جهنمده در »

دیه رد و انکار ایلدی. بولک اوزرینه :

— « یاسنک رسول الله اولدیگی ناصل بیلم؟ »

دیه سوردیاره. سیر البطحاء افدیمز، یردن بر آووج

قوم آلدی. وانی اناره کوسترمک :

— « بو، بنم رسول الله اولدیغمه شهادت ایدر »

دیرکن کف سمادتارنده بولنان قوم تسبیح ایتدی

و کیفیتی مبعوثلرده مشاهده ایش اولدقلرینه منی او

آنده قبول دین اسلام ایله برابر قرآنی دیکلمکه ارزو.

ئرینی عرض ایتدیله. رسول الله صلی الله علیه و سلم

سوره و الصافات تلاته باشلا یوب ورب المشارق عبارة

شریفه سنه کلدیکی کی کسیدی. و هیچ بریری حرکت

اتمامک اوزره اولدینی کی طوردی. یلکزمبارک کوز.

ترندن یاش آقمده ایدی .

کنده مبعوثلری :

— « منی آغلار کور یورزه یوقسه رسول کوندرندن

مخافته می اغلایورسکز؟ »

دیه سوردیاره. افدیمز :

— «ان خشيتي منه ابكتي.. بعثني على صراط مستقيم

في مثل حد السيف ان زغت عنه هلكت »

ديه بيوروب [واثن شيئاً لند هبن بالذي اوحينا

اليك] آيت كريمه سني ده او قود قدن صوكره :

— « سر مسلمان اولديكمز مي؟ »

ديه صوردي. مبعوثلر؛ مسلمان اولدقلريني سويلر -

لر كن: [يا اوبويونلريكمز ده كي ايكلكر نه اوله جق] بيورلمقله

كنديلر، انلري قوپاروب آتديلر! .

عم النبي عباس بن عبدالمطلبك بعض بلاده سياحتلر

نده كندوسني سؤال ايدنلره ملوكه منسوبيتني بيلدير مك

ايچون: [آكل المراك اوغلي يم] ديه سويلمش بولنديغنه

استنداداً الاشعث بن قيس ، بعض مصاحبتي اثناسنده

تأييد مناسبت مقصديله رسول الله: [نحن بنو آكل

المرار وانت ابن آكل المرار] ديمكله افنديمز ، بني عبد

المطلبله برابر بعض قریشی مراد ايدمرك: [لأنحن بنو

النضر بن كنانة . لانفقوا امننا ولاننتفي من آبائنا]

بيورمشدي .

الاشعث، ارتحال نبويدن صوكره ارتداد ايدمرك

خلافت ابي بكر الصديق زماننده اسير اولديني حالده

- حضور خلافتناهی به کثیر لشیدی . حضرت صدیق .
 بونی قتل ایدیمک اوزره ایکن اشعت، جالب خاققهیه:
 [ایدینی طر ویک و روجنی احنک] دیش اوده بونک
 دیدیکی وچه اوزره یایوب همشیره سی ام فرود رضی الله
 عنہانی اشعت ترویج ایلمشدر .

الاشعت، او زمان مدینه منورده دوئلرک اولدینی
 محله کیرمک بولدینی قلاچی ابله یار لهقه باشلادی کورنلر:
 [کفر الاشعت] دیماغیر قده ایدیلر. اشعت ایشنی شیردکن
 صوکره قانجی غلافه قویوب : [والله بن کافر اولدم
 انجق رجل بزه همشیره سنی ترویج ایدیدی . بزا کر
 بلده مزده بولنسیدک بونلردن بشقه درلو ولیم اوله جق
 ایدی. ای اهل مدینه ! . کسیکز ییکر] دیدی صوکره
 دوئلرک انمانی صاحبزیننه ویردی .

•
 **

۲۹

وفود همدان

کوزل دوئلرک را کب اولدقلری حالده یمندن کلدیلر.
 آرقه لرند آلاجه برده لری باشلرنده کوزل عمامه لری
 وار ایدی. رئیس لری «مالک بن النخط» ایدی.

فخز الرسل صلى الله تعالى عليه وسلم افنديمرك
تبوكدن اوان معاودتارينه تصادفي سببيه يولده ملاقات
ايتديار. التفات جهاندرجات رسالتپناهى به نائل اولديار
هر درلو معروضات و استرحاماتلرى اسعاف و اللرينه
عهدنامه اعطا بيورلدى. كندولرينه ملاك بن المظى، امير
تعيين ايتدى [نعم الحى] همدان . ما اسرعها الى النصر
واصبرها على الجهد . وفيهم ابدال وفيهم اوتاد [بونلر
حققه لسان شريف رسالتدن صادر اولمشدر .



۶۶

وفود بلى

رويفع بن ثابت بلويدن منقولدركه :

قومك حضور پرسرور رسالتپناهى به وفودلرى، سنه
تاسمه هجر به نك ربيع الاولنده ايدى كله جككرندن خبردار
اولنجه استقباله چيقددم . يولده انلرى بولوب خانهمه
دعوت ايتدم خانهمده يوككرينى اينديرديلر . سفر اتوابلرينى
چيقاروب تميز البسه كيديلر . صوكره حضور پرسرور
رسالتپناهى به برابر كيتدك . افنديمز سؤال ايتدى :

— « یا رویغ بونلر کیمدر ؟ »

دیدم :

— « یا رسول الله ! قوم و قبيله مدر »

افندیمر ، قبول و محظوظیتنی بلای ایدرک :

— « مرحباً بك و بقومك »

بیوردیلر . بن دیدم :

— « یا رسول الله ! بونلر ، اسلامه مقرر و بلده لرنده »

قوملرینک اسلاملرینه کفیل اولوب کلمشلر »

افندیمر :

— « من یرد الله له خیراً یرده للاسلام »

بیوردیلر . دیدم :

— « بونلری کندی خانومه ایندیردم »

بوسوزیمی ده تحسین ایتدی .

بلویلرک ارمسند « ابوالضییب » اسمند بر پیروار

ایدی . دیدی که :

— « یا رسول الله ! بز خدانک و حدایتنی و سنک »

رسالتیکی و کتیردیکلک دین مبنی تصدیق ایدوب و آباء

واجدادلریمیزک اصنامندن بیزار اولوب حضور پر نور

رسالتپناهیلریکزم کلدک »

افنديمز ، جواب مقامنده :

— « سزى اسلامه هدايت ايدن خدايه شكر و ثنا
اولسون بيليككزكه دنيا دن دين اسلامك غيرى بردين ايله
كيدنلر و كيدمه جكلار ، بالجمله جهنمه كيدرلر »

بيورديلر ابو الضيب « استيضاح صددنده بعض
سؤاللرده بولندي . هر برينه ده جواب على اللى .
ديدى كه :

— « يارسول الله ! بن قونوق آلمغه و ضيافت و ير مكه
رغبتي بر آدم بونده بنم ايجون اجر و ثواب وارمى ؟ »
— « اوت كرك فقير ، كرك غنى بر مسلمانانه ايتديكك
ايولك صدقه يرينه كچر »

— « يارسول الله ! قونوقلغك مدتى نه قدر در ؟ »
— « اوچ كوندر . يانكده بر قونوغك اوچ كوندن
زياده قالوبده سنى مصرفه قوييمى اكا حلال دكلدر ،
— « يارسول الله قويون ضاله سنده حكم شرعى نه در ؟ »
— « اكر صاحبي چيقوبده نشانلري بيان ايدرسه
صاحبنه ويريلور والا انكله انتفاع اولنور »
— « يا دوه ضاله سنده ؟ »

— « دوه ضاله سنده سنك نه ايشك وار انى حالنه
براقكه صاحبي بولوب السون »

— « یا رسول الله ! بز، زمان جاهلیت مزدم یکدیگر -
 مری غارت ایدردک غارتنه حاصل اولمش نزد مده بعض
 احوال واردر . شمدی مسلمان اولدم حکم ندر »
 — « هر کیم که مسلمان اولور تصرفده بولنان مال »
 ملکیدر »

بہ عاورمک ختامندہ ہیئت وافدہ قالقوب
 منزله تکدیلر . انرا یچون نبی اکرم افدیمز، بکا بر مقدار
 خرمما کوندردی . بن، او خرما ایله ضیافتلرینه استعانت
 ایلدم . بر قاچ کون سوکره رسول اکرم صلی الله علیه
 وسلم . جائزملرینی ویردی، کندولرینی دیار و قبیله لرینه
 عودته مأذون بیوردی .

•••
 ۲۳

وفود مزینہ

وفود مزینہ ، درت یوز نفر گیمسه ایدی . مدینہ
 طیبہ دن اذن عالی ایله بلدملرینه عودتلی ائسادہ
 واقع اولان استدعالرینه بناءً حضرت رسالتناه افدیمز،
 عمر الفاروقہ :

— « یا عمر ! زود القوم »

بیوردیلر . فاروق حضرتتری :
 — « یا رسول الله ! بئدم بر مقدار خرما دن بشقه
 برشی یوقدر . اونکده بونلر . کفایت ایدم جگنی عقم
 کسمز »

دیمکله نبی معظم صلی الله تعالی علیه وسلم :
 — « وار یا عمر ! ویر ! »

دیه فرمان بیوردیلر . نعمان بن مقرن بلوی ، حکایه
 ایتشدر که عمر ، هیئت مذکوره بی اوینه کتوروب خرما سنی
 کوستردی و : « ایستدیککز قدر الیکز » دیدی . خرما ،
 برشی قایل ایدی . هر کس حاجتی مقداری آلدی .
 اک صوکره الان بن ایدم . کوردم که هیچ بر دانه سی
 انعامش ، هیچ برشی اکسلاماش کی طور یور !

✽

۶۴

وفود بجبله

بجبله وفودی ، یوز الی نفر ایدی « جریر بن
 عبدالله البجلی » حضرتتری رئیس لری ایدی جریر ، حکایه
 ایتشدر که مدینه طاهره به کلدیکده حله می کیدم حضور
 یاک رسالته کیتدم .

رسول خدا خطبه ده ایدی . اصحاب کرام ، کوز
 اوجیله بکا چوق دقت ایندیله . بزد — هر کسک بکا
 دقتلرندن اشتباه حاصل ایدم رک — یانه اویوردیم زانه :
 [یوقسه رسول الله . بنم حقمده شمدی بر شیمی - ویلدی]
 دیه صوردم .

جوابده : « اوت خطبه ده ایکن : [انه سید خل
 علیکم من هذا الباب - او من هذا الفج - رجل من عین ذی
 رعین وان علی وجهه مسحة ملک] دیه سویلمشدی ،
 دیدی .

•••

جریر ، قومنک سید مطاعی ایدی . مایح الوجه
 طواب بدیع الجمال ، صحیح الاسلام ، کبیر القد ،
 عظیم القدر بر ذات ایدی . وجهنده کی مسحة ملکدن
 مقصد عالی ، ملاحت و صباحت مخصوصه سی ایدی .
 حضرت رسول الله افندیمز ، دست شریفله یخی
 آچوب :

— « خدامک وحدایتنه و کندی رسالته اینسانمق
 و این وقت نمازی ادا و ذکاتی اعطا ایتک و رمضانی
 طومتق و جمیع اهل اسلامه خیر خواه اولمق و والی اولان

آدم ولوکه بر عبد حبشی اواسه ینه امرینه اطاعت ایامک
اوزره بکا بیعت ایدرمیسک »

دیه جریره صورتی .

جریر حضرتلری بومذکوراتک جمله سنی باقبول
حبیب خدایک دست همایون بیعتلرینی آلمشدر .

رسول مکرم ، جریرک دیاری احوالندن سؤال
بیوردی . جریر :

— « یارسول الله ! جناب حق ، دیاریمزک خلق
بیننده دین اسلامی ظاهر وررشن ایتدی . مساجدده
وصحراالرده اقامت صلاته قیام ایدرلر . بتخانهلری منهدم
اولدی »

جوابی ویردی . افندیمز صورتیلر :

— « یا ذی الخیصه بتخانه سنی نه حالدهدر »

— « اولکی حالی اوزره قائمدر »

— « ای جریر ! بنم درونمی بوزی الخیصه غائله
سندن مستتریح ایتزمیسک »

— « یارسول الله ! بنمده ارزو ایتدیکم بودر انی بن
تخریب ایدمیم »

ذی الخیصه ، بحیله ، خشم قبیلهلرینک « کعبه

الجمالية ، ناميله معروف بر بتخانه سی ایدی انی زیارت
ایچون اطرافدن بر خیلی کیمسه در کلیر کیمه لردی .
خزیره العربده او ملالو آثار شرک وضالات قلده برلقده
اولدینی حالده امک حالی اوزره قالمی جائز کوردولمیه رک
هدم و تخریبسه جریر حضر تلری مأمور ایتدی .
اوده :

— « بر عذر واریا رسول الله ! آتہ بینہ میورم .

دوشیورم »

دیدی . بونک اوزدینه رسول اکرم صلی الله علیه
وسلم افندیمز . مبارک اللری جریرک صدرینه قویدی .
و: [اللهم نبته واجعله هادياً مہدیاً] دیه دعا ببوردی .
جریر ، ذی الخلصه تخریبسه کیدر کن بیندیکی سرکش برآت
ایدی . برکت دعاه پیغمبری ایله آت سرکشلک ایتدیکی
کی جریر حضر تلری دخی آندن بردها دوشمیه رک یوز
الی نفر معیتله کیتمش و ذی الخلصه یی هدم و احراق طریقله
خراب ایتمشدر

جریر حضر تلری طرفدن خبر موفقی عراض و اعلام
ایچون بنی احمدن مدینه طیبه یه اعزام اولمان و ابوارطات
حصین بن ربیعہ ، کیفیتی :

— « یارسول الله ! والذى بعثك بالحق ماجئت حتى
 تركتها كأنها جمل اجر ب »
 ديه عتبه علياى رسالته تبشير ايدنجه سيد العالمين افنديمى ،
 احسك خيل و رجانه بش كره بركتله دعا ايتمشدر .

*
 * *

۲۵

وفود بنى تجيب

خطه يمنده بنى كنده تجيب قبيله سنك ايلچيسى اون
 اوچ نفر كيچمه ايدى .
 بونار ، بلده لرنده كي مواشى و اموالارينك زكاتلرينى ده
 حامل ايدى .

مقدمارى ، مسروريت و محظوظيت رسالتناهي بي
 مستلزم اوله رق حقلرنده بذل التفات بيورلدى . واجراء
 ضياقتلرينه حضرت بلال رضى الله عنه مأمور اولدى
 زكاتلرينى دربار نبوته عرض ايتديلر . او زمان كندى
 بلده لرنده كي فقراء مسلمينه تقسيم ايتملرى امر اولندى .
 فقراء محليه يه توزيعدن صوكره فضله كلان قسمنك كيتيرلمش
 اولديغنى سويلديلر .

بكت واقاملاری مدحجه حقارنده مراسم . . . استواری
 احراسته فوق الامثال اعتنا اولاندی . عودت ایچسون
 وداعه کادکارنده دیگر وافدینه اولان مقداردن زیاده
 عطایا و جوائز احسان بیوریلوب افندیمز :

— « ایچکزده جائزه سی ویرلماش قالدیمی ؟ »
 دیه سوردی .

— « اوت یارسول الله ! بر کوجوک رفیقیمز وار
 ایدی . منزله اشیا و مواغیمیزی بکاهه بکاهه برافشادک او
 قالدی »

دیماريله انک دخی کوندردی امر بیورلاری .
 بنی تجیب وداع ایدرک منزلهینه کلیدلر غلام منبور ،
 حضور عالییه دخولنده :

— « یارسول الله ! شمعی حضور شریفکن کیدن
 جماعتدئم . بنم ارزوم انلرک ارزولری کبی دگادر . کرچه
 رفیقلمکده دین اسلامه رغبتلری واردر اما بنم هعم
 زیاده در . انلرک حاجتلرنی روا بیوردک بنم دخی حاجتمی
 روا قیل »

دیدی . حضرت پیغمبر :
 — « سنک حاجتک ندر ؟ »

دیه صورتی. اوده :

— «والله بن دیکر لره احسان ایتدیکک کبی مال انعام
ایتسون دیه بلده مزدن چیقوب کلام . بائک . یا رسول الله
دعا وشفاعتکز برکتیله جناب حق ، بنی عفو و مغفرت ایلله .
و بنم قلبمی مال دنیادن فارغ و آزاده ایدوب غناء قلب
احسان بیوره دیه کلام »

جوانی وردی . امک اشبو طاب و رغبتی و علو
همتفی اقدیمز ، تقدیر و تحسین ایدرک حقند . توجه تام ایلله :
[اللهم اغفرله وارحمه واجعل غناه - غناه فی قلبه] دیه دعا
بیورمش و کندوسنه جائزه و عطیه و یرمشدر .

*

• •

حجة الوداعده قوم تجبیدن برینه مناده ملاقی اوله رق
شو غلامک حالندن سؤال ایدبجه :

— «یا رسول الله بز اندن دها قناعتلی بر آدم
ایشتمدک . یاننده بتون اموال دنیا یی تقسیم ایتسه لر نظر
و التفات بیلله اتمز »

جوانی آله رق : [الحمد لله انی لارجوان یموت جمیعاً]
بیورمش ایدی . ایچلرندن بری بونی اکلا ییه مامسنه . بنی :
[اولیس یموت الرجل جمیعاً یا رسول الله] دیه

صوردیه بدن رسول الله صلی الله علیه و سلم اولکی
 سوزنک اشرخ و ایضاحی ضمیمه : | تشعب اهوؤه
 و همومه فی اودیة الدنیا فاعلم الاجل یدرک فی بعض
 تلك الاودیة فالایالی الله عز و جل فی امها هلك [ديه
 بیوردیلر . یئنده اخیراً وقوع بولان ردت اختلالده صحابی
 مشارالیه ، کندی قوم و قبیله سنی و عظم و نصیحتله ردتدن منع
 ایتمسنه . مکافاة صدیق اکبرک زیاد بن ولید واسطه سیله
 مظهر تکریمی اولمشدر .

• •

۲۹۵

وفود بنی اسد

بنی اسد بن خزیمه و افدلری ، اون نفر ایدی .
 میانلرنده اعیان قبیله دن • وابصه بن معبد ، طلیحه بن
 خویلد . معاذة بن عبدالله بن خلف ، حضرمی بن عامره
 دخی وار ایدیلر اقدیمز اصحاب کرامیله صحبت ایدرلرکن
 بونلر ، کلدیلر .

ایچلرندن حضرمی ، برارالق :

— • یارسول الله ا سن ، بزی دیگر قبیله لرکی

اجبار و خبردار ایتدن بز ، بونجه مشاق سفر اختیاربله
و کندی ارزو مزله کلدک . قبول الام ایدوب سکا تابع
اولدق »

دیه وضع منت ایتک ایستدی که کراحت درکار
ایدی . جناب حق ، انک ردی صد دنده : [ینون
علیک ان اسلموا قل لاتمنوا علی اسلامکم بل الله یمن
علیکم ان هدیکم للایمان ان کنتم صادقین] آیت کریمه سنی
انزال بیورمشدر .

...

وابصه ، « بر واثم » دن سؤال نیتبله حضور پر نور
رسالته کیردی فقط سؤالدن اول افندیمز :
— « یا وابصه ! سؤال مضمر یکی سکا سویلیه یم می ؟ »
دیدی ، وابصه :

— « سویله یا رسول الله »
دیدی . بونک اوزرینه رسول اکرم صلی الله علیه
وسلم :

— « بر واثمدن سؤاله کلدک »
دیرکن وابصه :

— « ای والذي بعثک بالحق »

دیه تصدیق کیفیت ایتمکله سؤال مضمریه جواب
اوله رق :

— « البرما الشرح له صدرك . و الاثم ما حاك في
نفسك وان افتاك عنه الناس »

بیورلدی . بونلر ، زمان جاهلیتسلرنده کی عیافت
وکه انلارینک بعدالاسلام جواز وعدم جوازی استفسار
ایدوب ممنوعیتنه دائر جواب الدقن صوکره خط یثنی
رمل ایچون دخی صوردیلر . و : [علمه بی فمن صادف
مثل علمه علم] جوانی آدیله .

۲۷

وفود بنی بهراء

یمده اوچ نفر کیمسه لر ایدی . بونلره ابتدا اصحاب
کرامدن مقدار رضی الله عنه . ملاقی اوله رق حقلرنده
حضرت واکرام ایتدی . یمک جیقاردی . یدیلر . یمکدن
بر مقدار آرتدی . بقیه طعامک بر قسمی مقدار . کاسه
ایله افندیلمزه کتیردی افندیلمز دخی تناول بیوردیلر .
کاسه ده قالمش اولان طعامه جناب حق . برکت
ولدت احسان ایدرک مقدار ، انی اندن صوکره

هر کون وفود بهر انک سفره سینه قویر ایدی . وافدین
 دخی اکل ایدر و لذتی هر کون مدح ایلرلر ایدی .
 لذت و برکتک کیفیت حصه وانی مقداد ، اکلانجه
 انلر ، حیرتله : [نشهد انه رسول الله] دیدیلر .
 اعتقادلری بو سببله کسب قوت ایتدی . برقاج کون
 طور دیلر . اصحاب کرامدن فرائض و آداب دینییه اوکر .
 نوب جائزه لرینی الدقدن صوکره بلده لرینه عودت ایتدیلر .

..

۲۸

وفود بنی مره

ذی مره دینیلان محلدن حارث بن عوف ، اون
 اوج نفر ایله مدینه طیبه یه کلهرک :

— « یارسول الله ! لوی بن غالب نسلندیز . سنک

قوم و عشیرتکیز »

دیدی . نظر عاطفت جناب پیغمبری بی جلب ایتک ایستدی .
 بو سوزدن نجی اکرم افندیمز ، تبسم بیوروب انلردن بلده لرینک
 احوالی سوردی . کلنلر : [والله انا لمستون و مافی المال
 منخ فادع الله] دیدیلر قحط و غلادن شکایتله التماس دعا

ديك اوليور ابدى. [الائم اسقهم الغيث] ديه حقلرندمه
غيث ورحمته دما بيورلدى. و هر برينه حضرت بلال
يديله اونزو حارث بن موفه اون ايكي قبه نقره احسان
اولدى.

عودتلرندمه كورديلركه افنديمرك دما بيوردقلرى
كون بلد لرينه رحمت دوشوب هر يردمه فيض بركت
رونما اولمشا.

رسول الله صلى الله عليه وسلم افنديمرك حجة الوداعه
حاضرلنمقدمه اولدينى اثنااده بو هيئت و افدهن مدينه
طبيه يه گلش اولان برى نزول رحمت خصوصندمكى
خيرتنى رسول ذیشان خدایه :

— « يا رسول الله ! رجعنا الى بلادنا فوجدناها
مصبوبة مطراً بذلك اليوم الذى دعوت لافيه. نم قلدتنا
اقلاذالزرع فى كل خمس عشرة مطرة جوداً. ولقد رأيت
الابل تأكل وهى برك. وان غنمنا ماتوا رى من ابياتنا
فترجع فتقبل فى اهلنا »

ديه مرض و حكايه ايتدى. افنديمرك اكا قارشى :
— « الحمد لله الذى هوصنع ذلك »

ديه شكر و سپاسنى باركاه صمدانيته رفع بيورمشدره.

۲۹

وفود بنی محارب

اون نفر ایدی ایچلرنده خزیمه بن سوادده وار
 ایدی. جناب رسالتیناهک بدایت دعوت جلیله لری هنکا-
 منده وبالخاصه ایام مواسمه کندی لرینی قبائله عرض
 ایلدی کی صره لرده عریده بونوردن غلیظ و سرکش
 طائفه یوق ایدی . نهایت هدایت سبب حایه ، انلری
 حضور پر نور نبوته سوق ایدرک قبول اسلام ایتدی ردی .
 مسلمان اولدقلری حالده مملکتلرینه عودت ایتدی لر .

۳۰

وفود بنی عبس

بر قاج کیمسه لر ، کلوب مسلمان اولدی لر . و :
 — « یارسول الله ! هجرت ایتیمانلرک اسلاملرینه ک
 صحیح اولیه جغنی عالمیرمز ، بزه س-ویلدی لر . اکر بویه
 ایسه مواشی و اموالمزی صانه لم هجرت ایدم »
 دیه صوره رق رسول الله صلی الله علیه و سلمدن :

— «مہر زودہ اولور ایسہ کز حق تسالی یہ تقوی
 اوزرہ اولیکز اعمال کزدن هیچ برینہ نقصان جزا
 ویرمز»
 جوابی آدیلمز .

...

۳۱

وفود بنی ازد

یدی نفر ایدی . سوید بن الحرث دہ برابر ایدی .
 حضور عالی رسالتہ کادیلمز . قونوشدیلمز نہ اصل کیمسہ
 لرسکیز» دیہ سؤال بیورلدی «بز» مؤمن کیمسہ لرز»
 دیدیلمز جو جواب ، تبسم سعادتی موجب اولہرق کادیلمز
 ندن ہمض شیلری سؤال ایتمک وسیلہ سبیلہ بینلرندہ شو
 محاورہ جریان ایتدی :

— «محققا ہر سوزک حقیقی وار . سزک سوزیکرک
 وایمانکیزک حقیقی نہ در؟»

— «یار رسول اللہ! بزم سوزیمرک وایمانکیزک حقیقی
 اون بش خصلتدر . بشی اعتقاددہ ، بشی عملدہ اساس
 اولمق اوزرہ طرف شریفکدن کلان آرم ، بزم تعلیم

وفاقین ابتدی. دیگر بش خصلت دخی زمان جاهلیتدن
 قلمه عادتزددرکه هنوز ترك ایتدك مكر وه. كوریلور ایسه
 ترك ایدرز ،

— « بنم رسولك اعتقاده متعلق سنره بیایدردیگی
 بش خصلت ندر؟ »

— « اللهه، ملكارینه، كتابلرینه، رسوللرینه، قیامت
 كونه ایمان »

— « عمله متعلق اوكرتدیگی بش خصات ندر؟ »

— « كلمه شهادت، صلو، صیام، زكات، حج »

— « جاهلیتدن قلمه بش خصلتکیز ندر؟ »

— « وقت وسعتده شكر. بلایه صبر، قضایه رضا،

دشمن عاینده حین قیامده ثبات، شمهء اعدایی ترك »

جوابلر ، نزد عالی رسالتده جدیر تقدیر

کورولهرك افدیمز: [بوزلر ، علما وحکما کیسه لرددرکه

علم و فقهلرندن انبیا اوله یازدیلر] بیوردقدن صوکرده:

— « بنده سنره بش شی اوکرده یم که تمام یکر می

اولسون. سنر شول شیئی طوپلامیکز که انی یمیه جکسکیز.

شول شیئی یایمیکز که انده ساکن اولیه جقسکیز. شول

شیئه رغبت ایتیمیکز که عاقبت انی ترك ایده جکسکیز. اللهه

تھی، اور وہ اولیٰ کز کہ نہایت اکا رجوع ایہم جاسکر .
 نول شینہ رغبت ایہ کز کہ اندہ مخلد قالہ جقس کرہ
 دیہ بیوردیلر .

۳۳

وفود بنی البکاء

بر طائفہ اولارق کادیار . و معاویہ بن ثور بن عبادۃ
 بن البکاء ایلہ اوغلی بشرو و مجیع بن عبداللہ بن جندح
 بن البکاء ، و عبد عمرو بن اصم ، دخی برابر ایڈیلر .
 معاویہ بن ثور ، یوز یاشندہ پیر فانی ایڈی . دربار
 نبوتہ رجا طریقہ دیدی کہ :

— « یا رسول اللہ ! او غلم بشردن خوش نمودم .
 بکا برو احسان اوزرہ درانی مبارک دست شریف رسا-
 لکیزلہ مسح بیوریکز »

حضرت رسول اللہ صلی اللہ علیہ وسلم ، معاویہ نک
 رجاس فی قبول بیوروب مبارک اللیلہ بشرک یوزینی
 صیغادی . و اکا برقاج کچی دخی احسان بیورہ رق
 برکتلہ دعا ایڈدی .

بنی البكاء دیارنده قحط اولدینی زماندرده اوقرم .
 قحط کلدیکنک بیانیاه شکر و افتخار صدندنه بشرك
 اوغلی محمد :

و ابی الندی مسیح الرسول برآه
 و دعا له بالحیر و البرکات
 اعطاه احمد اذ اتاه اعزاً
 عفرا نواجیل اسن باللحیات
 یثلاث وفد الحی کل عشیة
 ویعود ذاک الیاء بالندوات
 بورکن من منج و بورك مانحا
 و علیه منی ماحیت صلاقی
 شعر بلیغنی سویلمشدر .

فجیمه برده اماننامه ویردی . عید عمروک آدینی
 عبدالرحمن دیه تصحیح و بلادی اراضی سندن بر
 مقداری اکا اقطاع بیوردی .

۳۳

وفود بنی هلال بن عامر

یر جماعت ایدی . زیاد بن عبدالله بن مبارک ، عید

عوف بن اصرم، قیصه بن مخارقه دخی ایچاریده ایدیلر.
 زیاد امهات مؤمنیندن خالاسی میمونه رضی الله
 عنہانک خانہ سنه کادی. رسول الله صلی علیه و سلم
 زیادی حضرت میمونه نك نزدده کوروب غضبه کیری
 دوندی. میمونه حضرتلری، کفاتی اکلایه رق: [بارسول
 الله بسم هم پیره زاده مندر] دیدیکندن ایدیمز، ایچری
 کیردی اوطوردی.

بو مدت صوکره مسجد شریفه کادی. زیاد دخی
 برلنکده ایدی. او یله مازینی جماعته قیاب زیادی نزد
 هایونارینه اوطورتدی. و اکادعا ایتدی. مبارک دست
 شریفلریله زیادک باشی صیغادی. حتی دست شریفلری،
 باشان بوروننه بوروننک اوجنه دگین ایندی.

اشبو مسح سعادتک اثر نور و برکتک یوزنده دائماً
 شامده ایددیکنی بنی هلال، حکایه ایدرلر ایدی. حتی
 زیادک اوغلی حقنده شاعرک:

یا ابن الذی مسح النبی برأسه
 و دعا به بالخیر عند المسجد
 ما زال ذاك النور فی عمر نینه
 حتی توارى بیته فی الملحد

شعر رنگینی. او معنایی کوزل تصریح ایتشدرد.

حضرت نبی افندیمز ، عبد عوفی تغییراً عبد الله
ایله تسمیه بیوردی .

قبیصه :

— « یارسول الله ! بزدن بر آدم ، برنی
اولدیردیکند . ایکی قبیله بیننده خصومت حادث اولمقله
تسکین فتنه ایچون بن ، استقراض ایدوب مقتولک دیتی
اولیاسنه ویرمشدم . اندن حالا مدیونم . اعانه بیور »
دیه استعطاف ایتدی . حضرت نبی الله دخی :
[ابتدا ظهور ایده جک مال زکندن دینی کندی تسویه
ایده جکنی] وعد ایتدکن صوکره :

— « یا قبیصه ! دیانمک اوچ آدمک غیرنه حلال
دکلدر . بری ، اصلاح ذات البین ایچون مدیون
اولاندر که خاتردن دیلنوب دینی ادا ایده بیلور .
بری ، مالی قضاء ، آفتله نل اولاندر که اصلاح
وسعه حاله دکن دیلنه بیلور . اوچنجیسی ده ،
اول نقیر در که فقر و فاقه سنه قونندن اوچ
عافل کیمسه شها ت ایده از فقیر ، فقردن خلاصنه
دکن خاتردن سؤال ایده بیلور . یا قبیصه !

تساؤل ، بو اوج کشینک غیری اینچون حلال دکلدره
بیوردیلر .

..

۳۴

وفورد بنی دارم

قبیلہ لحمدن دارم جماعتی ، اون نفر ایدی .
رئیسلی ، هانی بن حبیب ایدی اقدیمزه بر قاج رأس
آت، صیرمه لی و قماشدن بر قفتان؛ بر مقدارده خمر هدیه
کتیردیلر .

قفتان ایله آتلی ، قبول بیوریلوب خمر حقمنده :
[شرب خمری جناب حق ، حرام ایتدی] دینلیدی . هانی
هدیه سنی مرتبه حسن قبولدن ساقط ایتامک عنزم
و قصدیلر :

— « او یله ایسه صانه لمده ،

دیمش ایسه ده طرف اشرف نبوتدن :

— « شرب خمر حرام ایدن ، بیعی ده حرام ایتمشدر .

طوبراغه دو کیگز »

دیه قطعاً رد ایدلیدی .

قفتان ، حضرت عباس رضی الله عنه احسان
بیورمشدی . عباس :

— «یا رسول الله ! بن بونی نه یاهیم که ارککلره
حریر ، حرامدر»

دیدي . فخر عالم صلی الله علیه وسلم :
— «التونلرینی سوکوب بعضی قادینلره زینت
بعضی کندیك صرف ایت قماشنك ده بهاسیله انتفاع ایت»
بیوردیلر. بونك اوزرینه حضرت عباس ، قفتانی
سکیز بیک درهم بدل ایله بر یهودی به صائمشدر .
وفود بنی دارم . ارتحال نبوی به دکین مدینه
طیبه دن آیرلما مشلردر .

— فصل ثالث عشر —

ارنجی سنہ ہجریہ وقایعی

فوت باذان . بعث معاذ و ابو موسی . وفود عبدالقیس .
 وفات ابراہیم بن النبی . کسوف شمس . بعث خالد . بعث علی .
 وفود بنی حنیف . وفود از دشنوٹہ . وفود نصاریٰ نجران .
 بعث ابی عیینہ . وفود بنی خولان . وفود بنی مداح . وفود
 بنی غسان . وفود بنی غامد . قدوم عدی . وفود سلمان .
 وفود بنی منتفق . ورود اسود عنسی . حجة الوداع . قدوم
 فیروز دیلمی . طلوع جبریل .

• •

۱

فوت باذان

باذان ، ملوک عجمک سابق فی الاسلامی ایدی .
 قبول اسلامہ مبنی سید الانام علیہ الصلوٰۃ والسلام
 افندیمز ، انی یمن ولایتی والیاکنندہ ابقا بیورمشدی . بو
 کرہ خبروفاتی مسموع عالی بیورلمسیلہ زیر ادارہ سندہ بولنان
 یمن حکومتی اقسامہ بالتقسیم برقسمنہ والی سابق باذانک
 اوغلی شہری . اقسام سائرہ سندہ عامر بن شہر الہمدانی

ابو موسی الاشعری ، خالد بن الولید ، یعلی بن منبه ، معاذ بن جبل رضوان الله علیهم اجمعین حضراتی والی و عامل تعیین بیورمشدر .

معاذ ، یمک جهت علیاسنه ، ابو موسی الاشعری جهت سفلاسنه مأمور ایدی . زیاد بن لبید ، حضر موته عکاشه بن ثوری سکاسک قبائلی حکومتنه مأمور بیورمشدر ایدی .

۲

بعث ابو موسی و معاذ

رسول الله صلی الله علیه وسلم ، معاذ ایله ابو موسی الاشعری حضرتلرینه بعض و صایاده بولنه رق : [یسرا و لاتعسرا بشرا و لاتنفرا و تطاوعا] بیوردیلر . بلاد سائرہ خلقنه نسبتله یمین اهالیسی ، لین القلوب کسه لر اولمسی حکمتنه مبنی غایت رفق و ملائمتله استیناس و استمالترلرینه همت اولمسی اهمیتله توصیه ایدلدی . معاذک یمنه متوجهاً مدینه طیبه دن حرکت ایتدیکی کون حضرت نبی محترم افندیمر : [یا بلال عمامه می کتیر] دیه عمامه سعادتلرینی جلب ایدوب کیدکدنصکره معاذ ، راحله سنه

ارکاب اولندی.. رسول اکرم معیت سنیله لرندمه مهاجرین
وانصار کرام ایله برابکرده انی تشیع بیوردیلر ..

ائناه تشیعده معاذ، را کباً حضرت پیغمبر، معاذک
یانی صره ماشیا کیدیور و معاذه امر مأموریتنه عائد
وصایا اجرا بیوریورلر ایدی .

معاذ، تأدب صدنده :

— « یارسول الله ! بن را کیم . سن پیاده سک
رخصت ویرده راحله دن اینهیم . آیریلنجیه قدر
سنکله برابر پیاده یورویهیم »

دیدى . بوکا افندیمز :

— « یا معاذ ! سنک مأمور اولدیغک ایش ، فی
سبیل اللهدر فی سبیل الله کوروله جک ایشلرده اوله
معامله جائز اوله مز »

بیوردیلر . وانی راحله دن ایندیرمدیلر .

اندن صوکره ذات اقدس رسالتیناهی، وصایایه دوام

ایدرک :

— « یا معاذ ! بوکوندن صوکره ملاقات ابدجک

اولسیدک سکاوصیتمی قیصه کسردم. ولکن بوسنه دن صوکره

سن بنی کوره میوب مسجدیمی و قبریمی کوره جکسک »

بیورملریله حضرت معاذ، فراق رسول الله دائر اولان
اشبو تلقیناته تحمل ایدمه یئرک اغلامغه باشلادی .

نبی ذیشان ، ایفاء وصایایه دوام ابتد : —

یا معاذ ! سن ، اهل کتاب اولان بر قومک
ایچنه کیدیورسک . اورایه واردینگکه انلری اللهک
وحدانیتنه و بنم نبوت و رسالتی تصدیقه دعوت ایت .
انده سکا تابع اولورلرسه تبلیغ ایت که اوزرلرینه جناب
حق ، یکریمی درت ساعتده بش وقت نماز فرض ایتمشدر .
اندهده سکا اطاعت ایدرلرسه اکلات که زنکینلرندن
ماللرینک زکاتی آلنوب فقراسنه ویرلمسنی جناب حق
امرايتمشدراندهده موافقت ایدرلرسه صاقین که امواللرینک
ایولرینی سیچوب آله . مظلومک دعاسندن قورق .
زیرا مظلومک دعاسیمله اللهک بیننده حائل یوقدر . یا
معاذ ! انلر سکا جنتک مفتاحی نه در دیه سؤال ایده جککلر
لااله الا الله اولدیغنی سویله . یا معاذ ! الله ایچون تواضع
اوزره اولمیسک که جناب حق ، سنی عالی ایده . هیچ
برایشده سکا علم یقین حاصل اولدقجه حکم ائمه برایشده
مشکلات کورور ايسهک بیلنلردن سؤال و استشاره ایت
صوکره کندی رأی واجتهادینه مراجعت ایت زیر اصدق

واستقامتی الزام ایلدک ایسه الله تعالی سنی موفقی بیورور.
بر مصاحبتده انتقاله ذهنکده تردد و اشتباه حادث اولورسه
ذهنک ثابت اولمجه به دکین طور. افکار یکی جمع ایت .
بکایاز . هوادن حذر ایله زیراهوان، اشقیایی جهنمه
کتورور . هیچ بر مصاحبتده غضب ایتمه . رفق و
ملایمت اختیار ایت .

بیوردیلر . براز سوکره سؤل ایتدیلر :
— « یا معاذ ! سکا برایش عرض اولندیغی وقت ناصل
حکم ایدم جکسک ؟ »

معاذ جواب ویردی :

— « اللهم کتابیله »

— « اللهم کتابنده بوله مدکسه »

— « رسول اللهم سنتیله »

— « سنت رسول اللهده بوله مدکسه »

— « کندی اجتماعمله »

معاذک بویله احکام شناسانه جواب ویرمسی اوزرینه
حضرت پیغمبر: [اللهه حمدا ولسونکارسوانک رسول
اللهک مرضیسنه موافق معاملیه موفق ایلدی] دیدی

و او آنده وداع ايديلهرك حضرت معاذ يمينه عزيمت
ورسول اكرم دخى اصحاب كراميله مدينه طيبه لرينه
عودت ايلدى.

معاذ، يمينه مواصلتنده منبره چيقوپ بر خطبه دن
صوكره حامل اولديغى عهد علىٰ پيغمبري نى رؤوس
اشهادده او قودى . اشراق بيله :

— « يا معاذ سنك اچون مخصوص قوناق حاضرله دق

بيوريكيز »

ديديلر . معاذ :

— « مخصوص قوناغه اينمكه رسول الله بكا اذن

ويرمدى »

ديهرك مسجدي اقامتكاه اتخاذا ايلدى .

۳

وفود بنى عبد القيس

آلتنجى سنه هجريه ويا فتح مكه زمانسه آز قريب
ايدوكى ده مرويدر. وفود عبد القيس ، عمان سواحلندن
بحرين موقعنك « جواثى » قريه سندن يكرمى يا خود اون

اوج نفر کیمسه لر ایدی رئیس لری و عبدالله بن عوف
اشج و ایدی [°] جارود نام قسیس نصرانی بونلرله برلکده
ایدی .

جاروده شوسفردن مقدم بروقت بلده لرنده سلمه بن
عیاض الازدی به :

— تمامه ده دعوی نبوتله بری بلوردی . کیدوب
باقعه ارزولک یوقی مناسب بولورسه ق اویارز . اویله ظن
ایدرم که اوزات عیسی بن مریمک تبشیر ایلدیکی پیغمبر دره
شو قدر که هر بریمزده اوچر مسئله صاقلایلم اکر انلری
بزه خبر ویره بیلور ایسه وحی ایله مؤید نبی صادقدره
دیه ایکسی سوزلشدیلر ایدی .

[°] عبدالله بن اشجک بر راهب دوستی وار ایدی راهبه
اکا اولجه ظهور نبی آخر الزمانی و اوصاف و شمائل شریفه تبویه دن
بر مقداری سویلش اوده تحقیق کیفیت ایچون همشیره زاده سنی
مکه مکرمه به توندرمش ایدی . که انک کلمسی هجرت سنه سنده
ایدی ابن اشجک بموئی ، رسالت پناه افندی عزی کوره رک مسلمان
اولدی . و فاتحه و سورۀ عاقی اوکرنوب عودت ایتدی . دایمی
اشجی دینه دعوت ایتسی کندوسنه تنبیه بیورلش اولغله عودتنده
مشاهداتی خبر و یروب اشجده مسلمان اولدی فقط اسلامی
کیزی طوتدی .

بونلر هنوز مدینه طیبیه وصول لرندن برکون اول
 رسول اکرم صلی الله تعالی علیه وسلم ؛ اصحاب
 کرانه [سیطاع علیکم من هنا ركب هم خیر اهل المشرق .
 لم یکر هوا علی الاسلام قد انضو الركائب واقفوا الزاد
 اللهم اغفر لعبد القیس] بیوردیلر . که اخبار بیوریلان
 ركب عبد القیس سواریلری ایدی .

بونک اوزرینه حضرت عمر ، او مجلسدن قلقوب
 ركب مذکورک کله چکی ستمه طوغری یورودی و بر
 جماعته راست کلدی . اون اوج ویا یکر می سوار ی
 و قرقده آدم ایدی . جناب فاروق جماعته صور دی :
 — « من القوم ؟ »

— « من بنی عبد القیس »

دیه تجواب ویردی لر . حضرت عمر ، اکلایه رق
 انلره قارش ی مودتکارانه بر وضع صمیمی ایله :
 — « اما ان النبی صلی الله علیه وسلم قد ذکرکم
 آنفاً و قد قال خیراً ،

دید ی و کندولرینی برابر آلوب کلدی . حضور
 اقدسه کلدکلرنده انلره :

— « هذا صاحبکم الذی تریدون = ارزوایتدیکیز

شو ذاتدر »

دیه رسالینه افندیلی کوستر ایکن عبدالقیس
جاعتی کندیلرینی راحله نندن باب المسجده طوغری
بره آنهرق نیاب سفرلریله پیشگاه رسالته قوشوشدیلر .
دست و پای اقدسی اویمکه مبادرت ایلدیلر .

افندیلی :

— « من القوم ؟ »

دیه صوردیله . جماعت عبدالقیس :

— « من ربیعة »

جوانی ویرملری اوزرینه طرف دیشرف نبویدن
[خیر ربیعة عبدالقیس مرحباً بالقوم غیر خزايا ولاندامی
انا حجاج بن ظلم عبدالقیس] لطف و نوازشیله ترحیب
بیوردیلر .

رئیسلی اولان عبدالله بن عوف اشج ، نقیب
دست و پای رسالته عاند مبادرت و مسارعنده ارقداشلیرینه
مخالفت ایدمک او قدر استعجال نا بجا کوسترمدی .
ابتدا راحله سنی وقار و تأنی ایله اناخه و اشیانی
جمع ایلدی . بیاض ایکی لباس چیقاروب کیدکن صوکره
یاواش یاواش یورویهرک حضور اقدسه کلدی . ید مؤبدۀ
رسول الاهی تعظیم و محبتله انه آلدی اوپدی . حالبوکه

کندوسی بر رجل دهم ایدی . یعنی ملیح الوجه دکل
ایدی . بر روایت کوره ایشه او آنده حضرت نبی
معظم افندیمز :

— « عبدالله بن عوف اشج هانکیکزدر ؟ »

دیه صوروب اشج :

— « بن یا رسول الله »

جوانی ویرمکه افندیمز، اکابر از دقتله باقدی .
رسول الله صورت نظر هایونلرندن کندی دمامتنه
دقت بیورلمش اولدیغنی ابن اشج، درک و آفطن ایده رک؛
— « یا رسول الله ! انه لا یتقی فی مسوک الرجال
وانما یحتاج الرجل من اصغریه لسانه و قلبه = یا رسول
الله ! بنی آدمک پوستندن صو ایچلمز. لازم اولان ایکی
عضو اصغری یعنی لسانیه قلبیدر،

دیدیکندن حقنده خاصه بذل التفات ایله رسول الله،
انی یانه او طور تدی . و :

— « تبایعون علی انفسکم و قومکم »

بیوردی. عبدالقیس جماعتی، همان بلاتامل جواب
موافقت ویریرلرکن عبدالله قومک شو مسارعتنه قارشیده؛
— « یا رسول الله ! بر آدمی دینندن دوندیرمک

آز قولای دگادر، بز فسخن اوزرینه سکا بیعت ایدرز.
سن بر آدم گوندروب قومی دعوت ایتدیریرسک .
انلردن قبول دین ایدنلر ، بزدن اولور ایتمیانلری قتل
ایدرز ،

دیه سویلیدی .. ملاحظه کارانه اولان بوسوزک تقدیر
و تصویبی زمینده حضرت پیغمبر :

— «ای عبدالله! طوغری سویلک تحقیقا سنده
جذاب حقت سودیکی ایکی حال و خصالت وارکه بری
حلم دیگرلی اناة و تأنیدر ،
بیوردیلر . عبدالله سوينهرك :

— «یا رسول الله! او خصالتلر ، بنده جبلی
و خلقیمیدر حادث و عارضیمیدر ! ،

دیه صوروب [جبلیدر] جواب عالینسی المسیله :
[الحمد لله الذی خلقنی علی خلقین یحبهما] دیه حمد و ثنا
ایلدی جارود دربار درربار نبوییه عرض ایلدی که :
— «یا محمد ! انی کنت علی دین و انی تارك دینی
لدينک فتضمن لی ذنبی ،

بوکا قارشى افندیمز :
— « نعم انما ضامن لك ان قد هداك الى ما هو خیر لك

منه ،

دیه بیورمقله جارود و حایفی سلمه بن عیاض سؤال
 یدیلر :

— « بسم ربك يا محمد »

رسول الله صلى الله عليه وسلم :

— « بشهادة ان لا اله الا الله وانى عبد الله ورسوله
 والبرائة من كل ند — او دين — يعبد من دون الله وبقام
 الصلوة لوقتها و ايتاء الزكاة لحقتها و صوم رمضان و حج
 البيت من استطاع اليه سبيلا بغير الحاد . من عمل صالحاً
 فلنفسه ومن اساء فعليها وماربك بظلام للعبيد »

جوابی ویردی . او زمان جارود و رفیق سلمه
 سؤال مضمحلرینی آچهرق :

— « يا محمد! ان كنت نبياً فاخبرنا عما اضمرنا عليه
 ديدلر . افنديمز همان سنه يعنى او يوقلمه كى بر حال
 خفقانه معروض اوله رق بر مدت قليله صوكره او حال
 كچدى وجه شريفنى يوقارى قالديردى ترى طاماملايور
 ايدى . ديدى كه :

— « اما انت يا جارود! فانك اضمرت على ان تسئنى
 عن دماء الجاهلية وعن حلف الجاهلية و عن المنيحة
 الا وان دم الجاهلية موضوع وحلفها مردود ولا حلف

في الاسلام الاوان افضل الصدقة ان تمنح الخاك ظهر
 دابة اولين شاء فلها تفدو برفده و تروح بمثله . . واما
 انت يا سلمة فانك اضمرت على ان تستلني عن عبادة
 الاوان وعن يوم السباسب و عن عقل الهجين فاما
 عبادة الاوان فان الله تعالى يقول انكم وما تعبدون من
 دون الله حصب جهنم اثم لها وار دون واما يوم السباسب
 فقد اصابه الله ليلة خيرا من الف شهر فاطلبوها في
 العشر الا و اخر من رمضان فلها ليلة باجة سمحة
 لا رشح فيها تطالع الشمس في صبيحتها لاشماع لها واما
 عقل الهجين فان المؤمنين اخوة تتكافأ دماءهم يحجير
 اقصاهم على ادانهم اكر مهم عند الله انقام .

شو جواب على جارود ايله سلمه نك مضر اولان
 سؤالارينه موافق و مطابق ايدي . بناء عليه سؤال
 وانك لاررى تماماً حل ايدلمش اولارق دروني برتسليميتله
 ايمان و اسلام و شرف صحبت و اطاعت سيد الانام ايله
 مشرف و مباهى اولمشلردر .

بنی عبدالقیس جماعتی دیدی ارکه :

— « یا رسول الله انا نیک من شقة بعيدة و انه
 يحول بيننا وبينك هذا الحی من كنار مضر وانا لانصل

اليك الا في شهر حرام فامرنا بامر فصل تأخذه
ونخبز به من و راءنا وندخل به الجنة = بز سكا اوزاق
يرون كليورز . ارامزده كفار بني مضر دن بر جماعت
حائل اولديغنه مبنی انحق اشهر حرمدہ كلہ بیلہ جکر بزہ
برشی امر و تعلیم ایت کہ انی ایشلديکمز تقدیرده جنتہ
کیرہ بیلہ لم . و قبیلہ من خلقنہده سويلیہ لم »

حضرت سید الانبیاء افندیمز، جنتہ مدار دخول
اولمق اوزره اسلامک مبنی علمہی بولنان براساس مصون
عن الاندراسی انلره کوستره رک :

— « آمرکم باربع و انها کم عن اربع . الايمان بالله
و هل تدرون ما الايمان بالله شهادة ان لا اله الا الله واقام
الصلاة و ايتاء الزكاة و صوم رمضان و ان تعطوا من
المغانم الخمس . و انها کم عن اربع . ما انتبهذ في الالباء
و النقيير و الحنتم و المزفت »

بیوردیلر . بونک اوزرینه جماعت مألوفی بولندقلری
هر درلو اسقیه و مشرو باندن ممنوع قالمش دیمک ایدی . که
کیفیت بر از حیرتی موجب اوله رق : [فیم نشرب یارسول
الله] دیه نهی ایچمکه مأذون اوله بیلہ جکلرینی صور دیلر .
افندیمز : « فی اسقیة الادم [ه] جوابی و یردی . جماعت

جسارنه كهرك رخصت استحصانه يول اولقى ايجون :
 [يا رسول الله ان ارضا كثيرة الجر دان] ديه استيذانه
 مسارعت ايتارينه قارشى [وان اكلها الجر دان] بيورلمش
 و بو كلام عالى ، ايكي يا اوج نوبت تكرر ايدلمشدر . ابن
 اشج ارده سوزه باشلايهرق :

— « يا رسول الله بلده منك هواسى ثقيل و وخيم
 اولديغندن ديدكارى مشروباقى ايجمزهك قارنلر يمز بو يور .
 ايمدى بزه شو آووجم طولوسنى ايجمكه رخصت وير ،
 ديه آوجنى كوستردى . بونك اوزرينه شارع اعظم
 صلى الله عليه وسلم افنديمز :

— « يا اشج اكر بن سكا او قدر يينه رخصت
 ويرير ايسهم سنده [ايكي الارينى بريره كتييرمرك
 و آووجنى آچهرق] شو قدرينى ايجرسك حتى حريف
 سوق سرمستى ايله قالقارده عموجهسى اوغلنك ساقندن
 اياغنى قلنج ايله اورور ياره لر »

بيورديلر . مكر عبدالله بن اشجك رفيقلىرى اوراده
 حاضر جهم بن قثم نامنده برينك ساقى اوزرنده اويله
 برحالك يارهسى اثرى وار ايدى .

جهم دير ايدى كه : بن ، رسول الله صلى الله عليه

و سامدن او سوزی دیکار کن ساقده کی یاره اترینی
کور مسون دیه اتمکله کیزلیجه اورتردم. حالبوکه کشف
بیور مشلر ایتمش ! .

بونلر مدینه طیبه ده اون کون مسافر قاله رق اکثر
آیات قرآنیه پی و بعض احکام شرع شریفی اوکرن دیلر.
صوکره جائزه لرینی الوب بلده لرینه عودت ایتدیلر .
عبدالله بن اشجک جائزه سی اون ایکی اوقیه و برنش که
مجموعی بشیوز درهمدر .

ع

وفات ابراهیم بن النبی

علیهما السلام

نجل نجیب نبوت اولان ابراهیم، شهر ربیع الاولده
وفات ایتمشدر . روایتی کوره هنوز اون سکزی آیلق بر
صبی ایدی . ابراهیمک حالت موده ایدوکنی خبر
ویردکری زمان رسول الله عبدالرحمن بن عوف رضی
الله عنک لندن طوتوب برابر عالیده ابوسیف حدادک
خانه سنه کیتدیلر .

ابراهیم والده سی ماریه رضی الله عنانک قوجاغنده

ایدی . حضرت پیغمبر الی قوجاغنه الیدی .. و حاله
 انظر شفقتله یاقوب : [انا بك یا ابراهیم لحزونون .
 تبکی الین و تحزن القلب و لانقول ما یسخط الرب]
 دیدی .. مبارک چشم سعادتلرندن یاش آقیور ایدی .
 او زمان عبدالرحمن بن عوف :

— « یا رسول الله ! سن ده اغارمیسک ؟ بزى

میت اوزرینه بکادن نهی ایتمدکی ،

دیه سوال ایدرکن اقدیمز : [یا ابن عوف انهارحه]
 جوابی ویردی . حسان بن ثابت رضی الله عنہک زوجہ سی
 سیرین ، ماریه حضرت تارینک همشیره سی ایدی . دیدی که بن .
 ابراهیمک باشی او جنده حاضر ایدم . قرن داشم ماریه ایله
 برابر فریاد ایدر ایدک . رسول الله صلی الله علیه وسلم
 بزى منع ایتمز ایدی . فقط ابراهیمک روحی قبض اولننجه
 منع ایلدی .

اسامه بن زیدده بکاء نبوی یی کوره رک فریاده باشلا
 مشدی . حضرت پیغمبر ، اتی ده منع ایلدی . او زمان
 اسامه :

— « یا رسول الله ! سنک اغلادینکی کورونجه بن ده

اغلادم »

دیدیکمندن رسول معظم: [البكاء من الرحمة والصراخ
من الشيطان] بیوردیلر. ابراهیمی روایتہ کورہ دایہ سی
دیگر روایتہ فضل بن عباس رضی اللہ عنہما غسل
ایدوب صوینی عبدالرحمن بن عوف، دوکش ایدی .
حین غسلہ نبی اکرم حاضر بولنہرق نمازینی قیلمش .
و بقیعہ دفن ایتدیروب قبری اوزرینہ صو دوکدیرمش
درہ کہ اسلامده ابتدا صو دوکیلان قبر، قبر ابراهیمدر .

* * *

۵

کسوف شمس

ابراہیمک وفاتی کونی کونش طوتلمش ایدی .
خالق بوکسوفہ بعض معنی ویرہ رک : [ابراهیمک فوقی
سببیلہ طوتولدی] دیمک ایستیلر . کیفیت مسعودعالی
اولغلہ حضرت پیغمبر منبر سعادتلرینہ چیقوب اللہ تعالیٰ یه
حمد و ثادن صوکرہ: [ان الشمس والقمر لا یتان من
آیات اللہ لاینکسفان لموت احدٍ ولا حیاته] بیوردیلر .

* * *

۶

بعث خالد

شهر ربیع الاولده ایدی . حضرت خالد بن الولید ،
بر مقدار عسکرله نجران حوالیسندمه « بنی حارث بن
کعب ، ایله « بنی عبد المدان ، طائفه لرینی دعوته بعث
بیورلمشدر .

محل مأموریتیه وصولنده انلری اوج نوبت اسلامه
دعوت ایدمه جک قبول واجابتلری تقدیرده ایچارنده برمدت
اقامتله کندولرینه کتاب الله وسنت رسول اللهی اوکره ته جک
وعکس تقدیرده انلرله مقاتله ایدمه جک ایدی . قبیله
قبول اسلام ایتدیکندن بشقه درلو کلفت التزامنه حاجت
قالیه رق فرمان نبوی موجبجه برمدت قالدی . قرآن
کریمی وبعض سنن سنیهی تعلیم ایلدی .

خالد ، کیفیتی مکتوب ایله سده سنیه رسالتیناهییه
عرض ایتمکله رسول اکرم صلی الله علیه وسلم ،
جوابده قومی هم تبشیر وهم تخویف ایتسنی وبرقاجده
آدملرینی برلکده کتیره سنی امر بیوردیلر .

وفود بنی ماریت — خالد دخی انلردن برجامتله مدینه
منوره یه کلدی ایچلرنده « قیس بن حصین ذوالغصه ،
یزید بن المحجل ، شداد بن عبدالله » وار ایدی .
مجلس عالی رسول الله، کلوب سلام ویردیلر [نشهدان
لااله الا الله و انک رسول الله] دیدیلر .
حضرت پیغمبر، سؤال ایتشدی که :

— « سزکله حرب ایدن طائفه یه ناصل غالب
اولوردیکیز ،
بونلر :

— « یکوجودکی حرکت ایدرک آیرلمزدک کیمسه یه
ظلمله بادی اولمزدک »

جوابی ویردیلر . افسدیمز ، او جوابی
بالتصدیق « قیس بن حصین » ی اوزرلرینه امیر
نصب ایدوب عودت لرینه رخصت ویردی . صوکرده .
« عمر بن حزم » ی انلره امیر کوندردی . انتقال حضرت
رسالت پناهی زمانه دکن عمر ، او قومک خدمت امارتنده
قالشدر .

۷

سریه علی

مینده بلاد مذحجه

شهر شریف رمضانده ایدی . حضرت علی بن ابی طالب کرم الله وجهه اوچ یوز نفر سواری ایله یمنه اعزام بیورلمشدر .

رسول الله صلی الله علیه و سلم ، یدمؤبد سعادتیله جناب علینک باشنه برصاریق صاردی و بر لواء عقد ایدوب انمه ویردی که مذکور عمامه نك ایکی علاقه سی وار ایدی . بری اولک جانبدن بر ذراعہ قریب ایدی . دیکری ارقه طرفدن بر قاریش قدر ایدی . یمن خالق مخالف و مقاتله قیام ایتدی که حضرت علی مقاتله ایتیمه جک ایدی . بیان عجز و یا اظهار تواضع زمینده اوله رق :

— یا رسول الله ! بنی بندن یاشلی اهل کتاب بر جماعته کوند ریورسک حالبوکه بن ، دها- حدیث السنم امر قضایه بصیرت اوزره اولهم .

دیمکه رسید الانام افدیمز ، مبارك اللربنی علینک

صدرینه قویوب: [اللهم ثبت لسانه واهد قلبه] دعاسنی
ایتدکن صوکره :

— « یا علی ! ایکی خصم کلوب سنک قارشیکده
اوطورورلر ایسه هر برینک افاده سنی تمامیه دیکامدکجه
دعوالرینه حکم اتمه »

دیه امر و تنبیه بیوردیلر . اشبو دعاء نبوینک
برکتیله حضرت علی ایچون امر حکم و قضاده هیج
برزمان بر درلو شک و اشکال واقع اولماش و تقدیر
اصابت حکم و قضایی حقنده لسان رسالتن :
[اقضاکم علی] نعت عالیسی شرفصدور بیورلمشدر .
حضرت علی یمنه توجهنده اصحابی اطرافه طاغیدوب
مخالفته قیام ایدنلری تنکیل و امواللرینی اغتنام
ایتمشدر . صوکره جماعت اعراب ایچنه کیره رک جمله سنی
دینه دعوت ایتدیکی حالد اعراب مرقومه ،
مخالفته سریئه اسلامه اوق آتمغه باشلادیلر . بری طرفدن
ده بالمقابله مخالفلرک یکر میسی قتل و جمعیتلری پریشان
ایدلدی . شو قدرکه حضرت علی ، تعقیب ایتدیرمیه رک
بالواسطه اسلامی تکلیف ایلدی . انلرده حرکات

سابقه لرینک خلاقی اوله رق قبول اسلامه مسارعت و نبی
ذیشان نامنه عرض بیعت ایتشلردر .

حضرت علی ، محل مأموریتنه وارد یغنده امام
اوله رق نماز قیلدیردی . نمازدن سو کره معیتند کی عسکری
صره طور دیردی . کندوسی اورتیه کیردی . طرف
اشرف رسالتپناهیدن حامل اولدینی نامه سعادتی او قویوب
بتون اهل یمنی دینه دعوت ایتدی . اهل همدان دخی
هپ بر او غوردن مسلمان اولدیلر . حضرت علی کیفیتی
عقبه علیای رسالتیه مکتوب ایله عرض ایتمکله ، اهل
همدانک قبول اسلامی نزد عالی جناب پیغمبریده زیاده
محظوظیتی مستلزم اوله رق اقدیمز ، سجده شکر
ایلمش و سجده دن باشنی قالدیریر ایکن ایکی کره :
[السلام علی همدان] بیور مشدر .

حضرت علی غنیمتدن حضور اقدسه بر
مقدار التون کوندرمشدی . رسالتپناه اقدیمز ، انی
عینه بن حصین ، اقوع بن حابس ، زید الخیر بن مهاهل ،
علقمه بن علائه درت قسم تقسیم ایتسیله امحابدن
ذواخویصره نامنده بری اعتراضه تصدی ایدرک :

— « بز ، او التونه انلردن دها زیاده مستحق

ایدک ،

دیمشدی . رسول اکرم ، انک اوسوزندن خوشنود
اولمدی : [الا تأمنونی وانا امین من فی السماء یأتینی خبر
السماء صباحاً و مساءً] بیوردی .
ذوالخویصره ، بو دفعه ایاغه قالقهرق و ازارینی
کندینه طوبایلهرق اعتراضده بالاصرار :
— « یارسول الله ! اللهم قورق ! »
دیدى علیه الصلوة والسلام افندیمز :
— « ویلک اولست احق اهل الارض ان ینقی الله ،
بیورور ایکن ذوالخویصره کبری دوندی ، حضور
پر نور رسالتدن طیشاری چیقدی .
او زمان مجلس پیغمبریده حاضر بولنان اصحاب
کرامدن خالد بن الولید ، دیگر روایتده حضرت عمر
الفاروق رضی الله عنهما :
— « یارسول الله ! بوینی اورمیمی ؟ »
دیدى ایسه ده رسالتده افندیمز :
— « خیر بلکه اهل صلاتدر »
دیه آنی رد بیوردیلر ، صحابی مشارالیه :
— نیجه اهل صلوة وارکه قلبلرنده اولیان شیئی
لسانلریله سویرلر .

دیدیکی حالدہ :

— ہن ناسک قلوبنی دلسک و بطوننی یارمغہ مأمور

اولدم :

جواب عالیسی و برلش امر اسلامده ظواہر احوال
خالقہ کورہ حکم و معاملہ اولنہرق بو اطن ناسہ دخل
و تعرض ایدلماک افتضا ایدمچکی نانیہ و اخطار
بیورلشدر .

بو جواب عالیارندن صوکرہ بی اکرم ، ذو
الخویصرمہ معنیدار بر صورتده نظر بیوردیلر . حریف ،
وضع مغضب اوزرہ طیشاری کیدبور ایدی . نظرہاؤنک
عقینده : [اہ یخرج من ضفئی هذا قوم یتلون کتاب
الله رطباً . لا یجاوز حناجرهم . یمرقون من الدین کایمرق
السهم من الرمية . لئن ادرکتہم لاقتلنہم قتل ثمود = شو
آدمک صابندن بر قوم ظہور ایدرکہ قرآنی کوزل
او قورلر بوغازلرندن اینجری کچمز ، اوق یایدن چیقار
کی دیندن چیقہ جقار ! . بن ، اکر انلرہ یتشسہم کافہسنی
قتل ثمود کی قتل و ہلاک ایدرم] بیوردیلر ! .

اخبار مغیبانہ دائر اولان معجزاتندرکہ طائفہ

خوارجک پیشواسی بولنان « حرقوص بن زہیر » ذو

الخوایصره نك اولادندندر. وقعة صفینده امر تحکیمك
عدم مشروعتی طرفدارى اوله رق خوارج ، امامتله
مرقومه بیعت ایتمشدی!

حضرت علی، خمس غنیمتدن بر جاریه بی آلوب
استفراش ایلمسندن طولای بریده بن الحصیب، استفراش
واقعی خطایه حمل ایدرک منفعل اولمش و حین عودتله رنده
کیفیتی مرض عتبه علیا ایلمش ایدی. سید الانام علیه
افضل الصلوة و السلام افندیمز، سؤال بیوردیلر :

— « یا بریده! سن علی یه بغض ایدرمیسک؟ »

بریده :

— « اوت »

دیدى . بو جواب ، مرضی عالی رسالتپناهى یه
موافق کلامش ایدی. مبارک یناقلری قیزاروب :

— « سن علی یه بغض و سوء ظن ایتمه که خمدده
انك اندن زیاده حق و نصیبی واردر. . علی بنسندندر .
بنده علیدنیم . هر کیم که بن ، انك ولیسی یم علی ده
ولیسیدر »

بیوردیلر . بریده دیر ایدی که :

حضرت رسول الله صلى الله تعالى علیه و سلمك
اشبو امر وارشادینك شرف صدورندن صوکره اصحاب

گرام ایچمه علی کرم الله وجهه دن زیاده سوکیم برکیمسه
بولندی .

۸

وفود بنی حنیف

تمامه خلقتدن اون یدی نفر کیمسه لر ایدی .
مسيلمه بن تمامه دخی برلکده ایدی انصار کرامدن
و بنی نجاردن برقادینک خاهسنه مسافر اوله رق اورادن
حضور اقدس رسالته کلش لر قبول اسلام ایتشاردر .
مسيلمه ، غایت چیرکین بر صورت وسیرتده ایدی .
رفیق لری ایله حضور سعادت کیمیه رک منزله ده تخلف
و توقف ایلدی . و : « محمد [علیه الصلوة والسلام] بنی
کندوسندن صوکره خلیفه ایدم جک اولورسه اتباع ایدرم »
دیددی . که کیفیت ، مسموع عالی اوله رق سید الانام
افدیمز ، دست همایونلرنده بر خرما دالی بولندیغی حالده
ثابت بن قیس بن شماس رضی الله عنه ایله برلکده مسيلمه نك
اولدیغی محله کیتدی . مسيلمه ، منزله ده و ارقداشلری
آرسنده ایدی باشی اوجنه طوره رق :

— « سن ، بندن بو دالی بیله ایسته مش اولسه ک

ویرم. حقکده کی امر و تقدیر الہی بی تجاوزایدہ منسک.
اگر حقہ مخالفت ایدرسہک اللہ تعالی البت سنی قہر
و عقر ایدر. سن مطلقا بکا کوسترلمش اولان شخص
اولہ جقسسک. بو ثابت، سکا بندن جواب ویریر،
دیدى. اورادن کیری دوندى.

مسيلمہ یمامہ یہ عودتہندہ ارتداد ایتمکله برابر امر
نبوتہ رسول اکرمہ شرکتی ادعا ایدہ رک: [من مسيلمہ
رسول اللہ الی محمد رسول اللہ اما بعد فانی قد اشركت
معک فی الامر. وان لنا نصف الامر. ولقریش نصف
الامر.] عبارہ سيلمہ یازدینى مکتوبی عونہ سندن ایکی
شخص یدیلہ جناب اقدس رسالتپناہی بہ کوندردى.
حضرت پیغمبر، مکتوبی او قودقدن صوکرہ کلن
آدملرہ صوردى:

— « سز بنم رسول اللہ اولدیغمہ شہادت
ایدرمیسکیز؟ »

جواب ویردیلر:

— « اوت ایدرز »

— « مسيلمہ نک رسول اللہ اولدیغمہ شہادت

ایدرمیسکیز؟ »

— « اوت امر نبوتده سنکله اور تا قدر »

صوڪ جواب غضب و انفعالى مستلزم اوله رق
افديمز ، تبسم ابتداى . و :

— « اكر سز اياچي اولسيديكز شمدى هر
ايكيزك بويونلريكزى اورديرير ايدم »

بيورديار . و مسيلميه : [من محمد رسول الله
الى مسيلمه الكذاب سلام على من اتبع الهدى اما بعد
فان الارض لله يورثها من يشاء من عباده والعاقبة
للمتقين] جوابنامه عايسنى يازوب كوندردى .

مسيلمه ، نامه على نبوى صاقلايه رق كويا
نبوتده مسيلمه نك تصديق و قبول شرκτηه دائر ساخته
بر مکتوب تصنييع و ترتيب ايله اعلان ايتمش وقومنى او
مکتوب مصنوع ايله اغفال و اضلال ايلامشدر .

حبيب خدا افديمز ، بر زمان رؤيانرنده كورمشاردى كه :
الارنده التوندن ايكي بيله زيك وار ! اندن مهموم
ايكن اويله نكلره اوفورمسي ينه او آنده الهام اوانه رق
اوفورمسييله بيله زيكلر الندن در حال غائب و نابيد
اولمش ؟ . .

بو رؤيائي كندوسندن صوكره ظهور ايدمك

ایکی کذاب ایلہ تاویل و تعبیر بیورمش ایدی که بری صاحب یمامه مسیلمه ، دیکری ده صاحب صنعا اسود عنیدر .

مسیلمه کندوسنه وحی کتیرن شخصک «رحمان» اسمنده اندیغنی سویلمسی سبیلله یمامه ده کی عونہ سی . بیزنده «رحمان یمامه» لقبیلله اشتهار اتمشیدی مسیلمه او حالنده ثابت و مصر اوله رق کافراً کتمشدر . بر طاقم کلمات مسیلمه و مزخرفه بی ترکیب و تألیف ایدوب وحی منزل دیه خلغه اعلان ایدردی که بونکله اعظم المہجزات سید سکنه کائنات اولان قرآن عظیم الشانک . گویا نظیری کندوسنه ده انزال ایدلمکده ایدوکنی عونہ سنه سویلردی ،

* *

۹

وفود ازد شنوبه

بنی ازد، سرد بن عبدالله ایلہ برابر گلش مسلمان ارملشردی .

حضرت سرد ، طرف اشرف نبویدن کندی قیلہ سنه امیر نصب بیورملقله برابر یمن حوالیسندنه کی .

مشرکین ایلہ حرب و قتالہ مأمور دخی بیورلشدی .
 سرد معیتلہ غزایہ جیقیدی «جرش» نام محلہ کی
 قبائلی محاصرہ آیتدی بر ای قدر دوام ایلدیکی حالہ
 فتح و موفقیت یوز کوسترمدیکندن محاصرہدن فراغتہ
 ملکیتہ مراجعت و شکر نام محلہ موصلت آیتدی .
 محصورین ایسہ سردک فراغتہ انہزام صورتیلہ ایدوکی
 ظہر اودھاب باطلاندہ بولہرق تعقیبہ باشلادیلر . سردجہ
 مطلوب اولانزدہ اوایدی درحال جرش قبائلنہ کیریشدی .
 پک چوقلرینی قیردی .

سردک شو مقاتلہسی اقشامی جرشلایلدن ایکی
 آدم، مدینہ طیبہدہ حضور سیدالانامیدہ ایدی . افدیمز:
 — «شکر ہانکی بلدہ دہدر»

بیوردیلر . او ایکی آدم :

— «بزدہ کشر دیزلر بر طاغ واردر ،

دیہ جواب ویریرلرکن :

— «اوکشر دکل شکردر ،

بیورلسلیلہ نیچون سورولدیغنی استفسار آیتدیلر .

حضرت نبی اکرم :

— «اللہک قربانلقلری اورادہ شمدی بوغازلانہ

تمقدہدر»

جوابی ویردی. بو سوزدن مقصود عالی به انجق
حضرت ابی بکر الصدیق ایله عثمان رضی الله عنهما
مطاع اوله رق: [ذکر اولنان محله قومکزک بو ساعتده
قتل ایدلمکده اولدقلرینی سزه خبر ویره یور. سویلیکیز
حققرنده دعا ایتسون] دیدیلر ایکی جرشی قوملرینک
علیهده کی مصیبتک رفی ایچون دعا التماس ایتدیلر.
رسول الله صلی الله علیه و سلم افسدیمز دخی:
[اللهم ارفع عنهم] دیه دعا بیوردیلر. بلده لرینه
کدکلی زمان اکلا دیلرکه لسان شریف رسالتدن خبر
آلدقلى اقشام عین ساعتده صردک عسکرندن قوم،
مقتول و مصاب اولمش !.

ماجرای انلر، قبیله لرینه خبر ویردیلر. جرش اها-
لیسندن برخیلی کیمسه لر بوسبیله صدق رسالت احمدیه
ایمان ایدرک آندن صوکره مدینه طاهره یه کلوب مسلمان
اولشاردر.

۹۰

وفود نصارای نجران

نجران، مکه مکرمه نك یمن جهتده یدی مرحله

مسافده بر بلده در نصرانی اولان اها ایسنک طرف جلیل
واجب النبیجیل نبویدن مکتوب کس طیریله دینه دعوت
اولمسی اوزرینه بر جعاعی، اون درت و دیگر روایتیه
کوره الشمس نقر سواری اولدقلری حالده مدینه سعاده
کادیلر .

رئیسلری بنی کندهدن «عاقب عبدالمسیح، ایدی
بنی ربیمه دن «ابو الحارث بن علقمه، و برادری «کرز»
و حارثک اوغللری «سید ایهم، ایله «اوس، و «زید بن
قیس» و «شیبه»، «خویدل، خالد، عمرو، عبدالله» نام کیسه
لر اعیان وفود نجراندن ایدیلر .

بونلردن «عاقب عبدالمسیح، قومک امیری و صاحب
رأی و تدبیری ایدی «سید ایهم، امیر ثانیسی و سرعسکری
«ابو الحارث بن علقمه، رئیس العلماسی ایدی .

مدینه طیبه یه کلدکلرنده سفر انوابلرینی چیقاروب
حریردن خلهر کیدیلر . التوندن یوزوکارینی طاقینوب
مسجد رسول الله او بله کیتدیلر سلام و یردیلر . مسجد
شریفده قبل المشرقه توجهله نماز قیلدغه باشلادیلر . اصحاب
گرامده بونلری منع ایدمک اولدیلر . . رسول مکرم
صلی الله تعالی علیه و سلم اقدیمز :

— « براغیکز »

دیدنی نمازدن صوکره حضور عالی به کلدیله . فقط
 الفاته بائل اوله مدیله . حتی سوزلرینه جواب بیله ویرلمدی .
 صوکره حضور عالیدن طیشاری چیقمدیله . حضرت
 عثمان بن عفان و عبدالرحمن بن عوف رضی الله عنهما
 ایله معارفه لرلی اولدیغنه مبنی انلره واردیلر : [مکتوب
 و دعوتیله کلدک . سلامی بیله آلمدی . کیده لم می
 طوره لم می] دیمک ایستدیله . حضرت علی کرم الله وجهه ،
 او آنده حاضر ایدی . عثمان ایله عبدالرحمن ، جناب علیدن
 استفسار رأی ایتدیله . حضرت علی . وفودنجرانک زی
 رهبانده اولدقلری حالدده حضور رسالته کیرمه لرینی توصیه
 ایتدی .

ابره سی کونی فاخر لاسلریله التون یوزوکلرینی ترک
 ایدوب رهبان قیافتنده حضور اقدسه کلدیله . سلام ویر
 دیله . افندیمز بودفعه سلاملرینی الدی . و حقلرنده :
 [بونلرک یامه اولکی کلیشلرنده شیطان ، برابرلرنده ایدی]
 بیوردی و بر از مکالمه دن صوکره دینه دعوت ایتدی .
 ابا و امتناع کوستر دیله . و سوزی چوغالتدیله :

— « عیسی [علیه السلام] حقنده نه دیرسک »

دیدیلر . حضرت سید الانام :

— «بو کون بر شی دیه م توقت ایدیگز جواب
آلیرسکز»

جوانی ویردی. او اناده [ان مثل عیسی عندالله
کمنل آدم خلقه من تراب ثم قال له کن فیکون] آیت
کریمه سی نازل اولدوق ایرته سی کون مرض جـوابده
آیت جایلله ی انلره تلاوت بیوردی، قبول ایتدیلر.
کندی ادعا و اعتقاد سخیفلرنده مصر اولدیلر.

حضرت پیغمبر:

— «مادم که اینانمزسکز کلیمز سزکه مباھله ایدم
دیه بیوردی. نجرانیلر، ایرته سی کونه قدر مهلت
ایستدیلر»

منزلارنده ایتدکری مشاوره و مذاکره ده عاقبت
رأینه مراجعت ایتدیلر. عاقب، بونلری مباھله دن منع
و تحذیر ایتدی. دیدی که:

— «سز تحقیقا بیلورسکزکه محمد [علیه السلام]
نیدر. صاحبکزی عیسی حقنده بر دلیل ظاهر دخی کتیر.
مشدر. انکله مباھله جائز اولمز. هیچ برنجی ایله مباھله
ایدوب صاغ قالمش قوم یوقدر. اگر مباھله ایدرسه کز
محقق هلاک اولورسکز. کندی دینکزده ثابت اولاق»

دیلسه کز مصالحه دن ایو یول یوقدر. او حالدہ جزیه یی قبول ایدیکز .

نجرانیلر، آرتق مباہلہ دن واز کچمشدی. ایرتہ سی صباح مسجد شریف رسالتپناہی یه متوجہا کلیرلر کن کوردیلرکه: حبيب کبر یا حجرۂ سعادتلرندن چیقمش.. نور چشم بتول حسین بن علی یی قوجاغنه المش.. حسنک النبی طومش! فاطمة الزهراء وعلی المرتضیٰ دخی اردنجه کلیورلر. انلرہ: [بن دعا ایدرم سز آمین دییکز] بیورمش ! .

نجرانیلر، اهل بیت نبوتک او یله بر حالدہ کلدکارینی کورملری و دعا و آمین سوزی ده ایشتمش اولملری ، نظرلرنده دهشت و خشیتی موجب اوله ورق رئیس العلماسی بولنان ابو الحارث، رفیققلربنه :

— « بن، بونلرده بر یوز کوردم که اگر بونلر، برجیلی یرندن قالدیرمسنی ایسترلرسه جناب حق ، هر حالدہ قالدیریر.. زنهار مباہلہ ایتیکز که عقیبنده هلاککیز مقرردر یر یوزنده بر نصرانی قالمز ، دیمکه انلر، حضور عالیده :

— « یا ابا القاسم! مباہلہ ایتیه جکیز ،

دیتکه مجبور اولدیلار . رسول الله صلی الله علیه
و سلم :

— و مباحله ایتیمه چکمه کیز مسلمان اولیکز . که نفع
و ضرردن مسلمانلره هر نه دوشرسه سزده حصه دار
اولورسکیز .

دیدى . انلر بونیده قبول ایتدکارندن محاربه یه
حاضر اولماری امر و تنبیه بیورلدینی حالده [عربلرله
محاربه یه قدرتمز یوقدر و لیکن مصالحه ایدلم] جوابی
ویرملری اوزرینه مصالحه تقرر ایتدی .

بدل صلح ، سنوی ایکی بیک حله ایدی . هر حله بك
قرق درهم کموش قیمتند . اولمسی شرط ایدی . بیکی
شهر رجیده . بیکی ده ماه صفرده تسلیم ایدیله جک ایدی .
یمن اسلاملری علمهنده . ماحوظ اولان وقایع فوق العاده
ایچون حین حاجتده اوتوز عدد درع اوتوز عدد رمح .
اوتوز رأس دوه ، اوتوز رأس ده آت اعاره ایتلملری دخی
شرط قلندی .

شرائط بسوطة اوزرینه نجران و حوالیسی خلقك نفس
و دینلری اموال و اراضی و بیع و شراء و هر درلو تجارتلری
جوار و تمهده آلدی . هیچ براسقف سقیفاسندن ، راهب

رهبانیتندن واقف و قفایتندن تغییر ایدنیه جکی بسط و بیان
ایله کیفیته ابوسفیان ، اقرع بن حابس ، مغیره بن شعبه
کچی بعض ذوات اشهاد ایدلدی . و اولابده تسطیر اولنان
صلحنامه نجرانیلرک الله ویرلدی .

۶۶

بعث ابی عییده

نصارای نجران ، نجرانه عودت ایده جکلری صروده
برلکده کیدوب طرفنه تسلیم ایده جکلری اموالی المق
اوزره امین بر آدم ایسته مشلردی . رسول اکرم صلی
الله تعالی علیه وسلم افندیمز :

— « لا یبئن معکم رجلاً امیناً حق امین »

دیه وقت ظهر دن صوکره مراجعت ایتلرینی امر
و توصیه بیوردیلر . بو ستایش عالییه نائل اوله جق ذات ،
اصحاب کرامجه معلوم دکل ایدی . هر کسده نائلیت ارزوسی
ظهور ایدمرک کمال مرتبه ده اولان بودرجه امینیتله شرف
مبعوثیتی اصحاب کرام ترقب و تأمل ایتدیلر . حتی عمر
الفاروق رضی الله تعالی عنه حضرتلری دیر ایدی که :

بی بحث ایتک امید و ارزو سیله او کون وقت ظهوردن
اول مسجد شریفه کیتدم رسول الله ظهور نمازندن فارغ
اوله رق صاغه صوله باقدی. صحابی معاینه ایتدی بن ..
او زمان خلقك ارمسندن گنیدی ایلری سوروب نظر
هایونارینه صوقولدم !

هر کس ، منتظر و مترقب خطاب و توجیه ایکن
افندیتمز : [قُم یا اباعیبة] بیوروب ابو عبیده دخی قیام
ایتدی .. او زمان جناب پیغمبر :
— « هذا امین هذه الامة »

سنایش کراقدر کزینیله صحابی مشارالیه ک قدر
ومنزلتی برقات دها اعلا بیورومشردر .
ابو عبیده عامر بن الجراح رضی الله تعالی عنه
حضر تلری ، برلکده نجرانه کیتدی . چوق زمان کچمدن
سید ایله عاقب ، مدینه طیبه به کلهرک مسلمان اولدیلر ..
فقط صلحنامه نك احکامی ینه باقی ایدی . حتی زمان
خلافت صدیقیده تماماً و حرفیاً معمول و معتبر طوتیلوب
انجق فاروق زمانده ایجاب حال و مصلحتله بعض احکامی
تغییر ایدلمشدر .

۱۲

وفود بنی خولان

اون نفر ایدی :

— « یا رسول الله ! بز. خدایک وحدایتی وسنک
 صدق نبوت و رسالتکی تصدیق ایدرک اولیه کلدک.
 انجق سنی زیارت عزم و قصدیلہ قوملو و طاشلو بونجه
 مسافاتی قطع ایندک. دربار سمادتک کلدک . له الحمد
 موفقده اولدق »

دیدیلر. سیدالانام علیه افضل الصلوة والسلام افندیمر:
 — « بو سفردہ هر برخطوہ کہ دوہ لریکنز طاشلی
 وقوملی یرلردہ آئمشددر مقابلندہ سزه بر حسنہ ویریلوزہ
 و بنی زیارت ایتدیکنز. بیلمش اولیکنزه هر کیم کہ مدینہ یه
 زیارتہ کایر قیامت کونندہ بنم جوارمدہ اولسه کر کدر »
 جوابی اعطا ایلہ برابر عہدہ وفا ، امانتی ادا و
 قومشو حقنہ رعایت خصوصلرینی بالتنبیہ ظلمدن نہی و
 تحذیر اولہرق [ان الظلم ظلمات یوم القيمة] بیوردیلر.
 خولاندہ کی صنمک حالی صورلدینی زمان بنی خولان
 جماعتی، صنم مر قومک دین اسلامہ تبدل ایلدیکی جوابی

ویردیلر، نور اسلام، صنعك ظلمت وجود و احوالی
 عوایدرك اسکی اعتباری بر اقدیغنی و یاننده یالکز
 بر قاری بر قوجه دن بشقه کیمسه قالدیغنی خبر
 ویردیلر، وعودتارنده همان هدم و تخریب ایدم جکلرینیه ده
 علاوه ایتدیلر.

بونلر مدینه طیه ده بولاندقلری ایامده دین مبین
 اسلامک بعض فرائض و احکامنی اوکرنیدیلر، صکره جائزه لرینیه
 الوب بلده لرینیه عودت ایلدیلر.

•
••

۱۳

وفود بنی مدلج

بنی مدلج دن رهاوین جماعتی، اون بش قدرسواری
 ایدیلر. رمله بنت الحارثک خانه سنه ایندیرلمشله. جناب رسول
 الله، اصحاب کرامندن بر جماعتله برلکده انلرک استفسار
 خاطر لرینیه واردی. بر مدت مصاحبت و محادثت ایلدی.
 بنی مدلج، نزدلرنده بولنان ازواد و ارزاقدن بر مقدار
 چیقاروب رسم ضیافتله حضرت پیغمبرک حضور
 سعادت لرینیه تقدیم ایتدیلر. و:

— « یار رسول الله ! مبارك دست هایونلربكزی
ایصال ایدوب طعامدن تناول بیوریکز »
دیدیلر . حضرت بنی اکرم :

— « بن صائم »

دیه اصحاب کرامنه امرایلدی . اصحاب کرام ، طعامدن
دیدیلر .

بنی مدلج ، بض هدایا ایله ککشلردی . جمله هدایاک
بری مرواح اسمنده برآت ایدی . امر جلیل پیغمبری
ایله بری بینوب کیفیت جری و رفتاری تجربه ومعاینه
اولندی . رسول اکرم :

— « بن ظن ایدردم که بوآت ، واسع الجریدره
دیدی . مسافربندن بری :

— « اوت یار رسول الله ! بوآت بحردر یعنی واسع
الجریدر و لکن اوزاق یردن کلوب یورولدی . برازده
خسته لندی »

دیمکله حضرت رسول الله ، تیماربنی تربیه و اصلاحنی
امر بیوردی . بنی مدلج مسافرلری دخی اوآت
ایولشنجهیه دکین مدینهده قالدیلر . رسول اکرم ، مسابقه
امر بیورمشلردی .. انی هدیه کتیرمش اولان ذات :

— و یا رسول الله! اذن و یریکزده بن ینوب
کذا م قوشدیریم .

دیدى . مساعده سفيه ارزان بیورمغه او ذات
ینوب حیوان ، مساعده برنجی کدی ! . رسول الله
صلی الله علیه وسلم افدیمر بکندی . و : [ما اراه الا
بحراً] دهرک عوضی اولق اوزره صاحبه انعام
و غیرلرینه جائزله احسان بیوردی .

..

۹۴

وفود بنی غسان

اوج نفر ایدی . مسلمان اولدیلر . و حضرت
پیغمبردن جائزله لرینی آلهرق عودت ایتدیلر قوملرینک
اتباعلرنده شک و شبهه ایلدکارندن ناشی بلدملرنده فقط
اظهار اسلام ایدمدیلر .

..

۹۵

وفود بنی غامد

یمنده قبیله ازدک براء بنی بولان غامد وفودی اون

نفر اولدقلری حالده کلوب « بقیع الغرقه » قونديلر .
 منزلارنده اك كوچكلىرىنى اشيا بکلمکه براغهرق حضور
 پرنور رسالتیناهییه کلدیلر سلام ویردیلر . مسلمان
 اولدیلر . بناءً عليه احکام شرع و اسلامى حاوی برنامه
 یازیلوب اللرينه ویرلمشدى .

رسول الله صلى الله تعالى عليه وسلم افنديمز ،
 سؤال ايتدى :

— « منزلکزده بريکزی براقديکزمى ایدی؟ »
 — « متاعمزی بکلمک اوزره کوچوک بر غلام
 قالمشدى »

ديديلر . افنديمز :

— « او غلام اويودی . سارق کلدی . بريکزک
 اثوابی چالدى »

ديه بيوردی . حضرت نبی الله بو صوک سوزی
 سويلرکن نبی غامد مسافرلرندن بری :

— « يا رسول الله ! بندن بشقه کيمسه نك اوراده
 اثوابی يوقدر »

ديدی . حضرت پیغمبر، سوزینه دوام ايله :

— « غلام - نك اثوابكى كبرى آلى »

بيوردى . بونك اوزرىنه مسافرلر عجله منزللرينه
كلوب اكلاديلر كه غلام اويانهرق سارقى تعقيب ايتمش و
سارنك برچوقورده كيزلديكى اثوابى آلوب كبرى منزله
كلش !

كيفيت ماجرى ، تصديق نبوت ورسالت خصوصندهكى
تموت قابيله لرينه برقات ده امدار اولارق غلام دخی
قبول دين مبین اسلام ايلامه دره . مدینه دایه ده قالدقلى
مدتجه کندولرينه قرآن كرىمى ابى بن كعب حضرتلرى
تعليم ايدردى .

..

۱۶

قدوم عدی بن حاتم طائی

عدینك قدومى ، شهر شعباده ابدى . عدی اسلام
خصوصنده همشیره سى سفانه ايله . مذاكره ايتدى . سفانه
عدى بی اسلامه وطاعت سيدالانامه دلالت ايتمشدى .
هدایت سبحانیه ايله عدی . مدینه پاك نبوته كلدرک
بارگاه پیغمبری به دخیل اولدی اوزمان حضرت پیغمبر :

— « سن کیمسک ؟ »

دیه صورتی . عدی . جواب وردی :

— « عدی بن حاتم »

جناب رسول الله، ممنونیتله قیام ایدرک حجره سعادترینه
طوغری یورودی . عدی دخی برلکده ایدی ، یولده
بر قوجه قاری ، راست کلرک حضرت پیغمبری لافه
طوتدی قوجه قارینک معروضائی ایچون نبی اکرم برخیلی
زمان یولده توقفله حاجتی روا بیوردی . عدی ، بودرلو
معامله دن تعجب ایتمکده ایدی . کندی کندینه ملاحظه
ایدرک [هیچ بر پادشاه بر قوجه قاری ایچون یولده
بو قدر توقف ایتمز بوسیرت مطلقاً سیر انیادندر] دیور
ایدی . صوکره حجره سعادته واردیلر . خرما لینی
ظولدرلش ، سختیاندن دیکلشمش بر یاصدیق چیقاروب
یره دوشه دی . اوزرینه اوطور مسنی عدی یه امرایتدی .
عدی ، تأدباً : [یارسول الله ! سن اوطور] دیدیسه ده
امر و ابرام بیورلمقله عدی ، یاصدیق اوزرینه حضرت
پیغمبرده خاکه اوطوردی .

عدی ینه کندی کندینه دوشوندی . بوده ملوک
عادتی دکل بلکه انباء و رسل صفتیدر دیدی .

سید الانبیا علیہ الفضل التحایا اقدیمز ، عدی به
خطا :

— « سن فلان مذهبه ايدك . و فلان ايشی
ايشار ايدك حالبوکه او ايش سنك مذهبهکه جائز دکل
ایدی . »

بیوردیار . عدی . ارتق یقین حاصل ایتشدی که
نجی مبعوث بالحقیدر . او اراده بر آدم کلهرك حضور
سمادته فقر وفاقه دن بحث و شکایت ایتدی . صوکره
بردیگری ده کلدی قطع وقطاع طریقدن شکایت ایلدی .
رسول ذیشان :

— « یاعدی ! سنی قبول اسلامدن منع ایدن نی ،
اگر مسلمانلرده کوردیکک فقر وفاقه ایسه امین و آگاه
اول . اسلامده مال او قدر چوغاله جقدرکه حریف ، بر
آوج النون و کموش ایله چیقوب کزه جکده الهجق
آدم بوله میه جقدر ! یاعدی ! شایدکه اعداک کثرتی و اهل
اسلامک قاتی ایسه عمرو حیانک وفا ایدر ایسه مسلمانلرک
اول مرتبهده چوغالیدیغنی و حوزة اسلامک اولقدر
توسع ایلدیکنی کوره جکسککه بر قادین ناقه سوار اولدیغنی
جالده الله قورقوسندن بشقه بر کونه خوف و تحاشیسی

اولمقسن بن یالکوز کندی باشنه حیره شهرندن زیارت بیت
اللهه کلیمور. اکر مالکک کفار انده اولدینی ایسه عمرک
اوزار ایسه کنوز کسراک فتح اولندیغنی ده کوره جکسک
بیوردیلر. عدی، ایرانک قوت و مکنتنی ملاحظه
ایده رک استبعاد صورتنده :

— « کسری بن هرمرمی؟ »

دیه صوردی: [کسری بن هرمر] جوانی آلدی.
هر درلو حقایق نظرنده ظهور ایتشدی .

دیه جک بر شی وادی اشتباه اوله جق بر جهت
قالماشدی . یالکوز تسلیمیت کامله ایله عرض اطاعت
قالمشدی . عدی ایشته انی یاپه رق کنوز کسراک فتوحاتنده
بالذات حاضر بولنمشدر. کندوسنه اوزمان طرف اشرف
رسالتپناهیدن خبر ویریلان قادینک ناقه سوار اولدینی
ویالکوزده بولندیغنی حالدیه حیره دن زیارت معظمه یه کلدیکنی
کوردیکنی بالاآخره نقل ایدرکن اوچنجیسینی ده سز
کورورسکوز دیر ایدی .

عمر بن اسید بن عبدالرحمن بن زید بن الحظا بدن
منقولدرکه : عمر بن عبدالعزیز زماننده فقرایه تصدق

ایدملک اوزره بعض ذواتک کتیردکاری تقودی آله حق
آدم بوانه میهرق صاحب مال، مالی آلیر کیری کیدردی!
عدی نک اوچنچییی دیدیکی ده بوایدی ا.

۰۰۰

۱۷

وفود سلامان

شهر شوالده مدینه طیبیه کندیلر . یدی نفر ایدی
رسول الله ک برجنارمه کیتک اوزره مسجد شریفدن
چیقه جنی بر زمانده راست کله رک سلام ویردیلر . و
سلاماندن اولدقلرینی بیعت و اسلام ایچون کلدکارینی
سؤال عالییه جواباً عرض ایتدیلر . حضرت پیغمبر ،
کوله سی ثوبانه امر و اشارتله انلری مسافر خانیه انزال
ایتدیردی . افندیمز ، بنی سلاماندن بلده لری احوالی
سؤال بیوردی . سلامان مبعوثلری ، بلده لرنده قورافلغک
حکمرما ایدوکنک عرضیه برابر دربار رسالتدن دعاء
رحمت نیاز ایلدیلر . بونک اوزرینه سیدالانام علیه الصلوة
والسلام افندیمز : [اللهم اسقهم الغيث فی دارهم] ديه
دعا ایتدی .

بنی سلامان :

— « یارسول الله ! ارفع یدیک فانه اطیب واکثره
 دیه رجا ایتملریله افندیمز ، تبسم ایدهرک قولتوغنک
 بیاضی کورونجهیه قدر دعاده دست همت هایونلرینی
 یوقاری قالدیردی . مبعوثین مرقومه ، مدینه طیبه ده اوچ
 کون طوروب بلده لرینه کیتدیلمز . عودتلرندە کوردیلر که
 دعاء البنی ساعتندە بلده لرینه رحمت دوشمش ، فیض
 وبرکت آناری ظهور ایتش ! .

۱۸

وفود بنی منتفق

بنی منتفق ، بنی عامر بطنندن برقیله اولوب مبعوثلری
 « لقیط بن عامر » ایله « نهیک بن عاصم » نامندە ایکی
 نفر کیمسه دن عبارت ایدی .

بونلرک مدینه سعادتە دخوللری کیجه شفقه قارشى
 برزمانده ایدی . رسول الله صلى الله علیه وسلمک
 صباح نمازندن فارغ اولدیغی صرەده حضور سعادتلرینه
 کیردیلمز . او آنده حضرت سیدالانام ، برخطبه اوقویوب

قيامتك وجنته جهتك احوال و احواله دائر و عطف و
 وانصیحت اجر اسيله مشغول ایدی .
 قیبط :

« یا رسول الله ! سکا نه شرطله بیعت ایدیم؟ »
 دیه موردی [نماز قیامق . زکات و یرمک واللهم
 هیچ رشیدی اشراک ایتامک شرطیله] جوابی آلهرق
 انک اوزرینه بیعت ایلدیلر . و مسلمان اولدقلری حالده
 بلده لرینه عودت ایتدیلر .

*
 . .

۱۹

ورود اسود غنسی

یمنده غنس قبیله سی شیخی « اسود غمیه بن کعب »
 دخی کلوب حضور پر نور رسالتده مسلمان اولمش ایدی .
 بلده سنه عودتنده بالا رتداد نبوت ادعا ایدرک بیوک بر
 غائله چیقارمش ایسه ده فیروز دیلمی نام ذات التدن مقتول
 و عونیه سی ده مهزوم اولمشدر .

۲۰

حجة الوداع

حج شریف قصیدہ مکہ مکرمہ نیک مقدم رسالت پناہی
ایہ تشریف بیوریلہ جنی اعلان اولندی کہ استطاعتی اولانلر
حقنہ حجه دعوتی متضمن ایدی . ناس دخی برالکده
حج ایتلری ایچون طویلانیغه مبادرت ایدرک آز زمان
ایچنده مدینة طیبہ ده پک چوق ذوات . حاضر اولدی .
برالکده حج شریف نصیب اولیان نیمسه لر ، جدری .
وحصبه کی بعض مزاحمه اوغرایه رق کیری قالدقلرندن
جبر وتسکین خطرلریچون : [ان عمره فی رمضان تعدل
حجة] بیورلدی .

شهر ذی القعدة نیک یکر می بشنچی جمعه ایرتسی کونی
ایدی قلمرو خطة رسالت افندیمر ، صلوٰۃ ظهیری مدینة
سعادتلرنده کی مسجد شریفلرنده درت رکعت اوله زق
قلدقن صوکره وقت عصر دن اول طریق شجره دیدکلری
اورته یولدن ذوالحلیفه منزله متوجهاً مدینة مبارکه دن
حرکت بیورمشلردر .

بتون اهل بیت رسالتلریله زوجات طاهرات و

انتخاب گرام ، معیت جهاتقیمت سیدالانامیلارنده ایدیلار .
 حجاج گرام ، بر رواسته کوره قرق بیك ، دیگر رواستلره
 کوره یوز بیكدن زیاده ویوز یکر می بیك ایدی .

اوگون ذوالحلیفه کلدی . ایکندی نمازینی اوراده
 قصر ایله یعنی ایکی رگمت اوله رق قیلدی . او کیجه
 ذوالحلیفه ده قالدی . اقشام ، یاتسو ، صباح نمازلرینی ینه
 ذوالحلیفه ده قصر ایله قیلدی . و کیجه بتون زوجات
 طاهراتی طواف ایدوب غسل ایلدی احرام ایچون بر
 ده غسل ایتدی . و « زریره » دیدکاری شیه قوقولادی .
 ذوالحلیفه ده اسماء بنت عمیس رضی الله عنها « محرم
 بن ابو بکر » رضی الله عنهما یی طوغورمشدی اسماء ،
 حالت نفاس ایله کیفیت حجنی استفسار واستفتا اتمکله
 افندیمر : [اغتسلی واستشفری بشوب و احرمی] دیه
 بیقانون محل عذرینه بیز طوتوندقندن صوکره احرامه
 کیرمسنی تجویز بیوردی .

ذوالحلیفه ده صلات ظهیری قیلوب هدینی تقلید و
 اشعار ایتدی . یعنی قربانلق دوه سنی حضور سعادتلرینه
 جلب ایتدیرمك سنامك صاغ جابندن بر یرینی بیچاق
 ایله یارملدی نشان ایتدی قاتی سیلدی اطرافنه بولاشدیردی
 بوینده ایکی قلاده تعلیق ایلدی .

قربانلق دوه لرك سوقنه « ناجیه بن جندب
اسلمی » حضرتلری مأمور بیورلمشدی . شاید برینک
تتلی تقدیرده ایدم جکی معاملهی ناجیه صوردی . هلاکه
مشرف اولان دوه یی ذبح ایله قلاده سنی قاسنه بولاشدیروب
اورجکک صاغ یانسه اورمسی واتندن اکل ایدلمامسی
لزومی امر وتنبه بیورلدی . ناجیه یولده یوریلور ایسه
قربانلق دولرندن برینه رکوبه مساعدۀ سنیه دخی ارزان
بیورلمشدی .

حضرت رسول الله، ذوالحلیفه مسجندنه ایکی رکعت
نمازدن صوکره اهلل ایلدی . یعنی صوت جهیر ایله
[لیبک اللهم لیبک] دیدی . روایت کوره نیت مطلقه
ایله یعنی نه حج نه عمره ایدوکنی تعیین ایتیمه رک - ودیکر
روایت نظرآ افراد بالحق ایله نیت ایدوب - قصوا و نامنده کی
ناقه سعادتلرینه بیندی . ناقه نک همان حرکت ایدم جکی
دقیقه ده ینه اهلل ایتدی . وجبل بیداء یوقوشنده ینه
اهلال ایلدی . بیداء موقعنک هر طرفی کوره جک مد
بصر ونظری وار ایدی .. فخر الرسل صلی الله علیه وسلم
افندیمنک جوانب اربعه سندن کوزک اله بیلدیکی یرلر انسان
ایله طولو کورونمکده ویوز بیک بو قدر حاجی حاوی

بر جمعیت ناجیه معظمه نك و آغزیدن كتابك تهايل
و تلبیلهای زمیندن آسمانه عكس انداز مهابت اولمده
ایدی .

صحابه کرام نیتده . مطلق بولنیورلر ایدی . ارزوایدن
حج و عمره به نیتله اهلال ایتمسندمه خیر بیورلدی .
بانه سعادتک اوزرنده رسول اکرمک یندیکی اسکی
بر اکر ایدی . دوت درهم گوش قیمتسده و یا اندن
دون بر قیمتده ایدی .

هرکس اهلال و نیتده عمره و حج خصوصاً ارنده
خیر بیورلمش و سیدالام افندیمر دخی افراد بالحق ایله
نیتلنمش ایدیسه قران امرینی جبریل ، تبلیغ ایتمکله
وادی العقیقه مواصلت ائتمسندمه [حجة فی عمره] دیه هم
عمره ، هم حج اولمق اوزره ایکی نی مقارن ایلمشدر .
ابواء و یاخود ودان مزانه واردیلر . اوراده و صعب
بن جثامه ، اولادینی بر حمار و حشی بی سده سنیة
رسالتپناهیه هدیه تقدیم ایتدیکی حالده قبول
بیورلمدیغندن صعب مکدر و متأثر اولدی . افندیمر ،
صعبک تأثرینی اکلایه رق جبر و تسکین خاطری ایچون
اکا :

— « انالم نرد عليك الا انا حرم = بزانی سكارد
ایتمدك ولكن احرامده يز »

دیه بیان معذرت ایتدکدن دوکره معیت زید
خیر الانامیلرندہ کی ذواتدہ:

— « هو حلال فیکلوه »

دیه امر بیورمش و برار الق ده :

— « فهل معکم منه شیء = بقیہ سندن نزدیکیزده
وارمیدر ؟ »

دیه صور مزق کتیر دکاری پاچه سنی تناول بیورمشدر .
حرکتدن مقدم حضرت صدیق ، اهل بیت رسالتک
زادینی بالاستیدان کندی ارزقی حموله سنه مخصوص دوه سنه
تحمیل ایدرک غلامنه تسلیم ایلمشکن یولده منزلردن برنده
غلام ، دوهی یاتوروب او یومسیله دوه ضایع اولمش .
ومو کب سعادتك عرج منزله نزولی اتصاده غلام دخی
کیریدن کله رک موکب هایونه یتشمشیدی . نقط . زاد
اهل بیت رسالتک کندی دوه سی اوستنده و کندی خدامی
النده ضیاعی ، صدیق حضرتلرینی منفعل ومتاثر ایدرک
غلامی ضرب وتادیبه مسارعت ایلیدی .

اوزمان جناب فخر الرسل افندیمز ، تبسمله برابر

ابوبكر حاله اشارت بيور ورق:

— «كور من ميسك كه بو محرم نه ياپار؟»

ديه احرامه منافى حر كرده بولنديغنى اكا خطارا يلدی.
بخی اسلمدن آل افضله، ارزاقى حامل دومنك ضیاعنى
استخبار ایتلمی اوزرینه كندی زوادم لرندن حضور
رسالته بمض ارزاق هدیه كوند رملریله سیدالانام عالیه
الصلوة والسلام واهل بیت سعادتلى و ابوبكر عائله سی
ودیکر انلرله اكل طعامه مأذون اولانلر طویونجهیه قدر
یدیلر.

صفوان بن مصل سلمی، دوهی كریده بولوب موکب
سعادت هنوز منزلده ایکن یتیشدیرمشدی. اوزرنده کی
اشیا تمام ایدی یالکیز صو ایچمه که مخصوص بر قدح
اکسك ایدی غلام، قدح بنده در. دیمکه حضرت صدیق
[جناب حق، سنك امانتکی ادا ایلدی] دیمشدی.

منزل مذکورده کبار انصار کرامدن «سعد بن عباد»
ایله اوغلی «قیس» رضی الله عنهما زوادم لرینی حامل اولان
یوکلو بردوهی حضور اقدس رسالت پناهی به سوق و تقدیم
ایدرک:

— «یا رسول الله! ایشتك که زامله کز ضایع اولمش..»

بوزامله بی اکابدل کتیردک قبولی ایله اوزریمزه وضع منت
ایدرسکنز . «

دیدیلر جواب اوله رق افندیمز :

— « جناب حق ، بزم زامله مزی بزه ایریشدیردی
سنزکندی زامله کزی کیری کتیریکنز حضرت مولاسنزه
برکت ورسون . «

دیدکدن صوکره دوام ایدهرک :

— « ای ابونابت ! مدینه یه هجرتمزدنبرو بزه اولان
ضیافتلرک یتیمچی [*] »

بیوردیلر . سعد کمال صمیمیتله :

— « یارسول الله ! منت ، الله ورسول الله ایچوندر سنک
بزدن آلدیغک مال وشی ، نزدمزده قالاندن دهـا
مرغویمزدر »

دیدی رسول الله اغورنده جان ومانی فدا ایله محظوظ
و مفتخر اولدقارینی اکلاتمق ایستدی حضرت پیغمبر .
انی :

— « طوغری سویلرسک بشارت سکاکه فوزوفلاح
بوله سک . حقاکه اخلاق ، جناب حقک ید قدرتنده در

[*] ابونابت سعد بن عباده رضی الله عنہک کنبه سیدر

ایمه که احلامدن بری و یرمک دیلرسه انی او خاقه موفق
ایدر. ای سعدا سکا کرم و مروت صفتی ارزان قیامشدره
دیه تصدیق و تقدیر ایتمکه سعد دخی :

« حمد شیا اولسون اول لاهه که بولمعتی بکا احسان

بیوردی »

دیدى ثابت بن قیس :

« یارسول الله! سعدك قبيله سی ایام جاهلیتده ده

بزم رئیساریمزله سخیلریمز زمره سنده ایدیلر »

دیوب سعدی اسان حب و مودتله یادوستلایش ایتدی

ایشته او آنده ایدی رسول الله صلی الله علیه وسلم :

« الناس معادن کمعادن الذهب والفضة . خیارهم

فی الجاهلیة خیارهم فی الاسلام اذا فقهوا »

بیور مشلردر .

•••

روحاء متزانده برخلقه تصادف اولنه رق حاللرندن

سؤال ایدلمکله :

« . سلامانلرز »

جوابی ویردیلر. صوکره :

« سن کیمسک ؟ »

ديه صورديلر. حضرت رسالتپناه صلى الله عليه وسلم:

— « بن اللهك رسولى يم »

ديدى. انلردن برقادين، بر طفل صغيرى محمد سندن

رسول كبريانك جانب عاليسنه طوتوب:

— « الهذا حيج ؟ »

ديدى . جوابنده :

— « نعم ولك اجر »

بيورلدى .

واديء عسفانه كادكارنده حضرت ابى بكر الصديقدن

سؤال بيورلدى :

— « يا ابا بكر ! بوهانكى واديدر »

ابوبكر الصديق، وادىء عسفاندر . جوابنى ويردى

انك اوزرينه نبى معظم افندمز :

— « لقد مر به هود وصالح على بكرين احمرين .

خطهما الالف وازرهم انبياء وارديتهم النار . يابون

يحيجون البيت العتيق »

بيورديلر .

وادى الازرق ديدكلرى دريه وصولارنده دخى :

— « كأتى انظر الى موسى من اثنية واضعف

اصبیه فی اذنیہ ماراً بهذا الوادی وله جوار الى الله بالنسبة
بیور دیار .

سرف نام محله طرف ذیشرف رسالتپناهیدن حجاج کرامه :
[من لم یکن معه هدی فاحب ان یجعلها عمره فلیفعل ومن
کان معه هدی فلا] امر عالیسی ویرلمشدی که قربانانی
اولیوب عمر می ارزوایدن ایسون هدی اولانلر حجه
ثابت اولسون دیمکدی . حضرت عائشه رضی الله عنها
سرفده حیض کوردیکندن صاحنی چوزوب طارادقن
صوکره عمره می ترک ایتمی فقط احرامدن چیقمامسی
وعمره اوزرینه حج ایله جمیع اعمال وارکان حجی ایفا
ایتمی وحیضدن تطهر ایتمدکه بیت کعبه معظمه می
طواف ایامامسی امر وتنبیه بیورلمشدی .

یمن والیلرندن ابو موسی الاشعری رضی الله عنه دخی
معیت سنیده حج زیارت بیت الله مقصدیله یمندن
طوغری مکّه مکرمه یه کلوب بطحاده رسالتپناه افندیمره
ملاق اولارق :

« یارسول الله اهلال واحرامده نیتمی سنک نیتکه

تعیلق ایتم . اما هدییم یوقدره

دیدیکندن حضرت رسول الله اکا :

برده . نبویهك تعدادی صرہ سنده انلردن ایدوكنی
 دخی . مح ایدیورلر . سفینه شرط مسرود موجبہ
 خدمت . رمت ایتدیکندن ناشی خدمت کرام نبویهدن
 عدا . لور ایسده نهوجه وکیفیتله موالیسی عداینه
 ادخال . بکنی بیله مدم . [۰]

۱۴ . — فارسی رضی الله عنه قول مشهوره کوره
 اصفه . مقریندن و اهل بیت سعادتدن معدود
 ایدی

لف . سلمان بعدرقه . منزلة شامخه البیان
 و . والمصطفی قدعده . من اهل بیته العظیم الشان
 چوق یاشلی اولدینی حالده هجرتک (۳۴) نجی
 سنه . بات ایلمشدر .

۱۵ . — مقوقس طرفندن هدیه کوندرلمشدی .
 جوا . ادتلرندن ریحانه رضی الله عنہانک حجره سی
 قپو . ر ایدی . شو مأموریتنده کی اہمیتی ملاحظہ
 ایدہ . خرہ ہیچ برکونه تہمتہ محل قالماق فکری
 ایله . سانی و جمیع متفرعاتی کنندی ایله تماماً
 کسم .

] .
 اشتراک . مضمہم کان رسول الله اشتراہ فاعتقه وقال آخرون
 ممة واعنته بشرط خدمته للنبي عليه السلام ما عاش

۱۶ مرعم — رضى الله عنه رفاعه اسمند برى
و برمشدى وادى القراده قتل اولمشدر .

۱۷ ابو بكره — نفع رضى الله عنه طائف محاصره .
سند فرار ايدن كوله لرك آزاد ايديله چكى اعلان اولمشى
اوزرينه پيشگاه نبوى به قاجش اولاناردن بريدن . قاعه
ديوارندن مقره ايله كندىنى صارقيدوب اشاغى اينمش
اولمشى مناسبيله طرف رسالندن (ابو بكره) كنيه سى
ايله تلطيف بيورلمشدى .

۲۹ زيد بن مولا	۱۸ فضاله
۳۰ سعيد بن زيد	۱۹ رافع
۳۱ سعد	۲۰ رفاعه بن زيد الجزامى
۳۲ سندر	۲۱ كر كره
۳۳ عبدالله بن اسلم	۲۲ ضميره بن ضميره
۳۴ غيلان	۲۳ ابو السمع
۳۵ نفير	۲۴ ابو عبيد سعيد
۳۶ كريب	۲۵ حنين
۳۷ محمد بن عبدالرحمن	۲۶ بدر
۳۸ محمد ناهيه	۲۷ حاتم
۳۹ ابو مكحول	۲۸ عبيد بن عبدالغفارى

۴۰	نافع بن السائب	۵۱	افاح
۴۱	نهبك	۵۲	سابق
۴۲	ابواليسر	۵۳	سالم
۴۳	ابو قبيله	۵۴	عبيدالله بن ا-لم
۴۴	ابو ابابه	۵۵	نبيل
۴۵	ميمون	۵۶	وردان
۴۶	ابوكيسان هرمز	۵۷	كيسان
۴۷	ابو صفيه	۵۸	ابوابله
۴۸	ابو سامي	۵۹	ابوعسيب اسمي احمر
۴۹	شمعون بن زيد		وياخود مره ایدی
۵۰	ایمن بن ام ایمن		

بونلرك بعضی شراء بعضی هبة الشمس بعضی ده
 سبايادن حصه سنه دوشمش بولنديفی حالده جمله سنی آزاد
 بیورمشدی . آنانیدن اولان آزادلیلری :

(ام رافع . ام ایمن . امیمه . خضره . رضوی .
 دیحانه . ماریه . قیصر اخت ماریه . میمونه بنت سعد .
 میمونه بنت ابی عسیب . ام عیاش . ربحه . سائبه .
 ام ضمیره) نام ذواتدر .

کتاب و امراء و سفراء عظامی

کتاب کرامی بر روایت کوره یکر می الی قول
آخره کوره قرق ایکی ذات ایدی . آثار سیر . بزم
بولدیغمز اوتوز طقوز ذاتدر :

ابو بکر و عمر — رضی الله عنهما
عثمانه و علی — رضی الله عنهما کاتب وحی الهی
ایدیلر .

۵ عبدالله — بن ابی السرح مکده کاتب وحی
ایدی . قریشدن ابتدا خدمت کتابتی بویفا ایتمشدر .
فقط اخیراً قید و تسطیر آیات قرآنیده بعض تصدیقی
اوزرینه خوفندن ارتداد ایلمشدی . فتح مکدن سوکره
حضرت عثمان ذی النورین رضی الله عنک توسط و شفاعتنه
مبنی جرمی غفو اولنه رق عمر و حیاتنک صلات ایله
ختم بولسی حقنده دعا ایتمشدی . . . صباح نمازینک
سجده سننده ویا تسلیمه اولی ویا ثانیه سننده تسلیم روح
ایلمشدر .

۶ ابی — بن کعب رضی الله عنه سابقین انصار دندره

زمان حیات پیغمبریده حفظ قرآن ایدن اتی ذانک بری
ایدی . اهل مدینه دن رسول الله اولاً کتابت ایدن
بودر . اغلب احوالده وحی الهی کتابتی ایفا ایدردی .
(۱۷) تاریخ هجریسندہ مدینہ منورہده وفات ایدی .
عثمان ایله علی رضی الله عنہما نیک حاضر بولندقلری یرده
بشقہ لری یازمزلردی . انلرک غیابنده جناب ابی ایله زید
بن ثابت کتابت وحی ایفا ایدرلردی . انلرده یوقسه کتبہ
وحیک هانکیسی بولنور ایسه او . یازار ایدی .

رضی الله عنہما پیشکاه رسا .
 ۷ معاریب — به ابی سفیانہ } اتپناهیده اک زیاده کتابت
 ۸ نید — به ثابت } وحیه . لازم ایدیلر . باشقه
 وظیفه و خدمت لری یوق ایدی .

۹ طلحه — بن عبیدالله رضی الله عنه عشرہ مبشرہ .
دندر یوم احدده یتمش یردن زیاده محلندن قلیج وسونکو
واوق کی مختلف آلا نیک یارہ نی آلمش وصول النیک
سیابه ویا بنصری کسیلهرک او الی چولاق قالمشدی .
یوم الجملده شهید اولمشدر .

۱۰ سعد — بن ابی وقاص رضی الله عنه دخی عشرہ دندر .

۱۱ عبد الله — بن الارقم رضی الله عنه ملوک و

سائر انجواب ایدن محارره اولان مکتوبلری یازارایدی .

۱۲ ثابت — بن قیس رضی الله عنه یمامه غفراسنده
شهید اولمشدر میامه — کردند بری قلیج ایله یونک
ایاغنی دوشورمش بود . مقطوع ایاغنی یردن قابه رق
اندکله قانای اوروب اولدیرمشدی .

۱۳ منظره — بن الربیع رضی الله عنه

۱۴ زبیر — بن لموام رضی الله عنهما دن زبیر عشره
بشره دندار یوزار کیابتلری
۱۵ مهلم — بن الصلت اموال صدقاک . ورد و مصرفی

یازمغه مخصوص ایدی .

۱۶ منیفه — بن الیمان رضی الله عنه صاحب اسرار

رسول الله ایدی . خورما بستانلری یازار ایدی .

۱۷ مهاله — رضی الله عنهما سعید بن العاصک

۱۸ ابانه — اوغللریدر .

۱۹ ابوسفیان بن حرب رضی الله عنه

۲۰ یزید بن ابی سفیان بن حرب رضی الله عنه

۲۱ شر حیل بن حسنه رضی الله عنه

۲۲ علاء الحضرمی رضی الله عنه

۲۳ خالد بن الولید رضی الله عنه

- ۲۴ جهنم بن سعد رضى الله عنه
 ۲۵ علاء بن عتبة رضى الله عنه
 ۲۶ بريد بن الحبيب رضى الله عنه
 ۲۷ محمد بن مسلمه رضى الله عنه
 ۲۸ عمرو بن العاص رضى الله عنه
 ۲۹ عبدالله بن عبدالله بن ابي سلول رضى الله عنه
 ۳۰ مغيرة بن شعبه رضى الله عنه
 ۳۱ عبدالله بن رواحه رضى الله عنه
 ۳۲ معيقب رومى رضى الله عنه
 ۳۳ خويطب بن عبدالعزى رضى الله عنه
 ۳۴ عبدالله بن زيد بن عبد ربه رضى الله عنه
 ۳۵ خالد ابي ايوب بن زيد الانصارى رضى الله عنه
 ۳۶ حصين بن نمير رضى الله عنه
 ۳۷ ابوسلمه بن عبدالاسد رضى الله عنه
 عامر بن فهيره رضى الله عنه
 ۳۹ حاطب بن عمرو بن خنظله رضى الله عنه
 سفراء — روايته كوره اون ايكى ذات اولوب
 ايجلرندن التيسى سنه سادسه هجريده و بر كونده ملوك
 جانبليته محررات سنه ايله اعزام اولنشاردى :

(عمرو بن امیه الضمری رضی الله عنه) نجاشی
 حبشه (دحیه بن خلیفه رضی الله عنه) روم حکمداری
 هراکلیوسه (عبدالله بن حذافه السهمی رضی الله عنه) کسرای
 عجمه (حاطب بن ابی بلتعنه اللخمی رضی الله عنه)
 مصر حکمداری مقوقسه (شجاع بن وهب) رضی الله
 عنه باقا مایکی حارث بن ابی شمر الغسانی به (سلیط
 بن عمرو) رضی الله عنه هوذه ایله ثمامه بن اثاله مأمور
 اولدقاری خالد برکونده مدینه منوره دن حرکت ایتشلردره
 عمرو بن امیه نجاشی سفارتدن سوکره قیصر امراسندن
 فروه بن عمروه دخی کوندرلمشدی .

مختلف زمانلرده کوندریلان سفراء سائره بونلردره
 عمرو بن العاص — رضی الله عنه ازد قبيله سندن
 عمان حکمدارلری جانند اوغللری [عیاذ یاخود عبد
 ایله] جیفره کوندرلمشدی .

علاء الخصرمی — رضی الله عنه بحرین امیری منذر
 بن ساوی به اعزام اولتمشدی .

عروه بن مسعود — الثقی رضی الله عنه طائفدن
 ثقیفه سفیر ومبعوث ایدی .

جریر بن عبدالله البجلی — رضی الله عنه یمنده

ذوالکلاع و ذو عمر و عمر بن اُمیة الضمری ده، سیلمة الکذابک
دعوتلرینه مأمور ایدی . ابو موسی الاشعری و معاذ
بن جبل رضی الله عنهما و عقیل بن رندة حضرت علی کرم الله
و جبهنک یمنه عزیمتلی مناسبیله انلری و (و بر یحنس
بن محسن) و (حبیب بن زید بن عاصم) رضی الله عنهما یی
سفرادن عدایدنلر بولندیقنه کوره مجموعنک اون بش
اولسی لازم کلمکده در .

صدقات عامللری — سنه تاسعة هجریه نک محرمنده
جمع و تحصیل صدقات ایچون بعض نواحی به کوندریلان
عامللری دخی بر نوع سفرا عدایله او میاندده یازان
بولمشدر .

عینه بن حصن الفزاری بنی تمیم صدقانه مأمور
ایدی . (کعب بن مالک) رضی الله عنه اسلم و غفار
قبیله لرینه (عباد بن بشر) رضی الله عنه سلیم و مزینه یه
(رافع بن مکیت) رضی الله عنه جهینه یه (عمرو بن
العاص) رضی الله عنه بنی فزاره یه (عبد الرحمن بن
عوف) رضی الله عنه بنی کلبه (عدی بن حاتم) طی
واسد قبیله لرینه (ایاس بن قیس) رضی الله عنه بنی مره یه
(مسعود بن رجیل اشجعی) رضی الله عنه بنی اشجعه

بنی عباسه (اعجم بن سفیان) رضی الله عنه عذره و سلامان
 و بی وجهینه و ابنا قبیله لرینه (عباس بن مرداس اسلمی)
 رضی الله عنه بنی سلیم قبیله سنه (ولید بن الحاجب)
 رضی الله عنه بنی دارمه (عاصر بن ملک) رضی الله عنه
 بنی عامردن صمصمه قبیله سنه (سعد بن مالک و عوف بن
 مالک و ضحاک بن سفیان) رضوان الله علیهم ده بنی کلابه
 (بشر بن سفیان) رضی الله عنه بنی کعبه (عبدالله بن
 اللثیه) رضی الله عنه بنی ذبیاه و سمد بن هذیم قبیله نذرن
 بریده قومنه مأمور ایدی .

امراء — بادان بن سامان امراء ایراندن یمنه و الی
 ایکن مسلمان اولسنه مبنی رسول الله صلی الله علیه و سلم
 انی ولایتده ابقا بیورمشدی . عجمدن ایلك اول مسلمان
 اولان و اولامدن ابتدا یمنه و الی تعیین بیوریلان امیر
 بوذا ندر .

خاله — بن سعید رضی الله عنه صنعایه امیر تعیین
 ایداشدی .

زیار — بن لید رضی الله عنه حضر موت بلده سنه
 امیر ایدی .

ابو موسى — الاشعري رضى الله عنه زبيد وعدن
بلده لرى اميرى ايدى .

معاذ — بن جبل رضى الله عنه جند ولايتى واليسى ايدى .
ابوسفياه — بن حرب رضى الله عنه نجران ديارينه
والى ايدى .

يزيد — بن ابى سفيان رضى الله عنه تيم قبيله سى
اوزرينه حاكم ايدى .

عتاب — بن اسيد رضى الله عنه عقيب فتحده
مكة مكرمه به ايلك تعيين اولان والى ايدى .

على — بن ابى طالب كرم الله وجهه يمن قضاسنه
امير و قاضى ايدى .

عمرو — بن العاص رضى الله عنه عمان ديارينه
امير ايدى .

ابى بكر — الصديق رضى الله عنه امير الحج ايدى .

۸

امناء و قضاات و مؤذنلرى

جمله امناسندن برى (عبدالرحمن بن عوف و ابو
اسيد الساعدى) رضى الله عنهما دركه هر ايكيى نساء

مکرمای اوزرینه امین ایدیلر جناب عبدالرحمن احده
یکرمی بدن یاره آلمشدی. ابواسیدالساعدی حضرتاری
بدوده ملائکایی کورده رک بالاخره مکفوف البصر اوله
تلردن بولندی کی بدربون کرامک الک صوکره وفات
ایدنی ایدی [لوکنت معکم بیدر الآن و می بصری
لاخبرتکم بالشعب الذی خرجت منه الملائکة لاشک ولا
اتقاری] دیه سولدیکنی اصحاب حدیث تفریح و روایت
ایتمشلدرد .

(بالل) رضی الله عنه نفقاتک و (معیقوب) رضی الله
عنه خاتم شریفک امینی ایدیلر .

قاضیلری — علی بن ابی طالب و معاذ بن جبل
وابو موسی الاشعری رضوان الله علیهم اجمعین حضرتاری
ایدی . هربری یمده حکم و قضایه مأمور ایدی .
مؤذنلری درت ذاتدر :

۱ بهول — رضی الله عنه ابتدا مؤذنلک شرفی احراز
ایلمشدر . انتقال نبویدن صوکره کیمسیه مؤذنلک
ایتمو . یالکز حضرت فاروقک اقدس شریفی فتح
ایلدیکی کون برکره اذان او قومش و او قور ایکن ایشیدن
مجاهدین کرام زمان مسعود رسول الهی یاد و تذکرله

— « بیت کعبه بی طواف ایت. صفایله مروده سعی

ایدوب احرامدن چیق »

دیو امر ایتشدی ذی الحجه نك دردنجی
 یوم الاحد کیجیسی ذی طوی منزله کلایلر .
 کیجه آده قالوب صباح نمازینی ینه آده قیلدی . وغسل
 ایلدی . صوکره مکه مکرمه یه کدانك ثنیة علیاسندن
 کیری . بنی شیبه قپوسنه ایریشدیکی دقیقه ده بیت کعبه
 کوروندی . افندمن اكا اشارتله : [اللهم زد هذا البيت
 تعظيماً وتشریفاً وتکریماً ومهابةً وزد من شرفه وعظمه
 ممن حجاوا واعتمره تعظيماً وتشریفاً وبرا] ديه دعا ایلدی .
 ضحی وقتنده باب مذکوردن یعنی باب عبد منافدن مسجد
 حرامه کیردی . دخولنك عقینده همان استلام حجردن
 صوکره ناقه سوار اولدیغی حالد صاغ جانبندن طوافه
 باشلادی . یدی کره طواف ایتدی . اوچ اولیکی طوافی
 سرعتله درت صوکره کی طوافی آهسته وسکون اوزره
 ایدی . هر طوافده حجری استلام ورکن یمانی بی مس
 ایدردی . روایت کوره اگری باشلی بر عصا ایله حجره
 اشارت و دیگر روایت کوره مبارك لبلیخی وضع ایله بوس
 و استلام ایتدی . رکنك جین استلامنده : [بسم الله
 والله اکبر] و حجره کلدیکنده [الله اکبر] دیر ایدی .

حجر الاسود ايله ركن بنانى اره سنده [ربنا آنا فى الدنيا
 حسنة وفى الآخرة حسنة] وقنا عذاب النار [بيورود
 اصحاب كرام آمين ديرلر ايدى . بعد الطواف مقام
 ابراهيمه كادى . (واخذوا من مقام ابراهيم مصلى) آيت
 كريمه سنى انده او قودى . ومقامى كندى ايله بيت كعبه
 اره سنده كئير رك طوردى . ايكي ركعت نماز قيلدى ركعت
 اوليده بعد الفاتحه سورة الكافرونى ركعت ثانيه ده
 سورة الاخلاصى تلاوت ايلدى . تمازك ختامنده دونوب
 ركنى استلام ايتدى صوكره باب صفادن چيقدى . جبل
 صفايه عزيمت ايلدى . جبله قريب اولديغنده [ان الصفا
 والمروة من شعائر الله فمن حج البيت او اعتمر فلا جناح
 عليه ان يطوف بهما ومن تطوع خيرا فان الله شاكر عليم]
 آيت كريمه سنى او قودى . جبل صفانك اوسته چيقدى
 صفانك اوزرندن بيت شريفه طوغرى نظر وتوجه ايتدى
 [لا اله الا الله وحده لا شريك له له الملك وله الحمد يحيى
 ويميت وهو حي لا يموت بيده الخير وهو على كل شئ قدير
 لا اله الا الله وحده انجز وعده ونصر عبده وهزم الاحزاب
 وحده] ديهرك دعادن صكره مروه جانبنه يورودى .
 واديدن مروه يوقوشنه كانجايه قدر هروله ايله يورودى

یوقاری به آهسته چیقدی. صفادن مرویه بومنوال اوزره
یدی کره سعی ایلدی. هر دفعه سنده صفا اوزرنده عین دعای
عین توجه اوزره ایدردی صفا ایله مرویه ک بیئنده مساعی
سبعه دن بعض مرآتیی افندیمر، راکباً ایفا ایتشلردی.
ابوالطفیل، صفا ایله مرویه ک ارم سنده سعی رسول الله
صلی الله علیه وسلم افندیمرک راکباً ایفا بیورمش اولمسنک
کیفیت و حکمتی ابن عباس حضرت تلمذدن صور دینی
زمان ابن عباس، رسول الله صلی الله علیه وسلم اوزرینه
حتی یتشمش قیزلره وارنجیه قدر خلقک [هذا محمد هذا
محمد] دیه اوشوشمش اوله رق حاصل ایلدکلری مزاحمه دن
طولانی ماشیاً سعی مجال قالمدیغنه مبنی بالضروره ناقه
سعاده رکوب ایجاب ایتدیکنی سویلمشدی.

سعی مرویتنک ختامی اوزرینه هدی اولمیانلرک
احرامدن چیقوب منایه کیدیلیر ایکن حج ایچون احرامه
کیرمه لری. وهدی اولانلرک یوم النحره دکن احرامده
قالملری امر و تنبیهدن صوکره: [ولوانی استقبلت من
امری ما استدبرت ما هدیت ولولا ان معی الهدی لاحللت
= اکر بن شمدی بیلدیکنی اولجه بیلمش اولسیدم
یانمجه هدی کتیرمیوب هدی مکده صاتون الیر ایدم

واحرامی عمریه منحصر فی قیاس و سترک احرامدن چیققد
یغکز کی بن دخی چیققد ایدم و لیکن ملاام که هدنی
برابر کتیردم نحر ایتمد که احرامدن چیققد مه جفم [
بیورلدی .

سراقه بن مالک :

— « یارسول الله هی لنا ام للابد؟ = حجی فسخ
ایدوبده عمریه دوندیرمک و یاخود حج و عمره
مقارناتک جوازی یالکیز و سنه ایچون بزمی نخد و صدر
یوقسه هر سنه یه می ؟ »

دیه سؤال ایتمکله رسول اکرم صلی الله علیه و سلم
مبارک یارمقلرخی تشیک ایدوب :

— « دخلت العمرة فی الحج الی یوم القیمة »

بیوردیلر .

ابوبکر الصدیق، عمر الفاروق، طاحه، زبیر و دیگر
بعض اصحاب کرام، هدیلرخی برلکده کتیرمشاردی . امر
عالی موجبجه احرامده قالدیلر . فاطمة الزهراء و جمیع
امهات مؤمنین حضراتی هدی کتیرمشاردی . عائشه
رضی الله عنهانک غیری احرامدن خالی ایلدیلر .

بو آنده ایدی که حضرت علی کرم الله وجهه یندن

طوغریجه مکه مکرمه یه کلدی وهدی نیتیه برقاچ دوهده
برلکده کتیردی. حضرت سید الانام علیه الصلوة والسلام
سؤال بیوردیلر :

— « بما اهللت ؟ »

جناب علی. اهلانی اهلل رسول ذو الجلاله
تمایق ایتدیکنی :

— « بما اهل به رسول الله »

دیه بیلدیر مکله حقنده [اللهم اهلالاً کاهلال نبيك]
بیوردقدن صوکره :

— « اگر هدیم اولمسیدی حیج احرامنی چوزوب
عمره یه نیت ایدردم سن کندی احرامکده قال . هدیده
شریکم اول »

دیدى. او کونلر، مارتیه مصادف ایدی و کوندوز
ایله کیجه نك مساوی اولدینی بر زمان اعتدال ایدی.
رسول الله صلی الله علیه وسلم، بازار و بازار ایرته سی،
صالی، چهارشنبه کونلریله پنجشنبه کیجه سی مکه مکرمه ده
قالدی. پنجشنبه کونی که ذو الحجه نك سکنزجی کونی و یوم
الترویة ایدی حجاج کرام ایله برلکده چیقوب منایه
کیتیدیلر. منایه کیدجکلری زمان هدیسملر لکلری سببیه

با امر عالی احرامدن چیقیش بولانلر حج ایچون احرامه
کیردیلر .

مناده او کون او یله ، ایکندی ، اقشام ، یاتسو نماز -
لرخی قیلوب انده کیجهلدی و ایرتهسی یوم جمعه و یوم
عرفه نكده صباح نمازی یینه مناده قیلدی . کونش طو -
غدقدن صوکره عرفیه حرکت بیوردی .

خیمه سعادتلرینك مرده قورولمسی امر ایتمشدی .
خیمه مذکور قیلدن منسوج ایدی عرفانه کالیدیکنده
خیمه سعادتلرینه قوندی . کونشک زواله کلهزک حرارتی
کچنجه قصواء اسمندکی ناقه سعادتلرینه رحل اورولدی .
یینوب بطن وادی به کلدی خلقك اسکاتی یعنی انصاف
ایتملری لزومك اعلاخی جریر بن عبداللله امر ایلدی .
ایشته اوراده و ناقه سعادتلرینك اوزرنده خلقه بر
خطبه بلیغه او قودی . ازدحام سببیلله هر کس بی اکرمك
صوت شریفی ایشیدمه مدیکنه منی « ربیعہ بن امیه بن
خلف ، قصوانك صدری الته طوروب تنقی ایلدیکی
خطبه سعادتی با امر نبوت امته و حضاره تبایغ ایدردی .
خطبه رسالتده ابتدا الله تعالی جل شانہ ولا اله غیره
حضر تدرینه حمد و ثنادن صوکره :

— • بوبله ، بوآیده بوکون حرام اولدیغی کبی
 سنزک قانلریکیز ، مال و عرضلریکیز یکدیگریکیز حرامدر .
 بیلمش اولیکیزکه جاهلیتک جمیع عادات و احوالی ایانمک
 التمه قویه رق لغو و ابطال ایتدم . جاهلیتدن قالمه اول
 قانلرکه اهلی انک انتقامی صدندده در بالکلیه باطلدر بو
 باده ابتدا ابطال ایلدیکم قان ، ربیعیه بن الحارث بن
 عبدالمطاب اوغلنک [۵] قانیدر و جاهلیتدن قالمه ربالی
 دخی ابطال ایتدم . اول ابطال ایتدیکم ربا ، عباس بن
 عبدالمطابک رباسیدر . زوجه لریکیز حقنده جناب حقندن
 قورقیکیز . انلری کلمه حقلمه و حتمک عهدیله تحت نکاحکیز
 کتیرمشسکیز . سنزک انلر اوزرنده حقلریکیز انلرکده
 سنزک اوزرلریکیزده حقلری واردر . سنزک حتمکیز ،
 فراشکیزه ایستمدیکیز شخصک ایانغی باصدیر مامقدر .
 باصدیر دلرسه اثر ضرب اعضاالرنده ظاهر اولنجه ده دکین
 ضرب ایدرسکیز و انلرک قدر معروف نفقه و کسوملری
 سنزه عائد حقلریدر . مؤمنلر ، هپ بری برینک قرنداشیدر
 برکیمسه یه مسلم قرنداشنک مالی حلال اولمز مکرکه حسن

[۵] بنی سعد قبیله سنده ارضاع اولنورکن هنیل قبیله سی

انی اولدیبرمشدی .

رضایله ورمش اوله . بن سزه لارم اولان احکامی تباریغ
ایتم وایکی شیئی بر اقدم که انلره تمسک ایندیکجه هیسج
بروقت ضالانده قالماسکز . بری کتاب الله دیکری سفت
رسول الله در روز قیامتده جناب حق ، سزدن سسوال
ایده جکدرکه محمد [علیه الصلوة والسلام] سزکله نه کونه
معامله و معاشرت ایسدی . سز او کون نه جواب
ویرم جکسکز ؟ »

دیدى اصحاب کرام :

— یا رسول الله ! شهادت ایدرزکه رسالت و امانی
ادا و شرط ارشاد و نصیحتی ایفا ایندیک »
جوابی ویرملریله سیدالانام علیه الصلوة والسلام
سیابه بارماغنی جانب آسمانه قالد بروپ صوکره انکله اصحابنه
اشارتله متوالیا اوج نوبت [اللهم اشهد] دیدی و سوزنی
کسمیه رک :

— « یا عباد الله ! اوج شی ، سینهلری کینه لردن
یاک ایدر : عملده اخلاص ، مسلمانلره خیر خواهالق ،
جماعت مسلمینه ملازمت »

دیدى .

ربیعہ ، کورسلی بر آدم ایدی . افندیمر ، خطبه سنک

هر فصل و فاصله سنده اکا : [یاربیه ! قل یا ایها الناس
ان رسول الله يقول کذا = ای ناس ! تحقیقا رسول الله
بویله سویلیور دیه سویله] دیر ربیعه دخی تاقی ایلدیکی
امر عالی موجبجه صیحه و ندا ایدردی .

عبدالله بن عباس رضی الله عنهمانک والدهسی «ام فضل
بنت الحارث ، برقدح سود کوندرمش ایدی . رسول
اکرم ، سودی شواننده ایجدی . انتخاب کرام ، انکله
او کون افندیمرک صائم اولمدیغی اکلا دیلر .

خطبه تمام اوله رق اذان او قومسی بلال رضی الله عنه
امر اولندی . حالبوکه ایکندی وقتی یاقلا شمش و هنوز
اویله نمازی قیلنماش ایدی . بلال اذان او قودی . اقامت ده
ایتدی ابتدا ظهر نمازی قیلندی . صوکرهینه امر اولنه رق
بلال اقامت ایتدی ایکندی نمازی قیلندی . که ظهر و عصر
نماز لری وقت واحده جمع ایله بر اذان ایکی اقامتله ادا ایدلدی
رسول الله صلی الله علیه وسلم افندیمر . نمازدن صوکره
دوم سنه بینوب موقوفه واردی . و موقوفه قصوانک قارنی
صخره یه بالا عطا قبله یه طوغری طوره رق دعایه مشغول
اولدی . و دعاده الحاح کوستردی .

موقوفه اکثر دعا لری : [اللهم لك الحمد کالذی

نقول و خيراً مما نقول اللهم لك صلواتي و نسكي و عيای
و ممانی و اليك ما آتی و لك ربي ترائي اللهم اني اعوذ بك
من ما تجيئ به الريح [ايدي .

ديكر روايته كوره عرفه كوند : [لا اله الا الله
و حده لا شريك له] ديدكدن صوكره اكثر دعاي :
[اللهم لك الحمد كالذي نقول . اللهم لك صلواتي و نسكي
و عيای و ممانی و اليك ما آتی و عليك يارب ثوابي .
اللهم اني اعوذ بك من عذاب القبر و من وسوسة الصدر
و من شتات الامر و من شر كل ذي شر] ايدي .

ابن عباس حضرت تيرينك روايته كوره عرفه ده كي
ايتديكي دعاك بري ده بو ايدي : [اللهم انت تجمع
كلامي و ترى مكاني و تعلم سري و علاني لا تخفي عليك
شيء من امري انا البائس الفقير المستغيث المستجير الوجل
المشفق المقر المعترف بذنوبه . اسئلك مسئلة المسكين .
وابتهل اليك ابتهال المذنب الذليل و ادعوك دعاء الخائف
الضرير من خضعت لك رقبة و فاضت لك عيناه و ذل
جسده و رغم انفك اللهم لا تجلني بدعائك رب شقيماً
و كن رؤفاً رحيماً يا خير المسؤولين و يا خير المعطين]

بیور مشلردرکه :

— . دعالرك خير ليسى و اجابته اقربى عرفه
كوننده ابدیلان دعار . بنم و بنندن اولی انبیایک
دیدکارینک افضلی [لااله الا الله وحده لا شریک له له الملك
وله الحمد و هو على كل شیء قدير] کله سیدر .

..

عرفده اهل نجددن یوم عرفه به بتشمش اولان
بر طاقم کیمسه لر ، حضور سعادتہ کلوب: [کیف الحج؟]
دیه سؤال ایتدیلر . آتک اوزرینه امر بیوردی منادی بی
عرفده [من جاء لیلة جمع قبل طلوع الفجر فقد
ادرك الحج . ايام منی ثلثة . فمن تعجل فی یومین فلا اثم
عليه و من تأخر فلا اثم علیه] دیه ندا ایتدیردی .

حجاجدن بر کیمسه او کون عرفانده زاجله سندن
دوشهرك فوت اولمغله امر ایدوب اتی ماء و سدرایله غسل
و جامه احرامیله تکفین ایتدیلر . حنوط و سائرہ منللو
قو قولى شی سور دیر میهرك باشی . یوزی اچیق اولدینی
حالده دفن ایتدیردی و حقنده : [ان الله یبعثه یوم
القیامة ملیاً] دیدی .

عرفانده وقفده ایدی : [وقف ههنا . و عرنة

کلاماً موقف = بن بوراده طوردم عرفانک هر یری
موقفدر | بیورملریله برابر هر قومک ایام سابقهده واقف
اولدقلری محلهده طورملرینی امر ایتدی .

اقتشام اوستی هنوز موقوفده ایکن : [الیوم اکملت
لکم دینکم وانممت علیکم نعمتی و رضیت لکم الاسلام
دیناً] آیت کریمهسی نازل اولمشدر . آیت کریمه نزول
ایدرکن قصواء، ثقلت و حیه تحمل ایدمه یه رک بره چو کشدی !
معنای لطیفی بوکون سنک دینکیزی اکمال و اوزریکیزه
نعمتمی اتمام ایتدم و سنک ایچون دین اولمق اوزره
اسلامی بکندم دینک ایدی . تبایغ و ایفاء رسالت کبی
مأموریتنک ختام و تمامی حالنده اووجود معززک اراتق
دنیاده ایشی قالمیور ایدی :

اذاتم امرد فی نقصه

توقع زوالا اذا قیل تم

مفهومنیجه آیت کریمه . رسالتپناه افندیتمزک رحمت
سویه لرینه اشارت ایدی . حضرت ابوبکر الصدیق رضی الله
عنه . بودقیقه بی اکلایه رق اغلادی ! .

اوکون غروب شمسدن صوکره فخرالایه ایدیمز،
صرفاندن دوندی قصوایه را کب ایدی . اسامه بن زید

رضی الله عنہی ترکیسنه آندی کمال عز و وقار ایله مزدلفه یه حرکت ایتدی .

ناقۀ سعادتلرینک یولاری دست هایونلرنده ایدی .
اولقدر چکدی که قصوانک باشی رحلتک اوکنه تماس
ایدرجه سنه کیشدی . یولده بر یوقوش کلدجه یولاری
صالیویریر ایدی . خلقک مسارعت و ازدحاملرینی کورونجه
مبارک اللریله خلقه اشارت ایدوب : [یا ایها الناس
السکینه السکینه] دیدی . یاواش کیتملربی امر ایدیه یور
ایدی .

اشبو امر عالییه قارشو خلقکینه دوه لرینی ضرب
شمانلرینی ایشیده رک النده کی قامچیسيله اشارت ایتدی .
و : [یا ایها الناس ! علیکم بالسکینه . فان البرلیس بالایضاع]
دیدی .

یولده بر طاغ قولت و غنه کلدی که صول جانبی یول
ایدی آنده ناقۀ هایونلرندن ایندی و بعد البول خفیف
بر آبدست آندی . اسامه :

— « الصلوة یارسول الله ! »

دیرکن اکا : [امامک] دیه نماز محلتک ایلروده
ایدوکنه اشارتله دوه سنه سوار اولدی . یاتسو وقتنه یاقین

مزدلفه کلدی . افشام الله بالاسوئنازلری جمع آمده رک و اذان
و بر اقله برابر قیلمدی . او کیچه مزدلفه ده قالدی .
تهجد قبله بوب صاغ جانبی اوزرینه یاندی اویودی شعله
برابر قالدی . فضل بن عباس رضی الله عنهما یه : [النقط حصی]
دیه جرمه طویلامسنى امر ایتدی فضل ده اوفاق بر قاج
طاش دیوشیروب تقدیم ایتدی . افندیمز :

— يا مال هؤلاء وایاکم والغلو فی الدین . فانما هلك
من قبلکم بالغلو فی الدین »

بیوردی که زعم افضلیته قوجه مان طاشلری شیطان
نیتته جرمیه اتمق حائز فضل و مزیت اولیوب بالعمکس
حدندن زائد و خارج اولمق اعتبارله اودرلو معامله نك
غلو فی الدین مرتبه سنده بواند یغنه مبنی محذور مذکوره
محل قلماق اوزره اوفاجق طاشلره جمراتک رمینی وهر
خصوصده غلودن مجانبتی بونکله امر و اخطار ایتمشدره
مزدلفه دن قصوایه راکباً مشعر الحرامه کلدی . مشعر
الحرامده قبله یه طوغری طوردی دعا یه مشغول اولدی .
تکبیر و تحمید و تهلیل ایلدی .

عباس بن مرداس اسلمی ، روایت ایدر که حضرت
رسول الله صلی الله علیه وسلم یوم عرفه نك آخرنده و یوم

عید کیجہ سندہ امتی ایچون دعا واستغفار ایلدی . جناب حق ، مظلومک غیرینی مغفرت ایتدیکنی و مظلومک حقنی ظالمدن الیور مدکجه ظالمی عفو و مغفرت ایتیه جکنی بیلدیردی . شفیع الامه افندیمز : [یارب دیلر سه کجنتدن عوض ویر یرده مظلومی راضی قیلوب ظالمی مغفرت ایدرسک] دیه نیاز وتضرع ایتدیکی حالدہ او کیجہ اثر قبول واجابت ظهور ایتامشدی .

مز دلفده ویاخود مشعر الحرامده عین دعایی کمال تضرعله تکرار ایدرکن جبریل ، پیغام اجابتله نکادی . او زمان جناب رسول اکرم ، تبسم بیوردی . ابوبکر ایله عمر رضی الله عنهما سبب تبسمی سؤال ایتملیلہ امت حقنہ کی دعاسنک قبول بیورلمش اولمسندن ناشی شیطان ، کدرندن جزع وفزعله باشنه طوپراق صاحہرق کندینه ویل و ثبور ایله ادعا ایلدیکنی کوروب تبسم ایتدیکنی سویلدی .

طلوع شمسدن اول مشعر الحرامدن حرکت ایتدی بودفعه « قزح » دیدکاری محلدہ ناقه هایونلرینک ترکیسنه عم زاده لری فضل بن عباس رضی الله عنہما بی آلدی . فضل ، بر شاب جمیل ایدی . محفلرله بعض نساء کچرکن فضل انلرک طرفنه باقش وروایت اخرایه کوره خشم قبیله سندن

برقارین اورادم حضور اقدس رسالہ ہی بہ کاوب ۔
 — « یا رسول اللہ ! حجه کتمکے غیر مستدر اولان

اختیار بابام ایچون بن حجه ایتسم جائز اولورمی ؟ »
 دیہ سؤال ایدمک [بلی] جوابی آلیرکن فضلہ
 او قادیہ قارینمہ فصلہ باقش و بونی رسول اللہ
 کوردیکندن مبارک دست سعادتلر بله فضلک باشی طوتوب
 یوزینی او بر طرفہ یچورمشدی حضرت عباس رضی اللہ
 عنه ، فضلک باشی یچون دؤنیرلدیکنی سؤال ایتدی ۔
 افندیمز :

— « رأيت شاباً وشابة فلم آمن عليهما الشيطان »
 جوابی ویردی ۔

بعان محسره کادیکی زمان ناقه سعادنک زماننی براز
 صالیورمدرک سرعتجه یوروتمشدی جهره کبرایه کیدن
 اوردته یولدن یورودی . شجره قربنده کی جهره یه واردی .
 فضلک طوپالایوب ویردیکی طاشلردن یدی داهسنی اکا
 دوه اوزرنده اولادینی حاله آندی . هر بر طاشرا یچون
 اتارکن تکبیر ایتدی ۔

رمی جهرات ، ضحی وقتی ایدی ۔ حین رمیده
 تلبیه یی کسیدی ۔ بالال ایله اسامه رضی اللہ عنهما ، اوزمان

خدمت شریفه رسالت پناهیده ایدیلر ، بری ناقه مک زمام
ولجامنی طوتار دیکری لباس ایله افندی مزه کولکه ایدردی .
رمی جهراتده خلق ازدحام ایتشلردی [یا ایها الناس !
لا تقتل بعضکم بعضاً . واذار میتیم الجمرة فارموا بمثل حصی
الخنزف] دیه اومللا وازدحامله اولان رمی جهراتده ملحوظ
بولنان مخاطر مک اوزرینه هر کسک نظر دقتنی جلب
ایتدی .

جهره مک عقینده واوراده خطبه یه باشلا یه رق یوم
صرفه ده او قودینی کی دماء جاهلیه مک واموال واعراضک
تحریمنی ابلغ وجوه اوزره تکرار ایتدی . و :
— « سلطان ، سزی کتاب الله دعوت ایتدکجه
امرینه اطاعت ایدیکز . و مناسک کیزی شمدی بندن
او کر نیکز . بیلمم اما بلیکجه بوسنه دن صوکره بر ده ا حیح
ایتمیه جکم ،

دیدی صوکره مسیح الدجالک بیان احواله بالتصدی :
— « انهم یکن فی الارض منذ ذرا الله ذریة آدم .
علیه السلام اعظم من فتنة الدجال وان الله لم یبعث نبیاً
الا حذر امته الدجال وانا آخر الانبیاء و انتم آخر الامم ،
و هو خارج فیکم لامحالة »

بیور و رایکن دجالک امت میاںسدہ ظہور و خروجی
لا محاله ایدو کنہ دائر اولان بیانات سنیہ اوزرینہ حاضر
بولان احباب گرامدہ بعض مرتبہ خوف و خشیت علایمی
معلوم عالی بیور بلہ رق :

— « غیر الدجال اخوفنی عایکم . ان یخرج وانا فیکم فانا
حجیجہ دونکم وانا حجیج کل مسلم و ان یخرج من بعدی فکل
حجیج نفسه واللہ خلیفتی علی کل مسلم . وانه یخرج من
خلة [ای من طریق بین الشام و العراق] فیعیث ای یفسدہ
یہمت السرایا و الجنود یمیناً و یبعث شمالاً و ان علی مقدمتہ
سبعین الفاً من یہود اصہبان عاہم رجل اشعر من فیہم
فیقول بدو بدو [اسرع اسرع] یا عباد اللہ ! فانتہوا فانی
ساصفہ لکم صفة لم یصفہا ایاہ نبی قبلی وانه یبدأ فیقول
انا نبی و لانی بعدی ثم یثنی فیقول انار بکم و لائون ربکم
حتی تموتوا . وانه اعور و ربکم لیس باعور . وانه
مکتوب بین عینہ کافری قرؤہ کل مؤمن کاتب و غیر کاتب
وفتنہ کثیرہ .. منها ان معہ جنة و ناراً فمن ابتلی بنارہ
فلیستغث باللہ و لیقراً فواتح الکہف فتکون علیہ برداً
و سلاماً کما کانت علی ابراہیم . و منها ان تطوی الارض
منہلاً منہلاً طی فروة الکبش . وانه یسیح الارض کلہا

في اربعين يوماً ومامن بلد الا وسيطؤها الامكة والمدينة،
 وسرعته في السير كالغيث استدبرته الريح . وان له ثلاث،
 صيحات يسمعها اهل المشرق واهل المغرب . ويتناول الطير،
 من الجو ويشويه في الشمس شيئاً . وانه يخوض البحر،
 في اليوم ثلاث خوضات لا يبلغ حقويه واحدى يديه اطول،
 من الاخرى . فيمد الطويلة في البحر فتبلغ قعره فيخرج،
 من الحيتان ما يريد . وانه يخرج في خفة من الدين وادبار،
 من العلم فلا يبقى احد يحاجه في اكثر الارض . ويذهل،
 الناس عن ذكره . وانه يأتي فيقول لاعرابي ارأيت،
 ان بعث لك امك اتشهد اني ربك فيقول نعم فيتمثل له،
 شيطان على صورة ابيه وآخر على صورة امه فيقولان،
 له يا بني اتبعه فانه ربك فيتبعه . وانه يمر بالحربة فيقول،
 لها اخرجي كنوزك فيتبعه كيعاسيب النحل . وانه يأتي،
 على النهر فيأمره ان يسيل فيسيل ثم يأمره ان يرجع فيرجع،
 ثم يأمره ان ييبس فييبس . وانه يأمر الريح ان تثير،
 سحباً من البحر فتطر الارض فتفعل . وانه يقول،
 انا رب العالمين وهذا الشمس تجري باذني افتريدون ان،
 احبسها فيقولون نعم فيحبس الشمس حتى تجعل اليوم،
 كالشهر والجمعة كالسنة.

ويقول اتريدون ان اسيرها فيقولون نعم فيجعل اليوم
 كالساعة . وانه ياتي قبل خروجه ثلاث سنوات شدائد
 يصيب الناس فيها جوع شديد يأمر الله السماء ان تحبس
 ثلث مطرها ويأمر الارض ان تحبس ثلث نباتها ثم يأمر الله
 السماء في السنة الثانية فتحبس ثلثي مطرها ويأمر الله الارض
 فتحبس ثلثي نباتها ثم يأمر الله عز وجل السماء في السنة
 الثالثة فلا تمطر قطرة ويأمر الارض فلا نبات خضراء
 فلا تبقى ذات ظائف الاهلك الا بما شاء الله .

ديرا يكن اصحاب كرامك خوف وحيرته :

— « يا رسول الله ! فما يعيش الناس اذا كان ذلك »

فيه سؤال يتملئ منه جواباً [التسبيح والتكبير يجري ذلك
 منهم مجرى الطعام] بيوردي .. ودوام ايدي :

— « وانه يسلط على نفس واحدة فينشرها حتى ياقبها
 شقين فيمر الدجال بينهما ثم يقول انظروا هذا فاني ابعثه »
 الان ثم يزعم ان له رباً . غيرى ثم يبعثه الله فيقول له الخبيث
 من ربك ؟ فيقول : ربي ، الله وانت عدو الله الدجال . والله
 ما كنت قط اشد بصيرة فيك مني الآن ، فيريد ان يقتله
 ثانياً فلا يسلط عليه وهو الحضر عليه السلام . ويكون معه
 اليسع عليه السلام ينذر الناس يقول : هذا المسيح الكذاب »

فاحذروا لعنة الله . ويعطيه الله . من السرعة ما لا يلحقه الدجال .
 ان بين يديه رجلين ينذران اهل القرى . كلما دخلا قرية ،
 انذرا اهلها فاذا خرجا منها دخلها اول اصحاب الدجال .
 ويدخل القرى كلها غير مكة والمدينة . فيمر بمكة فاذا هو
 بمخلق عظيم فيقول : من انت ؟ فيقول : انا ميكائيل بعثني
 الله لامنعك من حرمه ويمر بالمدينة فاذا هو بمخلق عظيم
 فيقول : من انت ؟ فيقول : انا جبريل بعثني الله لامنعك
 من حرم رسوله ويصيح فيخرج اليه من مكة منافقوها
 وترجف المدينة ثلاث رجفات فلا يبقى منافق ولا منافقة
 الا خرج اليه . فتنفي المدينة يومئذ خبثها كما ينفي الكبير
 خبث الحديد . ويدعى ذلك اليوم يوم الخلاص . ويكون آخره
 من يخرج اليه النساء حتى ان الرجل يرجع الى امه وبنته
 واخته وعمته فيوثقها رباطاً مخافة ان تخرج اليه .

بوكا اوچ كره [يوم الخلاص] ديه علاوه ايلدى .
 صوكره :

— وما يوم الخلاص ؟ يحى الدجال فيصعد احداه
 فيطلع فينظر الى المدينة ويقول لاصحابه : الاترون الى
 هذا القصر الابيض هذا مسجد احمد ،

ديدى . ودوام ايتدى :

— جناب حق زمین و آسمانی خلق ایله یکی کون
 زمان نه هیئنده ایدیه شمعی نه او هیئنه رجوع ایتمشدر .
 سنه اون ایکی آی بوتک درت آی اشهر حرمدر . اشهر
 حرمک اوچی متوالیاتدرکه ذوالقعدة و ذوالحجة محرمدر .
 منفرد آی دخی رجب مضردرکه جمادی الآخر ایله شعبان
 آره سنده در [۵] سز قریباً ربکزه ملاقی و اعمالکزدن
 مسئول اوله جقسکز . ایمدی کر کدرکه بندن صوکره
 یکدیکر یککزک بویونی اورمغه صایمه سکز . و بندن ایشتد
 یککزکزی حاضر اولانلر ، غائب اولانلره نقل و تبلیغ
 ایتسون بایک سوزلریمی بندن ایشیدوبده آخره تبلیغ
 ایدنلرک بعضی . کندوسنه تبلیغ اولنان کیمسه لردن ده
 کوشک و عاجزدر [الاهل بالغت ؟] ، دیدی . اصحاب
 کرام [نعم] جواب تصدیقی و برملریله اوج کره [اللهم
 اشهد] بیوردی . و خطبه دن صوکره محل نحره یعنی
 قربان محله کلدی . مدینه طاهره دن برلکده کتیردیکی
 هدی ایله حضرت علینک یمندن کتیردیکنک مجموعی یوز

[*] السنة اثنا عشر شهراً منها أربعة حرم ثلاثة متواليات
 ذوالقعدة وذوالحجة والمحرم ورجب مضر الذي بين جمادى وشعبان .
 الحديث

دوه اولمشدى . يوز دوه نك التمش اوج رأسى رسالتپناه
افديمز ، كنىدى مبارك اللريله بوغازلدى كه سنين عمر
هايونلرينك عددينه موافق ايدى . متباقى اوتوز يديسى
حضرت على كرم الله وجهه يه سپارش ايدى رك او بوغازلدى .
وآل وزوجات طهراتى ايجون يالكوز برصغير ياخود بر
دوه قربان ايتدى . صوكره منايه كلدى .

سرتراش « معمر بن عبد الله بن افضل بن عوف »
حاضر ايدى . رأس سعادتلرينك صاغ جانبندن تراش
ايتمى اللريله اكا [خذ] ديه اشارت بيوردى . جانب
مذكور دن تراش ايتدير ديكى موى مطهرى اوراده قريب
اولان اصحاب و اشخاصه و جانب يسارندن تراش ايتدير يكى ده
« ابو طلحه » و ياخود « ام سليم » رضى الله عنهما يه و ديكر
روايته كوره زوجات طهراتنه ويردى .

خالد بن الوليد استدعاسنه مبنى ناصيه رسالتپناهي يه
مصادف اولان موى مطهر دن احسان بيورلمشدى .
اوده موى سعادتى سرپوشنك جبهه و ناصيه جهته تبركا
تعييه ايتكله اندن صوكره جميع غزواتنده هر حمله ده ،
منصور و مظفر اوله كلشدر .

بعض اصحاب كرام امتثالاً تمام تراش اولديلر .

بعضی ده اکنفا طریقہ صاچلرینک اوجندن برره قداری
کسیدریدلر . اولوبنک بالطبع اولکنده ایدوکی اظہر
اولمغله جناب پیغمبر : [اللہم اغفر للمحلقین] دیہ دعا
بیوردی . نقصیر ایدنلر کیری قالمش دیمک ایدی . بناءً علیہ
احباب کرام :

— « یا رسول اللہ ! وللمقصرین ،

دیمشلر . رسول اکرم ینہ اولنکی کبی یالنکز محلقینہ
دعا ایتش احباب ده رجالری تکرار ایدمک منوال مذکور
اوزره کیفیت اوچ نوبت تکرر ایلدشدی .

قربانلرینک هر برندن برر مقدرات کسیدروب بر
قلمده پشیرتدیردی انی علی ایله برابر تناول بیوردی .
و علی به امر ایدوب قربانلرینک اتلری ، دریلری و
سائر شیلری تقسیم ایتدیردی قصابه انلردن ویرمدی .
اجرتی آری ویردی .

شو اراده ایدی عرفانک بطن عرنه دن و مزدلفه نیک
بطن محسردن ماعدا هر یری موقف ایدوکی و منانک
هر یری ایله مکہ زوقاقلرینک منحرا اولدینفی اعلان
ایتدیردی .

آندن سوکره حضرت عائشه رضی اللہ عنہا ، مسکی

حاوی بر طیبله تطیب ایدوب رسول الله صلی الله علیه و سلم احرامدن چیقدی و سوار اوله رق وقت ظهر دن مقدم مکه مکرمه یه کیردی. و سوار اولدینی حالد طواف افاضه بی ادا ایلدی چاه زمزمه کلدی. بنی عبدالمطلب بئر زمزم دن صو چکوب حجاجه ساقیلک ایده یورلردی .
 [انزعوا بنی عبدالمطلب لولا ان یغلبکم الناس سقاتیکم لنزعتم معکم = ای عبدالمطلب زاده لر ! چکیکیز اکر خلقک اوزر لریکزه از دحامی خوفی اولمسییدی بنده سزکله بر لکده چکردم] بیوردی . بر قوفه ایله زمزم دن صو تقدیم اولنه رق ابن عباس روایتنه کوره آباق اوزرنده و عکرمه روایتنه نظراً ناقه سعادت اوزرنده اولدینی حالد ایچدی .

اوکون بعض ناس ، مشکلرینی سؤال ایلدیلر . تراشک ذبح هدی اوزرینه ذبحک رمی جرات ، طواف افاضه نکه ده رمی اوزرینه تقدیمی جائز اولوب اولمدیغنی صور دیلر . هپسنه « لاجرج » جوابی ویردی . حضرت عائشه رضی الله عنهانک حیض دن تطهر له بیت کعبه بی طواف ایلدیکی بوکون ایدی .

بعده منایه عودت ایلدی . اوکونکی صلوٰة ظهرک

نموده. قبلندینی احتیلا فلیدر عائشه و جابر رضی الله عنهما
مکوده، ابن عمر کی بعض اصحاب ده بعد الرجوع مناده قبلندش
اولدینی روایت ایتملردر .

ایام اضحیٰ نك برنجی کونی اولان اشبو جمعه ایرتسی
کوننك بقیه سنده و بازار کیجه سنده و کوندوزنده بازار
ایرتسی کونیله صالی کیجه سی و کوننده که بواوچ کونلره
ایام التشریق دینیایر مناده قالدی . ایام مذکورده هر
کون زوالدن صوکره جهره آتدی و هر دفعه ده یدیشیر
طاش آتدی هر طاشده برکره تکبیر ایتدی .

ابتدا مسجد خیفك یاننده اولان جهره یی آناز
ایدی که بوکا جهره اولی دیرلر . دعا ایچون جهره اولیده
توقف ایتدی . صوکره جهره وسطایی ده بواسلوب اوزره
آتدی انده ده دعا ایچون بر مدت توقف ایتدی . جهره
ثالثه اولان جهره العقبه نك رمی ائنده توقف ایتدی .

ایام عیدك ایکنجیسی و ایام منانك اولکیسی بولنان
[یوم القر و یوم الرؤس] که بازار کونی ایدی خلقه مناده
اوکون بر خطبه او قودی . و اوچنجی کونی بولنان [یوم
الاکارع] ده کذلک مناده بر خطبه ده او قودی . بو خطبه ده
ذوی الارحامه برواحسان خصوصی امر و توصیه ایتشدی .

* * *

اشبو حج شریف وداعده رسول الله صلى الله عليه وسلم
 بش دفعه خطبه او قومشدر. برنجی خطبه، ذی الحجه نك
 یدنجی كونی مكده ایكنجی خطبه، طقوزنجی كونی
 اولان یوم عرفده اوچنجیسی، یوم النحرده مناده
 دردنجیسی، یوم ثانی ایام منا اولان یوم القرده كذلك
 مناده، بشنجیسی یوم رابع ایام عید بولنان یوم الفرده
 مناده ایدی. صالی كون كه عیدك دردنجی كونی اوله رق
 [یوم النفر] دینیلیرانده «محصب» نام موقعه کیتدی.
 تشریف عالیدن برکون اول اسامه رضی الله عنه: [یارین
 محصبه بنی کنانه خیفنك قرینده نزول ایتسم کرکدر]
 دیمشدی. فقط بوندن خبردار اولمقسزین آزادلیسی
 ابورافع، خیمه سعادت محصبه خیف مذکورده
 قورمشدی.

چهارشنبه کیجه سی محصبه قالدی. وکعبه معظمه یی
 بردها طواف ایتدکجه خلق مکدن طاغلاملری لزومی
 اعلان ایتدیردی ایجه نك بر مقدارنده او بودی سحر و
 شفق قارش قالدی مکه مشرفیه کلوب کیجه لین طواف
 وداعی ایفا ایلدی و مکهنك اشاعی جهتنده [کدی]
 دیدکری یولدن چیقادی. . ارتق مدینه طیه لرینه توجه

بیوردی مکّه مکرمه دن محل خروجلاری، دخول ایلدکاری
بولک غیری ابدی یوکسک بریولدن کیرمش الحق بریردن
جیقمش ابدی .

مکده مدت مکث واقامتاری اون کوندر اول مدت
نماز لری قصر ایله قیلدی وقصر ایله قیلدینی نمازک عقیبنده
[اتموا صلواتکم یا اهل مکة فانا قوم سفر] بیورور ابدی
یولده وغدیر خم، نام بر، نزله اولیه نمازینی قیلدقدن صکره
اصحاب کرامنه دونه رک :

— « بن ، مؤمناره کندی نفسلرندن دها زیاده
اولی دگیلم . بنی عالم بقایه دعوت ایتدیلر . بنده
اجابت ایتدم . . بيلمش اولیکز ارا کزده ایکی شیئی
عظیم براقدم که بری برندن عظیمدر . بریسی قرآن ،
دیگری اهل بیتدر . ائمدی بندن صوکره او ایکی امرده
نه درلو سلوک ایتسه کز و انلرک حقوقنه نه کونه رعایت
ایلسه کز کرکدر . او ایکی امر عظیم کنار حوض کوثرده
بکا ملاقی اولنجه یه قدر یکدیگرندن جدا اولمز لر . تحقیقا
حق تعالی ، بنم مولا مدر . و بن جمع ، مؤمنینک
مولاییم . »

دیدى و علینک انی طوتوب سوزینه دوام

ایلدی :

— من كنت مولاه فعلى مولاه . اللهم وال من
والاه . وعاد من عاداه و اخذل من اخذله وانصر من
من نصره وادرا الحق معه حيث كان »

بیوردی . عامۃ اهل ایمانه قارشى رؤوس اشهادده بر
حق عظیم تولى بخش ایتک صورتیله علی کرم الله وجهه نک
قدر جلیل بلندی بر قاندها بالا تر ایلدی .

ذوالحلیفه موصلتی کوندوزک کچ بروقتنه مصادف
اولغله مدینه سعادتہ کیجه کیرمامک عزیمیلہ اندہ قالدی .
ایرتہ سی صباح معرس طریقہ کیده رک مدینه پاک
رسالتپناهلرینه داخل اولدی .

یولده سواد مدینه یی کوردیکی زمان اوچ کره تکبیر
ایده رک : [لااله الا الله وحده لاشریک له . له الملك وله الحمد
وهو على کل شیء قدير . آئبون تائبون عابدون ساجدون
لربنا حامدون . صدق الله وحده وانصر عبده وهزم الاحزاب
وحده] دیدی .

*
••
۴۹

— بعث جریر —

جریر بن عبدالله البجلی حضر تلمی ، امراء یمندن

ذوالکلاع کو بذر لدی . ذوالکلاع ک اسمی اسیفیع [۰]
ایدی . وکنندوسی تبایمہ حمیریہ دن باگوراء بن حبیب
اوغلی ایدی . زوجہ سی . صریمہ بنت ابرہۃ الصبیاح .
ایلہ قبول اسلام ایتشلردر .

جریر ، یمندہ ذوالکلاع ایلہ ینہ امرادن ذوعمر
فامندہ دیگر برینہ ملاقی اولہرق انلرہ رسالتیناہ افندیمزہ
عائد بعض امور دن بحث ایتدی . ذوعمر . اوچ کون اول
رحلت نبویہ نک وقوع بولدیقتی سویلیوب ذوالکلاع
ایلہ برلکدہ جریرہ رفیق اولدیلر . مدینہ طیبہ یہ طوغری
یمندن یولہ جیقیدیلر . یولہ تصادف ایلدکری برجماعت
سواریدن لدی السئوال الدقلری : [قبض رسول اللہ
صلی اللہ علیہ وسلم واستخلف ابوبکر رضی اللہ عنہ والناس
صالحون] جوابیلہ مسـموعات مذکورہ نک صحتی تبین
وتأید ایتسکلہ ذوالکلاع وذوعمر :

— « اخبر صاحبک انا قد جئنا . واملنا سنعود ان شاء اللہ »

دیہرک اورادن کیری یمنہ دوندیلر کیتدیلر .

حضرت عمر رضی اللہ عنہک زمان خلافتلرنده بونلر ،
مدینہ طاهرہ یہ کلشلردی . ذوالکلاع ک معیتندہ روایتہ

[۰] الک کسری ، یم وفانک فتحہ لری وسین ویا نک سکونلریلہ

گوره اونسکزیبک کوله سی موجود ایدی . درت بیکنی
در حال آزاد ایلدی . شوقدر وارکه اونسکزیبک افراد
معیتله مدینه به کلسی وصیغمسی عقل وعادت نقطه لرندن
براز شایان بحث ونظر در .

حضرت عمر :

— « یا ذوالکلاع ! کیری قالان کوله لک ثلث اثمانی
نقدآ بوراده ، ثلثی شامده ، ثلث دیگری ده یمنده تسویه
ایدلمک اوزره انلری ده آزاد ایت »

دیدی . ذوالکلاع ، اوبابده ملاحظه ایچون مهلت
ایستیوب منزله کلدکن صوکره کوله لک هپسنی بلابدل
آزاد ایتمش وایرته سی کون حضرت عمر ، اکادائر سؤال
ایدرکن ذوالکلاع :

— « جناب حق بکا وانلره خیرلی اولانی اختیار
ایتدی هپسنی آزاد ایتدم »

دیه جواب ویرمشدر . ذوالکلاع :

— « یا امیر المؤمنین ! بنم بیوک برکناهم وارکه جناب
حقک انی عفو ومغفرت ایده جکنی امید ایده میورم :
برکون یوکسک بر محله کیمسه نک کوره میه جکی صورتله
اوطوریور ایدم بولندیغم کوشکک اوکنده میدانده بنی

رب معبود اتخاذ واعتقاد ایتمش اولانلردن یونجهک قدر
غلبهک طوبیلاوب نی کورمهک منتظر ایدیلر . تاکام
کندی می الزمه کوردم هپسی برآنده یرمه قاپانهرق سجدمه
ایتدیلر »

دیدکده حضرت عمر :

— « اخلاص ایله توبه و اقلاعیله انابهدن غفار الذنوبک
رحمت و غفرانی مرچودر »
دیه جواب و یردی .

ذو عمر . اوزمان مدینه سعادته کوردیکی محاسن
اخلاق و اداریه نظر حیرتله باقهرق اصحاب کرامک هر
خصوصده تقدیر و تحسین افکار و افعالی صدنده :
— « یا جریرا ان بک علی کرامه وانی مخبرک خبراً
انکم معشر العرب ان تزالوا بخیر ماکنتم اذا هلك امیر
تامرتم فی آخر فاذا کانت بالسیف کانوا ملوکاً یغضبون
غضب الملوک و یرضون رضا الملوک »
دیمشدی .

علوان بن داود حکایت ایدرکه قیسه سی طرفندن
بر طاقم هرایا ایله ذوالکلاعک نزدینه بعث و اسرا اولنان
بر آدم . برسنه کامله قصرینک حولنده طولاشدینی حالده

ملاقات ایدہ میوب یوزیک کشینک وجہ مسرود اوزرہ
 سجدہ ایتدکلرینجی دہ مشاہدہ ایتمش واسلامندن صوکرہ
 او احتشامی ترک ایلہ بازاردن آدینی برات پارچہ سنی
 عوامدن برفردکی آنک ترکیسنہ آصوب کندی خانہ سنہ
 کیدرکن اسان تأثرلہ :

اف للدنیا اذا کانت کذا
 انا منها کل یوم فی اذا
 ولقد کنت اذا قیل من
 انعم الناس معاشاً قیل ذا
 ثم بدلت بعیشی شقوة
 حبذا هذا شقاء حبذا

سویلدیکنی کورہ رک حکایہ ایتشدہ .

۲۲

قدوم فیروز دیلمی

فیروز دیلمی ، یمن والیسی باذانک زوجہ سی
 صر زبانه نک عنزادہ سیدر . بوکرہ قبول اسلام و زیارت
 حضرت سیدالانام قصدیلہ یمندن مدینہ پاک رسالتہ کلہ رک

مسلمان اولدی . اخیراً اقامه دعوی الکذب نبونه
یمنده . صیتی ظهور ایدن اسود عسی بی بو ذات قتل
ایلمشدر .

•

۲۴

طلوع جبریل

شو ارالق مدینه طاهرده البسمی بیاض ،
صاجلری سیاه ، رایحه سی لطیف ، یوزی دلبر نورانی
بر ذات مجلس عالی رسالت پناهیده کورونمشدر . او وقته قدر
مدینهده بویله بر ذات کورولمدیکی و اوزرنده سفر
علاقیده بولمادیکی جهتله کیم اولادیکی اصحاب کرام
بیله مدیلر ،

رسول الله صلی الله تعالی علیه وسلم افندیمره یقین
واروب : [السلام عليك یا رسول الله] دیدی . افندیمر
[و عليك السلام] کلامیله مقابله ایتدی . صوکره او
ذات ، دیزلرینی حضرت رسالت پناهک دیزلرینه اسناد
و اللریخیده فخذین نبوییه وضع ایلدکن صوکره
ایماندن ، اسلامدن ، احساندن ، قیامتدن سؤال ایتدی .

حضرت نبی اکرم سؤال قیامتک ماعداسنه جواب
 ویروب : [مسؤل ، سائلدن اعلم دکدر] بیوردی .
 او ذاتده مجلس عالیـدن چیقدی . همان عقبنده طلب
 و تحری امر طالبی شرفصدور ایدرک ارادیلر .
 هنوز مدینهده و بلکه حوالی مسجد شریفده غائب
 اوله بیله جک قدر بر زمان کچمدیکی حالده بوله مدیلر .
 ایشته او زمان افندیمز : [جبریل ایدی . سزه دینکزی
 تعلیم ایچون کلدی] دیه حقیقت حالی بیلدیردی .

فصل رابع عشر

اورد برنجی سنه لهجریه و قایمی

وفود نخع . ظهور متنبین کذابین . سریه اسامه واستغفار
و مرض النبی . انتقال و ارتحال نبوی .

۱

وفود نخع

یمندن ایکی یوز کشی ایدیلر . معاذ بن جبل
رضی الله عنه اسلام اوزرینه بیعت ایتشلردی . حضرت
رسالتپناه صلی الله علیه وسلم افندیمزه کلان و افدلرک اک
صوکرده سی بونلر ایدی . مقر بالاسلام اولدقلری حالده
محرمده کلهرک دارالضیافه ده مسافر ایدلدیلر . رئیسلری
«زراره بن عمرو» ایدی . کوردیکی غریب رؤیای
رسالتپناه افندیمزه عرض و حکایه ایدرک تعبیر ایتدیر -
مشدر ، دیدی که :

— «کریده براقديغم ديشی حمارم ، سیاھه مائل
قیزیل بر اوغلاق طوغوردیغنی رؤیاده کوردم»
افندیز ، صوردی :

— «مملکتیده کبه بر قاری براقدمی؟»
زراره : [اوت] دیدی .

افندیز :

— «او قاری بر چوجق طوغورمشدرکه سنک
اوغلکدر»

دیه بیوردیلر . زراره سؤال ابتدی :

— «اورنکلر نه ایدی»

حضرت پیغمبر ، بو آندم زراره یی : [یا زراره
یقین کل] دیه نزد هایونلرینه چاغیردی زراره یقین
کلوب او طوردی . اکا افندیز ، یاواشیجه صوردی :

— «یا زراره ! سنده هیچ برص علتی وارمیدرکه
سن انی کیزلردک؟»

زراره جواب ویردی :

— «فوالذی بعثک بالحق ماعلم به احد ولا اطلع
علیه غیرک»

رسول الله صلی الله علیه وسلم :

— « هو ذاك »

بيورد قدن سوكره زرارہ :

— « يا رسول الله ! ورأيت النعمان بن المنذر

و عليه قرطان و دملجان و مسكتان »

ديه سؤال ايتمكله رسول الله :

— « ذلك ملك العرب رجع الى احسن زيه

و بهجته »

حواجی ويردی . زرارہ دوام ايدهرك :

— « يا رسول الله ! ورأيت عجوزاً شمطاء

خرجت من الارض »

ديرکن نبی معظم :

— « تلك بقية الدنيا »

ديه بيورملريله زرارہ سؤال ايتدی :

— « ورأيت ناراً خرجت من الارض فيحالت بيني

وبين ابن لي يقال له عمرو . وهي تقول : لظي لظي بصير

واعمي . اطعوني آكلكم واهلكم وملككم »

و :

— « تلك فتنة تكون »

جواب عاليسنی المسيله فتنه بی سؤال ايتدی :

— « یا رسول الله ! وما الفتنة ؟ »

حضرت رسول اکرم :

— « یفتک الناس بامامهم ویشتجرون اشتجار اطباق

الرأس یحسب المسمی فیها انه محسن و یكون دم المؤمن

عند المؤمن احلی من شرب الماء البارد . و ان مات ابنک

ادرکتک الفتنة و ان مت انت ادرکها ابنک »

دیه بیوردی . اوزمان زرارہ :

— « یا رسول الله ! ادع الله ان لا ادرکها »

دیه واقع اولان نیازى نزد سامی رسالتپناهیجه

مسموع بیوریلہرق حقندہ :

— « اللهم لاتدرکها ایاہ »

دیه دعا بیورلمشدر .

اشبودعاء رسالتپناہینک فیض وبرکتیلہ زرارہ ، بالاخرہ

فوت اولوب مرقد سرمدیسندہ فتتہ و آسیب دہردن

آسودہ و آزادہ قالمش اوغلی عمرو ، حضرت عثمان

ذی النورین رضی اللہ عنہی شہید ایدن زمرة کتہکاران

امت میانندہ بولنمشدر .

ظهور متذنبین کذابین

دعوی نبوت ایدن مسیلمه ، طلحه ، اسود عذبی ،
 سجاح کبی یا لانجیلر ، همان بر آندہ کبی ظهور ایتمشلردر .
 مسیلمه و سجاح — مسیلمه ، بر زمان اول یمامہ دن بی حنیف
 میمونلریله بر لیکده مدینہ پاک سعادته کله رک تولی امر حقندہ
 سدہ سنیہ رسالتپناهی به بعض تکلیف آندہ بولمغه جرئت
 ایلدیکنه قارشی مساعدده دکل شدتله رد بیورلمش اولمسندن
 ناشی مغیر واستبداده واستیلای بلادہ صوک درجه مستعد
 ومنہی اولدینی حالدہ عودت ایتمشدی .

اسود ایلہ مسیلمه نك ظهور و دعوالربی حضرت
 سید الانام علیه الصلوة والسلام عالم منامده دست هایونلرنده
 کوروب اوزرینه اوفورمکله برابر غائب اولدینی کوردیکی
 التوندن ایکی بیله زیکله ا کلامشلردی ! و حتی مسیلمه بی
 مدینہ طیبہ ده کوردیکی ائشاده افندیمز ، اودقیقه بی در خاطر
 ایدم رک ا کا : [انک اری الذی اریت فیہ مارأیت]
 بیورمشلردی .

سجاح ، بنی تغلب بطوننک بنی غطفان قبیلہ سندن
برقاری ایدی ۱ . مسیلمہ نك دعواسنی ایشیدہ رك تنبی
املنہ دوشدی . وکندوسنہ وحی کلدیکنی قومنہ سویلمکله
برابر مؤذن ، حاجب ، منبر الخاذ ایلدی قومی دخی
اویدیفندن سجاح ، انلری باشنه طویلایدرق ابتدا مسیلمہ نك
علینہ اعلان حرب ایتدی . مسیلمہ ایلہ تقابل و تلاق
ایلدیکنده نبوتک هانکیسندہ ایدوکنی تعیین ایچون بری
برینی امتحانه باشلادیلر . مع مافیه بوا متحان ، طرفه
العین کبی بر زمان قلیل ایچنده مبدل صاح و مسالت
اوله رق هر ایکیمی ده نبوت یکدیگری تصدیق ایلہ ازدواجه
قرار و یردیلر .

مسیلمہ ، سجاحك مهر و کاینی اولق اوزره امتلرندن
صبحا و عشاء نمازلرینی رفع و اسقاط ایتشدی . مسیلمہ ،
امر نبوتده رسول جلیل علیه اکمل النجیة و النبیجیل
افندیمره شریک ایدوکنی و کندوسنہ وحی کترین
شخصکده [رحمان] اسمنده اولدیغنی سویلمکده
اولمی سبیلرله تبعه سی یئتندہ « رحمان یمامه » دیه
بیللی اولمشدی . حالبوکه شیطان بی ایمان یمامه ، فتنان
سیکمز ان یمامه ایدی .

مسيلمہ • مہجزہ اولق اوزرہ بعض خوارق ارانہ نہ
 یلتمکدہ ایدی • حق بو اوغوردہ • مورطہ بی اغزی
 طار شیشہ بہ ادخال و مقطوع قوش قبادی ربط و ایصال
 اصوائی ایلک کشف ایدن مسيلمہ دیرلر • فقط کو-ترمک
 ایستدیکی خوارقک همان اکثری • اداسنک خلاقی
 ظهور ایدرک کندیسنی قطعاً تنکیل و تکذیب ایتشدرا •
 بر کون بر قاری مسيلمہ بہ کلوب :

— دعا ایتدہ • صولریمزده خورمالریمزده برکت
 حاصل اولسون محمد [علیه الصلوٰۃ و السلام] قومہ
 دعا ایدیورده صولری زیادہ اولیور •

دیدي • مسيلمہ صوردي : [اما اوناصل یاسیور؟]
 قاری :

— • بر قوفہ صو ایستیور • مضمنہ دن صوکرہ
 اغزندہ کی صوی قوفیہ و قوفہ دہ کی صوی قویوہ بوشالدرکن
 صو طاشیور •

دیہ تعریف ایتدی • مسيلمہ • بونی دیکلیہ رک بر
 قوفہ صو اصمارلدی • و تعریف وجهله یاپوب قوفہ دہ کی
 صودن هانکی قویوہ دوکدیسہ صوی غار و غائب اولمشدر
 خیبرده چشم علی المرتضایک دھان شریف رسالت

بارندن سورولمسيله شفایاب اولدیغنی مسیلمه ایشتیکیندن
بوکا معادل بر معجزه ده کنیدیسی کوسترمک ایچون
برشخص بصیرک کوزینه توکوردی . شخص مرقومک
کوزی کور اولدی ! .

تکثیرالبن معجزه سنی کوسترمک عزیمله سودلی بر
قویونک مهنه انی سورمکه یچاره حیوانک سودی
چکلدکن فضله مهنی قورودی ! .

بنی حنیف قبیله سی ، برقویو قازوب طاتلی صو
چیقمشدی . مسیلمه ، اوقویوی تقدیس ایتک مقصدیه
کیدوب ایچنه توکوردیکندن قویونک صوی زهرکی آجی
اولش و بردها طاتلیشماشدر ،

حبیب خدانک اولاد اصحابه خیر و برکتله دعا
ایتدیکنی ایشتیکینده مسیلمه : [بن ده قومک چوجققرینی
مبارکلیه حکم] دیه النی هانکی چوجغک اغزینه
طوقاندردیسه لال و ابکم ، کوزینه تماس ایتدردیسه
کور ، انه تماس ایتدیسه چولاق ، باشنه مسح ایتدیسه
کل اولمشدر ! .

مسیلمه ، برنوبت برباغچه ده آبدست آلمشدی .
صوینی باغچه یه صاچدیله . باغچه ده بردها اوتیتمدی ! .

قومندان بر حریف . ایکی چو جغیچون مسیلمه یه
خیر وبر کتله دعا ایتمیرمشدی منزله عودت ایتمیکنده
ایکی چو جغندن برینی قورت بمش برینی ده قویویه دوشوب
غریقاً هلاک اولمش بولدی ! .

•••

مسیلمه . کندوسنه وحی کلدیکی و آیت نزولی ادعاکنده
ایدی بناءً علیه قرآن عظیم الشانک بعض آیات وسور
کریمه سنه نظیره طریقله تنزیل الهی اولمق اوزره بعض
اقوال مسجحه ترتیب وتفهوندن خالی اولمامشدر .
سورة الکونر ايله سورة البجمه . سورة الزاریاته شییه
تفهواتیدر :

[انا اعطیناک الجواهر . فعل لربک فهاجر ان مبعضت رجل فاجر]
[والنجم اذا سمی والبحر اذا طمی مازاغ منذرکم وما طفی]
[وما کذب وما غوی فیما نطق وما روی]
[والزارعات زرعاً والحاصدات حصداً والزاریات]
[قمحاً والطابخات طبخاً والحفرات حفراً والحارزات]
[خبزاً فالثاردات ثرداً فاللاقات لقماً وآلات کلات کلاً]
[اهالةً وسمناً لقد فضلتم علی اهل الوبر ما سبقکم اهل المدر]
شو سوزلر دخی انک اولدینی مرویدر :

[افلح من هيم في صلاته و اطعم المسكين من
مخلاته . و اخرج الواجب من زكاته]

[لقد انعم الله على الجبلى اخرج منها نسمة تسمى
من بين صفاق وحشا]

[الم تركيف فعل ربك بالجبلى اخرج منها نسمة
تسمى من بين شر اسيف وحشا]

[الفيل ما الفيل وما ادريك ما الفيل له ذنب وثيل
و خرطوم طويل . ان ذلك من خلق ربنا لقليل]

[يا ضفدع نقى كم تنقين . النقيق صوت ضفدع .
فاذا رجع صوته قيل نقنق . اعلاك فى الماء و اسفلك
فى الطين . لا الماء تكدرين ولا الشارب تمنعين]

[يا ضفدع بدت ضفدعين .. لحسن ما تنقنين
لا الشارب تمنعين ولا الماء تكدرين امكثى فى الارض حتى
تأتىك الحفاش بالخبر اليقين . لنا نصف الارض ولقريش
نصفها و لكن قریش قوم لا يعدلون]

•
* *

مسيلمه غائلاسى، مرض موت رسالتنهاى انسانه
تصادف فرصتيه خيايجه .-ومش و رفع و ازالهسى

ابو بکر الصدیق رضی الله عنه حضرت تارینک ایام خلافتہ
 قلمبندی .

صدیق اعظم : خالد بن الولید ہی منتظم بر اردو
 ایله اکا ماور ایدہ رک بر خیلی شدتلی مصادمه لردن
 سوکره سیف مسلول الہی ، ثابت بن قیس بن شماس ؛
 زید بن الخطاب ، براء بن مالک رضوان الله علیہم اجمعین
 حضرت انک هم شجیمانہ لر یله کفاری ہزیمتہ دوشوروب
 مسیلہ ، مہزوما « حدیقہ » یہ صوقولہ رق حدیقہ نک
 محافظہ سنہ محکم بن طفیل قومانداسیلہ بر بلوک عسکری
 ماور ایتشدی . عسکر اسلام ، حدیقہ یی احاطہ وصول
 درجہ تضیق ایلدیکندن شورادہ دہ بر خیلی ذوات شہید
 اولمش و عبدالرحمن بن ابی بکر الصدیق رضی الله عنہما
 دخی محکم قلیج ایله اولدیرمش و مسیلہ اندن سوکره
 حدیقہ دہ قالہ میہ جغنی اکلا یہ رق فرارہ چارہ تصورندہ
 ایکن مسلمانلر حدیقہ یہ کیرمشلردر .

وحشی ، او زمان همان آن دینی حربہ ایله ملعونی
 اولدیردی [۱] انصاردن بز ذاتہ رأس منحوسنی
 بدندن جد ایلدی .

[۱] وحشی ، قاتل حمزہ ابدی . اشبو موفقیتندن سوکره :

مسیلمه بك تبعه سندن شو وقعه یی بر قاری كوره رك:
[وا امیر المؤمنیناه قد قتلہ العبد الاسود] دیه فریاد
ایتمشدی .

زوجہ سی سجاح بنت حارث ، بنی تغاب طرفه
قاچدی . بنی تغلبدن هذیل بن عمران وعقبه بن هلال ،
نمرده وسلیل بن قیس وزیاد بن قیس وزیاده بن بلالده
الجزیرهده معیتلریله طویلانوب سجاحه تابع اولدیلر .
هذیل، نصرانی اولدیفی حالده ترك نصرانیته سجاحه
النحاق ایتمشدی .

سجاح ، شو عسکرله اسلام علیهنده مدینه منوره یه
طوغری حرکت ایتمش ایسهده جرفه تقریبی اثناده عسکرنده
یوز کوسترن بعض احوالک ویردیکی امیدسنزلك سبیلله
عودت هنمنده بولندیفی حالده تصادف ایلدیکی عسکر
اسلامه مغلوبده اولدیغندن الجزیرهده بنی تغلب ایچنه
غرار و انده خیلی زمان اختفادن صوکره . حضرت
معاویه نك زماننده — مسلمان وحسن الاسلام اولمشدر .

[حال کفرمده ناسک خیرلیسنی وبعد الاسلام اکا مقابل ناسک شر
لیسنی اولدیردم] دیر ایدی .

امور غنسی — بمنده غنس اقییلله ماقب اولان
 زید بن مالک ملسوب قبیله دن « عیله بن کب » نامنده
 بر شخص ایدی . اولجه مدینه سماته کلوب مسلمان
 اولمش بولندی حالده عودتنده ارتداد ایله برابر نبوت
 ادعا ایتشدر .

دائما اورتولی کز مکه معناد اولمنه مبنی « ذوالحمار ،
 و کندوسنه کویا وحی کتیرن شخصک راکب الحمار اوله رق
 ظهورینی ادعا ایتکده بولمنه مبنی ده « ذوالحمار » ایله
 تلقیب ایدلمشدی

سبب اول ضلالتی بر حماردر ! . نقل اولنورکه بر
 کون قارشوسندن بر حمار کچرکن یوزی بوکا طوغری
 اولدینی حالده یوزی قویون یره دوشوب اسود : [شأشأ]
 دیه اکا سسلنجهیه قدر قالقمامش ! . حمارک اووضعیتده
 دوشمنی ذوالحمار ، کندوسی ایچون سجدة التقدیس
 بیلهرک و بوندن طولایی کندینی برشی ظن وتوهمده
 ایدهرک بنده پیغمبرم دیه میدان چیقویر . شدر ،

اسودک احوال عالمدن خبر کتیرم جک « سحیق ،
 شقیق ، اسمنده ایکی شیطانی بولندی . نقولدر ! .
 ابتداء خروجی ، یمن والیسو بادانک فوتی انشاده

ایدی. بادانک ملک و حکومتک اقسامه انقسامه مبنی اسود
عنسی، امید موفقیت و تمام قوت قلبه حوالی مبنی
استیلايه باشلايه رق صنعاده بادانک اوغلی شهری بالجه
اقراريله قتل واعدام وزوجه سی بنات فرسدن مرزبانیه
جبراً تزوج ایتشدی.

مصلحتک اهمیتی جهتیه یننده کی عمال پیغمبریدن
فروه بن مسیک، کیفیتی مکتوب ایله علی وفق الاستعجال
سده سنیه رسالتپناهی به عرض و اعلام ایتدی.

معاذ بن جبل، ماآریده بولنان ابو موسی الاشعری
حضر تلمینک یانه قاچوب کیفیتی اکا سویلمکله هریکیسی ده
برلکده حضر موته قاچدیله.

فروه نک شو مکتوبی ایسه ذات اقدس رسالتپناهینک
خسته لکدن مضطرب بولندقلری زمانده واصل اولمشدی.
افندی مزجوابده مسلمینک قتاله تحریضلریله برابر اسودک
یا غیلة و یا مصادمة هر نه کونه ممکنسه قتلی وعونه سنک
تنکیلی ایچون یننده کی عامللرک جمله سنه همان اوامر شریفه
تسطیر ایتدیردی.

فیروز دیلمی رضی الله عنه بو ایامدن آز اول
مدینه طیبه یه عزیمتله شرف صحبت نبوی احراز ایتمش.

بر بختيار ایدی . مرزبانہ نك ده عم زاده سی ایدی .
 اولیابده کی او امر شریفه نك ورودی اوزرینه رجال
 فرسیدن دادویه نامنده بریله رفیق اوله رق مرزبانہ نك
 اسوده درجه مناسبت و مربوطیتی اكلامق ایچون
 کندوسیه بالمخبره شدت بغضی واسود علیهنده هر درلو
 حرکت مهیا ایدو کنی و ازاله وجودینه میل عظیمی
 تحقیق ایتدیلر .

مرقومك ساكن اولدینی قصر ك اطرافی محافظلرله
 محاط و مجهز اولدینی اجلدن اتصالنده کی بر بشقه دیوارك
 نقب و ثقیله اورادن کیجه درون قصره کیرمه یی قرار
 لشدیردیلر . او کیجه مرزبانہ اسوده معتاد و تحملندن
 زیاده و اعتناء مخصوص ایله شراب و یروب حریفی مست
 و بیهوش او یقویه یاتیردی . فیروز حضر نلری ، دخی
 داودیه ایله دیوار مذکوری دلوب ایچری کیردیلر .

اسود قوش تویندن طولدیرلمش بر فراش نرمین
 اوزرنده او یومقده ایدی . فیروز ، ابتدا قیلنج ضربه
 قتلنی دوشوندیسه ده فراشده کی وضعیتنه نظراً ضربه
 واحده ده مطلوبك حاصل اوله مامسی احتمالی در خاطر
 ایده رك دیزلری کوکی اوزرینه كلك شرطیه اوسته

چو کدی . اللریله باشنی قبض ایدوب سر منحوسنی تمام
قوت و دهشتیله او یله بر بوکوش بوکدی که یوزی ارقه -
سنه کلدی . داودیه دخی او آنده قیلنجی ایله بوینی کسوب
باشنی بدندن جدا ایلدی . هرایکیسی بر لکده سر مقطوعی
آله رق کیردکاری رخنه دیواردن کیری چیقیدیلر .

اسود ، باشی بوکیلور ایکن اوکوز کی بر صیحه
مکروهه ایله باغیرمشدی . محافظلردن بری او صیحه
ایشیده رک سینی اکلایمق اوزره اوطیه طوغری کلیور
ایدی . مرزبانک کلمکده اولدیغنی کورمکله : «اوسس
نه ایدی» دیه اندن صورتی . مرزبانده : «پیغمبریکزه وحی
کلیور صوص ، جوانی ویردیکندن حریف چکیلوب
نقطه سنه کیتدی .



اهل اسلام ، شعارلری وجهله ندادن صوکره صباح
اذانی [اشهدان محمدآ رسول الله وان عهله کذاب] دیه
اوقوبور ایدی . اذان واعلان مذکور ، اسودیلرجه
هیجان وتلاشی موجب اوله رق کوستردکاری ازدحام
اوزرینه کذاب مرقومک سر مقطوعی قارشولرنده خاک
مذله القا اولمشدر .

ایشته اراق مسئله حل ایدلش ایشده تمام یتمشدی .
 بناءً علیه اسودیلر طاعلمشله . و طرف اشرف رسالتینا هیدن
 منصوب اولان عاملر ، یرلرینه کلشله درر .

اسودک خبر قتلنه دائر وقعه نك کیجه سی وحی الهی
 وارد و نازل اولمشدی . . افندیغ صبا حلین [بوکیجه اسود
 قتل اولندی وانی اهل بیت مبارکدن بر مبارک ذات قتل
 ایتدی] دیه اصحابنه سویلدی . او مبارک ذاتک اسمنی
 اصحاب کرام صورملریله : [فیروز . فاز فیروز] دیه اسمنی
 تصریح بیوردی .

..

طیلم بهر مریله — بنی اسد قبیله سی رئیس ایدی .
 شجاعتمدن بین العرب بیک آتلیوه معادل عد اولنور
 ایدی .

رسول الله صلی الله علیه وسلمک حیاتلرنده دعوائی
 نبوت ایتمش اولانلرک صوکی طیلمچه درر . مقدمات وفود
 بنی اسدله مدینه طیبهده مسلمان اولدینی حالده مؤخرأ
 اودعوائیه سبب جرماتی شویله منقولدرکه : قومیه بر
 سفرده ایکن صومزلقدن مضطر قالمسی اوزرینه سوق
 ضرورت و مأیوسیتله : [ارکبوا اعسلاً و اضربوا

امیالاً تجدوا بلالاً [دیمش بعض رفقاسی ده اولوجهله
 آتته یتوب بر مقدار کیتمشلر صویه تصادف ده ایتمشلر!..
 شو تصادف طلیحه نك نظرنده بر باشقه درلو کور و نه رك
 كنديني پیغمبر ظن ایتدیرمش ایدی. حالبوکه صویك محل
 و موقعنی بیله رك طلیحه، اوسوزی سویلمش دكل ایدی.
 زیر اطلیحه، اوزمان محقق که ارض حجازك داخلنده
 بولنیور ایدی. ایمدی خطه حجازیه نك هر هانکی بر نقطه.
 سندن بد ايله هر هانکی بر جهته طوغری امیال عدیده مسافه
 کیدلیدی حالده بلکه برنجی میل مسافه داخلنده بر صویه
 تصادف محتمل اولدینی کبی برنجی میلده تصادف ایدلر سه
 ایکنجی و اوچنجیده وانلرده ده بولمزر سه دها صوکره کی
 امیال مسافات داخلنده صولی بریره تصادف البت طبیعیدر.
 بناء علیه مهمات و مهملات الفاظدن برچشید ساخته
 و صاچه سوز ایدی. هر نصلسه بونکله بنی اسدی اغفال
 و اضلاله موفق اوله بیلمشدر.

طلیحه ارتق اندن صوکره نبوت دعوا ایلدی.
 کندیسنه دخی نازل اولمقده ایدوکنی وکلان وحیده
 نمازدن سجودك اسقاطی امر اولندیغنی اکلاتدی.
 کیفیت مسموع عالی جناب پیغمبری اوله رق تنکیله

ضرار بن ازور رضی اللہ عنہ مأمور بیہودگی . ولیکن
بویادہ کی موفقت حضرت ابی بکر الصدیق رضی اللہ عنہ
زمانہ رونما اولمدر .

حضرت ابی بکر الصدیق افندمرك اوائل امر
خلافتہ کی بحران اساسندہ تکلیف زکندن عفو
واستثاری استدا ابتدکاری حالہ رد ایدلمرندن ناشی
ذوالقصہ قبائل عامیہ ایلہ برلشوب اسلام علیہندہ مدینہ
منورہ طوغری تجاوزاتہ تشبث ایللمری اوزرینہ حرباً
طاغیدلمش اولان غطفان وھوازن ، اوزمان طلیحہ
التحاق ایللمریلہ تنکیللمرینہ طرف خلافتدن خالد بن الواید
رضی اللہ عنہ مأمور ایدلدی .

خالد ، حرکت ایدوب طی قبیلہ سی دیارینہ یتشدی .
انصاردن عکاشہ بن محسن ایلہ ثابت بن اقرم رضی اللہ عنہما پی
طلیحہ اولہرق اورادن سوق ایتدی . طلیحہ ایلہ قرن دashi
راست کلہ رک بونلرک ہر ایکسینی شہید ایتدیلر . صوکرہ خالد ،
عسکر انصارہ ثابت بن قیس و طی قبیلہ سندن موجود
مسلمینہ عدی بن حاتم رضی اللہ عنہما پی سردار تعیین
ایتدی و [سامی . آجا] نام ایکی طاغک ارہ سنی اردوگاہ
طوتدی . حوالی متجاورہ اسلام اوزرینہ ثابت قالانلر

اردوی اسلامه ملحق اوله رق برلکده طلیحه نك علینه حرکت ایدلی .

طلیحه نك عسکری «عینه بن حصن الفزاری» ایدی . مسلمینك حملات صفدرانه سی ، نظرنده دهشتی موجب اوله رق عینه ، طلیحه نك نزدینه کیتدی . حسن نظر و همت پیمبرانه سنه التجا دیمك ایدی . طلیحه ایسه متقناً برکوشده اوطورمش کویا وحیک ورود و ظهورینه منتظر ایدی ! . عینه ، شوقنالك عاقبتنه دائر وحی کلوب کلدیکنی صورتی . طلیحه ، کلدیکی جوابی ویردی . عینه بردها کلوب صورتی و عین جوابی آلدی .

عینه مقاومته تصادف ایلدیکی مضایقه لر اوزرینه طلیحه یه اوج دفعه بویله مراجعت ایلدیکی حالد انجق اوچنچیسنده ملک الوحی کلهرک : [انلك رحاً کر حاه و حدیثاً لاتنساه] آیتنی تبلیغ ایتدیکی جوابی آله بیلیمشدی که طلیحه ، ایشی بللی ایتماک مقصد و مجبوریتله واولانجه قوت و شیطنیتله بوجواب ناصوابی عندنفسندن صاحبه یه بیلیمشدی .

عینه او آنده فکرنی دکشدره رک طلیحه نك پیغمبر دکل کذاب اولدیغنی و بناء علیه هرکسکده دیارلرینه

کینمسی بی فراره بلوکنه امر و نینیه ایتمسی متعاقب فرار یار،
هان کبری مملکت لرینه کینمش، عسکر دخی طاقم طاقم
طاغلامغه باشلا، شدرا .

اوراده طورده مساعد آرتق قوت قلاماشدی .
طلیحه، قصر اغنه یندی . زوجه نی ترکیسنه آلوب
شامه طوغری فرار ایله قضاغه قبلهسنه النجا ایلدی .

حضرت عمر رضی الله عنک ایام خلافتده بنی اسد
وغطفان مسلمان اولور لرکن طلیحه دخی مسلمان اوله رق
حجج شریفی ایفادن صکره مدینه منوره یه عزیمت و خلیفه
حضرت لر یلده صحبت ایتدی .

طلیحه، اخیراً حوالی شامیه غزالرنده بعض
خدمت لرده بولمنش وعاقبت نهاوند محاربه سنده شهید
اولشدر .

✱

۳

سریه اسامه، استغفار و مرض نبی

سریه اسامه — مسیلمه، طایحه، اسود کبی بر طاقم
عصا طر فلرندن خطه یمانیه اشغال ایدلمسندن دولایی

شام جهتی طریقک تجارت نقطه سندن اهمیتی آرمشدی .
 بناءً علیه او طرفی تماماً آچق لزومی حاصل اوله رق
 شهر صفرك يکرمی التنبی بازار ایرته سی کونی شام
 ملحقانندن بلقا وانی روملری اوزرینه کوندرملک اوزره
 رسول الله صلی الله علیه و سلم ، بر سریه تجهیزینی
 امر و فرمان بیوردیلر . سریه مذکوره رسالتپناه افندیملک
 الک صوک سریه سی و حضرت ابی بکر الصدیق رضی الله عنهمک
 الک اولکی اردوسی اولمشدر .

فرداسی صالی کونی اسامه بن زید رضی الله عنهی
 نزدهایونلرینه جلب ایدوب سریه نک امر امارتی اکا
 بالتوجیه :

— « یا اسامه باباکک مقتلنه کیت ! اورالری آتله
 چیکنت . سنی عسکره امیر تعیین ایتدم اهل ابنایه غزا
 ایله دیازلرینی یاق ، مظفریت حاصل اولدقدن صوکره چوق
 اکلنمدن عودت ایت . برابرکنده لزومی قدر صوقوفه لرینی
 بواندیر . یولده قویولری و پیکارلری و طلیعه لری قارشوکه
 آل »

امرینی ویردی .

ایچی ، عسقلان ایله رمله اده سنده بر موضعه درکه

اسامه نك باباسى زيد بن حارثه رضى الله عنه مؤته حادثه سنده
شهرىد اولمشدى .

...

استغفارالبني — حجة الوداعده ايام تشرىكك ايكينچى
كونى مناده سورة النصر نازل اوله رق حضرت پيغمبر،
سوره دن حلول اجل وارتحاله علم حاصل ايلديكنى جبريل
عليه السلامه سويابوب [وللاخرة خير لك من الاولى]
جوابى آلمشىدى .

سورة جليله نصر، استغفارايجون رسالتپناه افديمزه
فرمان محض الهى ايدى . اشبو سوره ايله جناب حق،
حبيب ذيشاننه صرف توبه واستغفارى امر وتوصيه
ايتمشدى . بناء عليه رسول الله صلى الله عليه وسلم ده اندن
صوكره هر آن ومكاده: [سبحانك اللهم وبحمدك اغفرلى
انك انت التواب الرحيم] ديه دعا واستغفار ايتمكه باشلامش
هر سنه اعتكافى اون كون ايدر اولدينى حالده شوصوك
سنده يكرمى كون اعتكاف ايتمشدى .

امر عبادت واستغفارده سوابقندن زياده اولان جد
واعتناسى اصحاب كرامك نظردقتلرينى جلب ايدهرلك:
— يارسول الله ! سبب ندركه بوكلماتى چوق چوق
سويليورسك ؟ »

دیه کند و سندن سؤال ایدلدی. افندیز اوزمان :
 — « بیلیمش اولیگیز که بنی آخرته ارتق دعوت ایتدیلر »
 دیمکه برابر آغلامغه باشلادی . اصحاب کرام شو
 خبردن بالطبع صوکه درجه ده مکدر و مائر اولدقلری حالد :
 — « یارسول الله ! سن اولومدن آغلارمیدسک که
 حق تعالی سنک ماتقدم و ماتاخر اولان جمیع ذنوبکی
 علی التحقیق عفو و مغفرت ایتمشدر »
 دیدیلر . حضرت رسول اکرم انلرک اوسوزینه :
 [فاین هول المطاع و این ضیق القبر و ظلمة اللحد و این القيمة
 و الاھوال] جوابیلر مقابله ایتدی .



عبدالله بن عباس رضی الله عنهما نقل ایدوب دیرکه :
 ارنحال نبویدن بر آی اول رسول الله صلی الله علیه
 وسلم ، خواص اصحابی حضرت عایشه نک حجره سنه بر
 کون چاغیرمشدی . وقتاکه حضور سعادتلربنه واردق .
 بزى کوردکده آغلامغه باشلادی .

و: [مرحباً بکم و حیاکم الله بالسلام جمعکم الله رحمکم الله
 حفظکم الله . جبرکم الله . نصرکم الله . رفعکم الله . وفقکم الله]

وقبلکم الله . هداکم الله . وآاکم الله . وقاکم الله سلمکم الله
رزقکم الله [دیدکن سوکره :

— و سزه الله تعالادن قورقمی توصیه ایدرم .
و سزی اکا اصمارلرم . و انی سزه بندن خلیفه ایدرم
و سزی امک عقاسندن تخویف ایدرم . حقا که بن انک
نذیر مینیم . کرکدرکه انک بلاد و عبادی ایچنده علو
و تکبر ایتیه سکیز . زیرا بکا و سزه [تلك الدار الآخرة
نجماها للذين لا يريدون علواً في الارض ولا فساداً والعاقبة
للمتقين] و [اليس في جهنم مثوى للمتكبرين] دینامشدر .
بیوردی . بو اراده بن دیدم که :

— « یارسول الله ! سیک اجلاک نه زمان تمام

اوله جقدره

جواب ویردی :

— « فراق و قی و جناب حق و سدره المنتهایه ،

جنة المأوايه ، رفیق اعلايه رجوع زمانی قریب اولدی .

اصحاب دیدیلر :

— « یارسول الله سنی کیم غسل ایدر ؟ »

— « رجال اهل یتمندن بکا اقرب اولان کیمسه ،

— « یارسول الله ! سکا نه درلو جامه دن کفن

ایدرز ،

— « ایسترسه کز بوکیدیکم انوابمی، ایسترسه کز
مصری جامه لریمی یاخود حله یعنی یاخود بیاض انوابمی
کفن ایدرسکز »

— « یا رسول الله! نمازیکی کیم قیلر ؟ »

بوسؤال ایله برابر کندیمری ضبط و امساکه قادر
اوله میهرق همان اغلامغه باشلادق . اوده بزمله برابر
اغلادی . صوکره بزى جزعدن منع ایدوب :

— « حق تعالی ، سزه رحمت و کناهلریکزی

مغفرت ایتسون و سزه پیغمبریکزك قبلندن جزاء خیر
ویرسون . بنی غسل و تکفیندن صوکره بو حجرة ده بر
زمان تنها براغیکز . ابتدا بنم اوزریمه اول ساعتده ربم
رحمت خاص انزال بیورور . صوکره اول نمازیمی قیلان
دوستم جبرائیل اولسه کرکدر . صوکره میکائیل ،
صوکره اسرافیل ، صوکره عزرائیل علیهم السلام
ملائکه دن بر گروه عظیم ایله قیلر . بونلردن صوکره
سزده کلیکز قیلیکز . بنی تزکیه و فریاد و نوحه لرله
منأذی ایتیکز . نمازیمی اهل یتیمک ارککلری بعده
خاتونلری ، صوکره سار اصحابم قیلر . سلامی بنیدن
غائب اولان اصحابم جماعتنه و دینه اقتدا و قیامته دکن

سنته متابعت ایدنلره تبلیغ و ایصال ایدیکیز ،

او زمان اصحاب کرام صوردیلر :

— « جسد شریفکی قبره کیم ایندیریر ؟ »

— « ملائکه دن بر جمع کثیر ایله اهل یتیم ایندیریرلر .

ملائکه سزی کورورلر سز انلری کورمز سکز ،

∴

شهر صفرك او اخرنده ایدی بر کیچه یاریسی
رسول الله صلى الله عليه وسلم حجره صدیقیه ده فراشندن
قالقوب بقیع قبرستانه واردی . اوراده اهل قبوره سلام
و حق لرنده : [السلام علیکم دار قوم المؤمنین . اتم لنا فرط
و انا بکم لاحقون . اللهم لاتحرمنا اجرهم ولا تقنا
بعدهم . اللهم اغفر لا هل بقیع الغرقد] دیه دعا
و استغفار ایلدی و او کیچه متعاقباً اوچ کره حجره
سعادتلرندن بقیعه واره رق اهل قبوره دعا ایتدی هر بر
نوبته و یا یوبت اولیده و یا خود صوک نوبته آزاد لیرندن
ابو مویه رضی الله عنہی معتلرینه آلمشدی .

ابو مویه ، اهل قبور حقنده کی استغفار نجی
دیکیلرک قبرستانده کی اموات مسلمینه غبطه ایلدیکنی :

— « تولیدی بنده بونلر کبی قبرده اولوبده
 شو استغفاردن حصه مند اولیدم دیدم »
 دیه حکایه ایتشدیر . دعادن صوکره اهل قبوره
 بر خطاب حزین ایله خطاب ایدرک :
 — « مبارک اولسون سزه که نعمده سکز و خلقک
 مبتلا اولدینی فتنه لردن آسوده سکز . حق تعالی ، سزه
 شول فتنه لردن خلاص و نجات ویرمشدرکه عن قریب
 خلقه ایریشه جکدر اول صورتده که لیل مظلم کبی آخری
 اولنه متصلدر »

دیدی . و ابو مویه به توجلهه :
 — « یا ابا مویه به ! خزائن دنیایی بکا عرض
 ایتدیلر دنیاده باقی قالوب جنته دنیادن کیتمک ایله ربمه
 ملاقی اولوب جنته کیتمک بیننده بنی مخیر ایتدیلر »
 دیرکن ابو مویه به :

— « یا رسول الله ! انام بابام سکا فدا اولسون
 خزائن دنیایی و دنیاده بقادن صوکره جنته کیتمکی
 اختیار ایت »

دیه عرض مطالعه ایتدی . حضرت پیغمبر ذیشان
 افتدیمز :

— « یوق بن ، ربمه ملاقی اولوب اندن جنته
کبرمکی اختیار ایتدم ،

دیدى . و حجره سعادتلرینه طوغری کلدی .
ایرتمه سی کون احده عزیمتله اندمکی شهیدایه ده دعادن سوکره
احیایه وداع ایدر کبی وداع ایدرک مدینه سعادته کلدی .

* *

مرضه نبوی — احدثن ايشته شو عودت ائناسنده
ایدی امهات مؤمنیندن میموننه رضی الله عنہانک حجره سنده
چهارشنبه کونی رسالتپناه افندیمره حمی ایلہ قاریشیق بر
باش آغریسی عارض اولدی که صداع مذکور ، مرض
موت نبوینک مقدمه سی ایدی . او حالیلہ عائشه رضی الله
عنہانک حجره سنه کلدیکی زمان حضرت عائشه دخی
باشنک آغریسندن « وارأساء » ديه اظهار اضطراب
ایتمکده ایدی .

رسول الله صلى الله عليه وسلم افندیمره ، اکا قارشى
لطیفه طریقيله :

— « ذاك لو كان و انا حى فاستغفرك و ادعوك
= بن حیاتده ایکن او ، اويله اولسه بیله نه باس وارکه
سنک ایچون دعا و استغفار ایدرم ،

بیورور ایکن حضرت عائشه حس غیرتله :
 — وائکلیاه والله انی لاظنک تحب موتی . ولوکان
 ذلك لظلت آخر يومك معرساً ببعض ازواجك = والله
 سن بنم موتی ارزو ایده یورسک ظن ایدرم اکر اويله
 برشی اولسیدی مطلقا واقشام حجره مده دیگر زوجاتکله
 زفاف و خلوت ایدردک ،

دیدى . شو سوز . رسول الله صلى الله عليه
 وسلمک بلا اختیار موجب تبسمی اوله رق :
 — بل انا وارأساه یا عائشة! سنک صداعک کچر
 اما بنم صداعم صعب و مشکدر ،

دیه بیوردی واغریسندن طولانی باشنی برعصابه
 ایله باغلادی . و منبر سعادتلرینه چیقوب بعض وصایا
 اجراسی صددنده : [انی بین ایدیکم فرط و علیکم
 شهید . و ان موعدم الحوض و انی لانظر الیه و انافى
 مقامى هذا . و انی قد اعطیت مفاتیح خزائن الارض .
 و انی است اخشى علیکم ان تشرکوا و لیکنی اخشى
 علیکم الدنيا ان تنافسوا فیها فتقتلوا فتهلکوا کما هلك
 من کان قبلکم] بیوردی .

— « یوق بن ، ربمه ملاقی اولوب اندن جنته
کبرمکی اختیار ایتدم »

دیدى . و حجره سعادتلرینه طوغری کلدی .
ایرتمه سی کون احده عزیمتله انده کی شهیدایه ده دعادن سوکره
احیایه وداع ایدر کبی وداع ایدرک مدینه سعادته کلدی .

* *

مرضه نبری — احدثن ایشته شو عودت ائناسنده
ایدی امهات مؤمنیندن میمون نه رضی الله عنهانک حجره سنده
چهارشنبه کونی رسالتپناه افندیمزه حمی ایله قاریشیق بر
باش آغریسی عارض اولدی که صداع مذکور ، مرض
موت نبوینک مقدمه سی ایدی . او حالیه عائشه رضی الله
عنهانک حجره سنه کلدیکی زمان حضرت عائشه دخی
باشنک آغریدنندن « وارأساه » دیه اظهار اضطراب
ایتمکده ایدی .

رسول الله صلی الله علیه وسلم افندیمزه ، اکا قارشى
لطیفه طریقيله :

— « ذاك لو كان و انا حى فاستغفرك و ادعوك
= بن حیانه ایکن او ، اويله اولسه بیله نه باس وارکه
سنک ایچون دعا و استغفار ایدرم »

بیورور ایکن حضرت عائشه حس غیرتله :
 — وائکلیاه والله انی لاظنک تحب موتی . ولوکان
 ذلك لظلت آخر يومك معرساً ببعض ازواجك = والله
 سن بنم موتی ارزو ایده یورسک ظن ایدرم اکر او یله
 برشی اولسیدی مطلقا واقشام حجره مده دیگر زوجاتکله
 زفاف و خلوت ایدردک ،

دیدى . شو سوز . رسول الله صلى الله عليه
 وسلمک بلا اختیار موجب تبسمی اوله رق :
 — بل انا وارأساه یا عائشة! سنک صداعک کچر
 اما بنم صداعم صعب و مشکدر ،

دیه بیوردی واغریسندن طولانی باشنی برعصابه
 ایله باغلادی ، و منبر سعادتلرینه چیقوب بعض وصایا
 اجراسی صد دنده : [انی بین ایدیکم فرط و علیکم
 شهید . و ان موعدم الحوض و انی لا انظر الیه و انافى
 مقامى هذا . و انی قد اعطیت مفاتیح خزائن الارض .
 و انی است اخشى علیکم ان تشرکوا و لیکنی اخشى
 علیکم الدنيا ان تنافسوا فیها فقتلوا فتهلكوا کما هلك
 من کان قبلکم] بیوردی .

نخستینه کوئی گندی ید سعادتاریله بر لوا عقد
ایله اسامیه و یروب: [اضرب اسم الله وفي سبيل الله فقاتل
من كفر بالله] دیدی . اسامه دخی لوا شریفی الدرق
طیشاری چیقدی . بریده بن الحصیب رضی الله عنه
و بردی . و جرف دیکلاری موقعی معسکر اتخاذ ایتدی .
اشبو سریده بولمغه بشون مهاجرین اولین و انصار
کرام راضی اولمشلردی که ابوبکر الصدیق ، عمر الفاروق
عثمان ذی النورین ، سعد بن ابی وقاص ، ابو عبیده
حاصر بن الحراح ، سعید بن زید ، قتاده بن النعمان ،
سلمه بن اسلم رضوان الله علیهم اجمعین حضراتی اوزمره
فاضله دن ایدیلر .

فقط اسامه نك آزادلی کوله و هنوز اونیدی ایله
اون طقوز اده سنده بریاشده حدیث السن بولمشی سر
رشته سیله بر طائفه نك اسان طعنی اوزاده رق : [اسامه ،
بونجه اجله اصحابه ناصل امیر اوله بیلور ؟] دیملری
غضب و انفعال نبوی بی مستلزم اوله رق افندیمر
باشلرینی بر عصابه ایله باغلا یوب اوزرنده بر قطیفه اولدینی
خالده منبر سعادتیه چیقدی . و جناب حقه حمد و ثنادن

صوكره : [يا ايها الناس ! اسامه يي امير تعينمندن طولايي
 بعضكزك اوكمات ، وتفوهاتي نه ايدي ؟ اسامه يه طعن
 ايتديكزايسه باباسنك امارت ومأموريتته دخی مقدما طعن
 ايتمشديكز . خدا حقيچونكه زيد ، امارته لايق بر آدم
 ايدي . كندوسندن صوكره اوغلي دخی اكا لايقدر . زيد
 بكا خلقك سو كيايسي ايدي اوغلي اسامه دخی خلق ايجنده
 سودكاريك بريسيدير . ايكسيديده مظنه جميع خيرات
 وحسناتدر . ايمدي انك حقنده وصيتي قبول وايولاك
 مراسمني ايفا ايديكز . او ، خيرلياريكزدندر [ديوب
 ايندي ، حجره مطهره سنه كلدي .

*
*
*

بوخطبه نك يوم قرائني شهر ربيع الاولك اونجی سبت
 كونی ايدي .

اسامه ايله برلكده متهي عزيمت وحركت اولان مجاهدين
 كرام ، جرفده كي عسكره كيتمك اوزره ارتق وداع ايجون
 سعاد تخانه رسالتپناهي به كلديلر

رسول الله صلى الله عليه وسلم افنديمك مرضي او
 دقيقه ده مزداد ومشتد اولقده ايدي . ابتداء مرضندن
 اشتداد مرضي اوانه قدر زوجات طاهراتنك نوبتلربنه

رمايت بيوردي ، نوبتله الك صوكره ميمونه رضى الله
 عنهانك حجره سنده ايكن : [اين اناغدا] ديدى . وارالق
 ارالق بونى اوچ دفعه تكرار دخى ايلدى .
 مقصد همايونارى ، حضرت عايشه نك حجره سنده
 بولمسه اولان ميل وارزوسى زوجات طاهرانه اكلاتىق
 ايدى .

برروايتمه بومادمى بالذات كندوسى بويله ضمناً ديكر
 روايتده كريمه مكرم لرى فاطمة الزهراء رضى الله عنها ، صراحة
 زوجات طاهرانه تكليف ايلدى . امهات مؤمنين جضراتى
 دخى ، بالاتفاق راضى اولدقلى كى جمله سى ده برلىكده
 حجره مطهره عائشه يه كلوب اكاخدمت ايدم جكلرينى مرض
 ايتديلر .

بناءً عليه ميمونه رضى الله عنهانك حجره سندن قالقدى
 مبارك برالى عباسك ياخود فضل بن عباسك ديكرانى ده
 حضرت على كرم الله وجهه نك اوموزينه قويوب او حالده
 حضرت عايشه نك حجره سنده كلى كه اوكون يوم الاثنين
 ايدى . ارتحال حضرت پيغمبرى ، ايرتسى يوم الاثنينده
 واقع اولمشدر .

حجره عائشه ده بيتوتى تقرر ايلدكن صوكره ايام

مرضنده جميع امور و خدماتك يالكيز كندوسنه حصر
وتفويضي حضرت ابى بكر الصديق رضى الله عنه رجا و
استدعا يتمشى. فقط رسول الله صلى الله عليه وسلم:

— «يا ابا بكر! خدمتى بنات و زوجاتك غيرينه
سپارش ايتسه انلر ملول و مصيبتلري مزداد اوله جقدر.
بو بابه سنك اجر ك الله تعالى نك اوزرينه دركه بالخاصه نيتكله
ما جور اولورسك»
جوابى ويردى .



رسول اكرم ، شدت مرضلرندن بك چوق مضطرب
ايديلر . حتى اضطرابندن ناشى راحت ياته ميوب برياندن
اوبريانه صيق صيق دوز ايدى . حضرت عائشه بو وسيله
ايله :

— «يا رسول الله ! اكر بزه سنك كبي بويله اضطراب
وانقلاب كوسترسه ايدك سن بزه محقق غضب ايدر دك»
ديديكنده افنديمز :

— «يا عائشه ! بنم مرضم صعب و شديد در .
جناب حق ، صالحلرله مؤمنلرله بلايى اصعب
واشد اوله رق كوندرير . هيچ بر مؤمنه بريلا و اذا

ایریشمنز الا انک سبیلہ حق تعالی ، اومؤمنک مرتبہ سنی
ترفع وکناہنی حط و عوایدر . ولو کہ اول بلا ، آیاغنه
دیکن باتمق قدر اہمیتسز برشی اولورسہ دہ .

بیوردیلر عبداللہ بن مسعود رضی اللہ عنہ دیرکہ :
حضور رسالتپناہی یہ وارم شدم . رسول اللہ صلی اللہ
علیہ وسلم ی حمی طونار ایدی . الیمی مبارک وجہ شریفہ
قویدم . اولقدر صیجاق ایدی کہ حرارتسہ الم تحمل
ایتمدی . حیرتہ دیدم کہ :

— « یارسول اللہ ! نہ عجیب حرارتلی حاکزو ار ؟ »

جوابدہ بیوردیلر :

— « شدتلیدر . بنم ستمہ مک شدتی سزدن ایکی کشینک
ستمہ سندہ کی شدت قدر واردہ
بن دیدم :

— « یارسول اللہ ! اوحالہ سکا ایکی اجر وثواب

حاصل اولورہ

جواب ویردی :

— « اوت اویلہ در . اول اللہ حقیچون کہ نفسم انک
بدقدرتندہ در روی زمیندہ ہیچ برمسلمان کیمسہ یوق کہ
اکا مرزدن وغیرندن بر اذیت ومشقت ایریشسون دہ .

کناهلرینی خزانده اغاچلار یاپراقلرینی دوکدکلی کبی
دوکسون :

ابوسعید الخدری حضر تلرندن دخی عین مالده بر
حدیث دیگر منقولدر. بشر بن براء بن معرورک والده سی
دیرکه :

حضرت پیغمبرک ایام مرض موتنده یاننه کیتمشدم
صوک درجده حرارتلی ستمه سی وار ایدی . دیدم که :
— « یارسول الله ! بن سنک شوستمه ک کبی آخر بر
کیمسه ده شدتلی ستمه کورمدم »
جوابده :

— « انکچون بزم اجرلریمز دیکرلرک اجرلرندن
ایکی قاندر. ای ام بشر! مرضم حقنده خلق نه سویلیولر؟ »
بیورملریله بن :

— « نبی اللهک ذاق الجنی وار دیورلر »
دیدم ، اقدمز ، بوکاءعراض ایدره رک :
— « حق تعالی نک لطف و کرمنه سزاوار دکدرکه
ذاق الجنی پیغمبرینه مسلط ایتسون. سنک دیدیکک همزات
شیطانندر . شیطانک بنم اوزریمه استیلا سی یوقدر . بنم
مرضم اولحم مسموم اثریدرکه خیبرده سنک اوغلك ایلله

برابر اکل ایتمشدك . بجه زمانلراك تاثیر بی وجود مده
حسن ایدردم اماشمدیکی وقت ، انقطاع اهرمك زمانیدره
دیه بیوردی .

•••

برکون ایکی قولاتوغنده حضرت علی وفضل بن عباس
رضی الله عنهم حضراتی بولدقلری حالده حجة عائشه دن
مسجد شریفه عزیمتله منبره چیقوب ابتدا جناب حقه
حمدوننا وشهداء احده دعادن صکره خلقه نصایح لازمه
ایفاسیله برابر مبارک ایکی کوزلرندن یاش آققدده اولدینی
حالده : [ان عبداً خیر الله بین ان یؤتیه زهرة الدنیا ماشاء
وبین ما عنده فاختر ما عنده] بیوردیلر . عبد تعبیری
کندی ذاتندن کنایه ایدی . بر عبدك زهرة الدنیا ايله
ما عند الله بیننده تحبیر اولنوبده ما عندالاهی اختیار
ایلدیکی حقمده کی نطق عالی نبوت ارتحاله اشارت
ایدی ۱ .

حضرت ابی بکر الصدیق . مقصده مطلع اولدیغندن
تحمل ایدمه یهرك او آندہ : [یا رسول الله فدينك بآبائنا
وامهاتنا] دیدی آغلادی .

دیگر اصحاب کرام ، انك شو حال وقالندن تمجیله :

— رسول الله بر قولنی جناب حق بخیر ایتدی
 دیه خبر ویریور بو اختیارده فدیناک بابائنا وامهاتنا
 دیوب آغلاپور،

دیرلردی . حضرت صدیقك جزع و اضطرابی ،
 تقرب خلوانی فهم ایتدیکی فراق پیغمبریدن ناشی ایدی
 تسکین و تسلیه سی ایچون افندیمر، فضل و مزیتنی تعداد
 و تقدیره تصدی ایدوب اومیانده مسجد شریفه اچیلان
 قیو و نجره لر ایچنده انك کریمه سی عائشه رضی الله عنها
 و عن ایهانك قیو و نجره سندن بشقه سنك قیامتی ده
 امر ایتشدی که بوده بین الاصحاب صدیق اعظمه مخصوص
 بیوک بر امتیاز ایدی .

•••

یوم الخميس ایدی مرض-نك بر بحران شدیدی
 ائناسنده اصحابنه :

— « ائتونی اکتب لکم کتاباً لن تضلوا بعده ابدأ
 = کتیریکنز سنره بروصیت یازیم که انکله عامل اولوب
 بندن صوکره ضالته دوشمیه سکنز »

دیه امر بیوردیلر . بو بابده اصحاب کرام، اختلافه
 دوشهرک کیمی امر عالی موجبینجه دویت و صحیفه نك

احضاری طرفده کیمی ده اولله بر بحران مرضی اناده
افدیمزی دوات و قلمله مشغول و بحضور اتمک باصواب
اولدینی طرفده بولندی . یعنی امر واقع شدت حمانک
سوقله محمولک سـ و یلدکاری بعض کلمات کی اولق
احتماله منی تحقق کیفیت ایچون رأی رسالتنهای به
مراجعت ایتدیلر . افدیمز بو دفعه :

— « بنی حالمه براغیکیز ! بنم مشغول اولدیغ شی ،
سزک بنی دعوت ایتدیککز شیدن خیرلیدر ،

دیمکه حضرت عمر الفاروق رضی الله عنک فصل
و فرق نزاع قیل و قال ایچون : [حسبنا کتاب الله]
دیمسنه قارشى طرف دیگر دخی کندی رأیلرینی بسط
واتیایده اصرار ایتسیله اورتله لقدم لغو و لفظینه
یوکسلمش بولنورکن افدیمز :

— « قالقیکز یانمدن ! پیغمبر حضورنده منازعه
لاایق دکلدر ،

دیه امر ایدهرک حضار دخی طیشاری چیقیدیلر .
او زمان اوچ شئی وصیت ایلمشدی که : برنجیمی
مشرککازک جزیره العربدن طرد و اخراجی ایکنجیسی
جماعات عربدن مسلمان اولق ایچون مدینه طیبه به

کله جکله دأب قدیم سعادتلری وجهله جائزه ویرلسی
ایلدی . راوی حدیث ، اوچنجیسینده مع التأسف
توقف ایتشدرد .

حضرت صدیق ایله عباس رضی الله عنهما ، بعض
انصارك بر محله آغلاشمقده اولدقلرینی کوروب کیفیتی
عرض ایتشلردی . بونك اوزرینه وجود شریفنده کی
حرارتی تخفیف ایله امتنه نصیحت ایتك اوزره یدی
قویودن یدی قربه صو جلب ایتدی . صوکره باقردن ویا
طاشدن معمول بیوك برقاب اوزرینه قعود ایله اوصوی
یتر دیه مبارك اللریله اشارت ایدنجهیه قدر اوستنه
دوکیدردی . صویك برودتیله وجود هایونلرنده حرارت
بالنسبه مبدل خفت اوله رق مسجد شریفه چیققدی .
خلقه نماز قیلدیردی . وخطبه اوقودی . خطبه ده ابتدا
جناب حقه حمد و ثنا و شهداء احده دعا ایلدی .

صوکره مهاجرینه خطاباً : [اوصیکم بالانصار فانهم کرشی
وعیبتی وقد قضوا الذی علیهم وبقی الذی لهم . فاقبلوا من
محسنهم وتجاوزوا من مسیئهم] = سزه انصاری توصیه ایدرم
که انلر بنم خاصة جامه دانم و محل سرمدر کنسیدی
اوزرلرینه دوشان وظیفه مواسات وجوانمردی بی ایفا

ایستدیلر. سزک اوزرلریکیزه عائد اولان حققلری باقی قالدی.
 یعنی نوبت اکرام سزیه کلدی. ایتمدی سزیه انلرک محسنلرینه
 اکرام ایدیکنز مسیئلرینک سیاتندن کچیکیزلر دیه بیوردی.
 شدت مرصدن طولایی ارم صرمه و بلکی صیقجه
 نوبت یایه رقی افندیمنز بایغین بر حالده بیهوش قالمقده و بوده
 اهل بیت و اصحاب کرام ایچون صوک درجه ده موجب
 تلاش اولمقده ایدی. شو صورتله بخران مرضی
 حاصل اولدینی برکون انصار کرام تلاشلرندن خانه لرند
 صبر و آرام اینده میوب دها زیاده قرب و جوار سیدالانام
 اولمق منا-بتیلله اطراف مسجد شریف رسالت پناهیی
 طولاشمقده ایدوکلرینی اولاً عباس رضی الله عنه، اندن
 صوکره اوغلی فضل و انک عقیبنده ده حضرت علی
 کرم الله وجهه عرض ایلدی. اوزمان رسول الله صلی
 الله علیه و سلم، مبارک قولنی قالدیروب :

— « هاه »

دیددی. که بنی قالدیریکنز دیمک ایدی. مبارک انی
 قولنی طوتدیلر قالدیردیلر. افندیمنز اوطوردی. و :

— « انصار، نه دیورلر؟ »

دیه سؤال ایلدی. حضرت علی کرم الله وجهه :

— « قورقرزكه رسول الله اخرته انتقال ايدر ولكن
 او حالده بزم حاملز نه اولور ديورلر »
 جوابی ويردی . بو جواب اوزرينه افنديمز ،
 برقوانی علينك ديكر قولی فضلک اوموزينه قويدی .
 عباس ده اوکده اولديني حالده اياقلىرى درمانسزلقدن
 يرده سورويه رك مسجد شريفه کلدی . منبرك اشاغی
 قدمه سنه اوطوردی . مبارك باشلى ينه بر عصابه ايله
 باغلی ایدی حمدوشنا ايله باشلايه رق :

— « يا ايها الناس ! ايشتم كه سز ، بنم موتمدن خوف
 ايدىورسكز و بنم موتى انكار ايدىيورسكز . سزه بن
 كندی موتمدن و كندی موتكزدن خبر و برمش اولديغم
 حالده ناصل انكار ايدم بيلورسكز . هيچ بر قومك ييغمبرى
 اچلرنده مخلصه قالمشى كه بن ده سزك اچكزده اويله قاليم
 بن حضرت حقه لاحق اوله جفم . بنم لقاربه استحقاق جمله دن
 زياده در . بيلمش اوليكز كه بنم وسزك مرجع ومصير من
 جناب حقدر . مهاجرين اولينه ايولك ايتمكزى وانلره
 دخى يكديكريله حسن معامله و اكرامده بولملىرى توصيه
 ايدرم . والعصر ان الانسان لفي خسر] نهايته قدر
 او قودى [امورك جريانى اللهم امر واذنيله اولديغندن

مؤجل اولان امورك امجیلندہ فائدہ یوقدر . جناب حق
 مخلوقان سن هیچ برینك عجلہ سی ایچون امور قضای امجیل
 ایقز . قضاء الہی بہ غلبہ سودا سندن بولنان آدمك مغلوب
 ومقدرات الہیہ بی حیلہ و خدعہ ایلہ تحویل زعمندہ اولانك
 عاقبت مخدوع ومنكوب اوله جنی شہ سزدر . فہل عسیتم
 [آیت کریمہ سی دە او قودی] ای مهاجرین سزہ وصیت
 ایدرم کہ انصار حقندہ حسن معاملہ ومجاملہ دە قصور
 ایتمہ جکسکیز . انلر اولہ برکیم سہ لردر کہ مسکن ومأوالرینی
 سزہ حاضر ایتشار وسزك ہجرتلر یکزدن اول ایمانہ کلوب
 باغچہ لرنندہ میوم لرینك نصفی سزہ ویرمشار وکندیلری
 محتاج اولدقلری خالدہ سزی نفسلری اوزرینہ ترجیحاً
 خانہ لرنندہ اسکان وایوا ایلیمشاردر . ایدمی سزدن ہرکیم
 کہ انلرہ حاکم اولور اکا کر کدر کہ محسنلرینی حسن قبول و
 مسیئلرینك سیئاتندن عفو وصفح ایلہ تجاوزایدہ . واوزرلرینہ
 کیمسہ بی اختیار ایلیمہ بن سزہ رؤوف ومشفقم . سزینہ
 بکا ملحق اولہ جقسکیز . موعد ملاقاتز ، کنار حوض
 کوئردر . کنار حوضدہ بکا ملاقی اولمسنی ارزو ایدن
 النی و دیانی مالایمیدن کف ایلملیدر . ای انصارا بنہن
 صوکرہ اوزرلر یکزہ برجماعتی ایشار ایدہ جکار ،

نطق و خطبة سعادت بوضوحیه کلدیکی انده انصار
گرام ، بوضع حزین اوزره :

— « یارسول الله بز، اوزمان نه درلو حرکت ایدم ؟ »
دیه استفسار ایتملریله انلره حضرت رسول اکرم
صلی الله علیه وسلم :
— « کنار حوض کوثرده بکاملاقی اولنجیه قدر او حاله
صبر ایدیکنز »

جوابی ویریرکن عباس رضی الله عنه ده :
— « یارسول الله ! قریش حقنده خلقه وصیت ایت »
دیدیی که ارزوسی امر خلافتده حجت قاطعة النزاع اوله جق
درجه ده صراحتی و یا اشارتی حاوی بروصیتک علی رؤوس
الاشهاد شرف صدور ایتمی ایدی حضرت سید المرسلین
افندیمنز ، معرض جوابده دوام ایدرک :

— « بن ، بوامری قریشه وصیت ایدرم . خلق ،
قریشک پیرولیدر . خلقک صالحلری قریشک صالحلرینه
فاجرلری ده فاجرلرینه تابعدر . ای قریش ! خلق حقنده
ایولک ایتمکه وصیتمی قبول ایدیکنز . ای خلق ! تحقیقا
کنانه ، ومعصیت ، تغیر نعمه سبیدر . خلقک صلاحی ،
صلاح حکام و امرایه و فساد دخی انلرک فسادلرینی بادی

اولور. وكذلك نولى بعض الظالمين [آيت كريمه سنى نهايته
قدر اوقودى] بنم حياتم سزه خيرلى اولادى كى تمام ده
خيرليدر ،

ديوب سوزه نهايت ويردى .

•••

فضل بن عباس رضى الله عنهمادن منقولدركه: حضرت
سيد المرسلين افنديز ، ايام مرضنده اليمى طوتوب خانه
سعادتلرندن مسجد شريفه كلدى. منبره چيقدى. مبارك
باشلرينه برعصابه باغلامشى. بلالى چاغيره رق اكا :
[خلقه ندا ايت كه كلسونلر. وصيت ايده حكيم وييلدركه
آخر وصيتمدر] ديدى. بلال ، چارشو ويازارده هان
فرمان رسالتپناهى بي اعلان ايتديكندن خلق خانه
ودكانلرينك قبولرني قاپايوب مسجد شريفه كلديار. حق
باكر قيزلر دخی آخر وصيت نبويه بي ديكلمك مقصديله
حول مسجد شريفه حاضر اولمشلردى. جماعت
حاضره نك مسجده صيغشمه قلريني افنديز ، كوره رك :
[اوسعوا لمن وراكم = كرده بولنانلريكزه يرويريكنز]
ديه بيوردى. صوكره حمد و ثنايله خطابه يه باشلايوب :
— تحقيقدركه بنم سزك اراكزردن فراقم زمانى

یا قلاشمشدر . ایمدی سزدن بریکزی اورمش ایسه
 قالقسون بنی قصاص ایلسون . اگر مائی آاش ایسه
 مالمدن حقنی السون و دیمسون که اگر قصاص ایدرسه
 قورقرم که رسول الله ، بغض و عداوت ایدر . بیلمش
 اولیکز که بغض و عداوت بنم طبیعتمدن دکلدر . طبیعت
 او یله شیلردن بعیددر . بکا خلقتک سوکیایی او
 آدمدر که بنده حق و ارایسه حقنی آله یا خود حلال اید
 تا که طیب النفس اولدیغم حالدہ ربمه ملاقی اولیم . ظن
 ایدرم که بوسوزی سزه بر کره سویلمک کفایت ایتمز .
 بن بونی سزه دفعات ایله سویلیه جکم که بنده حق بولنان
 آدم کلوب حقنی آلسون »

دیدى . فضل حضرتلری ، دیر که : بوراده منبر
 سعادتدن اینه رک وقت ظهیری ادا ایلدی . صوکره تکرار
 منبره چیقیدی . ورد مظالم و اعاده حقوق بحثنی تکرار
 بیوردی . او آنده حضار کرامدن بری قیام ایله :

— « یارسول الله ! بنم سنده اوج درهم آله جق حقم

واردر ،

دیدى . رسول الله صلی الله علیه وسلم ، قطعاً غف

واکراه یوزینی کو سترمیه رک :

« بو خصوصاً هېچ کيسه يې تکذيب و تخايف
اېښه حکم ولکن بو اوچ درهمک بنم اوزر يمه نه وجهه له
کلدي ؟ »

ديه سؤال بيوردي . درهم صاحبي :

« يارسول الله ! برکون سکا بر فقير کلدي . امر
عالیکز له اوفقيره اوچ درهم و یرمشم »
جوابي و یرمکه دراهم مذکورمک تأديه سنی افنديز .
فضل رضی الله عنه حضرت تليزیه امر بيور دقدن صوکره
تکرار اوبخنده بسط وصایایه دوام ایتمدي :

« یا ایها الناس ! اوزرنده حق اولانلر ، حق ادا
ایتمسون خلقه قارشی حجاب و فضیحت دنیا دن یادن حذر
ایتمسون . خبردار اولیکز که فضیحت دنیا . فضیحت
آخرتدن ایسر واسهلدر »

خطبه سعادت بورایه کلشکن بر دیگر آدم قالمدي . و :
« يارسول الله ! مال غنیمتدن اوچ درهم خیانت
ایتمشم حالا اوزرمده در »

دیدي . افنديز ، سبب خیانت وار تکابی اندن سؤال
بيورديلر . اوده :

« محتاج ایدم »

جوانی و یردی . انک اوزرینه دراهم مذکورہ نك
استردادی ده جناب فضل رضی اللہ عنہ امر و حوالہ
بیورلدی .

افندیمز ، او آندہ ایدی :

— « سومدیکی بر حال و خصالتی بولنسان ایاغہ
قالقسون . . . دعا ایدیم »

بیوردی . بری ایاغہ قالقدی . و حالی :

— « یارسول اللہ ! بن کذابم . وفحش سویلایجی یم .
و چوق اویقو اویورم »

دیه عرض ایلدی . افندیمز ، انک حقندہ : [یارب
اکا صدق میسر ایت و اویانق اولمہی دیلیدیکی زمان
اویقوی اندن ازالہ ایت] دیہ دعا ایتدی .
بر دیگر دیخی قالقہرق :

— « یا رسول اللہ ! بن کذاب و منافقم و هیچ
برقالق یوق کہ او بندہ بولنسون »

دیرکن حضرت عمر الفاروق ، انک بللی ایتدیکی
خفاقندن غلیانہ کلہرک :

— « یا رجل کنیدیکی رسوای ایتدک »

دیمکله کیفیت ، تبسم عالی بی مستلزم اولدی . بوکا

جواب و اکا دعا اولی اوزره : [دنیانک رسوایانی
آخرنک رسوایلغندن اهنندر . یارب ! شو آدمه صدق
و استقامت و ایمان نصیب ایت و انک قلبی فنالقدن
بعید ایدوب خیره مائل ایت] دیه بیوروب جناب فاروقه
توجهله :

— د عمر بنله در بن عمرلهیم . عمر هر نروده ایسه
حق انکله در .
تقدیر کزینی ابدال و فرق فاروقی عال المال
ایلدی .

وقت صلاتی بلال ، عرض و اعلام ایدردی .
افندیمز دخی مرضی و اضطراییله بر ابر مسجد شریفه
کلوب امته نماز قیلدیریر ایدی . انجق مرضنک آخر
ایامنده اوچ کون نمازه چیه مدی . یعنی آخر ایامنده
اون یدی وقت نمازی جماعته قیله مدی .

مرودرکه بر یاتسو نمازی حضرت بلال ، حجره
سمادنک قپوسنه کلوب [الصلوة یا رسول الله] دیه وقت
صلوتی اعلام ایلدی . افندیمز ایسه شدت مرضدن ناشی
اوساعتده مسجد شریفه کله بیله جک برحاله دکل ایدی .
[نمازی ابو بکر قیلدیرسون] امرینی ویردی . حضرت
عائشه رضی الله عنها :

— « یا رسول الله ! ابو بکر ، رقیق القلب و بکاء
بر آدمدر . نمازده قرائته قادر اوله من عمره امرایدیکز »
دیدى . بو سوزى بر کره دها سويلدى . افندیمن
امر سابقى تا کید ایلدیکی حالدہ عائشه رضی الله عنها ،
حضرت حفصه رضی الله عنہا یی توسط ایدہ رک عرض
سابقى بالمناسبه تکرار ایتدیرمکله طرف اشرف جناب
رسالتپناهیدن معرض توبیخده : [مه انکن لانتن صواحب
یوسف . مروا ابا بکر ان یصلی بالناس] امر مؤکدی
شرف صدور ایدہ رک بلال ، تبلیغ کیفیت ایلدی .

حضرت صدیق ، نماز قیلدیرمق اوزره جانب
محرابه کلدیکی کبی محرابی وجود مسعود رسالتدن خالی
کوروب تأزندن کنیدی ضبط و امساکه درمانسز
قالدی . دوشدی بایلیدی . جماعت حاضرده بر فریاد
قوبدی . فریادک سببی رسول الله صلی الله علیه وسلم
افندیمن ، حضرت فاطمه دن سؤال ایدہ رک اکلامغله علی
و عباس رضی الله عنہما یی چاغیرتدی . مبارک قوللرینی
انلرک اوموزلرینه قویمقدہ اولدینی حالدہ مسجد شریفه
کلدی . و نماز قیلدیردقدن صوکره : [ای مسلمانلر !
سز ، جناب حقک حفظ و پناهنده سکز . حق تعالی

سرك اوزرىكزه بنم خليفه مدر . ايمدى كركدركه تقوايه
ملازمت و حقل امرينى ايفايه مداومت ايده سكر .
تحقيقا بن دياندن مفارقت ايده جكم [ديدى .

بر ياتسو [۱] وقتى مسجد شريفده جماعت اصحاب
گرام ، نماز ايجون ذات رسالتناهييه منتظر ايديلر .
افنديز ايسه شدت مرضندن صوك درجهده مضطرب
ايدى . نماز قيلنوب قيلنمديغنى صوردى . حضرت عائشه
رضى الله عنها ، اصحاب گرامك مسجد شريفده انتظار -
لرني سويلدى . رسول اكرم صو امر ايتدى . اول
صو ايله حاضر لئوب نمازه قالمق ايتدى شدتن طولايى
قالمدى و يرنده كندينى غيب ايتدى . بر زمان
صو كره اويانه رق نمازى صوردى . حضرت عائشه عين
جوابى ويرمكله افنديز ، صو ايتدى و او صو ايله
تكرار حاضر لندى . نماز ايجون مسجد شريفه كيتك

[۱] ارتحال نبوينك بازار ايرته سى كوني قبل الظهر وقوعه
و ارتحالدن اول اون يدى وقت صلاته افنديز ، چيقه ميه رق
ابو بكر ك امامت ايتديكنه كوره اوقات مذكوره نك اولكي سى
اولق اوزره بو ياتسونك حسابجه جمعه كيجه سى ياتسو نمازى
اولسى لازم كلور .

اوزره یرندن قالقمغه تشبث ابتدی. فقط ینه قالقمه میهرق
 بیهوش اولدی و بو حال بو صورت اوزره اوج نوبت
 اولدقدن صوکره ارتق نمازک ابو بکر الصدیق طرفندن
 قیلدیرلمسنی امر بیوردی. کیفیت ابو بکره اعلام ایلدییکی
 زمان حضرت ابو بکر رضی الله عنه، کندی حال رقتنه
 یاقه رق امامتی عمر الفاروقه تکلیف ایتدیسده عمر، انک
 کندوسندن احق والیق اولدینی بیانیله قبول کیفیت
 ایتدیکنندن حضرت صدیق جماعته نمازی قیلدیردی .

ایرته سی کون آز بر خفت حاصل اولمشدی .
 جناب صدیق، صلات ظهیری دنخی قیلدیرمق اوزره
 ایکن افندیمنز، ایکی قوللارینی ایکی عباسیلرک اوموزینه
 قویمش اولدینی حالده مسجد شریفه کادی . صدیق
 اعظم، مقدم هایون رسالتپناهی بی حس ایدرک محرابدن
 کری چکلمه بی ایسمدی . رسول الله صلی الله علیه
 وسلم، اشارتله مقامنده ثابت اوله رق نمازی اتمام ایتسنی
 امر بیوردی . و امر و ارزوسی موجبنه کندوسنی
 ابو بکرک یاننه اوطورتدیلر . بر روایت کوره ابو بکرک
 جانب یسارنده دیگر روایتیه نظراً خلف ظهورنده
 اوطوروب سورده واردینی آیتدن تلاوته باشلادی ..

نمازی قیلیدردی. شایان ناملدرکه سورمه وار دینی آیتدن
تلاوته باشلادینی روایتی. او وقتک وقت ظهر اولدینی
قول و روایتی اشکال ایدمور. محرابده بر امامک
تلاوتندن ذهنه جهراً تلاوت متبادر اولدیغنه کوره
وقت مذکور، جهری نمازلردن ایدی الله اعلم.

صدیق، قائماً حضرت رسول الله و جماعت اصحاب
گرامده كذلك ابو بکره اقتدا ایلدیلر. تکبیر ابو بکر
واسطه سینه رسالما باندیمزک نمازده کی افعال وانتقالاتنه
واقف اولدیلر. [۱]

دیگر بر روایت کوره مؤذن، وقت صلائی اعلام
ایندیکی زمان نزد عالیده عبدالله بن زمعه رضی الله عنه
وارایدی. نمازک قبلنمسنی رسالما باندیمز امرایندی.

[۱] مع مافیہ بویچنده کی اقوال مضطرب و متعارضدر.
بی اکرمک صدیقی امته نماز قیلیدیرقی اوزره مأمور ایلدیکدن
صوکره حجره سعادتدن مسجد شریفه کلوب صدیقک هم جنب
ایسرنده هم خلف ظهرنده قاعداً نماز قیلدقلرینه دائر حضرت
عائشه رضی الله عنہا دن منقول حدیثلرده نوعما محسوس اولان
تعارضه نظراً بو حالک ایکی وقت نمازده وقوعه کلدرک جنب
ایسرنده اوطوردقلری دفعهده امام، خلف ظهرده بولندقلری
مرهده مأموم اولدیغنه علما، قائل اولشلردر.

عبدالله طیشاری چیقوب ابتدا عمر الفاروقه راست
کلدیکندن: [نمازی قیلدیر] دیدی فاروق دخی محرابه
کچدی . سیدالانام افندیمز ، حجره علیه لرندن محرابده
فاروقك تلاوتی صداسنی ایشیده رک :

— « بو سس عمرک آوازی دکلیدر ؟ »

دیه صوردی . اوت دیدیلر . او زمان همان بروضع
انکار ایله : [یأبی الله ذلك و المؤمنون] دیدی . حجره
سعادتك پنجره سندن مسجد شریفه طوغری کوزوکرک:
— « یوق نمازی ابو بکر قیلدیرسون »

دیه امر ایتدی . بونک اوزرینه حضرت عمر ،
محرابدن کری چکلدی . و عبدالله بن زمعه رضی
الله عنه :

افندیمیزک امام اولدینی یوم السبتک صلوٰة ظهرنده و مأوم
اولدینی ده یوم الوفاقی بولنان انن کونی صلوٰة صبحنده ایدوکنه
مبنی حدیث عائشه ده تارض بولندیفک بییق طرفندن بیان
ایدلیکنی عینی تصریح ایتمشه ده انن کونی صباح نمازینه چیقه .
میوب انجق باب الحجره دن جماعت و صفوف مسلیمنی مطالعه
وملاحظه ایله ارخاءالستر ایلدیکنی انس رضی الله عنه ابلاغ وجه
اوزره صراحة بیان ایتدیکنه کوره بوکا قارشق قول بییقینک
مراجوحتی درکاردر .

— « رسول الله صلى الله عليه وسلم سکا نمازی عمر
 قیلدیرسون دیمدی ؟ »

دیه وردی . عبدالله :

— « کیمسه بی تعیین ایتدی و لیکن ابو بکری
 اصحاب اره سنده کورمدم حضار ایچنده سندن اولی
 کیمسه بی کورمه دیکمدن سکا سویلدم ،

جوانی وردی . حضرت فاروق :

— بن بویله اولدیغی بیلمدم بیلسیدم امام اولمز
 ایدم »

دیدى .

* * *

برکون حضرت علی کرم الله وجهه ، نزد سعادتن
 چیقدی . اصحاب کرام ، رسالتناه افندیملک حالى سوال
 ایتدیلر . حضرت علی ، بره و خفت اوزره اولدیغی
 سویلدی او زمان حضرت عباس رضی الله عنه ، انک
 النی طوتوب کیزلیجه :

— « یا علی ! قورقورم که حضرت سیدالانام ،

بو مرضنده قریباً انتقال ایدم جکدر . سنده صوکره بر
 آخر آدمک امرینه مأمور اوله جقسک . زیرا بن ،

وجوه بنی عبدالمطابك موت اثناسنده کی احوال مخصوصه .
 صه سنی طانیرم . کل سنکله نزد هایونه واروب صورهم ،
 کندیسندن صوکره امر معلوم کیمده در . اگر بزده
 اوله جق ایسه بیلهم . غیرمزده اوله جق ایسه بزى اکا
 توصیه ایتمسنى رجا ایدهم »

دیدى . حضرت على :

— « يا ابا الفضل ! والله بز ، اگر او مسئله یی
 صوروبده اوده بزى اندن منع ایدرسه ناس اندن
 صوکره انى بزه ابداء ویرمز لر بناء علیه صورمیه جغم »
 جوابی ویردى .

• •

ام سلمه و ام حبیبه رضی الله عنهما ، افندیمرک
 باشی اوچنده اوطوریوزلردی دیدیلرکه :

— « یا رسول الله ! بز ، حبشه ده ماریه اسمنده
 کوزل برکایسا کوردک . دیوارلرنده صورتلر منقوش
 ایدی » .

رسول خدا افندیمر ، بو سوزه قارشى :

— « او جماعت ، برقومدرکه کندیلرندن بر صالح
 کیمسه فوت اولورسه قبری اوزرینه مسجد یاپوب

دیوارینه اوپله سورتاری نقش ایدرلر . انلر ، نظر
الهیده خلقت فنالریدر .

بیوردی . حق عالیارنده امتک اطراسندن متحاشی
ایدی . قرون سالفه خلقتک نیاری حقنده کی اطرارلی
کبی بر حال وقوعندن امتی تحذیر ایچون بعض وصایاده
بولندی . حق وفاتلرندن بش کون اول یتاقده یوزینه
بر اورتی اورتوب یایور ایدی . بونالدقجه یوزینی کام
آچار صوکره اورتدی . ایشته اوپله بر حالدیه ایکن
اورتوبی کیده رک : [لعنة الله على اليهود و النصارى
اتخذوا قبور انبيائهم مساجد] دیه بیورمشد .



جمعه ایرتسی کونی جناب حق جل و علادن جبرائیل
علیه السلام ، استفسار خاطره کلدی . فرداسی بازار
کونی ینه استفسار حال و خاطر ایچون کلدی . یمنده
اسود غنسینک خبر قتانی ده کتیردی . افندیمزده اصحاب
گرامنه تبلیغ بیوردی .

بازار کونی اسامه دخی جرفدن حضور اقدس
رسالتپناهی یه کلدی . افندیمز ، باغین بر حالدیه ایدی .
شدت مرضدن تکلم بیورمه مدیلر . اسامه باشنی اکرک

رأس و يد سعادتی اویدی . افندیمز ، ینه سوز سویله .
 به میه رك يالكز مبارك اللارینی سهایه قالدیروب اسامه نك
 اوزرینه وضع ایتدی که حقنده دعا ایتدکری اکلایلیور
 ایدی . اسامه اندن صوکره معسکره عودت ایتدی او
 کیجه جرفده قالدی .

نزد هایونلرنده قالمش اولان الی دیناری تصدق
 ایچون حضرت عائشه یه تسلیم ایتدیکنک عقیبنده کندیلرینه
 استغراق حالی گلشدی . بر مدت مستغرق قالدقدن
 صوکره او یاندی ، و سؤال ایتدی . حالوکه حضرت
 عائشه ، وجود مسعود نبوی ایله مشغول بولمسنه مبنی
 هنوز یرندن قالقه مامش ایدی . دینارلرک کندوسنده
 اولدیغنی سویلدی . افندیمز ، تصدق امر ایدوب ینه
 کندنن کجدی . او یاندیغی زمان بردها صوروب جواب
 اولی الزجه دینارلری آلدی . کف سعادتلرنده صایدی
 [ماظن محمد بر به لواقی الله و عنده هذه] دیه حق تعالی یه
 قارشى او قدر دیناری استکثار ایتدی . حضرت علی
 کرم الله وجهه یه کوندروب انک یديله فقرایه تقسیم
 ایتدیردکن صوکره : [ایشته شمدی مستریخ اولدم]
 دیه بیوردی .

شدت مرضدن بهوش قالدینی بر صروده قم سما -
 دتترینه امهات مؤمنین بر علاج آفتدیار ا. حضرت نبی
 اکرم، اگراهلرندن ناشی مذکور دوانك آقیدلماسنی
 مبارك اللریله اشارت ایدیهور ایدی. او درلو اشارتلی
 خستكانك دوا دن اگراهلرینه حمل ایله دوا یی آقتمده
 اصرار ایلدیلر. استغراق حالی کچدکدن صوکره سؤال
 و استجوابه شویله باشلادی :

— « آغزیمه اقتدیغکیز دوا نه ایدی ؟ »

جواب ویردیلر :

— « عود هندی، بر مقدار ورس، برقاج قدارده
 زیت یاغی »

— « سزه بو دوا یی کیم توصیه ایتدی ؟ »

— « اسماء بنت عمیس »

— « بو بر طبرکه انی اسماء حبشه ده او گرندی

بو علاجی سز هانکی مرضدن قورقوب دم یابدیکیز؟ »

— « ذاة الجنبدن »

بو جواب اوزرینه رسول الله :

— « ذاة الجنبد شیطاننددر . حق تعالی ، انی بنم

اوزریمه مسلط ایتمز . ایمدی بو خانه ده عباسدن بشقه

بوانا نلرك جملة سنك اغزينه او علا جدن آقيد كنزا .
 ديه امر بيوردي . بناء عليه حاضر اولانلرك جملة .
 سنك اغزينه آقيدلدي . حتى ميمونه رضى الله عنها ، او
 كون اوروجلى اولدينى حاليه مجرد فرمان رسالتناهي به
 امثال مقصديله انك دخي اغزينه آقتمشلردى .

.*
 .*

ع

انتقال و ارتحال نبوى

ايام حيات رسالتناهيلىرىنك يوم واپسين اثنى كه
 او كون ارتحال وقوعبولمشدر صباح نمازنده حضرت
 ابى بكر الصديق ، جماعت اصحاب كرامه مسجد شريفده
 نماز قيلدير مقده ايكن سيد الانام عليه الصلوة والسلام
 افنديمز ، ايكي عباسيلره متكئاً حجره سعادتك مسجده
 اولان قپوسنه كلدى . پرده بي قالديرتوب جماعت اهل
 صلاتى وصفوف مسلماني ملاحظه ايله فرحناك اوله رق
 تبسم بيوردي .

حضرت صديق ، شو طلوع ناكه ماني بي افنديمرك

نماز ایچون مسجد کلدیکنه حمل ایدم رک محرابدن کری
چکلمکه و جماعت مسلمین دخی فرخلرندن هیجانه
باشلادی. رسول الله، انلره اتمام صلاتی مبارک اللریله
امر و اشارت بیوروب ایجری چکلدی. و پرده بی
ایندیردی. که مسجد شریفه صوک خروج و نظرلری ده
هان بو اولمشدر.

وقت زوال شمسدن آز اول جبرائیل ایله عزرائیل
علیهم السلام برلکده باب سعاده کلدیله. جبریل، ایجری
کیرم رک عزرائیلک قپوده بکلدیکنی و ایجری به کیرمک
ایچون اذن ورخصت ایستدیکنی خبر ویردی. صوکره
افندیملزک اذنیله عزرائیل ده ایجری کیردی. سلام ویردی.
و امرینه مأمور من الله اولدیغنی سویلیدی. یعنی ارزو
بیوریلور ایسه قبض روح ایدم جکنی والا کیری کیده.
جکنی بیلدیردی. اوزمان رسول معظم افندیملز جبرائیلک
یوزینه باقدی. بوکانه جواب ویریم دیمکدی. جبریل :
— « یا احمد ! تحقیقا جناب حق ، سکا مشتاقدر »
دیمکه افندیملز، عزرائیله :

— « مأمور اولدیغک وظیفه بی ایفاایت »

جوابی و یروب عزرائیل دخی قبض روحه مبا-
درت ایلدی. انک قبض روحه تشبئی افندیملک حالده
کلی و ناکهانی بر تغیر حاصل ایتدی .



اسامه بو صباحده جرفدن حضور سعادت کیشدی.
اولکی صباحه نسبتله رسول اکرم بر درجهیه قدر افافت
حالده بولنه رق : [اغز علی برکة الله] دیه بیوردی .
اسامه دخی معسکرینه عودتله حرکت امرینی ویرمسنی
متعاقب رکوب ایده چکی صروده والدهسی ام ایمن رضی
الله عنہان آدم کلوب سید الانام علیه الصلوة والسلام
حضرتلرینک حالت نزعه اولدینی خبر برکدرینی
ویردی. اسامه و دیگر اصحاب کرام، کیری مدینه طیبه
طوغری عودت و حرکت ایتدیلر .



حضرت علی، قولتوغنه کیروب افندیملی فراشنده
اوطورتمشدی. مبارک باشنی علینک قولی اوزرینه قویه رق:
[یا علی! سریه اسامه نک تجهیزی ایچون فلان یهودیدن
اقچه استقراض ایتشدم. انی ذممدن ادا ایت. یا علی!
سن کنار حوض کوثرده امتعدن اک اول بکا ملاقی

و بنمن سوکره دنیاده بر خبلی مکر و هارله مصاب اوله.
 جفک اما صبر و آخرتی اختیار ایت [دیدی. او آراق
 اوکیم بر قدح صو بر اقدیروب دست شریفارینی صویه
 قوبر انکله یوزینی مسح ایدردی. و [اللهم اغنی علی
 سکره الموت] دیر ایدی، اک سوکره [الصاوة و ماملکت
 ایمانکم] پیوردی. فقط بو سوزی سوبلرکن ارتق سوز
 سوبایه جک حالی قالماس ایدی. لسان شریفی دخی
 اداره ایده میهرک صدرندن تر صرغ طریقله سوبلدی.
 و دهان شریفلرینک باری غایتک اوسته آفادی. زوجات
 طامرات، وراء حجابدن فریاده باشلادیلر. حضرت علی،
 تحمل ایده مدیکندن یا عباس! بکا یاردم ایت، دیه
 عباس ایله برلکده افندی میزی، یاتیردیلر که سکره الموت
 حالی ایدی. شدندن ناشی کام قیزاریر کام صاراریر کام
 صاغ النی کام صول الی کری چکردی و روی ور خسار
 پرانوارندن تر دوکردی. صوک نفسنده حضرت عائشه نک
 سحری ایله نحری ارمه سنده ایدی. سقف بیته طوغری
 باقرق النی یوقاری قالدیردی. و [الرفیق الاعلی] دیدی.
 او آنده الیینه اشاغی دوشوب عالم فانیدن کچردی..
 بو وقعه هائله، کوندوز وقت زوالده وقوعه کلشیدی.
 اللهم صل علیه وسلم دائماً ابداً.



وَقَعَةُ هَاتِلَهْ نَكْ عَقِيبْ حَدُوْنْدَه رَجَالِ اَهْلِ بَيْتِ
 نَبُوْتِ حَجْرَهٗ سَعَادَتِه كِيْرُوْبِ نِسَاءِ النَّبِيِّ اَوْزَرِيْنَه حِجَابِ
 آصْدِيْلَرِ. اَوْزَمَانِ حَجْرَهْ نَكْ بَرِ كُوشَه سَنْدَنِ آوَازِ مَجْهُوْلِ
 اِيْلَه : [السَّلَامُ عَلَيْكُمْ اَهْلُ الْبَيْتِ وَرَحْمَةُ اللهِ وَبَرَكَاتُهُ
 كُلِّ نَفْسٍ ذَائِقَةُ الْمَوْتِ وَ اِنَّمَا تُوَفُّوْنَ اِجْوَارَكُمْ يَوْمَ الْغِيَمَةِ]
 تَعْزِيَه سَنِي اِيْشْتِيْلَرِ. كِيْمَكِ آوَازِي اُولْدِيْغِي فَرْقِ اِيْدَه -
 مَدِيْلَرِ ! .

اَصْحَابِ كِرَامِ، مَسْجِدِ شَرِيْفَه اِيْدِيْلَرِ. اَهْلِ بَيْتِ
 نَبُوْتِكِ فَرِيَادِلَرِيْغِي اِيْشِيْدَه رَكْ عَمُومِ اَصْحَابِ ، آْرَاسَنَه دَرْدِ
 فَرْقَتِكِ فُغَانِ وَ اضْطَرَابِي دُوشْدِي . شَدْتِ تَأْتُرْدَنِ نَاشِي
 مُؤْمِنِيْنِ سِرْسِمِ وَ حِيْرَانِ اُولْدِيْلَرِ. هَرِ كَسِدَه بَرْدِرْلُو حَالِ
 يُوْزِ كُوسْتَرْدِي .

بَعْضِ اَصْحَابِ كِرَامِكِ دِيْلَرِي طُوْتَلْدِي . نَطْقَه مَجَا -
 لَلَرِي قَالْمَدِي . حَضْرَتِ عُثْمَانِ رَضِيَ اللهُ عَنْهُ بُوْزْمَرَهٗ
 صَامَتَهْدَنِ اِيْدِي ! . بَعْضِلَرِ ، جَمَادِ كِيْ غَيْرِ مَتَحْرَكِ قَالْدِي .
 حَضْرَتِ عَلِي بُو صَنْفِ سَا كَمْتَدَنِ اِيْدِي ! . بَعْضِلَرِ خُسْتَه

اولدی . عبد الله بن انیس خستکان زمهره سندن ایدی
 حتی بومرض نأثرله وفات ایلمشدر! . بعض ذوات دخی
 بی عقل و شعور اولدیلر . حضرت عمر ، انلردن ایدی .
 عبدالله بن زید الانصاری حضرتلری ، باغچه سنده
 مشغول ایکن اوغلی ، واروب کندوسنه ارتحال انبی خبر
 مدهشنی ویرمسيله عبدالله کمال تأثر و تأسفندن ناشی او
 آنده : [اللهم اذهب بصری حتی لا اری بعد حبیبي محمد
 احداً] ديه دعا ایتیش و درحال نور بهردن محروم
 اولمشدر ! .

حضرت ابی بکر الصدیق ، مأذوناً سنجدده کی خانه
 سنه کیتمشدی . حضرت عمر ، مسجد شریف قبوسنده
 قیلنجنی آلوب : [والله مامات رسول الله] ديه یمین
 ایتمکده و رسول الملهک موتنه قائل اولانلری قیلنج ایله
 اولدیره جکنی علماً و علی الزوالی سویلمکده ایدی .

حضرت عمرک شویمین و ادعاسی ، موت نبی بخشنده
 خالقک بعض کونه شکوک و اشتباهنه سبب اوله رق اسماء
 بنت عمیس ، ظاهر شریف رسول اللهده کی مهر نبوتی
 ایله یوقلادی او زمان خاتم نبوت ، یرنده قالماشدی .

اسماء: [تحقیقا رسول الله، وفات ایتدی. زیرا مهر نبوت یرنده یوقدر [دیدی.

حضرت ابی بکر، هنوز سنجده ایکن کیفیه مطلع اوله رق را کباً و باکیاً مسجد شریفه کلدی. کیمسه یه قونوشمقسنزین مسجیدن حجره سعاده کلدی. جسد اطیب رسالتپناهی برده ایله مستور طوربور ایدی. وجه انورندن ردایی قالدیروب مبارک التی اوج کره اوپدی. و: [وانبیاه و اصفیاه و اخلیاه] دیدی آغلادی [بابی انت وای لا یجمع الله علیک موتین اما الموتة التی کتبت علیک فقد متها] دیدی طیشاری چیقوب حضرت عمره تصادفی ایتدی. او، حالا اصرار ایتمکده ایدی. اکا تنییه و اخطار ضمننده: [ایها الخائف علی رسلک = ای یمین ایدیجی آغیر اول] دیدی.

بو سوز، حضرت عمر الفاروقک حال خروشانی تسکین ایتمشدی!. حضرت ابی بکر، موت النبی بختنده امتک تشتت افکارینی فنا کوره رک منبر رسول الله چیقدی. خلق، عمر الفاروقی براغوب ابوبکره توجه ایتدیلر. حضرت صدیق بر خطبه او قودی. خطبه ده ابتدا جناب حقه حمد و ثنا و روح محمد المصطفایه صلو

وسلام اهدا ایدوب صوکره : [من کان یعبد محمداً فان
 محمداً قدماء ومن کان یعبد الله فان الله حی لا یموت]
 دیدی . و [ما محمد الا رسول قد خلت من قبله الرسل
 افان مات او قتل انقلبتم علی اعقابکم . . .] و [انک میت
 واهم میتون] آیت کریمه لرخی تلاوتله تأیید کیفیت ایلدی.
 حضرت صدیقک شو بیاناتی خاق اوزرنده عظیم
 تأثیر حاصل ایتمشدی . عمرک عدم موت رسول الله
 حقنده کی افاده سیله امتده حس اولیان شکوک بردنبره
 زائل اوله رق هر کسک عقلی باشنه کلدی . فاروق دخی
 سکوت ایتدی و حیرتله یره اوطوردی ..

ارتق حقیقت حال ، اکلاشیلدی . خاق ، حبیب
 خدانک موت و وفاتنه ایناندیلر : [انالله وانا الیه راجعون]
 دیدیلر .

ایشته اوراده اسامه و معیتی جرفدن درون شهره
 کیردی . بریده دخی لواء شریفی باب حجره سعادتك اوکنه
 دیکدی . بو ایسه بر مرتبه دهاتأثر و دهشتی موجب
 اولدی .

سید الامام عایه الصلوة والسلام افندیمز ، هجرتلری
 زماننده افق ام القرادن طالع ایله مدینه طیبه یی شمس

الهدى اولدقلرى حالده تشریف و تنویر ایتشدی. بو
کره وقوع تواریسیله اورته انی ظلمات و حزن و کدورت
قابلا دی .

خلق، شو ظلمت حزن و کدر ایچنده حزن الیملرینک
حاصل ایلدیکی یأس و حیرتله شاشقین شاشقین بولنیور -
لردی. ایچلرنده اک زیاده متانت حضرت صدیقده کورو -
لمکده ایدی .

ابو بکر الصدیق، اهل بیته مراسم تعزیت و تسایق
ایفا و غسل و تجهیز و تکفین نینک انلره ، فوض ایدو کفی
اعلام و انبا ایلدی .

جسد اطیب نبوینک ثیاب طاهره می اوزرنده اولدینی
حالده می یوقسه اموات سائره کی تجرید ایدوب ده می
غسل اولنه جنی حقنده اختلاف ایتشلردی . طرف
حقدن اوزرلرینه اویقو سر سملکی کی بر حال ویریلرک
حاضرونک ذقنلری سینه لری اوزرینه کلدی . اواره ده
[غسل ایتیکز زیرا طاهر در] دیه برصدا ایشیدلدی .
اهل بیت بورائی قبول ایتدیلر . عباس رضی الله عنه
ماهیتنی بیمدیکی او یله برصدا ایچون سنت پیغمبری ترک
ایده میه جکی بیانیله اورائی رد ایدرکن عین حال بر ایکنجی

دفعه دها عارض اوله رق [انوابی اوزرنده اولاینی حاله
غسل ایدیکیز اولکی ابلیس ایدی بن خضرم] ایه برصدا
دها کلدیکندن اکا قرار ویرلدی .

عباس رضی الله عنه جسد شریف اوستنه داخل
بیت سعادتک برکوشه سنه ثیاب یمانیه دن پرده چکوب
حضرت علی بی پرده دن ایچری یه قویدی . جسد اسعد
نبوی ، شو حجاب ایله جدار اره سنده ایدی . خارج
مفسله اصحاب کرامدن برخیلی ذوات حاضر و مجتمع
ایدی پرده نک طیشاریسی ایله قارشی دیوار اره سنده
عباسک اذنیله رجال بنی هاشم او طور دیلر .

دیگر روایتلره کوره فضل بن عباس ایله ابوسفیان
بن الحرث بن عبدالمطالی دخی حضرت علی ایله برلکده
داخل و درون حجابه براقشدی انجق علینک ایله غسل
ایدلیکی مشهور و صحیح در .

—
شو خدمت شرفندن محروم ایدلما لری ایچون
ایچلرندن برینک اثناء غسل و تکفینده داخل بیتده
بولندیرلسی حقنده بمض انصار کرامک و یا خود کندوسنک
وقوع بولان رجا و استدعایی اوزرینه اصحاب بدردن

اوس بن خولى رضى الله عنه حضرتلى عليـك اذن
و اجازتيله ايجرى قبول اولندي. فقط امر غسـله اشتراك
ايدىمدى .

فضل وقـم واسامه وشقران صو دو كـديـلر . ياخود
پردەدن ايجرى حضرت على به صو ويرديـلر . رسول الله
صلى الله عايـه وسلمك [لايرى احد عورتى الا طمست عيناه
غيرك] ديه واقع اولان وصيتى اقتضاسى اوله رق حضرت
عليـك ورفيقـلرينك كوزلى باغلى ايدى . . اولـيكى غـسل
سعدبن خيشمهـك قباده مالى بولنان بئر غرسدن الدقلى
ماء خالص ايله غـسل ثانى ماء وسدر ايله غـسل ثالث ماء
وكافور ايله اولمق اوزره اوچ نوبت غـسل ايدلدى . غـسل
ايديلور ايكن اوزرنده قميص شريف ايله مجول [قيصه
انتارى] بولنمش وبعد الغسل صيقيله رق صولرى چيقارلمشدر .
صوكره ذراع وكف شريفـلرينى ييقاديلر . بياض اوچ
ثوب سـجولى ايله بالتـكفين سريره وضع وعود ايله
تجمير ايدلدى . ووصيتى موجب عالىـسـنجـه حجره شريفـده
تك وتنها براغـيلدى . صالى كيجهـسى حجرهـده طوردى .
صالى كوني اولنجه ابتدا اهل بيت رسالتدن حضرت
على ، صوكره عباس ، صوكره نسوانى ، صوكره مهاجرين

والنصار وصبیان دن حجره سعادتك الهیله دیکي قدر اصحاب
گرام صره طور ووب امامسز اولدقلری حالده نمازینی قیلم
وصوکره بر دیگر جماعت کیرر ایدی .

—

غسلنده اولدینی کی محل دفننده اختلاف اوله رق
کیمی بقیعه، کیمی مکه مکرمه، کیمی قبر ابراهیم خلیل الله
کتورلمسی رأینده بولنور ایکن حضرت صدیق رضی الله
عنه رسول الله صلی الله علیه وسلمک [ما قبض الله نبیاً
قط الا دفن حیث قبض روحه] دیرکن ایشدیکنی امته
تبلیغ ایدوب اکا قرار ویرلمشدر .

کذلک قبر انورینک صورت طرح و تنظیمنده
اختلاف یوز کو-تردی . کیمی شق و کیمی لحد اوله رق
قازلمسی رأینده بولندی . مدینه سعادته او زمان ایکی
ذات وار ایدی که بری شق ، دیکری لحد یاپار ایدی .
لحدی ابو طلحه زید بن سهل یاپار ایدی ابو عبیده عامر
بن عبدالله الجراح حضرت تری ده شق اوله رق حفر و
تنظیم و قبر ایدردی . عمر ایله عباس رضی الله عنهماک
بری شو ایکی ذاندن هر برینه خبر کوندرمکله برابر
[یارب خیر لیسنی رسولک اختیاریت] دیه دعا دخی

ایتمش واول کلانک قبول قبری تقرر ایلمشدر .
 ابوطلحه اول یتشمسنه مبنی فراش سعادتن لحد
 طریقله قبر پر نور بنی حفر و تمیشه ایدلدی بازار ایرتسی کوننک
 بقیاسی ایله صالی کیجه سی و کوندوزی کچوب چهارشنبه
 کیجه سی سحر وقتنده نعلش پاک سعادت انجق شفیر
 مقبره رسالیناهی به قونیه بیلمشدی شو تاخر مدید .
 حضرت صدیقك انتخابی صد دنده تحدث ایدن مناقشه نك
 آز زمان ایچنده فیصله پذیر اوله مامسندن ایلری کلمشدی .
 درون وزمین قبر انوره ذات اقدس لولاکیلرینك
 قطیفه حمراسی فرش اولندی . مذکور قطیفه خیبر غنیمتندن
 حصه سنه دوشمش ایدی . شقران [والله لایلبسها احد
 بعدك] دیه قطیفه نی دوشه دی جسد اطیبی قبله جانبندن
 ودیگر روایت کوره ایاق طرفندن قبره ایندیر دیلر .
 علی وفضل و قثم ابنا عباس و شقران قبره ایندیر دیلر . دیگر
 روایت کوره عبدالرحمن بن عوف دخی اینمشدی . قبردن
 اك صوکره چیقان روایت صحیحیه کوره قثم ایدی . .
 دیگر روایت کوره حضرت علی ایدی .
 مغیره بن شعبه دخی اصحاب کرام ایچنده رسول
 الله صلی الله علیه و سلمه اك زیاده حدیث العهد اولمق

شرفه اختلاس امید و ارزوسيله عن قصد قبر سعادت
دوشوردیکی خاتمی چیقارمق بهانه سیه گیره رك قدم
سعادت مسیح ایدوب چیقمشدر. بر رواینده حضرت
علی او زمان مغیرمی قبره گیره که بر اقامه شد.

قبر منوری بر قوله کوره مسطح و مستوی قول
آخره کوره مسنم و محذب و یردن بر قاریش مرتفع
یایدیلر. بلال حبشی رضی الله عنه بر قبره صوکتوروب
قبر مسعودك باش طرفدن ایاغنه دکین جنب یمینده دوکدی
جنب یساری دیواره متصل اولمق سبیلله او جانبه
کجه میه رك صوبی جداره دوکدی. بو رش الماء عقیبنده
ایدی حضرت فاطمة الزهراء رضی الله عنها حجره سعادت
کیددی. تراب قبر عالیدن بر قبضه آلوب کوزلرینه
سوردی و اغلامقده اولدینی حالد:

ماذا علی من شم تربة احمد ان لا یشم مدی الزمان غوالیا
صبت علی مصائب لوانها صبت علی الایام صرن لیا لیا

دیددی. اندن صوکره ارتحاله دکین کولدیکی کورولمدی.
ینه همان او آنده ایدی بر اعرابی دخی حب
شدیدی ایه برابر تصادف ایلدیکی مصیبت افتراقدن

ناشی کند و سینه یأس و حیرت الویرمش اولدینی حالده
عاشقانه و حزین بر وضع ایله :

هلا دفتم رسول الله في سقط من الالوة احوى ملبسا ذهباً
اوفي سحيق من المسك الذكي ولم ترضوا لجنب رسول الله مترباً
خير البرية اتقاها و اكرمها عند الاله اذا ما ينسبون اياها
ديه خطاب ايتدی . جناب ابی بکر اکا : [شو دیدیکک
سوز ایله اللهک سنی عفو ایتمش اولدینی مأمول
ایدرم و لیکن نه چاره که بوده بزم ستمزدر] ديه
سویلدی .

حضرت عائشه رضی الله عنها بر زمان رؤیاسنده
خانه سینه کوکدن اوچ قمر ایندیکنی کوروب پدرینه
سویلرکن نه درلو تعبیر و تاویل ایتدیکنی پدری سـؤال
ایتمش عائشه دخی رسول الله صلی الله علیه و سلمدن اوچ
اوغلی اوله جنفی ایله تاویل ایتدیکی جوابی ویرمشدی .
حضرت صدیق ختام دفن نیدن صوکره عائشه
رضی الله عنها به : [هذا احد اقمارك وهو خیرها] دیدی .
رؤیای مذکور و جهله اقمار ثلثه نك غروبکاه پرفروغی

حجره مطهره صدیقیه اولمش و انجق مراقد مسعوده نك
 ترتیب وضعیتی اختلافه اوغرایه رقی دی درلو کوسترلمشدر.
 بر روایت کوره شویله کوستریلیور:

قبر النبی صلی الله علیه وسلم

قبر ابی بکر الصدیق رضی الله عنه

قبر عمر الفاروق رضی الله عنه

دیگر روایتده شو ترتیبده در :

قبر عمر الفاروق رضی الله عنه

قبر النبی صلی الله علیه وسلم

قبر ابی بکر الصدیق رضی الله عنه

روایت اخرایه نظر آده وضعیت آتیله اوزره در :

قبر عمر الفاروق رضی الله عنه

قبر النبی صلی الله علیه وسلم

قبر ابی بکر الصدیق رضی الله عنه

مدینه منوره ده اول و آخر بويله بر مصيبت ده
 حادث اولامشدي . هرکس درد و کدرندن سراسمه
 اولدي . بعض اصحاب کرام مصيبت فرقتي تعديله باشقه چاره
 بوله ميه رق هجر داره مجبور اولدي . بلال حبشي رضي الله
 عنه اوز مرده دن ايدي شامه کيتدي . حضرت صديق اني
 ينه مسجد رسول اللهه مؤذن بولندي ريق ايستديسه ده
 بوجه مسرود درد فراق نبوي يه تحمل ايده مامکده اولسنه
 مبنی شامه کيتمکه مجبور ايدوکنی سويلمکه صديق ده
 ايايشك ايده مامشدر . بلال التي ماهدن فضله بر مدت
 شامده طوردي صوکره روضه نبويه نك زيارتي ترك و
 اهمال ايتمش اولديغنه دائر حبيبي طرفندن رؤياسنده تعريض
 آميز بر اشارت عليه ظهور ايدهرک همان زيارت روضه
 رسالت اچون مدینه پاك سعاده عزيمته مسارعت ايتمش
 ايدي . اوندن اويله هر سینه شامدن بر نوبت مدینه
 منوره يه کلوب زيارت روضه النبي ايله تعديل درد اشتياق
 ايدردی .

ديکر بعض اصحاب کرام دخی بالعکس مدینه
 منوره دن بر درلو انفکاک ايده ميه رک دائما جوار روضه
 مطهره ده بولورلر و زيارت و حسن مجاورت قبر پيغمبر ايله

متبلى اولورلردى كدرلرني صدر وسينه آشنا كارندم
ضبط وامساك ايده مدكار تدن مرثيه سويلرلردى . حضرت
عائشه رضى الله عنها اغلر كن :

قد كنت لى جبلاً الودى بركته امشى البراح وانت كنت جناحى
واليوم اخضع للضعيف واتقى منه وادفع ظالمى بالراح
واداد دعت قريه شجعناها يوماً على فتن بكيت صياحى
مرثيه سنى سويلم شدرد . عمه مكرمه رسالتينا هيلرى
صفيه رضى الله عنها دخى :

الا يا رسول الله كنت رجاءنا وكنت بنا رؤفاً رحيماً نبينا
وكنت بنا رباً ولى ما ابكى النبي لموته
كان على قلبى لذكرى محمد
افاطم صلى الله رب محمد
ارى حسناً ايمته وتركته
فدى لرسول الله امى وخالتي
صبرت وبلغت الرسالة صادقاً
فلوان رب العرش ابقاك بيننا
عليك من الله السلام تحية
وكنت بشاً برأ ولم تك جافياً
ليبك عليك اليوم من كان باكياً
ولكن لهرج كان بعدك آتياً
وماخفت من بعد النبي المسكوايا
على جدث امسى بيثرب ناويل
يبكى ويدعو جده اليوم ناثياً
وعمى ونفسي قصرة ثم خالياً
وقومت صلب الدين ابلج صافيا
سعدنا ولكن امره كان ماضياً
وادخلت جنات من العدن راضياً

مرثيه سنى سويلدى . عم زاده عايلرى (ابوسفيان بن
الحارث بن عبدالمطلب) دخى :

ارقت وبات ليلى لا يزول
 واسعدنى البكاء وذاك فيما
 فقد عظمت مصيبتنا وجلت
 فظل الناس منقطعين فيها
 كأن الناس اذ فقدوه عمى
 وحق لتلك مرزية علينا
 واضحت ارضنا مما عراها
 فقدنا الوحي والتنزل فينا
 وذاك احق ما سالت عليه
 اصبنا بالي وقد رزنا
 نبي كان يحلو الشك عنا
 ويهدينا فلا نخشى ضلالاً
 ويخبرنا بظهر الغيب عما
 فلم نر مثله في الناس حياً
 افاطم ان جزعت فذاك عذر
 فعوذى بالعزاء فأتى فيه
 فقولى فى ابيك ولا تملى
 فقبّر ابيك سيد كل قبر
 صلاة الله من رب رحيم

وليل اخى المصيبة فيه طول
 اصيب المسلمون به قليل
 عشية قيل قد قبض الرسول
 كأن الناس ليس لهم حويل
 اضر بلب حازهم عليل
 وحق لها تطير لها المقول
 تكاد بنا جوانبها تميل
 يروح به ويفدو جبرئيل
 نفوس الناس او كربت تسيل
 مصيبتنا فحملها ثقل
 بما يوحى اليه وما يقول
 علينا والرسول لنا دليل
 يكون فلا يخون ولا يحول
 وليس له من الموتى عدل
 وان لم نجزمى فهو السبيل
 ثواب الله والفضل الجزيل
 وهل يحزى بفعل ابيك قيل
 وفيه سيد الناس الرسول
 عليه ولا تحول ولا تزول

حسان بن ثابت رضى الله عنه دعى :

ما بال عينك لا تنام كأنها
 جزعاً على المهدي اصبح ثاوياً
 كحلت ما قهرها بكحل الارمد
 ياخير من وطى الحصى لا تبعمد

يا ويح انصار النبي و نسلهم
 حتى يقبلك التراب الهوى ليثى
 أ اقيم بمدرك في المدينة بينهم
 بابى و اى من شهدت وفاته
 وظالت بعد وفاته متبليداً
 او حل امر الله فينا عاجلاً
 فقوم ساعتنا فنتلقى طيباً
 يا بكر آية المبارك بكرها
 نوراً اضاء على البرية كلها
 يارب فاجعنا معاً و نبينا
 فى جنة الفردوس فاكتبها لنا
 والله اسمع ما بقيت بميت
 فانه اهدام لنا و هدى به
 صلى الاله و من يحف بمرشه
 ديه اظهار حزن و تأثر ايمشدر .

حضرت ابوبكر الصديق رضى الله عنه دخی بهض
 مرأى سويلمشدر :

يا عين بكى ولا تسأى
 على ذى الفضائل و المكرمات
 على خير خندق عند البلا
 فصلى المليك ولى العباد
 و حق البكاء على السيد
 و محض الضريبة و المحتد
 ء امسى يغيب فى الملحد
 و رب البلاد على احمد

فكيف الإقامة بعدال حبيب زين المحافل و المشهد
فليت المات لنا كانا و كنا جميعا مع المهتدى

لما رأيت نبينا متجنداً
فارتاع قاي عند ذاك لهلكه
اعتيق ويحك ان حبيبك قد ثوى
ياليتنى من قبل يهلك صاحبي
فلتحدث بدائع من بعده
ضائق على بعرضين الدور
والعظم في ماحيت كسير
فالصبر عنك لما نعت يسير
غيبت في جدث على صخور
يعنى بهن جوانح و صدور

ودعنا الوحى اذ وليت عنا
سوى ما قد تركت لنا رهيناً
فودعنا من الله الكلام
تضمنه القراطيس الكرام

ابو ذؤيب الهذلى نقل ايدركه مرض نبوى يى
ايشمديكمز زمان قبيله من خالق خوف وكدره دوشديلر
بنده راحتسز لقله كيجهلدم. انجق سحره قارشى اويودم
ايدى . حال بين النوم واليقظة ده لسان الغيب هاتقدن :

خطب احل اناخ بالاسلام بين النخيل و مقعد الآطام
قبض النبي محمد فميوننا تدرى الدموع عليه بالتسبحام

كلماتى شيدهرك يرمدن صچرادم قالقدم . سمايه باقدم
سعدالذالحدن باشقه برشى كوره مينجه انى عربده قريب
انوقوع رذبح ايله تاويل ايتدم و رسول الله صلى الله عليه

وسلمك موئی ویا موت صرہ سندنہ ایدوکنی اکلادم
مدینہ سعادته کادم . اهل مدینہ نک بانک و آهنگ بکام
واضطرار بلرینی ایشیہ رک سیننی صوردم [قبض رسول الله
صلی الله علیه وسلم = رسول اللهک روح برقتو حی جنت
اعالیہ الندی] دیدیلر .

معاذ بن جبل رضی الله عنه دخی یمندہ ایدی . شو
هنکامدم برکیجه یئاغنده ایکن قولاغنه هاتقدن: [یا معاذ
سن معیشتکی ناصل مبارک کورہ یورسک که حضرت احمد
سکراة الموتده در] صداسنی ایشیہ دوب قیامت قویدی
طنیلہ خشیت و دهشتله یرندن صیجرا دی . هنوز سما
آچیق ونجومک یرلرنده ثابت وبرقرار اولدیغنی کورمکه
[اعوذ بالله من الشیطان الرجیم] دیه سویلدی .

بوندن برویا ایکی کیجه صوکره ینه هاتقدن: [یا معاذ
سن معیشتکی ناصل مبارک کور یورسک که حضرت احمد
طوپراق التنده در] صداسنی ایشتمکه برابر همان یرندن
صیجرا یوب [واحمداه واحمداه] دیه فریاده باشلا دی
جوارنده بولنان ارکک قادین چولوق چوجق یانه کلدیلر
تسلایت واستفسار کیفیته چالشدیلر . معاذ ایسه سسی چیقہ

بیلدیکی قدر واحمداء ديه اغلامقدن باشقه برشی سویلما-
مکده ایدی صباحه قدر فریاد ایتدی. صباحلین بر مقدار
سویق ایله بر صوقابی آلهرق راحله سنه بیندی. مدینه
سعاده متوجهاً حرکت ایتدی. مدینه یه اوچ قوناق مسافه
قالنجیه دکین صلات وقضاء حاجتدن باشقه برشی ایچون
حیوانندن اینمکسزین مشی وحرکتده مسارعت ایلدی .
اوچ قوناق مسافه بریرده کیجه قراناغنده کلیر ایکن یولک
صول طرفندن [واحمداء] ديه بر فریاد حزین کلدی .
تلاشندن کیمک صوت وصداسی اولدیغنی فرق ایدمه دی.
معاذ سسک کلدیجی جانبه طوغری [ایها الهاتف یرحمک
الله . کیمسک و بویله قرانلق کیجه ده نره نه کیدیورسک]
دیه سسلندی . [عمار بن یاسرم] جوابی کلسیله معاذ یانه
واروب عمار اولدیغنی کوردکدن صوکره :

— « نه ایستیورسک یرحمک الله »

دیه صوردی . عمار رضی الله عنه :

— « حضرت پیغمبرک موت و مفارقتی حاوی

ابوبکر الصدیقدن سکا مکتوب کتوریور ایدم »

دیه جواب ویردی. صوکره قونوشدیلر :

معاذ نے « رسول اللہ وفات ایدنبجہ اصحابنک حالی
ناصل اولدی،

عمار — « چوبانسیز قویون سورسی کبی،

معاذ — « مدینہ بی نہ خالدہ براقدک،

عمار — « اہالیسنی حلقہ خاتمدن دھاطار بر

خالدہ براقدم،

حضرت معاذ اغلیہ اغلیہ اورادن مدینہ پاک سعادتہ

کلدی.



فصل خامس عشر

شمائل شریفہ نبویہ . بعض احوال و اخلاق سنیہ سی .
 اولاد کرامی . اعمام و عمت فخامی . زوجات و سراری طاهراتی .
 خدمہ و موالی و مولیات مکرمہ سی . کتاب و امراء و سفراء
 عظامی . امناء و قضات و مؤذنلری . شعراء و حراس مسعودہ سی .
 دواب و مہارکب مبارکہ سی اسلحہ سعادتنری . ثیاب و اشیاء
 فاخرہ سی . مراتب و طبقات اصحاب فخامی .

۔
 ۔

۱

-- شمائل شریفہ --

رسول اللہ صلی اللہ علیہ وسلم افندیمز بر وجود
 ذی کمال بر صنع بدیع صاحب الجمال ایدی . اورتہ بوبلی
 ایدی . قد لطیفلری اورتہ دن براز طولہ قریب کی
 کورینور ایدی . رنگلری قیرمزی یہ مائل اسمر ایدی .
 سر سعادتلری بیوک ، دھان شریفلری واسعہ ، وجہ صبیح
 پاکلری آز چکمہ و تابناک ایدی . کوزلرینک سیاهی پک

سباه بياضى بك بياض ايدى . بياضنده نو عما قيزيللق ده
وارايدى كه اوده كهنه واجبار ورهبانينجه معلوم اولان
علامت نبوتلردن برى ايدى . ايكي قاشك اراسى آچق
وليه شريفه لرى صيق وسياه . اوموزلرينك ارمسى واسع
ايدى . مبارك اللرى و اياقلىر قالينجه ، صاچلىرى دوز
، كردن شريفلىر بلور كې صاف و ديشلىرى سـيرك
و اينجو كې بياض ايدى . تبسملىرى حائنده ديشلىرى
ارمـسندن نور لمعان ايدردى . ايكي كتف سـعادتلىرى
ارمـسنده برازده حذاء قلبده كـو كرچين يمورطه سى
جسامـتنده برقبارجق . برلحم پاره سى وار ايدى . او دخى
علامت مذكورهدن معدود و (خاتم نبوت) اسميله مشهور
ايدى . وجود شريفك مستور اولان قسمى على الخصوص
بطان سعادتلىرى بـم بياض ايدى . قولتوغنك التى دخى
ديكر اعضاء شريفه سى كې بياض ايدى . قدم رسالتلرينك
پارماقلىرى ايچنده سباه [١] اك اوزون ايدى . دنيا دن
مفارقلىرى انشاده الشمس اوج ياشنده ايدى . حالوكه حليه

[١] اخراج الطبراني والبيهقي عن ميمونة بنت كردم قالت
وأيت رسول الله صلى الله عليه وسلم فما نسيت طول اصبع قدمه
السبابة على سائر اصابعه .

سعادتلرنده آغارمش يكرمى قيل يا وار ايدى ياخود
او قدردنه يوق ايدى شكل و تمثاله اصحاب كرامندن :

لخمسة شبه المختار من مضر
يا حسن ماخولوا من شبه الحسن
بجعفر و ابن عم المصطفى قم
و سائب و ابى سفيان و الحسن

قطعه سنك جمع ايلديكى (جعفر بن ابى طالب و قم بن
عباس و سائب بن عبيد و ابى سفيان بن الحرث بن عبدالمطلب
و حسن بن على) رضوان الله عليهم حضراتى كنديلرينه
بر درجه يه قدر بكز لردي . كذلك (مسلم بن عتب)
ايله بنى سامه بن لؤبدن بصره ده (انس بن ربيعه بن مالك
البياضى) دخى بكزيانلردن ايديلر . حتى انس بن مالك
رضى الله عنه حضرتلرى مذكور انس بن ربيعه ي
كورديكى زمان هان بوينندن صاريله رق اغلامش و (رسول
الله باقق ايستيان بوذانه باقسون) ديمشدى .

جناب انس بن مالك رضى الله عنهم شومعامله سنى
معاويه رضى الله عنه استخبار ايدهرنك شبيهه مشار اليه
تردينه جلب ايلمشدى . حضورينه كيتردكارى دقيقه ده

ایاغه قالدی و بویته صاریله رق ایکی کوزینک اره سنی
 اوپدی . و تطیب خاطر ایچون کندوسنه برخیلی اموال
 اعطا و بر مقدار اراضی بی اقطاع ایلدی . ابن ربیعمه
 حضرتلری اموالی رد و اراضی بی قبول ایتشدی .

..

۶

بعض احوال و اخلاق سنیه سی

رسول الله صلی الله علیه وسلم افندمز بنیه و مزاج
 خصوصه نده فوق العاده قوتلی ایدی . او قوتله متناسب
 اولق اوزره عقلاً جمیع مخلوقانک ارجیح و اکملی رأیاً
 کافه عموم و خصوصک افضل ایدی . قلباً و لساناً ذکر
 الله ايله دائماً مشغول و مشغولیتی اکثرندن ده معلوم
 ایدی . لغویات و مالا یعنیدن متجانب ایدی . حایم و رؤوف
 و مرکسه معامله سی ملایم ایدی . انسانلره قارشی دائماً
 بشوش کورینور ایدی . هرکیم کدورات دنیو یه دن برینه
 تصادف ایتسه مبارک دیدار نوارینی کوردیکی انده غموم و هموم
 واقعه در حال زائل اولور ایدی . امثال سنر و اشباه سنر

صورتده ورع و زهد صاحبی ایدی. ناسک رب العالمینه
 ابعدی و موطن ریب و شبهاتدن ابعدی ایدی . مبارک
 اللری محرمی اولیا قادین الله اصلا و قطعا طوقا بما مشدر.
 امت مرحومه یه صوک مرتبه ده شفقتلی ایدی . حتی
 [اللهم لا ترنی فی امتی سوءاً = یارب امتده فسالق
 کورمیهیم] دیه نیاز ایتمش و حیاتنده او یله برشی
 کورما مشدر. زینت دنیا یه قارشی کوزی یوموق ایدی.
 مد نظر و التفات ایتدیکی یوق ایدی. خائنة الاعین دخی
 دکل ایدی چپلاق اولمزدی . غسلنده ده الله عز و جل دن
 حیا سنه مبنی مستور بولنور ایدی .

قضاء حاجت زماننده انسانلردن اوزاق یرلره
 قدر کیدر دیوار و یا اغاج کی برحائلک وراسنه کچردی.
 فضلاتی ارض درحال بلع ایدردی .

احقاق حقیقه نزد رسالت پناهیلرنده قریب و بعید
 حاضر و غائب ضعیف و قوی شریف و و ضیع و سائل
 مساوی ایدی . مسکینلری و فقیرلری سور و تلطفلری
 التزام بیورور ایدی .

فقیری فقری ایچون نحقیر و بیوکه بیوکلکی ایچون
تعظیم و اکرام ایتمزدی. اهل شرف ایله اصحاب کرامی
اره سنده ماینت ظهورینه میدان و برمه رک دائما تالیفارینه
دقت بیورور ایدی. تبشیر و تیسیره دلالت ایدن سوزی
سور تقیر و تمسیره متعاق کماندن خوشلاشمزدی

—

امر تلبسده تکلف اختیار ایلمزدی. نه بولور ایسه
انی کیر ایدی. اصحاب کرام دخی او طریقه بی مسلك
ایدینوب علی الاکثر پنبدن و بمضاده یوکن و کتاندن
البسه کیرلردی. قاشلردن بردحیره دینیلان بر دیمانی
مخطط نزد کرامیلرنده مرغوب ایدی. بر آخر طرفندن
کندیلرینه تقدیم اولنان اثوابی اولدینی کبی کیر واستعمال
ایدردی. شکل و هیئتتی توسیع و یا تضیق ایتمزدی.
بریمی قوللری طاربرجه ویرمشدی قوللرینی کنشاتمندی
توضو زمانلرنده انی اتکی التندن چیقاروب ییقارایدی.
اصناف لباسدن کوملکی سور ایدی. الواندن بیاضی
اختیار ایدردی. بیاض جامه کیملکزه اطیب و اطهردر
ومیتلریکیزی ده بیاض جامه ایله تکفین ایدیکز دیه بیورور
ایدی. خالص قیرمزی و یا خالص صاری اثوابدن

ارککلری نهی ایدردی . قیرمزی آلاجه لی و یا یشیل
آلاجه لی و یا سیاه آلاجه لی بردی کیر ایدی .

اکثر اوقانده یی لباسی جمعه کونی کیر ایدی .
و جامه سنی ابتدا صاغ طرفه کیر و صول طرفدن
چیقاریر ایدی . یکی لباسی کیدکده اسکینسی بر مسکینه
ویریر ایدی . مبارک باشنه بیاض عمامه و بعضاً سیاه
صارار ایدی . بعضا ایکی اوموزلری ارسندن بر علاقه
صارقدیر ایدی . او علاقه یی بعضاً چککسی التنه الیر ایدی
عمامه یی بعضاً علاقه سز صارینور ایدی . بعضاً طاقیه سز
عمامه صارار ایدی . بعضاده بونک عکسی عمامه ستر
طاقیه ایله اکتفا ایدردی . و بیاض و اوزون بویلی
طاقیه شامی کیر ایدی .

روایته کوره هرکون صارندقلری عمامه نك طولی
یدی و جمعه و عیدین کونلرنده کی عمامه نك اون ایکی
ارشون ایدی . حرارتلی کونلرده مبارک باشنه طیلسان
قویدینی اولمش و حضور شریفنده طیلسان وصف اولنور
ایکن : [هذا ثوب لایؤدی شکره] دیه بیورمشدر .
کوملک و جامه سنک کلری بیایکنه و بعضاده بارمقلرینک
اوجنه دکین اوزون ایدی . و کنشایکه مائل ایدی .

کوملک و جامه و ازارینک انکی نصف ساقه دکن
ایدی . بعضاً طوبوقارینه قدر ایدی . ردا سعادتلرینک
درت ارشون طولی و ارایدی . دیگر روایتده ایکی ذراع
و یا ایکی ذراع بر قاریش ایدی . دیگر اقواله کوره
طولی آلتی مرضی اوچ ذراع بر قاریش ایدی . ازارینک
طولی درت ذراع بر قاریش عرضی ایکی ارشون بر
بر قاریش ایدی . بعضاً دوکمه لی کوملک کیوب دوکمه سفی
ایلیکلردی . بعضاً حله کیمه یی اختیار ایلردی . سفرلرده
یکلو جامه کیر ایدی . عید کونلرنده و ایچی کلدیکی
کونلرده بعضاً قیتملی و فاخر لباس کیدیکی اولور ایدی .
اکابر اهل یمندن (ذی زن)ک اوتوز اوچ دوهیه
صانون آلهرق هدیه کوندردیکی حله یی کیمشدی . بر
زمانده یکرمی طقوز دوهیه دیگر روایتده نظراً یکرمی
یدی قیه نقریه کندیسسی بر حله آلمشدی . کندی ذات
فخرالانامیلری ایچون جامه نسج و اعمال ایتدیردکاری
و نزد عامله کیدوبده نسج و اعمالنک تعجیانی امر
بیوردقلری ده اولمشدر .

عظماء رومدن بری مصنع بر کورک اهدا ایتمشدی . انی
بر کره کیوب صوکره جعفر بن ابی طالبه بخش ایلدی

جعفر او کورکی کی۔ دیکی خالدہ حضور سعادۃ کلنجہ
 افندمز [یا جعفر بنی کیسون دیہ سکا ویرمدم قرنداشک
 نجاشی بہ ہدیہ کوندرسون دیہ ویردم] دیہ بیوردی .
 یشیل برجامہ سی وار ایدی . عرب ایلچیلرینک
 کلدیکی کونلردہ بایرام و جمعہ کونلرندہ کیر ایدی .
 کندیلرندن صوکرہ او جامہ خضراء زیادہ کھنہ لشمش
 اولدینی خالدہ خلفاء کرام ایام مذکورہ دہ تبرکا اوزر لرینہ
 آلوراور تنور لردی . جامہ خضراء دن باشقہ ایام مرقومہ دہ
 بعضاً صاری و قیرمزی آلاجهلی حله کیر ایدی . سیاہ
 برکسانی وار ایدی . صاچاقلی بر بردی دہ وار ایدی
 اوطورور ایکن انکله احتبا ایدردی . صاغ انک سرچہ
 پارماغندہ قاشی آووجی ایچنہ کلک اوزرہ خاتمی طاقنور
 ایدی . برخاتمی وار ایدی کہ قاشی عقیق ایدی حبشیدن
 کتیرلمش ایدی . نعلین دہ کیر ایدی . نعلینی مدبوغ
 صیغیر دریسندن معمول ایدی نعلینک ایکی قاشی وار
 ایدی . بعضاً یالین آیاق یورور ایدی .

اطعمہ دہ دہ تکلف اختیار ایلمز دی . طبیات
 اطعمہ ہی التزام ایتزدی . حاضر بولدیغندن دائماً بسملہ ایلہ

باشلار و اوچ پارمغيله ير ایدی. طعام يرکن متکی و متربع
اولمزدی. یا ایکی دیزی اوستی اوطورور و یا خود
صول ایاغنی الله آلور صاغ ایاغنی دیگر طعامی اویله بر
حال و هیئنده ير ایدی. فقرا و مسکینار ایله و کندی
خادم لریله برابکده ير ایدی سفره ده رفیقمنز یالکیز
یمسندن حظ ایتزدی. سفره ده یمک ابچون کندیسنه
مخصوص قاب اولمزدی. کندی یدیکی قابدن دیگر لری ده
یرلردی. کوله و جاریه و خادم لری نه قارشی یمده کیمه ده
اوطورمه ده ترفع و تعظم کوسترمزدی. همان برابر اولور
ایدی. کندوسندن اول طعامه کیمسه ال اوزاتمزدی.
طعامدن اول و صوکره الارینی یبقار ایدی و طعامدن
فراغتندن صوکره پارمق لرینی یالار ایدی یا لامدقجه
مندیلله سیلتمزدی. مندیلی باطن قدمی ایدی. اصحاب
گرامنه دخی پارمق یا لاملرینی و کاسه صیرم لرینی امر
ایدردی. ات ایله امک یدیکی زمان الارینی تمیز یبقار
ایدی. و ارتان صو ایله وجه شریفی مسح ایدردی.
مرنفع سفره دن طعام ایتزدی. کناری قیریق کاسه دن
یمزدی. صوغان و صرم ساغنی دخی یمزدی. قوقولرندن
اکراه ایدردی. سوت ایله بالق اتی و سوت ایله حامض

شیلری اکاده جمع ایتزدی . صوغوق ایکی طعمای
ولزوجتلی ایکی یمکی ده جمع ایتزدی . قاوورلمش لحم ایله
پیشیرلمش لحمی وقورو لحم ایله نازه لحمی ده جمع ایتزدی
سوت ایله یمورطایی و سوت ایله لحمی جمع ایتزدی .
قابض ایکی مادهیی کذلک بریرده یمزدی . پک صیجاق
یمکی دخی صوغوتمدقجه برکتسز دیه یمزدی مباح هیچ
برطعمای تعیب ایتزدی . ایستکی وار ایسه بر یوق ایسه
برشی یمزدی . بکنامک حالنی کوسترمزدی . بعدالطعام
او یومیکنز زیرا قبلریکز قاتی اولور بیورمشدر آرپه
اوننی الکندن کچیرمز لردی . بین الاطعمه سودیکی لحم ایدی
[لحم سمعی زیاده ایدر ودنیا و آخرتده سید الطامامدر]
دیر ایدی ذراع و ظهره ده کی اتلری بکنور و :
[اطیب اللحم لحم الظهر] دیه بیورور ایدی . شو قدر
وار که اکل لحمه حریص و مداوم اولمازدی . لحمی برکن
دیشیله قوپاریر ایدی . ممکن اولدقجه بیچاق ایله کسمزدی
اکثر طعمای خورما ایدی کونده ایکی نوبت طعام ایسه
بر نوبتی هر حالده خورما طعمای اولور ایدی . حلوانی
بالی تره یاغنی سور ایدی . خورمایی سوت ایله قارشدیروب

بر و (اطبیان) دبه تسبیح ایدردی . قبانی سور ایدی
 دماغه نافع اولدیغی و عقلی زیاده ایدم جگنی سویاردی .
 حق : [ادا طبخت دباه فاکتری من مرقها فانه یشد
 القلب الحرین] دبه حضرت عائشه رضی الله عنایه
 بیوردقاری اولور ایدی . طعمامدن تجرمدی طرفتی
 انزام ایدردی . بعضاً یاغی اتمکله برابر یرایدی .
 غزوه تبوکده اوکنه قورو پینر کتیردیار و یحاق ایله
 کسوب یدی . تازه خورما ایله خیاری و بطیخی یرایدی .
 بطیخی بعضاً اتمکله بمضاده شکر ایله یرایدی . نزدنده
 نازه میوه لک اطبی بطیخ ایله نازه اوزوم ایدی . بر
 صالحم اوزومی . بارک اغزبنه آلوب و اوزوملرینی دیشلریله
 صیروب یدکن صکره صابی آغزندن آندیغی اولمش
 و خیاری توز ایله یمشدر . سوده رغبتی وار ایدی . .
 صوی اوج نفسمده ایچردی . علی الاکثر اوطوروب
 ایچردی . ایاق اوزرنده ایچدیکی ده اولدی . بر مجسمده
 حاضر اولانلره برشی ایچیره جک اولسه بعضاً ک صوکره
 کندوسی ایچردی بمضاده انک عکسینی یاپار ایدی قربه نک
 آغزندن و قدح دلیکنندن صو ایچمکی نهی ایدردی .
 صووق و طاتلی صوی سور ایدی . مدینه منوره .

ایکی منزل مسافده (سقیاء) منزلندن کندوسنه طاتلی
صوکتیردکلی اولمشر .

سفره پنجشنبه ، بعضاً بازار ایرتی و پک نادر
چهارشنبه کونی چیقار ایدی کیجه سفرینی توصیه ایدردی .
و کیجه بوریان یولجیلره ارض طی اولور دیه بیورور
ایدی . شو قدر وار که رفیقسنز کیجه سفرندن صوک
درجهده محذیر ایدردی .

دیزلرینی دیکوب مبارک اللرینی دیزلرینک اوزرندن
کمر کی بند ایدمک اوطوردینی اولور ایدی . بعضاً بر
شیئه طایانیر اویله اوطورور ایدی . بعضاً ارقهسی اوستی
یانار بر ایاغنی دیکر ایاغنی اوزرینه قویر ایدی .

تکلمده سوزلری غایت حساب و ثانی اوزره
ایدی . سوزی دانه دانه سویلردی . حتی سوز سویلر
کن کلمات و حروفاتی صایمق قابل اولور ایدی . صمت
وسکوتی غالب ایدی . ثوابی قصد ایتدیکی برشیده سوز

سویلردی . سوزی احتیاجه کوره سویلردی . اکنار
 و اطنابدن واخلال واملالدن احتراز ایدردی . صرسته
 کوره یعنی حاجت مس ایدرسه بر سوزی اوچ کره
 سویلردی . سوز سویلرکن مبارک الیله اشارت دخی
 ایدردی . صاغ الیک آیهنی صول الیک ایهامنک یعنی
 اوزرینه وضع ایدردی . بر شیدن تعجب ایدرسه مبارک
 الیک آیهنی منقاب ایدر . و دوداغنی ایصیرر کی یابار
 و فخذ شریفی ضرب ایدردی . غضبی حالنده اعراض
 کوستریر ایدی آثار غضب و انفعال مبارک بشره سنده
 ظاهر و نمایان اولور ایدی و حال غضبده حیثیات تاریخی
 چوقجه الیر ایدی .

—

سوز سویلرکی مجاس شریفده بولانلر کمال ادبیه
 سکوت و راسلرینی اطراق ایدرلردی .
 اصحاب کرامک دنیا و اخرته متعلق بحث
 ایتدکاری شیدن بحث ایدر تعجب ایتدکلرندن تعجب
 ایدردی . اصحاب کرام ایام جاهلیته عائد حکایات ایله
 ضحک ایدرلرسه یا خاموش اولور یا خود تبسم بیورور
 ایدی . بشوش اولقله برابر چوق کولمزدی فقط اکثر

احوالنده تبسمی غالب و دائم ایدی . و حیک نزول
ایتمدیکی و یوم قیامت دوشونمیدیکی و خطبه ده بولمیدی
ساعتلرده همان دائماً متبسم کورینور ایدی ضحکی علی
الا کثر تبسمدن عبارت ایدی . . . نواجذی
کورو نه چک قدر کولدیکی نادرآ وقوع بولور و کوزینک
یاشی حیة سعادتلرینه آقهرق آغلادیکی پک چوق اولور
ایدی . فقط حین بکاده صیحه و نوحه ایلدیکی واقع
دکلدر .

غریبک سؤال و کلامندن اولان اذیتنه صبر و تحمل
ایدردی . کیمسه نك لاقر دیسنی کسمزدی . کیمسه
سوز و یا غیری برشی ایله جفا ایتمزدی . اعتذار ایدنلرک
عذرلری یالانده اولسه ینه نزد عالیلرنده قبول بیوریلور
ایدی . و (کیم که برمسلم برادری کندوسنه جرمندن
معتذر و متصل اوله رق کایر اعتذاری یالان اولسون
کرچک اولسون قبول ایدملی یوقسه او عذری قبول
ایتمیان بکا حوضده وارد و ملاقی اوله من) دیری ایدی .
اعراب کندوسنه کلام جافی ایله رفع صوت ایتسه لرده تحمل
ایدردی . سیئه یه سیئه ایله مقابله دکل عفو و صفح ایله معامله
ایدردی . اهل فضل و شرفه لایقنجه و هر قومک کرام

و کریمه اکرام ایدر وانی حائز اولدینی شرف و کریمه
 مبنی قومه والی امین بیورور ایدی. کندی ذوی الارحامنه
 دخی اکرام ایدردی. فقط انلری افضل اولانلرینک
 اوزرلرینه ایشار ایتزدی. . . اصحاب کرامنک خایه لرینه
 واریر ایدی، مجلس شریفدن منقطع اولانلری سؤال
 و تفقد ایدر کوردیکنی زیارت ایلر خسته بولنانی عیادته
 کیدر ایدی. بر مجلسه واریر ایسه بولدینی برده همان
 اوطور یوریر ایدی. کندیسینه موقع مخصوص تحری
 ایتزدی. بریسی کندوسیه اوطور سه یاخود بر حاجت
 قونوشه او قالقوب کیدنجهیه قدر کندوسی بکلر صبر
 ایدردی.

یہانجی براعرابی اصحاب کرام ارمسنده ذات عالی
 رسالت پناہیلرینی صورمدقجه فرق ایده مزدی. اجله
 اصحاب کرام، ذات نبویہ بر صفت ممیزه اولمق اوزره
 مسجد شریفده بریری طوپراق ایله یوکسک اتوب اوزرینه
 حصیر سردیلرکه مسجد شریفده بولندقجه بونک اوزرنده
 اوطورور ایدی. اوطوروشلری علی الاکثر قبلهیه
 قارشی ایدی و بوکا (سید المجالس) دیر ایدی. کیجه

و کوندوز هیچ بر وقتنی یا الله تعالی به طاعت و عبادت
و یا خود منافع عامه مسلمینه متعلق همتک غیر ی شیه
کچیر مزدی . اوطون کسر و کسیدی اوطونی بیت
سعادتنه قدر کتیریر ایدی .

هیچ بر قادینه و خادمه و دومیه لمن و ضرب
ایتماشدر بر کره خادمی چاغیردی . خادم جواب
ویرمدی [اکر قیامته قصاص خوف اولمیدی سنی
بن شو مسواک ایله ضرباً اجیدیر ایدم] دیه بیوردیلر
ایدی . هیچ بر یتاغی و مندری تعیب ایتزدی . نه نی
سرلرسه اوطورور ایدی سرملرسه یره اوطورور
و یره یاتار ایدی .

جمیع احواله هین ولین ایدی . فظ و غلیظ دکل
ایدی . سواقلرده شوراده بوراده کوراتی پاتیردی ایتدیکی
اولمدی . لعب مباحی کورور انکار ایتزدی . یانه کلن
ضیف و مسافره اکراماً یا صدیغنی ویریر ایدی . کلن
ذات تأدباً ابا ایدرسه عزم و اصرار دخی کوستیر ایدی .
کنموسیله قرابت و سابقه معرفتی بولمیان ذواته اوطور مق
ایچون رداء سعادتنی آتدینی اولمشدر . ضیوفرن هیچ
بر طعمانی دریغ ایتیموب بولدیغنی چیقاریر و بوله مزسه

ضیفه قارنی صمیمتله اعتذار ایدردی . . ایکی حفید
 سعیدی حسن و حسین رضی الله عنهما ایله مداعبه انلری
 ظاهر سعادتارینه یئندیروب [نعم الجمل جملکما ونعم العذلان
 انما] دیدیکی اولمشدر .

—

مزاح و لطیفه ایلدیکی اولورایدی . بعض صبیان
 ایله و محرمی بولان نساوان ایله تمازحه ایتدیکی واقع
 اولدی . انس بن ملک رضی الله عنه [یاذا الاذنین] دیه
 بیورمشدی . بر سفردہ حضرت عائشه رضی الله عنها
 معیتندہ ایدی . یولده اصحابی کرامی ایلری کوندروب
 کندوسی عائشه ایله برابر کریلدی صوکره ایکسی یولده
 مسابقه قوشدیلر . حضرت عائشه هنوز ماحم اولدیغندن
 مسابقه بی قزاقه رسول اللهی قوشوده کچدی . باشقه
 بر سفردہ عین وجهله بر مسابقه دها یاپدیلر . بوکره
 حضرت عائشه کری قالمقله اقدمز [هذه بتلك] = بو
 اولکنه بدلدر [دیہ بیوردی .

بر زمان نزد هایونلرینه بر قادین کله رک :

— «یا رسول الله زوجم سنی دعوت ایدر ،

دیمکله اقدمز حدقه بصرده کی بیاضی مراد

ایده رک [سنتک زوجک کیمدر عجبا کوزنده آق اولان
آدمیدر] دیه بیورمشدی .

نعیمان بن عمرو الانصاری رضی الله عنه ، صوک
درجه ده لطیفه کار بر مرء معروف ایدی . برکون بادیه دن
رسول الله بر اصرابی خلدی . دوه سی فناء مسجد شریفه
باغلا یوب ایچری کیردی . بعض اصحاب نعیمانه :

— « شو دوه بی کسوب بزم یدیره بیلورمیسک
که بدانی صاحبنه رسول ویرسون »

دیدیلر . نعیمان همان او انده دوه بی کسیدی .
اصرابی دوه سنتک حالی کورورکن [واعقراء یا محمد] دیه
حاقیردی : افندمنر چیقوب سئوال ایتدی . (نعیمان) دیدیلر
نعیمان ایسه قاقوب ضباعه بنت الزبیر بن عبدالمطلبک خانه سی
جوارنده بر خندقده ضاقلانمشدی افندیمنر تعقیبه مسارعت
ایلدی . اوراده بر آدم پارمغیله خندقه اشارتله برابر
[کورمدم یا رسول الله] دیه سساندیکندن افندمنر نعیمانی
طوتوب خندقدن چیقاردی . و [نیچون یاپدک] دیه واردی .
نعیمان : [بنی سکا کوسترنلر یاپدیردی یا رسول الله] دیدی
رسول الله صلی الله علیه وسلم نعیمانک یوزندن طوپراغی
سیلر هم کولردی . دوه نک اثمانی دخی تأدیه ایتشدی .

صفيه بنت عبدالمطلب جنته كيرمك ايچون دعا
رجا ايتدى . رسول الله صلى الله عليه وسلم اكا [قوجه
قارى جنته كيرميه جكدر] ديديكندى صفيه آغلدى .
صوكره افدمى [عجائز دنيا او حالاريله جنته كيرميه جكدر
بلكه] (ابا ايشا ناھن انشاء فېجملناھن ابكارآ) آيت
كريمه سنك منطوقجه تيز وكنج اولدقلى حالده
كيره جكدر] ديه ايضاح ماده بيورديلر .

خوات بن جبير رضى الله عنه ايله بر سـفـرده
مرالظهارنده نزول ايتمى . خوات او محله بر طاقم
قاديئارى كورمك طوغرى يالرينه كيتدى او طوردى .
انلرله مصاحبت باشلادى .

او صرده خيمه سعادتلرندن چيقه رق خواتى
اولدنى موقعده كورمكله ممرض انكارده :

— «يا ابا عبدالله اوراده نه ياپيورسك»

ديه سساندى . خوات برآز قورقورق :

— «يا رسول الله سرکش بر دوم وار باغلامق

ايچون بونلره اورغان ياپديرمق ايستم»

ديركن قالقدى . كندوسى بوكا باشقه برشى ديمى
كچدى . خوات ده كلوب عقيب و اثر عالیده كيتديكندن

رداء سعادتلرینی خوات طرفنه کیری آتدی . قضاء حاجت ایچون ایلرولدی . عودتنده غایت معیندار بر وضع اوزره خواته باقهرق :

— « سرکش دوه بی نه یاپدک »

دیه بیوردی . او منزله تصادف ایتدیکجه خواته آزغین دوه سنک حالندن صورار ایدی .

مدینه یه عودتلرندن صوکره دخی هر راست کلدیکی محله سلام ویریر صوکر سرکش دوه سنک حال و خاطرنی سئوال ایدردی . خوات ایسه توالی ایدن استفساره قارشلی حجابندن ارتق نزدینه کله مامکه باشلدی بر مدت ده بویله کچدی . صوکره تنها بر زمان فرصتی بوله رق خوات مسجد شریفه کیردی . نمازه مشغول اولدی . اوراده افندمزده حجره سعادتن مسجده چیقوب ایکی رکعت نماز قیلدی خوانه قریب اوطوردی قالقوب کیتیمی امید و ارزوسيله خوات نمازی اوزاتدی کندولری خواتک اومقصودینی درک و تفرس ایدهرک :

— « یا ابا عبدالله نقدر اوزادیر ایسه ک اوزات

سن بیتیرمدکجه بن ده کیتیمیه جکم »

دیه بیوردی . خوات تسکین خاطر عالی یه مدار

اوله بيله حك بر عذر بولغه قرار ویرهش اولدینی حالد
سلام ویردی . او زمان :

— السلام عليك يا ابا عبدالله او سرکش دوهی

نه یابدک :

دیه بیورلقله خوات صوک درجه صمیمی برچهره

و لسان ایله :

— د یار رسول الله اول الله حقیچون که سنی صدق

ایله کوندردی مسلمان اولدینم کوندنبرو او سر کشک
حال و عادتق براقشدر :

جوانی ویردیکندن اکا [رحمک الله] دیه دما

ایلدی ..

مبارک صاچنی و صقالی طارار و صاچنه یاغ

سورر ایدی . فقط هر کون طارامن ایدی صاغ الی

وضوء و طعامه مخصوص ایدی . صول الی دفع اذاه

واستنجاده استعمال ایدردی . ویره جکنی و آله جغنی

صاغ الیه ویریر و ایر ایدی . کیجه لری دیدۀ پرنور

سعادتلرینه اوچ کره کحل اصفهانی چکردی . بعضا صاغ

کوزینه اوچ صول کوزینه ایکی کره چکردی سفره

کیتسه آینه طاراق مکحله و مسک قوطوسی مقراض
روغندان هپ برلکده کتوریلور ایدی خانه سنده هانکی
زوجه سنک حجره و نوبتنده ایسه اشیاء مذکوره او حجره یه
نقل اولنوب نزد هایونلرنده بولندیریلور ایدی . تدویر
وجهدن و یوزده کی قیللری یولمقدن و باشند و صقالدن
اق قیللری قوپارمقدن نهی ایدردی .

بر کیمسه نک خانه سنه واریر ایسه قپو حداسنه
طوغری طورمزدی . صاغ ویا صول طرفده طورهرق
[السلام علیکم السلام علیکم] دیه استیدان ایدردی .
بر جماعت صبیانک و بر جماعت نسوانک یانندن کچوب
هر ایکی جماعته آری آری سلام ویردیکی اولدی .
مسلم و مشرک برلکده بولنان بر مجلسه دخی سلام ویریر
ایدی . هر یرده سلامه اول کندوسی باشلار ایدی .
کندوسنه سلام ویرلسه مثلله ویا دها افضلله رد سلام
ایدردی . وقطماً تأخیره ایتزدی . سلامی ویرن آدمده
ایشیدیر ایدی . اشارنله اکتفا ایلمزدی . و سلامه جوابی
و او ایله [وعلیک السلام] ایدی . کیجه حجره سعادتنه
کیررکن او یانق اولانلر ایشیدمک او یقوده اولانلری

اویا بدمیه حق صورت و مرتبه ده سلام و بریر ایدی .
 مجلسه کایر ایکن و مجلسدن کیدرکن سلام و بریر ایدی .
 مصافحه دخی عادت سایی لرندن ایدی . دیار آخردن
 کلان ایله معافه ایدردی . زید بن حارثه مکدن و جعفر
 بن ابی طالب ارض حبشه دن مدینه منوره یه کلدکاری
 زمان انلرله و ابوذر الغفاری ایله معافه ایتشدی .
 عطشده آوازینی آهسته ایدر و وجه صبیحنی
 مبارک کیله اورتردی . و دست شریفلرینی قاشلاری اوسته
 قویر ایدی . حق تعالی عطشی سور اسنه کی مکروه
 طوتر دیر ایدی .

مشی و سیرنده معتدل ایدی . سرعتله بطاوت
 ارمه سند و وقار اوزره ایدی . بطاعتدن زیاده سرعتله قریب
 بر حالد . یوروشی وار ایدی . یورور ایکن ویا ایاقده
 قائم ایکن بر طرفه نظر و التفات ایده جک اولور لر سه
 وجود شریفلرینک جمله سی ایله دوزر ایدی . یورور
 ایکن یوکسکدن اشاغی بر محله اینر کی ایاغنی باصار ایدی .
 اصحابیله بر لکده یورور ایکن [دعوا ظهیری للملائكة]
 دیه کندوسی ال ارقیه بر اقدینی اولور ایدی .

سفر وحضرده چپلاق واکرلی آتہ دوهیه قاطرہ
 حمارہ بیندیکي اولدی. غالب احوالده یالکیز بینر ایدی.
 ترکیسنه حسن و حسینی و اولاد جعفردن یاخود کوله
 لرندن واصحابندن برینی الدینی ده اولور ایدی. هم اوکنه
 هم ترکیسنه اطفالدن بر ذات الوب کندوسنک اورتده
 فالدینی اولدی. زوجات طاهراتندن بعضنی ترکییه
 آلمشدی. چپلاق ایاق ایله رداسز و قلنسوه سز اقصای
 مدینه یه قدر عیادت مرصا ایچون یورودیکی واقع اولمشدر.

مسکن خصوصنده اهتمای یوق ایدی. صیجاق
 و صووقی دفع ایدم جک و دواب و بهایم کرمیه جک و
 خلقک کوزی کورمیه جک قدر بنا ایله اکتفا ایدردی.
 کیجه یاته جنی زمان کوندوزه مخصوص البسه مبرک لرینی
 چیقاروب فراش سعادتق نه ایسه اوستنه اطورور.
 ومبارک ایکی الارینک آیه سنی بریره کتوره رک اوفورور
 وسوره اخلاص ومعوذتینی اوقور و آیه سنی اعضاسنک
 اوزرینه سورر کزدریر ایدی. صوکره صاغ جانبنه
 یاتوب صاغ الیک آیه سنی یوزینک صاغ جانبی التنه قویر
 ایدی. کاه یتاقدہ کاه کلیم و یا حصیر اوزرنده کاه عباء

و بالاس اوزره بمضاده قوری یرده یانار ایدی . برقات
 بوکولاش عبادن عبارت اولان فراش سعادتی بر کیجه
 حضرت عائشه رضی الله عنها برقات دهها بوکوب درت
 قات ایتمش اولدینی حالد افندمن یاتوب او یودی صوکره
 بوزولدینی کورم رک (نه اولدی یتاغمه بو کیجه اولکی
 کبی دکل) دیه بیوردیلر . حضرت عائشه درت قات ایتدیکنی
 سویلرکن حال اولنه اعاده سی افندمن امر ایتمشدی .
 اویقو وقتده مبارک باشی الله قویدینی ایچی خورما اینی
 ایله طولو سختیاندن بر یاصدیق ایدی .

بیع و شرا ایلدیکی اولور ایدی ولکن بیعدن زیاده
 شرامی چوق ایدی . بر خیلی قویونی وار ایدی .
 قویونلرینک یوزدن زیاده اولسنی ارزو ایتدیکندن
 یوزدن آرتانی ذبح ایدردی ایام قبل النبوه ده نفسی
 رعی اغنام خدمتی ایچون آخره ایجار ایتدیکی اولمشدر .
 رهن ایله ورهمنز استدانه واستعاره ایلدیکی و ضامن
 اولدینی وقوع بولدینی کبی براراضیسنی وقف ده ایلمشدی .
 مجرد امتی ایچون توسعه مقصدیله سکساندن فضله مواضعده
 یمین ایتدیکنی کوسترمشدر . محافل مسا کینده انلرله

اولان مصاحبی اثناده اوزرینه کلان قلاتی ثیاب
شریفه سندن مبارک اللریله طوپلار ایدی .

انس بن مالک رضی الله عنه سفر و حضرده اون سنه
متمادیا خدمت سنیه سیله مباحی و شرفیاب اوئشدی . شو
اون سنه ظرفده یاپدینی ویا یامدینی برشیدن طولایی
بوننی نه یه یادک یاخود نه یه یامدک دیه سویلما مشدر .
ایشلری دائماً اصحابیله مشاوره ایدردی . کندوسنی
هرکیم اولور ایسه اولسون برشی ایچون چاغیریر ایسه
همان کیدردی مدینه منوره نك الك اوزاق محلنه قدر خسته
عیادتنه کیدردی . بیلدیکی و بیلمدیکی جنازه لره حاضر
اولور ایدی . کمال ادب و حیاسندن اصحابی ارمه سنده
اوطورور ایکن ایاغنی اوزاتدینی کورولما مشدر . نماز
قیلرکن بری حضور هایونلرینه کیرسه نمازی تخفیف ایله
بیتروپ حاجتی صورار ایدی .

۴

اولاد کرامی

ابراهیمدن باشقه جمیع اولاد ذکور و انائی خدیجه

رضی الله عنہا دن طوغمشلردر، درت اولاد انا بیولندی
مفق و مقطوع ایسده قاج اوغلی اولدینی اخلاقلیدر .
بعض قوله کوره اوج دیگر اقواله کوره بش اولاد
ذکوری وارد :

۱ قاسم — اول اولادیدر . قبل البعثة خدیجہ دن
تولد ایدمک عاده العرب اوزره افندیمز ابو القاسم کنیه سیله
مکنی اولمشدر . قاسم اول اولادی اولدینی کی اولادی
ارمسنده اک اول وفات ایدنده بودر . وفاتسده صبی
ایدی . . بر بقی، ایکی یاشنه . آنه ینه جک سنه کلدیکی
حالدہ وفاتی مرویاتنددر .

۲ عبد الله — بعد البعثة خدیجہ دن تولد ایدمک
چکوک ایکن وفات ایلمشدر . روایتلره کوره صدر
اسلامده تولدی . بیله پدر عالیکهر لری اکا (طیب و طاهر)
اسمعی و یرمشدی . شو خالد او چنجی اوغلی ابراهیم اولمق
لازم کلیور .

۳ طیب | قبل البعثة ایکنز اوله رق طوغمش برر
۴ طاهر | مخدوملری ایدوکی روایتک احتمال صحفی
جهتیه بویه قید ایدبورز .

۵ ابراهیم — جاریه سی ماریه قبطیه رضی الله عنہا دن
عالیہ [۵] محلہ سندنہ طوغمشدی صبی ایکن وفات ابتد بونک
تولدی مستلزم سرور نبوی اولہرق یدنجی کونی صاچنی
کسیدردی . آغیرلغنجہ کموش صدقہ ویردی وایکی قوج
عقیقہ ایلدی .

۶ زینب — رضی الله عنها قول صحیحہ کورہ بیوک
کریم لریدر . وقعة فیلک اوتوزنجی سنہ سندنہ وافندیمرک
اوتوزنجی یاشلرنده تولد ایتمش و (ابوالعاص بن الربیع
بن عبدالعزی) یه نکاح ایدلمشدر . وقعة بدرده ارلرینی
افندیمر برکره تفریق ایتمشکن ابوالعاصک بالاخرہ قبول
اسلامی اوزرینه نکاح اول ایلہ دیگر روایتہ کورہ تجدید
نکاح ایلہ زینبی ینہ اکا ویرمشدر .

۷ رقیہ — رضی الله عنها وقعة فیلک اوتوز اوچنجی
سنہ سندنہ قبل البعثہ طوغمشدر . ابولہبک بیوک اوغلی
عتبہ یه ، نکاح ایدلمش ایکن عتبہ ، بوشایوب عثمان بن عفان
رضی الله عنہ تزویج اولمشدر . رقیہ حضرت عثمان ایلہ
یرلکده ایکی کره حبشستانہ هجرت ایتمشدی اولکی

[۵] العوالی ، موضع قریب من المدينه وکأنه جمع عالیہ .

هجرتند حامله ایدی انشاء هجرتده یولده سقط جنین وقوعه
کلوب صوکره عبدالله نامنده براوغلی اولمشدر .

عبدالله بر روایت کوره ایکی دیگر، روایت کوره النی یاشنده
ایک بر خروس غاغاسیله کوزینی اورد، قله متائراً وفات ایلدی .
رقیه رضی الله عنها رسول الله صلی الله علیه وسلمک بدر
سفری اشاده ارتحول ایتمشدر [بعد الهجره سنه ۱۸]

۸ ام کلثوم — رضی الله عنهاک اسمی آمنه در .
عتیه بن ابی لهب آلمشدی . . عتیه دخی عتیه کی
قبل الدخول بوشایوب رقیهک ارتحالندن صوکره
اوجنچی سنه هجریده حضرت عثمان بن عفان رضی الله
عنه تزویج بیورلدی . فقط عمری وفاء ایتیه رک طقوزنجی
سنه هجریده وفات ایلمشدر .

۹ فاطمه — الزهراء رضی الله عنها کرائم مکرمه
سعادتلی ایچنده اک کوچوک و اک سوکیلیسی ایدی .
بعد انبوه خدیجه رضی الله عنها دن طوغمشدر . ام محمد
کنیه سیله مکینه ایدی .

سنه نائمه هجریهک رمضاننده حضرت علی کرم
الله وجهه به تزویج بیوریلهرق ذی الحجهده دیگر قوله

کوره رجب و یا صفرده زفاف اولمشدر . حین زفافده
 اون بش و یا اون سکز یاشنده ایدی . اوچ اوغلی
 اوچده قیزی طوغمشدی . ارتحال نبیدن آتی آی صکره
 وفات ایلدی . کتب متداولده مرویاتی اون سکز حدیث
 شریف اولوب بری . متفق علیه دیکرلری کتب احادیثده
 مرویدر .

..

۴

— اعمام و عمات فخامی —

اون ایکی عم مکرمی وار ایدی :

- ۱ مارث — اک بیوکاری ایدی . انکیچوندرکه
 عبدالمطلب ابو الحارث کنیه سیده
 مکنی ایدی .
 برانادندر
- ۲ قثم — کوچوک ایکن وفات ایتدی .

- ۳ ابرطالپ — اسمی عبدمنافدر
 بونلروالدالتبی عبدالله
 ۴ زبیر — کنیه سی ابوالخارثدر
 ایله برانانددر
 ۵ عبدالکعبه —

- ۶ حمزه — رضی الله عنه
 ۷ مقوم —
 برانانددر
 ۸ مهبل — مغیره ده دینیایر ایدی

- ۹ عباس — رضی الله عنه
 بر بطندن ایدی قتمک ده
 بونلرله بطن واحده دن
 ۱۰ ضمرار —
 اولدیغنه دائر روایت واردده

- ۱۱ ابرلرب — اسمی عبدالعزی ایدی .
 ۱۲ غیراره — مصعب دخی دینیایر ایدی .

ایچلرندن عباس ایله حمزه رضی الله عنهما نیک غیره
 شرف اسلام سببیه حائر نصاب فوز و فلاح اولان
 یوقدر. الی نفرده عمه سی وار ایدی :

۱ عاتکه — اسلامی اختلافی در .

بدرده هزیمت و فلاکت

قریشی رؤیاده کورن بو

ایدی .

۲ ام کلیم — البیضاء

۳ بره — ابورهم بن عبدالعزیز

زوجہ سی ایدی صوکره

عبدالاسد بن هلال

مخزومی به واروب اندن

ابوسلمه بی طوغوره شدر

که ام المؤمنین ام سلمه

رضی الله عنها حضر تری

بونک حباله نکا خنده ایدی

۴ امیر — جحش بن ربابک زوجہ سی

ایدی . اندن عبدالله عبید

الله ابو احمد زینب ، ام

حبیبه و حنہ بی طوغوردی .

عبدالله والد النبی صلی

الله علیه وسلم ایله بونکر

بر ابادن ایدیله .

۵ ارری — اولای عمیر بن وهبه واروب اندن طایی

طوغورمش صوکره کلامه بن عبد مناف و ارمشدر . بر
روایت کوره بوده عبدالله والد ابی صلی الله علیه و سلم
ایله دیگر روایت نظر آ حارث بن عبد المطلب ایله بر
انادن ایدی .

۶ صفیه — رضی الله عنها زمان جاهلیتده حارث بن
حرب بن امیهنک زوجه سی ایدی . امک فوتندن صکره
خریجه رضی الله عنهاک برادری (عوام بن خویلد) .
واروب زیبر رضی الله عنه ایله سائب و عبد الکعبه بی
تولید ایتمشدر . صفیه حمزه رضی الله عنه ایله بر والده دن
ایدی عمت نبی ایچنده بوندن باشقه سنک مسلمان اولدیفی
معروف دکلدر خیبر غزوه سنده بولنه رق بر یهودی بی
قل ایتمش اولمسنه مبنی غنیمتدن کندوسنه حصه
ویرلشدی . یتیمش اوچ یاشنده و حضرت عمر الفاروق
رضی الله عنهمک زمان خلافتده ارتحال ایدمک بقیعه
دفن اولمشدر .

۵

زوجات و سراری طاهرانی

علی اختلاف الروایات اوتوز و یا یکر می اوچ امرئ

يا كيزمك خطبة النكاحي واقع اوله رق بونلردن بمضنك
عقدی اولمش زفافی اولمامش بعضنك حقنדה يالكيز طلب
ازدواج وقوع بولوب عقد حصـوله كلامش اون برينه
دخول و شو اون برک يني جمع [۱] بيورلمش در :

۱ ضيعة — الكبرى رضى الله عنها الك اول الدينى
بودر . مقدا (عتيق بن عاخذ) المخزومينك زوجہ سی
ایدی . بندن بر اوغلی بر قیزی طوغدی . صوکره (ابو
هاله بن النباش بن زرارة التیمی) به وارہ رق اندن ده
ایکی اوغلی اولدی . ابو هاله دن طول قالمسی اوزرینه
رسول الله صلی الله علیه وسلم بشیوز درهم صداق ایله
نکاح ایتدی . که او زمان خدیجه قرق کندی ذات اقدس
همبونلری یکر می بش یاشنده ایدی . ابراهیمدن باشقه
جميع اولاد کرامی بوندن اولمش و بونک حیاتنده
خوشنودلغندن ناشی اوزرینه دیکرینی المامشدر . تاریخ
نبونک اونجی سنه سنده وفات ایدہ رک زوج کریمنی مکدر
و محزون ایتمشدر .

[۱] ان اثر تاریخنده زوجات مدخول بهانک اون اوچ

اولدیفنی یازمش ایسه ده جمهور اهل سیر اون برنده اتفاق
ایدرلر .

۲ سوره — بنت زمعه رضی الله عنها . مکده سکران
 بن عمروك زوجہ سی ایدی . سکران دن عبدالرحمن اسمندہ
 بر اوغلی وار ایدی . سوده زوجی سکران ایله حبشه
 عجرت ایدنلر میانندہ ایدی . حبشه دن معاودتدن
 صوکرہ سکران فوت اولغله تاریخ نبونک اونجی سنہ سنندہ
 درتیوز درهم مهر اوزرینہ تزوج بیوریلوب بر سیدن
 طولانی تطایق و یاخود تطایق تصور اولدیغندن نوبتی
 حییه رسول اولان عائشہ رضی الله عنها باغشلامق
 اوزرہ محضا زوجات طاهرات میانندہ حشر اولمق
 ارزوسیلہ سوده ك وقوع بولان نیازینہ بناء طلاقدن
 فراغت و یاخود رجعت بیورلدی مرویاتی بش حدیثدرہ
 بریدی بخاریده متباقیسی سنن اربعہ دہ درہ . وفاتی حضرت
 عمر الفاروق رضی الله عنہك اواخر ایام خلافتندہ ایدی .
 اوزون بویلو و پك جسماتلو اولمق مناسبتیلہ جنازہ سی
 امر عالی خلافتلہ کیجہ وقتی قالدیریلوب دفن ایدلدی .

۳ عائشہ — [ام عبدالله] (۱) رضی الله عنها
 خدیجۃ الکبری رضی الله عنہانک وفاتی سنہ سنک شوالندہ

[۱] اکنت بابن اختہا عبدالله بن الزبیر بأذن رسول الله اہا
 فی ذلك .

مکده التي ياشنده تزوج بیوریلوب هجرتدن سکزنجی
آید وینه شوال ایچنده مدینه طیبه ده دخول و زفافی
اجرا اولمشدر . حین زفافده طقوز و ارتحال نبوی
زماننده اون سکز یاشنده ایدی . حضرت عائشه رضی الله
عنها فقها و فصحاء کرامدن ایدی . شعر و انسابه و قوف
کاملی و علم و عرفانده غیرینه نصیب اولیان فضل العظیم
امتیازی وار ایدی . حقلرنده کی : [خذوا ثانی دینکم
عن هذه الحمیراء] فرمان نبویسی فضل و کماله برهان
ایدی . هجرتک الی سکزنجی سنه سی رمضانتک اون
یدنجی صالی کیجه سی التمش التي یاشنده وفات ایدی .
همان اوکیجه جنازه سی بقیعه دفن اولمشدر . اکثر اهالی
مدینه منوره جنازه سنه حاضر ایدی . نمازینی ابوهریره
رضی الله عنه قیلدیردی ، کندوسنی قبره برادر زاده لری
(قاسم بن محمد بن ابی بکر) و (عبدالله بن عبدالرحمن
بن ابی بکر) ایتدیردیلر . مرویاتی (۲۲۱۰) حدیث
اولوب ۱۷۴ حدیثی متفق علیهدر . بخارینک منفرد
اولدینی ۵۴ و مسلمک ۶۸ حدیثدر .

۴ مفهه — بنت عمر الفاروق رضی الله عنهما خنیس
بن حذافه رضی الله عنک زوجه سی ایدی ، خنیسک

بدرده الدینی یارم دن متأراً وقوعوفایله قلهرق صوکره
 اوجچی سنه هجریه شعباننده امهات مؤمنین عدادینا
 داخل اولدی . - فقهه . عبدالله بن عمر رضی الله عنهما
 ایله بروالدهدن ایدی . بنیان کعبه سنه سنه یئنی تاریخ
 قبل النبوة مک بشیچی سنه سنه طوغمشدی بر مسئلهدن
 طولانی طرف اشرف رسالت پناهیدن بر کرمه تطایق
 اولمشدی فقط صوامه وقوامه اولمسی ایله برابر جمتدهده
 زوجات طاهرانیدن بری بولمسی کبی اسبابه مبنی امر
 الهی ایله مراجعت بیورلدی . قرق بش سنه هجریه سنه
 ۶۳ یاشنده اولدینی حالد مدینهده وفات ایدمک اوزمان
 معاویه رضی الله عنه جانبندن امیر المدینه بولنان مروان
 بن الحکم نمازینی قیلدیرمش و سریر نعلینده کیرمش
 و دفندن فراغه دکیکنار قبرنده مکث و توقف ایلمشدر .
 مرویاتی کتب متداولدهده ۶۰ حدیث اولوب دردی متفق
 علیهدر . مسلم اتی حدیثده منفرد متباقیسی کتب سائرده
 مرویدر .

۵ زینب — بنت خزیمه رضی الله عنها . قدما طفیل
 بن الحارث بن عبدالمطلب زوجہ سی ایدی . . دفیلاک
 تطایقندن صوکره برادر (عبد بن الحارث) . واردی .

عبیده رضی اللہ عنہک دمہ بدرده ایاغندن اوریلہ رق وقوع
 شہادت اوزرینہ طرف اشرف پیغمبریدن تزوج بیورلدی .
 ازدواجدن سکز آی دیگر روایتلرہ کورہ ایکی یا اوچ
 آی صوکرہ عازم دارنعم اولدی کہ زمان حیات هایونلرنده
 بونکله خدیجہ رضی اللہ عنہانک غیری زوجہ سی وفات
 ایتماشدیر . فقرا و مساکینہ اولان بر واحسانندن ناشی .
 [ام المساکین] کنیه سیلہ مکنی ایدی .

۶ ام سلمہ — هند رضی اللہ عنہا ابو سلمہ عبداللہ
 بن عبدالاسدک زوجہ سی ایدی . حبشہ یمہ هجرت ایدنلرک دمہ
 بری ایدی . ابو سلمہ حضرت تارینک احدده الدیغی
 جریحہ نک تأثیریلہ وفاتندن صوکرہ ابوبکر وعمر رضی اللہ
 عنہما طالب ازدواج اولدقلری حالده ام سلمہ قبول
 ایتماشدی . رسول اللہ صلی اللہ علیہ وسلم دخی طالب
 ایدرکن بوہ مسنہ و شدیة الغیرہ وام الایتام اولمسی کبی
 اسبابی درمیان ایله برکرہ اعتذار ایتمش ایدی . اخیراً
 موافقت کوسترہ رک نکاح اولمش و ام المساکین زینب
 رضی اللہ عنہانک ترک ایلدیکی حجرده زفافلری وقوع
 بولمشدیر . [بعدالہجرہ فی شوال سنہ ۴]

کربلاده حضرت حسین رضی اللہ عنہک وقوع

شهادتی خبر پر کدریخی الدینی زمان اهل عراقه لغت
ایتمندی . جمیع امهات مؤمنینک اک صوک وفات ایدنی
بودر . هجرتک (۶۰) ویا (۵۹) سنه سنده (۸۴) یاشنده
اولادینی حالده مدینه طاهرده وفات ایدوب بقعده دفن
اولمشددر . کتب متداولده مرویاتی (۳۷۸) حدیثدر اون
اوج حدیثی متفق علیهمدر . بخارینک منقرد اولدینی اوج
ومسلمک اون اوج حدیثدر . باقیسی دیگر کتب حدیثدر
مسطور ومرویدر .

۷ زینب — بنت جحش رضی الله عنہا اعمات نبویه دن
امیمه بنت عبدالمطلب قیزی ایدی . ابتدا کولهسی زید
بن حارثه رضی الله عنه آلهرق زیدک تطلبقی اوزرینه
انقضاء عدندن صوکره رسول الله صلی الله علیه وسلم
آلمش و آیت حجاب بونک بو ولیمهسی زماننده نازل
اولمشددر . که هجرتک دردنحی سنهسی هلال ذی القعدہ سنده
ایدی . زینب اتوز بش باشنده وقیصهجه بویلو برقادین
ایدی . ارتحال نبویدن صوکره زوجات طاهرات ایچنده
ذات اشرف رسالتپناهیلرینه اول لاحق اولان بودر .
اوتهدنبرو معلوم اولان اکثار بروحسانتی سببیلہ [اطولکن
یداً اسر عکن لحوقاً بی] تدشیر کزینتک کندی حقنده

ایدوکی تظاهر ایلدی . هجرتک یکر منجی سنه سنده مدینه
طاهرده ارتحال ایدوب بقیعه دفن ایدلمشدر . روایت
کوره وفاتنده الی اوج یاشنده ایدی . مرویانی کتب
متداولده اون بر حدیثدر . ایکی حدیثی متفق علیهمدر
متباقیسی دیگر کتابلرده مرویدر .

۷ جویریہ — رضی الله عنها بنی مصطلق رئیسی
حارث بن ابی ضرارک قیزیدر .

اولجه عم زاده سی مسافع ذوالشفرین بن صفوانک
زوجه سی ایدی . مرسیع غراسنده زوجه سی . مقتول
اولمش و کندوسی اسیراً ثابت بن قیس رضی الله عنہک
حصه سنه دوشمش ایدی . جناب ثابت بونی بدل کتابته
ربط ایلدیکندن جویریہ بنی مصطلق دیارنده معسکر
اسلام اولان بردره کنارنده پیشگاه عالییه بالمراجعه
تسویه و ایفاء دینه یاردم استدا ایدرکن کندوسنک
فوق العاده درجه سنده بولسان حسن و جمال و ملاحی
نظر رغبت رسالتناهی بی جاب ایدرک اقدیمز بدل کتابتی
ثابتہ تماماً ادا و تسایمندن صوکره جویریہ بی اعتاق و بعده
تزوج ایلمشدره . که سنه خامسه هجریه شهر شعبانی ایچنده
ایدی روایت کوره هجرتک الی التنجی سنه سنده النمش

بش باشند و فات ایدرك معاویه رضی الله عنہك جانبندن
 اوزمان امیرالمدينه بوانسان مروان بن الحکم ، نمازینی
 قیلدیروب بقیه دفن ایدلمشدر مروانی یدی حدیثدر
 دردی صحیحینده در ایکیسند بخاری دیگر ایکیسندده
 مسن مفرددر .

۹ ام حبیبه — رمله رضی الله عنها ابو سفیان
 رضی الله عنہك کریمه سیدر . اولجه عیدالله بن جحشك
 زوجہ سی ایدی . زوجی عیدالله ابتداء ظهور اسلام
 ائشاده مسلمان اوله رق ام حبیبه ایله برلکده حبشه یه
 هجرت ایدنلر میاننده بولمیش ایسه ده حبشه ده تنصر
 ایدرك کافراً فوت اولمسیله ام حبیبه بلده سندن دور
 و خصم و خویشانندن مهجور قالدیغندن اولبابده کی امر
 و اشعار عالی نبوی اوزرینه نجاشی حبشانی رسول الله
 صلی الله علیه و سلمه تزویج ایلیمشدر . عقد نکاح زماننده
 (خالد بن سعید) ام حبیبه نك و کیلی ایدی . نجاشی مهر
 اولق اوزره برروایتده درت یوز زرسرخ دیگر روایت
 کوره درت بیک درهم نقره و برمش خالد دخی بالوکاله
 آلوب صاحبنه تسلیم ایتمشدر . نجاشی ام حبیبه رضی الله عنہای
 معیتنده برجماعت اصحاب کرام بولندیفی حالد شر حیل بن حسنه
 رضی الله عنه واسطه سیله دربار نبوی به اعاده ایلدیکی زمان برمکتوب

یازمش وبرکوملک برطون برداء ، سیاه برچفت چیزمه
برلکده هدیه افندمزه کوندرمشدر . شو ازدواج
وقتده ام حبیه بر روایه کوره اوتوز یاشنده دیکر
روایته نظراً دها فضله برسند ایدی . هجرتک قرق
ایکنجی ویا قرق دردنجی سنه سنده مدینه طیبه ده وقول
آخره کوره شامده ارتحال ایدوب مروان بن الحکم
نمازینی قیلدیرمشدر . مرویاتی ۶۵ حدیثدر ایکی حدیثی
متفق علیه وبر حدیثده مسلم منفرددر .

۱۰ صفیه — رضی الله عنها یهود بنی نضیر اشرافدن
حیی بن اخطبک قیزیدر . انبیاء بنی اسرائیلدن هارون
علیه السلامک نسلندن ایدی . الک اول سلام بن مشکمک
زوجه سی ایدی . سلامدن آیرلدقدن صوکره کسانه بن
الربیع بن ابی الحقیقه وارمش هنوز نازه کلین ایکن
کنانه غزوه خیبرده مقتول وصفیه امیر اولمش ایدی .
زیاده ملاحتی نظر رغبت سنیه بی جلب ایتمش بولندی
حالد اعتاق وبلده سی خلقنه الحاقیه بعدالاسلام ازدواج
اره سنده مخیر براغلمقله صفیه شق اخیری ترجیحاً قبول
اسلام ایتدیکندن افندمزی انی اعتاق و آزاد و عتاقی

مهر و گایبی برینه اعداد ایدوب تزوج ایدی. حیضندن
 لطردن سوکره اثناء عودتلرنده خیره التي میل مسافده
 (بشار) اسنده کی منزله ارزو بیوریلان دخول وزفافه
 صبه امتناع ایتمش وادن سوکره عین طریقت (صهبا)
 منزله دخول بیوراشدر . صقیه او زمان اون یدی
 یاشنده ایدی . تاریخ وفاتنده اوچ قول مختلف واردر
 مرویاتی اون حدیث اولوب بری متفق عامدر .

۱۱ ميموره — بنت الحارث الهلالیه رضی الله عنها
 عم النبي عباس رضی الله عنک ام الفضل بن بالیزی واولجه
 (مسعود بن عمرو بن عمیرالثقی) نک زوجته سی ایدی.
 مسعودن سوکره ابورهم بن عبدالعزی طرفدن تزوج
 اولتمش ایدی . عمرة القضاءن مدینه طاهره عودتی
 اتاده افندیمر میمونیه آلهرق احرامدن چیقمش
 اولدینی حالد یولک سرف نام منزله داخل قبه الزفاف
 اولدی . تاریخ وفاتنده اقوال عدیده واردر. تصادفات
 غریبه زندرکه سرفده قبه زفافک موضعه دن دفن ایدلمشدر.
 مرویاتی ۱۶ حدیث اولوب ۷ حدیثی متفق علیه ورنده
 بخاری ! نده مسلم منفرددر .

[اشبو اون بر نساء مکرماتک شرف دخول عالی

ایله شرفیاب اولدقلرنده اختلاف یوقدر بر قاج نسوان
دها وارکه نکاحلری عقد واجرا اولنوب دخول واقع
اولمامشدر : [

۱۲ فاضمه — بنت ضحاک الکلابیه درکه قبل الزفاف
آیت تخیر نازل اوله رق اوده دنیای اختیار ایتمهکه
اقدمنز اندن مفارقت بیوردی . اوبد بخت بیچاره
اخیراً اویله بر حاله کلمشدی که فقر وفاقه و ضرورتندن
اسواقده کوبره طویلر و : [بنم حاملدن عبرت الیکزکه
دنیا یی رسول خدای کبریا اوزرینه ترجیح ایدم رک بو
غلا کته دوچار اولدم] دیر ایدی .

۱۳ اسماء — بنت صلت بن حیب یاخود
(سنی = سناء) بنت اسماء سلیمیدرکه شرف نکاحه
نائلیتی خبرینی استبشار ایتدیکی آنده مسروریت فوق العاده .
سندن ناشی قبل الدخول ارتحال بیورمشدر .

۱۴ ام شریک — سلیمیدرکه باباسی بونک جمال
و ملاححت فوق التصورینه مبنی عالمده یالکمز ذات اقدس
رسالت پناهی به لایق اولدیغنی عرض ایدم رک طرف عالیدن
دخی قبول بیورلمش ایکن : [شایان تذکار بر وصف

کز بنی‌دها وارکه مدت عمر ندم خسته او لا مشدر [سوزنی
علاوه ایلدی . افدمز ام شریکک او حالندن خوشلا -
نیمه رق ؛ [لاخیر فی مال لایزراً منه وجسد لاینال منه]
دیه انی رد و نکاحی فسخ ایلمشدر .

۱۵ مہیکہ — بنت کعب و یاخود بنت داود لیثیہ درکہ
حین خلوتده فیخندده کوردیکی بیاض شیدن طولایی
نقرت و استکراه ایدہ رک انی اہلی جانبہ اعادہ ایتمشدر .
۱۶ اسماء — بنت نعمان بن ابی الجون یاخود بنت
النعمان بن الاسود بن شراحیل الکنندیدرکہ باباسی نعمان
پیشکاه نبویدہ مسلمان اولقلہ برابر قیزینک حسن و جمالنی
و شرف فراش عالی ایله تشرفی ارزوسندہ بولندیغنی
سویلیمسی اوزرینہ افدمز اون ایکی بچق قیہ مہر
تسمیہ سیلہ نکاحی طلب ایلدی . نعمان مہرک تزئیدی
استدعا ایتدی . افدمز او مقداردن فضلہ ایله کندوسی
قیز ویرمدیکنی درمیان بیوردی . بو مقدار مہری
بکنیمورسہک ویرمه کی ایدی نعمانده قبول ایتدی .
صوکرہ (ابو اسید بن اسد الساعدی) رضی اللہ عنہ
برلکده کیدوب اسمایی کتیردی . حین زفاف و خلوتده
رسول اللہ صلی اللہ علیہ وسلمہ قارشی اسمانک [اعوذ

بالله منك [دیمسی مستلزم نفرت اوله رق :] لقد عذت
بمعاذ = ایویره صیغندك [دیه همان اورادن چیقوبانی
اهلی نزدینه اعاده ایتمشدر .

۱۷ لیلی — بنت الخطیم در . افندمن برکون ظهر
شریفی کونشسه قاشی بر محله او طورور ایکن لیلی
یاو اشجه صوقیلوب ظهر سعادتق الیه شدتلی صورتده
مس وضرب ایتدی . انك شو تعرض ناکهانیسندن ناشی
افندمن بردنبره اورکه رك : [کیمدر او قورت ییه سی]
دیویردی . بوده : [لیلی بنت خطیم] دیدی . و کندوسنك
و باباسنك بعض مدایحنی سویلدکن صوکره ازواج
ایچون عرض نفس ایتمه کلدبکنی علاوه ایلدی . طرف
ذیشرف پیغمبریدن قبول و تزوج بیـورلدی . فقط
قبیله سی طرفه عودتله ماجرای اکلادیر ایکن کندوسنك
ازواج طاهرات اره سنده سوق غیرتله نبی اکرمه قارشی
یایمسی احتمالی بولنان مناسبتسنزلکك انکسار قلب عالییه
سبب و بناءً علیه فسخ نکاحك اولی و انسب اوله جنی
بعض طرفدن درمیان ایدلمکله لیلی کیری کلدی . و فرقتی
استدعا ایلدی . او استدعای دخی بالاسعاف نکاحی فسخ
ایدلدی .

صوکره برینه واروب اندن اوغلاری ده اولمشدی .
 وقبله لسان شریف رسالتدن صدور ایتمش یونان
 دعانددرکه برکون مدینه بستانلرندن برنده اغتسال ایدرکن
 اوستنه بر قورت هجوم ایدرک لیلابی تاف ایشدر .

۱۸ غزیه — ام شریک العامریه یاخود صریقه بنت
 جابر الکلابیه درکه کندوسی طالب ازدواج اوله رق قبول
 بیورلمدیغندن ارتحال نبوییه دکن اخره وارمامشدر .

۱۹ ام شریک — الانصاریه

۲۰ ام شریک — الشبء بیت عمرو الغفاریدرکه قبل
 الدخول ابراهیم بن النبی علیه الصلوة والسلامک وفاتی
 وقوع بولوب (نبی اولسیدی اوغلی وفات ایتمزدی)
 دیدیکندن تطلیق اولنمشدر .

۲۱ قتیه — بنت قیسدر . مشهور اشعث بن قیس
 الکندینک همشیره سی ایدی . قتیه حاضر موده اولدینی
 حالد برادری اشعث انی ذات سامی نبوییه تزویج
 ایتمشدی . حاضر موتدن مدینه پاک سعادته وصولندن اول
 ارتحال عالی وقوع بولمشدر . انک وصولنده حجاب التمه
 النوبامهات مؤمنین عدادنده قالسی ایله مفارقت ایدوب

ارزو ایتدیکنه واره بيلمسی بپتنده بالتخیر ترجیح
و اختیارینه کوره معامله ایفاسی وصیت سانیه اقتضای
تالیندن ایدی . قتيله ايسه سـوق سیهبختی ايله شـق
ثانی اختیار ایدرک حضرت و تده عکرمه بن ابی الجهل
رضی الله عنه و ارمشدر . ابو بکر الصديق رضی الله
عنه انک شو ازدواج اخیرنی ایشتیکی دقیقه شدت
انکار و اگراهندن: [عقلمه کلدی که خانه سنی اوزرنده
هان یا قدير یوریم] ديه بیورمش حضرت عمر الفاروق
رضی الله عنه دخی قتيله نك دیوان امهاته داخل اولدیغنی
علناً سویلمشدر .

۲۲ ضربه — بنت الحکم یا خود بنت الهزیل بن هبیره
السلمیدر که روایت کوره نفسی هبه ایدن بودر مع مافیه
عقد نکاح شرفه نائل اوله مامشدر .

۲۳ فاضة — ام هانی بنت ابی طالبدر . هبیره بن ابی
وهبک زوجہ سی ایدی . هبیره فتح مکہ کونی مہدرالدم
اولدیغنی حالدہ قاجـوب نجرانده دار آخرته کیتمش
دیگر روایت کوره ام هانی قبول اسلام ایتکله هبیره دن
جدا دوشمش ایدی . صـوکره افندیز طالب ازدواج
اولدی . اوزمان ام هانی ، رسول الله صلی الله علیه و سلمه

قرشی عظیم و قدیم بر عجب ساحی اولدیغنی غایت صمیمی
 لسان ایلہ اعتراف ایلہ برابر یاندم بولنان صیبانی سبیلہ لایقی
 مرتبہ خدمت و رعایت ایدم یه جکندن قورقمده ایدوکنی
 عرض ایدوب کیفیت: [خیر نساء رکبن الابل [۱] نساء
 قریش احناء علی ولده وارتاء علی زوج فی ذات یدہ]
 دبه تصدیق و تحسین بیـ وورلدی . بو یالکز بر طلبدن
 عبارت قاله رق نکاحی عقد ایدلما مشدر .

۲۴ مره — بنت حارث غطفانیدر . بونی باباسیندن
 ایسترن باباسی احتمال که ویر مامک ایچون قیزینک مرضی
 اولدیغنی بهانه ایتمشدی . حارث خانه سنه عودتنده قیزی
 دیدیکی که مرض برص ایلہ معلول و مبتلا بولدی .
 ۲۵ ضیاعه — بنت عامر در که بنی قشیردن ایدی . عقد
 وز فانی اولما مشدر .

۲۶ ضیاعه — بشا . قدر الاعور الغفرینک همشیره سی
 ایدی بونک دخی عقدی اولما مشدر .
 ام مہیبه — بنت العباس رضی الله عنهم مادر که بوده
 عقدی اولمایانلر زمره سیندنر .

دردت ده جاریه مستقر شه سی وار ایدی:

۱ ماریه قبطیه در که مصر و اسکندریه حکمداری
مقوقس کوندر مشدی. فرزند نجیبی ابراهیمک والده سیدر
مقوقس بونی و بونک همشیره می سیرینی بیـک مثقال
التون یکرمی پاره طوب قماش و دلدل و بیاض بر حمار
و بنها اسمنده کی محلاک عسل مشهورندن بر مقدار ایله
برابر اهدا ایتشدی. بنهانک بالنه بر کتله دعا بیورلدی.
ماریه بیاض تنلو بر جاریه جمیله ایدی. افندمن انی سور
وملاک یمین ایله و تسری طریقله و طء و تصرف ایدردی.
هجرتک اون التي سغه سنده وفات ایلدی بقیه عده دفن
ایدلی.

۲ ریحانه بنت زید بن عمرو در . بنی نضیر و یا بنی
قریضه اسیر لردن ایدی. لدی التخییر دین اسلامی
اختیار و قبول ایتدی. بوکا دخی ملاک یمین ایله و طء و
تصرف ایدردی. سنه حجة الوداعده وفات ایدرک بقیه عده
دفن اولندی.

۳ زلیخه القرظیه در که سبا یادن حصه سنه دوشمش
ایدی.

۴ ام المؤمنین زینب بنت جحش رضی الله عنها بجش
ایلمشدی.

— خدمه و موالی و موالیات مکرمه لری —

اول و آخر کندوسنه خدمت ایتمش اولانلرک
رجالدن یکرمی یدی نسادن اون بر ذات ایدوکی
مروی ایهده متفق علیه بر مسئله دکلدره بز رجالدن
یکرمی طقوز نسواندن اون بر ذلک اسملرینی کوستره
بیله جکیز .

۱ انس — بن مالک رضی الله عنه سفر و حضرده
خدمت مستوجب المفخرة رسالتیناهی به اون سنه ملازمت
ایدوب مال و اولادینک کثرتی و کندوسنک دخول جنتی
حقنده : [اللهم اکثر ماله و ولده و ادخله الجنة] دیه
دعا بیورلمشدر . ابو حمزه کنیه سیله مکنی ایدی . و نماز
قیایشی ایله رسول الله صلی الله علیه و سلمه بکزرردی .
(۶۳) تاریخنده یوز یاشندن متجاوز اولدینی حالده وفات
ایتمشدر . احادیث شریفه دن مرویاتی چوقدر .

۲ ربیع — بن کعب رضی الله عنه رسول الله صلی
الله علیه و سلمک آبدست صوینی و یریر و آبدستنه
خدمت ایدردی . (۶۳) تاریخنده وفات ایلدی .

۳ عبد الله — بن مسعود رضی الله وساده ومسواک
و نعلین و عصاء سعادت خدمتی ایفا ایدردی اک زیاده
سواک و نعلین سعادت منسوبتی سببیه (صاحب السواک)
دیه معروفدر کندوسی اجله اصحاب کرامدن و سابقین
اولیندندز. بدر کبری و مشاهد سائزده حاضر بولتمشدر.
ذات اقدس رسالتپناهینک بر طرفی تشریف ایدجکی
زمان نعلین سعادت پيشگاه عالیده احضار ایدرکیدیریر
وارقه لری صره کیدوب افندمن اوطوردقلری اند
نعلین مبارکی یردن قالدیررق ایکی قولی اوزرنده طوتار
ایدی . (۳۳) تاریخنده مدینه منورده دیکر قوله کوره
کوفده وفات ایتشدر .

۴ ایمنه — بن ام ایمن رضی الله عنهما سفرلرده مطهره
مبارک کی طاشیر ایدی . یوم حنینده شهید اولشدر .

۵ عقبه — بن عامر رضی الله عنه سفرده بغله
سعادت یدر کتورور ایدی کتاب الله و فرائضه عالم و
فصیح شاعر ایدی . غزوه احده وجودی طقوز
یرندن یاره لشمش ایدی . معاویه جانبندن مصره والی
اولدینی حالد (۵۸) تاریخنده مصرده وفات ایتشدر .

۶ اسقع — بن شریک رضی الله عنه نایه و راحله

سماعته خدمت ایدردی آیت تیم بر قوله کوره بونک
حقنده نازل اولمشدی . [°]

۸ ببول — بن رباح الحبشی رضی الله عنه مؤذن و
نقحانه مأمور وکیل خرج ایدی .

۹ سعد — رضی الله عنه ابوبکر الصدیقك آزادلوسی
ایدی .

۱۰ معقیب — بن ابی فاطمه رضی الله عنه مهر دار
ایدی .

۱۱ البرافع — رضی الله عنه قبطنی الاصل یعنی
مصری الاصل ایدی . و اولجه عباس رضی الله عنک
کوله سی ایدی . حضرت عباس انی ذات سامی رسا .
لتیناهی به هبه ایتمش ایدی . عباسك قبول اسلامنی ابو
رافع تبشیر ایدوب شوتبشیره مقابل کندوسی آزاد بیور .
لمشدی . احوال واثقال سفرک محافظه سنه خدمت ایدردی .
۱۲ ذرخمیر — رضی الله عنه نبجاشی حبشك همشیره
زاده سی ایدی .

[°] بعضلک تدقیقاتنه کوره : اسامع بن شریک بن
عوف در و آیت تیم بونک حقنده اولدینی غیر مشهوردر .

۱۳ سفینه — رضی الله عنه ام المؤمنین ام سلمه رضی الله عنہا کولہ سی ایدی . یاشادینی مدتجہ سده سنیہ خدمت ایتیمی شرطیہ اعتاق اولہ رق کیندوسی خدمتدن منفک اولامشدر .

۱۴ مرابحر — رضی الله عنه دخی ام مشار الیہا ک آزادایسی ایدی .

۱۵ ابوالخیراء — هلال بن حارث رضی الله عنه رسول الله صلی الله علیه وسلم کندی آزادلیرنندن ایدی . حصده وفات ایتشدر .

۱۶ ابوزر — الغفاری رضی الله عنه سابقین اولیندن و شدت زهد و ورع اصحابندن ایدی حقنہ لسان رسالت (ماظلت الحضراء ولا اقلت الغبراء من ذی لهجة اصدق من ابی ذر) تقدیر کزینی شرفصادر اولمشدر . (۳۲) تاریخنده ربدهده وفات ایدرک نمازینی صاحب النعل والسواک المودود عبدالله بن مسعود رضی الله عنه مؤمنیندن برعصابه الیه برلکده قیلدی .

۱۷ بکر — بن شداخ اللیثی رضی الله عنه زمان صبا وتندبرو خدمت ایتشدر . صباوقی حسبیله حرم هایون

رسالة دخی خدمت ضمیمه کیر چبقار ایدی . ایلاک
دفعه اوله رق احتلام اولدیفنی کوردیفنی انده کیدوب :
[یارسول الله جوجتم دیه حرم هایونه کیر ایدم و لکن
شمعی مبالغ الرجاله بالغ اولدم] دیه عرض حال و حقیقت
ایتمکله بکرك شو حرکت صداقتکارانه سی مستلزم سرور
عالی اوله رق حقنده : [اللهم صدق قوله و لقه الظفر]
دیه دعا بیورلمشدی . . حضرت فاروق زماننده فاعلی
مجهول بر قتل وقوع بوله رق جناب امیر المؤمنین ،
حادثه نك خلاف مرضیلری ایدوکنی اعلام صدندمه
کیفیتی اعظاماً منبره چیقدی و : [انی ماولانی الله
و استخلفنی بقتل الرجال اذکر الله رجلاً کان عنده علم
الاعلمی] دیه بویابده برکونه معلوماتی بولنانلرک بیلدکریخی
سویلماری لازم کله جکفی اخطار ایدرکن بکر ایاغه قالقدی
و معرض اعترافده : [انابه] دیدی . جناب امیر بوندن
دها زیاده متحیر اولدیفنی حالده : [الله اکبر بؤت بدیه
فهاهات المخرج] دیه سببنی سؤال ایتدی . او زمان بکر :
[اوت فلان غازی بنی اهلنه وکیل ایدوب کیتمشدی
مترانه واردم ایچریده او یهودی بی :

و اشعث غره الاسلام حتی خلوت بعمرسه لیل التمام

ايدت على ترابها و يمى على قودالاعنة والحزام
 كآن مجامع الربلات منها قيام يسمعون الى قيام
 شعرني سويلمكده اولديني حالده بولدم] ديه سويلينجه
 حضرت امير بكري تصديق ودعاءنبوي بركتيله اوزرندن
 يهودى مقتولك دمنى ابطال ايتشدر .

۱۸ رباع — رضى الله عنه قبولره خدمت ايدر عبد
 سياه ايدى .

۱۹ اشوخ بن شريك رضى الله عنه

۲۰ ابوالسمح اباد رضى الله عنه

۲۱ نعيم بن ابى ربيعة الاسلمى رضى الله عنه

۲۲ ثعلبه بن عبد الرحمن الانصارى رضى الله عنه

۲۳ جزء بن مالك رضى الله عنه

۲۴ قيس بن سعد رضى الله عنه

۲۵ سالم رضى الله عنه

۲۶ سابق رضى الله عنه

۲۷ سلمى رضى الله عنه

۲۸ ابوسلام بن سالم رضى الله عنه

۲۹ هند {
 ۳۰ اسماء { حارثه نك اوغلارى ايدى

نسواندن خدمتجیلری :

۱ ام ایمن — برکه رضی الله عنها والدانی عبداللهدن میراث قلوب طرف ذیشرف نبویدن آزاد بیـورلمش و حضرت عثمان رضی الله عنک زمان خلافتنده ارتحال ایلمشدر .

۲ ماریه — رضی الله عنها مثنی بن صالحك جدہ سی ایدی .

۳ خولہ — رضی الله عنها حفصك جدہ سی ایدی .

۴ سلمی — رضی الله عنها ابورافعك زوجہ سی ایدی .

۵ ام عباسہ — رضی الله عنها حضرت رقیہ بنت النبی صلی الله علیه وسلمك آزادایسی ایدی .

۶ امہ الله بنت رزینہ رضی الله عنها

۷ خضرہ رضی الله عنها

۸ رزینہ ام علیہ رضی الله عنها

۹ ماریہ ام الرباب رضی الله عنها

۱۰ صفیہ رضی الله عنها

۱۱ میمونہ بنت سعد رضی الله عنها

ذکور دن آزاد لیلری الی طقوز واثدن یالکز
طقوز ذات ایدوکی مرویدر موالی کرامی شونلردر :

۱ زیم — بن حارثه رضی الله عنه جاهلیتده اسیر
اولوب حکیم بن حزام عمه سی بولنان خدیجة الکبری
رضی الله عنهایه الیورمش خدیجه دخی انی رسول الله
صلی الله علیه وسلمه ویردیکندن جناب رسول خدا زیدی
آزاد اینمکله برابر ام ایمن رضی الله عنهایه اکا تزویج
بیورمشدی . موته غزوه سنده شهید اولمشدر .

۲ امامه — بن زید رضی الله عنهما زید بن حارثه نك
اوغلیدر رسول الله صلی الله علیه وسلم بونی کنندی اولادی
کی سور ایدی . مدینه ده وفات ایلمشدر .

۳ ابورافع — اسلم رضی الله عنه

۴ مقراهه — رضی الله عنھک اسمی صالح ایدی .
عبدالرحمن بن عوف باغشلامشدی .

۵ ثوبانه — رسول الله صلی الله علیه وسلمک حیاتنده
میتندن منفک اولدی . ارتحالندن سوکره شام دیارینه
کیدوب (۵۴) تارینخنده حمصده وفات ایلدی .

۶ ابوسعرج — انیسه رضی الله عنه بدرده بولنمش و بدره

حرکت هایون اشاده بو و حمزه وزید بن حارثه و ابو کبشه
بردو به مناوبه رکوب ایتملردی .

۷ شعبه — بن تلزین رضی الله عنه

۸ انجسته — حیدیه سفرندن عودتنده بونی اشترا
ایتملدی . امهات مؤمنین حضراتک سفرلرده بیدکاری
راحله لری حداء و تغنیسیله اسراع ایدردی . بوندن
طولایی (انجسته الحادی) نامیله معروفدر .

۹ رباع — رضی الله عنه برعبد سیاه ایدی .

۱۰ یسار — رضی الله عنه صاغیلیر دوه لرینی غایده
کودر ایدی . عربیون طرفندن قتل ایدلمشدر .

۱۱ ابو موبهه — رضی الله عنه

۱۲ ابو کبشه — رضی الله عنه مکده طوغمش
بدر غزاسنه ابوسرح و دیگر نوبت رفیقاری ایله برلکده .
کیتمش و حاضر بولنمشدر .

۱۳ سفینه — رضی الله عنه خدمه کرام میاننده ذکر
کچمش اولان سفینه در یشادینی مدتجه ذات رسالتناهی به
خدمت ایتیمی شرطیله مقیداً ام سلمه رضی الله عنها
ضرفندن آزاد ایدلیکنی اهل سیر یازیورلر . صوکره

على العموم اغلامشردر .

۲ عمرو — بن ام مكتوم رضى الله عنهما دركه حضرت
پيغمبردن اول مدينة منوره به هجرتله رسول الله صلى الله
عليه وسلمك مهاجراً قبایى تشریف بيوردقلى اناده
اذان او قومشدر .

۳ عمر — بن عائذ رضى الله عنهما دركه بودخى اذانى
او زمان قباده او قومشدر .

۴ ابو محذور — اوس الجمحى المکيد دركه فتح مکه نك
عقبنده طرف پر شرف نبويدن جلب وتلطيف اوله رق
مکيه مؤذن تعيين بيورلمشدى . ابو محذور اذانى ترجيع
و اقامتى نثنيه ايدردى . بلال اذانى ترجيع و اقامتى
تفريد ايتديکندن امام شافعى بالاك اقامه سنى و اهل مکه
ابو محذور نك اذاتى و بالاك اقامتى امام اعظم حضرت تلى
ايله اهل عراق بالاك اذانى ابو محذور نك اقامه سنى
اهل مدينه ايله امام احمد بن حنبل حضرت تلى بالاك
اذان و اقامتى اخذ ايلمشردر . امام مالک اعاده تکبير
و نثنيه لفظ اقامته انله مخالفت ايتمشدر .

شعراء و حراس مسعوده سی

شعرا سی رجالدن یوز التمش طقوز نسادن اون
ایکی ذات ایدوکی مروی اولوب (کعب بن مالک و عبدالله
بن رواحه و حسان بن ثابت) رضوان الله علیهم حضراتی
سر آمدانندن ایدیلر .

حارسلری اون ذاندیر :

۱ ابر بکر — الصدیق رضی الله عنه یوم بدرده
خورما دالارندن معمول و مرتب اولان عریش التند
قیلنجی التند بولندیفی حالد حراست ایلمشدر .

۲ معبد — بن معاذ رضی الله عنه انصار کرامدن
واوس قبیله سنک رئیس و سیدی ایدی . بدر غزوه سنده
رسول الله صلی الله علیه وسلم اویقویه یاندقجه عریش
سمادنک حول و اطرافنده بکوردی . احد و خندق
غزالرنده ده بولهرق خندق غزاسنده دیزندن الدیغی
اوق یارم سندن متأزراً و برآی صوکره شهیداً ارتحال
ایتمشدر .

- ۳ محمد — بن مسلمه { رضی الله عنهم ایوم
 ۴ زکوانه — بن عبدالله بن قیس { احده بکله مشردر.
 ۵ زبیر — بن العوام { رضوان الله عليهم
 ۶ معمر — بن ابی وقاص { حضراتی غزوۀ احزابده
 ۷ عمار — بن بشر { بکله مشردر .
 ۸ مغیره — بن شعبه رضی الله عنه حدیبیه ده حراست
 ایلمشدر .
 ۹ خالد — بن ابی ایوب الانصاری رضی الله عنه
 وقعه خیبردن عودت ائاده صهبا منزلنده (صفیه) رضی
 الله عنهامک قبة الزفافی کیجه بکله مشدر .
 ۱۰ بزل — رضی الله عنه دخی وادی القراده
 حفظ و حراسته قائم اولمشدر . امر حراست نظراصحاب
 کرامده معتابر وظیفه ایدی . فقط محفوظیت وجود
 و حیات پیمریسنک تکفل صمدانی تحتده ایدوکی اخیراً
 [والله یعصمک من الناس] برات سبحانیسی ایله بیلدیرلمسی
 اوزرینه خدمت حراستی ترک ایتدیرمشدر .

دواب و مراکب مبارکسی

اشیاء دنیا می مانند لسان صوکره اک زیاده سودیکی
 شی آت ایدی . آتک حقند : [الحیل معقود فی
 نواصیا الخیر الی یوم القیامة و اهلها معاون علیها . فخذوا
 بنواصیها و ادعوا بالبرکة] به یور مشدر . امر جهاد و غزا
 انجون ایلانور برقاج آتلی بولنور ایدی . مدت عمر
 هاء نلرنده آلدقاری آتلیک عدد و مقداری بکرمی درت
 اولدینی مروی ایهده قاضی بدرالدین بن جماء نک :

والحیل سکب الحیف سبیحة طرب

لزاز مرتجز ورد لها اسرار

یتند جمع ایلدیکی یدی رأس متفق علیهدر :

اسکب — اک اول آلدینی اک اول مالک اولدینی

و جهاد انجون ایلک اول یندیکی آت سکب ایدی .

بونی بنی فزاره لی براهر ایدن اون ارقیه ساتون آلمشدی .

صاحب اولنده ایکن سکبک خویسنز اغنه بنی آدی (خرس)

ایدی . تغییر ایله سکب تسمیه بیوردیلر .

کیت یعنی قوله و محجل و طاق الیمین ایدی . آلی

بیاض آتله لی ایدی . بر زمان بونکله بر مسابقه یی

قزاندیغندن محظوظ اولمشدی .

۲ لطف — ربیعہ بن ابی البراء طرفندن اهدا
اولنہرق مقابلندہ افندمزده اکا بر قاق دوه احسان
بیورمشدی . فروہ بن عمرو طرفندن کوندریلان آنک
بوایدوکی ده مرویدر .

۳ سیم — و (بحر) بر آنک ایکی اسمی دیورلر . یمندن
کلمش بر جماعت ناجرلردن اشترا ایلیمشدی . بونیکله بر قاق
نوبت مسابقہ یی قزانہرق مبارک الیلہ انک النی صیغایوب
(مانت البحر) دیہ بیوردی .

۴ طرب — فا الیلہ (طرف) وظاء معجمه وباء موحدہ
ایلہ (ظرب) دخی کوستریشدر . بلقا امیری فروہ بن
عمرو الجذامی ہدیہ کوندرمشدی .

۵ لزاز — مقوقسک ہدایاسندن ایدی انندیمر
لزازی سودیکندن اکثر اسے فاردہ اکا سوار اولور
ایدی .

۶ مرتجز — قیر ایدی . کیشمنسی کوزل اولوق
نابتیلہ مرتجز دینلدی . اعراب بنی مرمدن ویاخود بنی
تمیمدن برندن صاتون آلمشدی . اصحاب کرامدن خزیمہ

رضی الله عنک [ذوالشهادتین] اولسی بو آتک اشتراسی
یوزندن ایدی : بازارلقدن صوکره اتمانسی تدارک و تسویه
ایتمک اوزره افندمن حجره مطهره لرینه طوغری سرعتله
یورودی . صاحب ده تعقیب ایدم یورایدی . بعض اصحاب
راست کلوب بازارلقدن خبرلری اولمق سزین فضلہ فیات
و یرمک اولدیلر . بودفعه بایع فرس تقدہ طمعاً حیوانی
انلره و یرمک نیتیلہ بیعی بالانکار افندمک وقوع
بولان ادعاسنه قارشسی بینہ طلب ایلدی . ایشته اوزمان
خزیمہ حصول بیع و اشتراہ شہادت ایدمک رسول الله
صلی الله علیہ وسلم دخی حیوانک طرفنه تسایمی لزومی
امر و تنبیہ ایتمش اولقلہ برابر انی [لا بارک الله لک فیہا]
ہیہ صاحبہ رد و اعادہ ایتشد . بازارلقدہ حاضر
بولمادیفی حالده نہ کیفیتله شہادت ایدم بیلدیکنی صحابی
مشارالہدن واردی . خزیمہ : [یارسے واللہ سکا
ایناندیغمدن] جوابی و یردی . یالکز شہادتی ایکی رجا
شہادتی قوت و مثابہ سندہ حکمہ کافی عد ایدمک اوزره اوزمان
کندوسنه [انت ذوالشہادتین] دیہ بر عنوان عالی شایان
بیورلدقدن صوکرہ : [من شہدله خزیمہ او شہد علیہ
فہو حسیبہ] دیہ تنصیص کیفیت دخی ایلمشدی .

۷ ورد — کمیت ایله اشقراره سنده برطونده ایدی .
 تمیم الداری اهدا ایدم رک افندیمر عمر الفاروق
 رضی الله عنه بخش بیوردی اوده اوزرنده فی سبیل الله
 غزا اولمق نیتله غازیلردن برینه تبرع ایتدی . غازی
 اوجیوانی زیاده جه زبون ایدوب اوجوز فیاته صادی .
 اوزمان حضرت عمر انی صاتون المقی استرکن رسول الله
 صلی الله علیه وسلم منع ایتمشدی .
 دیگر آتارینک ده [اباق . ذوالعقال . ذواللمه .
 مرتجل . مرواح . سرخان . یسوب . نجیب . ادهم .
 شحا . رسجل . طرف . مندوب] اسمنده اولدقلرینی
 روایت ایدرلر .

نافه سعادتلری که ینک دوه لریدر روایتیه کوره
 (قصواء . جدعاء . عضباء) ناملریله اوج ارلدینی
 کوسترلمکده در .

قصواء — هجرت ائنه بوکا راکب ایدی . قصوائی
 ابتدا ابو بکر الصدیق رضی الله عنه بنی حریش دولرندن
 صاتون آله رق اثناء هجرتده تقدیم ایتمکله افندیمر انی
 درتیوز دهم بدل ایله اشترا ایلدی . حضر و سفرده یندیکی

ناقة سعادتك قصوا نامنده اولديني كورولمكده
 و (جدعا . عضباء) دخی قصوانك نام ديكراري ايدوكي
 بعض دلائلدين اكلاشلمقدمدر: مثلا آثار سيردن انسان
 العيون و نمائلي بر اثر معتبري اله آلوب مبحث حجة
 الوداعده مدينة طاهره لرندن كيفيت حركتلريني صرمه -
 سيله تدقيق و تعميق ايلديكمز زمان كوربورزكه ذو -
 الحايقهده بر كيجه قاليور ايرتهسي كونك صلوة ظهري
 ده انده قيلادقن صوكره قصوا سوار عزرو وقار اولديني
 حالده يوله چيقيور . . معيت همايونلرينه قصوادن باشقه
 يدهك ناقة الدقلربنه دائر نقل و روايت يوقدر . بونكله
 برابر مكه مكرميه وصولنده (جدعا) يه راكباً طواف
 كعبه ايلدكلري و بطن واديء عرفهده (عضباء) اوستنده
 خطبه يي او قودقلى و عرفانده هنوز قائم ايكن افشاملين
 (اليوم اكملت لكم دينكم) آيت كريمه سنك ثقلت نزوليله
 عضد عضبانك اندقاقه مشرف اولديني روايتلرينه تصادف
 ايدبورز . ودها صوكرده اسامه رضى الله عنهي تر كيسنه
 الهرق عرفاندىن مزدافيه ينه قصوا سوار اولديني حالده
 كلديكني بوليورز . بناء عليه يدهكده فضله ناقة المدقلى
 تقديريني بر كره قبول ايلدكدن صوكره يوله بويله

مختلف ناقة لره ركوب دخى قابل اولامیوب او صورنده
هپسینك بر ناقة یعنی قصوانك اسمی اولمسی لازم كاه -
جكنده اشتباه قالمیور .

—

كذلك مدت عمر لرنده مالك اولدقلى بغال همايونلى
آلتى ایدی . برى (دلدل) نامنده اوله رق مقوقس طر -
فندن كوندرلمشدى . (فضه) اسمنده بولمان ديكرىنى فروه
بن عمرو الجذامى كوندره رك افنديمى ابوبكر الصديق
رضى الله عنه بخش بيورمشدى برى صاحب دومة
الجندل برى غزوة تبوك ائنده ايله اميرى ابن العلماء
ديكر ايكىنى نجاشى ايله كسرى كوندرمشلردى .

يونلردن يالكىز (دلدل) ارتحال نبوى زماننده دواب
ومراكب . وجوده مياننده بولنه رق حضرت على كرم
الله وجهه خوارج ايله اولان محاربه سنده اكا راكب
اولمشدر . اندن صوكره سبطين مكرمين ومحمد حنفيه
الارندن عبدالله بن جعفر الله كچمشدر . . دلدلك كبر سندن
نائى اعمى اولمسيه برابر ديشلرى دخى دو كولايكندن
جناب ابن جعفر آره نى ايزدير ایدی .

عاقبت ینع طرفلرنده بی مدحک بستانه کبردیکندن
بر شخصک آتدنی اوق اصابیله فوت اولدی .

حمیرلری اوچ راسدن: فمفیر مقوقسک یعفور فروه
بن عمروک هدیسی ایدی . یعفور یاخود فمفیر حجة
الوداعدن عودت اناده (غنه) دینیلان مرض ایله فوت
اولش اوچنجیمی سعد بن عباده رضی الله عنه جانبدن
هدیه تقدیم ایدلمشدی .

لقاح یعنی صاغیلیر یکرمی رأس دوه سی وار ایدی .
ایچلرندن طقوز رأسک اسماری: [حناء . سمراء . عربس .
سمدیه . بغوم . یسیره . ربی . مهریه . برده] دیه مضبو -
طدر . مهریه اسمنده کی دوه بی سعد بن عباده و برده بی
ضحاک بن سفیان رضی الله عنهما هدیه تقدیم ایتشاردی
هدیه نه مقابل ضحاکه سودلو ایکی دوه کوندرمشدی .
لقاح سعادتلی نواحی مدینه طاهره نک (غابه) مرما -
سندھ او تلادیلور ایدی و هر اقشام انلردن بیوک ایکی
قربه طولوسی سوت کلهرک زوجات طاهره نک حجرانه
تقسیم اولنور ایدی .

صاغیلیر قویونلری ده : [زمزم . سقیاء . برکه .
 ورشه . اطلال . اطراف . عجره] اسمنده یدی رأس
 ایدی . یدی رأس ده کچیمی وار ایدی افندیز کیجه
 هانکی حجره ده بیتوت بیورور ایسه کچیلر دخی اورایه
 کتیریلور ایدی فقط بو قدار مواشی زمان ارتحاللرنده کی
 موجودیتی ایدی یوقسه مراکب مبارکسی بی بونلرده
 مدت عمر همایه نلرنده بولنقلرینک مجموعیمی ایدی بر
 مسئلهدر قویونلرینک یوز رأسدن زیاده اولسنی اوزو
 ایتدیکنه منی یوزدن آرتانی ذبح ایده کلدیکی روایتنه
 نظراً ارتحالاری ائشاده کی موجودی دیمک یاقیشیور .

* *

۱۱

اسلحه سعادتلری

او زمانده مستعمل اولان سلاحک هر درلو سندن
 وار ایدی . قلینجلربنک عددی اختلافلی اولوب بعض
 اقواله کوره طقوز دیگر روایتلره نظراً اون عدددر :

ان شئت اسماء اسیاف الہی فقد
جاءت باسمائہا السبع اخبار
قل عخدم تم حنف ذوالفقار و قل
عضب رسوب و قامی و بتار

قطعه سندہ مذکور یدی عددن باشقہ اہل سیر ایکی
قلنج دہا اثبات اوچنچیسندہ اختلاف ایدرلرکہ مجموعی
علی اختلاف الاقوال اون عدد اولور.

۱ ماثور — بدرندن کندولرینہ موروٹ ایدی .
مدینہ سعادتہ ہجرت ایدرکن برایکدہ کثیرہ شدی ماثورک
جن معمولا تنیدن ایدوکی دخی مرویدر . اول مالک
اولدینی بو اول قوشاندینی باشقہ در .

۲ غضب — غزوہ بدرہ حرکتندہ سعد بن عبادہ
رضی اللہ عنہ طرفدن ہدیہ تقدیم اولمشدی .

۳ ذوالفقار — منبہ بن حجاج سہمینک ایدی . بدر
کونی اوغلی عاص بن منبہ قوشانمش ایدی حضرت علی
کرم اللہ وجہہ انی قتل و ذوالفقارینی بیشکاہ عالی بہ
تقدیم ایتمکلہ اقدیمز کندولریچون اختیار بیورمش
اولدقاری حلدہ اخیراً حضرت علی بہ بخش و اعطا

ایتمشدی که شانده: [لافتی الاعلی لاسیف الا ذوالفقار]
 دینیلان ذوالفقار بودر. قبضه سی باشی حلقه لری کوشدن
 ایدی. اورته سنده فقرات ظهر کبی شیر وار ایدی.
 اصلنك کعبه غنـدندـه مدفون بر دمیردن ایدوکی
 روایتنه تصادف ایدلمشدر. حضرت علی به باغشالاینجه به
 قدر هر سفرده افندیمنز بونی قوشانیر ایدی.

۴ مصاصه — عمرو بن معدی کربک مشهور بر
 قیلنجی ایدی. خالد بن سعید بن العاص رضی الله عنہ
 مأموراً یمنه کوندردیکی زمان افندیمنز اکا ویرمشدر.

قلعی بادیه ده (برج القلعه) اسمند بر موضعه
 منسوبدر. حتف بعض آثارده یاء مشاة
 تحتانیه ایله حیف کوسترلمشدر هر اوچی ده بنی
 قینقاعك اغتنام ایدیلان قلنجلرندن ایدی.

۸ رسوب — بلقیسك سلیمان علیه السلامه اهدا ایلدیکی
 طقوز قلنجك بری ایدی.

۹ مخیم — بونكله رسوب بنی طیک قایس اسمند کی
 صنملرینه معاق ایدی حضرت علی کرم الله وجهه
 قلیسك بتخانه سنی هدم ایلدیکی زمان بونلری صفی مغنم
 اوله رق افندمنزه تقدیم ایتمشدی.

۱۰ قضیب — اول قوشاندینی قلنجك بو اولدینی
روایت ایدلمسه نظرآ و قوشانق آسیرندن دخی قنایا یولنده
قوشانق مقصود دگاسه بونك پدردن موروث بولنان
مانور اسمندکی قلنجك نام دیگرى و انگاه بر اولمسی
قولى ترجیح اولنور.

یدی درعی وار ایدی :

۱ ذاة الفضل — دمیردن ایدی . واوزون ایدی .
غزوۀ بدره حرکته سعد بن عبادہ رضی الله عنه تقدیم
ایتمشد . اوتوز صاع اریده مقابل بر سنه بر یهودیده
مرهون قالان درع شریف ایدی . زمان ارنحال نبویده
دخی مرهون ایدی صوکره حضرت صدیق دین مذکورك
تسویه سیله رهنی تخلص ایدوب حضرت علی غزو اتند
تبرکآ کیعشدر .

۲ ذاة الرئاع —

۳ ذاة الخراسی —

بوایکیسی بنی قینقاع غنایمندن ایدی . احد کونی ذاة الفضولی فضه ایله وحنین کونی سفدیه ایله بری بری اوزرنده کیعشدی .	{ ۴ سعریه = سفدیه — ۵ فضه —
---------------------------------------------------------------------------------------------------------------------------	-----------------------------------

۶ براء — قصه ایدی

۷ فراف — یومشق ایدی

—

بشده قوس سعادتلری وار ایدی :

۱ بیضاء — شوخط اغاجندن و بنی قینقاع غنیمتندن
۲ روماء — ایدیلر

۳ صفراء — نبع اغاجندن ایدی .

۴ زوراء — یوم احده افاندی بوکا کتوم دخی

دیرلردی .

۵ ساء —

—

جمعہ یعنی تیرکشی یالکز بر ایدی . که جمعہ مذکورہ نك

اسمی (نصلہ) ایدی سختیانندن بر قوشاخی و او قوشاغك

کوشدن اوچ حلقه سی وار ایدی .

—

اتراس عایه لری یعنی قلقلرلی اوچ ایدی :

۱ — زلوق

۲ — فتق

۳ — وفر

بر قلقان هديه كتيه مشلردى. اوقاقانده قوچ باشى ويا
طوشانچل شكل و تمانى كوروب شو صورتله اوزرنده كى
تمنال ازاله ايديلان قلقان اسملىنى ذكر ايتديكمز اتراس
تلتنهك برىميدر ديكرىميدر اكلاشيله مدي .

—

سونكولرينك عددى احتلافليدر :

بى قينقاعدن غنيمت اوله رق ايكي يا اوچ رومج
سعادتي وار ايدى . ديكرى : (مشوى = مثنى) اسمنده
ايدى . بو ايكي اسمك آرى برر رومج اسم اولديني ده
حرويدر .

—

ايكي مغفري وار ايدى :

۱ — موشح

۲ — ذوالسبوغ

بونلردن باشقه برده بيضه سى وار ايدى .

—

بش حربيه سى وار ايدى :

۱ — نيمه

۲ بیضاء —

۳ عنزه — کوچوک ایدی . زیر رضی الله عنه
 نجاشی حبشیدن الهرق بدر واحد و خیبرده استعمال
 ایتشدیر . خیبردن انصرافدن صوکره افندمن عنزه نی
 اندن آلمشدر . بایرام کونلرنده بلال عنزه نی اوکنجه
 کتوروب قبلکاه مصلایه رکز ایدردی . افندمن اکا
 طوغری نماز قیلدیریر ایدی . و بمض سفرلرده عین
 وجهله نمازده استعمال ایدردی .

۱۶۲

اشیاء و اثواب طیبه سی

بوم ارتحاللرنده ایکی بردحیره و ایکی جا.ه صحاری
 و برازار عمانی و بر قیص سهجولی و برجیه یمنی و بر
 خیمه و بر کساء بیضاء و ورس ایله مصبوغ برماحفه و بر
 قاجده خرده طاقیه سی قالمشدی (ذقن) اسمنده اکری
 باشلی برصوپه سی وار ایدی . نافه سوار ارلدینی زمان
 انی اوکنه آصار ایدی شوخط اغاجندن (ممشوق) اسمنده
 بر قضی و (ریان. مغیث) اسملرنده صوابچمکه مخصوص

ایکی قدسی وار ایدی . اغاجدن معمول بر قدسی دها
 وار ایدی که اوچ برنده گوشیدن زنجیر جکاری و دیواره
 اصق ایچون ابروجه حلقه سی وار ایدی . سرچیدن
 بر قدسی وار ایدی که مقوقسدن هدیه گمشدی . طاشدن
 منجوت (مخضب) دبه بر چنانغی (صادره) نامنده رکوم
 یعنی ابرینی و باقردن بر طاس و (غراء) نامیله درت حلقه لی
 بر قصه یعنی تکه نه سی وار ایدی تکه نه یی درت آدم انجق
 قالدیره بیلور لر دی . کل و یازیت یاغی قویغنه مخصوص
 اوفق بر ظرفی وار ایدی . آینه سی مقاصی مسواکی صقال
 طراغی و سورمه دانی بر طبله دروننده ایدی . آینه سنک
 اسمی (مدله) ایدی . طراغی دکز بغه سی قابندن ایدی .
 اوستنه کوش قاپلامه لی دمیردن برخاتماری و ایکی اوچلکاری
 وار ایدی که برینه (صاع) دیکرینه (مد) دینیلوب صدقه
 فطری انارله اوچلر لر دی . ایاقلری ساج اغاجندن بر
 سریرلری و کوشدن دیگر برخاتماری وار ایدی شوخاتمک
 قاشنده [محمد رسول الله] دبه محکوک ایدی . ایچلری
 یوک برینه خورما ایفی طولدیرلش بر یاصدیق و بر
 پالاسی وار ایدی . انی ایکی قات ایدوب اوزرینه کیجه
 یاتار اوپور ایدی . برچفت موزه برال دکره نی و اوق

ویای قویمنه مخصوص برده کنانه سی وار ایدی. کنانه نك
ایچنده بر ایکی اوق قالمشدی . بیاض بر و سیاه ده بر
عمامه لری وار ایدی .

۱۶۳

مراتب و طبقات اصحاب کرامی

کیمک صاحب النبی اوله بیله جکی حقنده آراء
علماء مختلفدر. بعض علماء [حضرت رسول الله صلی الله
علیه وسلم ایله برسنه برلکده بولنمیان و غزایا ایتیمان
اصحابدن معدود اوله من] رأینده بولندیلر . بعضی ده
[بعدالبوغ رسول اللهی کوروب قبول اسلام ایدن و بر
ساعت صحبت ایله شرفیاب اولان صحابه در] دیدیلر .
دیگر بعض دخی [رسول الله ایله ارالرنده بر کونه
تخصص حصوله کلش اولمیان صحابی دکلدر] رأینی درمیان
ایلدیلر . اکثریت آرا ایسه مسلمان اولدینی حالده
رؤیت دیدار پر انوار نبی ایله مسعود و بختیار اولانلرک
نبوت صحابیتی طرفنده در .

اصحاب کرامک مقدار واعدادی دخی اخلافلیدر.
فتح مکه اشاده اون بیک وحنینده اون ایکی بیک غزوه
توکده اوتوز بیک و حجة الوداعده یوز بیکدن فضله
و انتقال وارتحال نبوی صرمده یوز یکرمی درت بیک
اصحاب کرامنک موجود ایدوکی مروی ومعلومدر.

مهاجرین کرام علی الاطلاق انصار کرامدن افضلدر.
شوقدر وارکه سابقین انصار مهاجریندن اسلامی تأخر
ایتمش بولانلردن افضل اولوب طبقات نقطه سفدن حضرت
خدیجة الکبری و ابوبکر الصدیق و علی و زید بن حارثه
و عثمان بن عفان و عبدالرحمن بن عوف و سعد بن ابی
وقاص و زبیر بن العوام و طلحه بن عبیدالله و بعده
ارقم و عمار بن یاسر و بلال حبشی و اسلحجه حضرت
عمر الفاروقک اسلامندن اول انلری ولی ایدنلرله برابر
اوتوز طقوز ذات برنجی طبقه . حضرت عمرک اسلامندن
صوکره قبول دین ایله شرفیاب اولانلر ایکنجی . عقبه
مناده ابتدا بیعت ایدن انصار کرام اوچنجی . عقبه ثانیه ده
بیعت ایدن ذوات دردنجی . عقبه ثالثه اصحابی بولنان
یتمش ایکی ذات بشنجی . رسول الله صلی الله علیه وسلمک
مدینه سمعدتلرینه هجرتلرنده هنوز قباده ایکن نزد

هیاونلرینه کلوب واصل اولان اهل مدینه التنجی . بدر
 غزاسنده حاضر اولان مهاجرین و انصار کرام که اصحاب
 بدر دینیلیر یدنجی . بدر غزاسیله حدیبیه مصالحه سی
 ارسنده مدینه سعادتیه هجرت ایدنلر سکزنجی . حدیبیه ده کی
 شجرة رضوان الننده عقد بیعت ایدنلر طقوزنجی .
 حدیبیه وقعه سیله فتح مکه ارسنده هجرت ایدنلر اونجی .
 فتح مکه کونلرنده مسلمان اولانلر اون برنجی . ایام
 حیات رسالتیناهی بی ادراک ایدن صبیان اون ایکنجی
 طبقه عد اولنه جنی سیرنویسان کرام اثرلرنده یازمشلر -
 سده عقبه طبقه لرینک یکدیکرینه و طبقه سابعه عد
 اولنان اصحاب بدر ایله طبقه تاسعه اعتبار ایدیلان بیعه
 الرضوان طبقه سنک طبقات سائر ایله وقوع تداخل لرینه
 هر فصلیه برشی دیمامشلردر . والحمد لله علی کل الاحوال

۲ رمضان ۱۳۲۱ و ۸ تشرین ثانی ۱۳۱۹



فصل حادى عشر

سكنجى سنه هجرية وذايلى

صفحة

اسلام خالد و عمرو و عثمان	٢
غزوة موة	٨
سرية ذاة الساسل	٢١
سرية ابى عبيده [جهينه عابنه]	٢٧
سرية ابن الربى [نجدده خضره به]	٢٨
سرية ابن الربى [بعان اضمه]	٢٩
فتح مكة	٣١
بعث خالد	١١٣
غزوة حنين و هوازن	١١٥
غزوة اوطاس	١٢٨
غزوة طائف	١٣٥
بعث عمرو بن العاص	١٥٨
اسلام عروه	١٦٤
اتخاذ منبر	١٦٨
اسلام جبلة	١٧٠
اسلام فروه	١٧٠
ولادت ابراهيم نجل النبي عليه السلام	١٧٢
وفات زينب بنت النبي (صلى الله عليه وسلم)	١٧٣
نرخ	١٧٤

فصل ثانی عشر

صحیفه

طهوزنجی اسنه لقمیریہ وقایعی
(سنة الوفود)

بعث عینہ	۱۷۵
وفود عذرہ	۱۸۲
بعث ولید بن عقبہ	۱۸۳
بعث عبداللہ بن عوسجہ	۱۸۵
بعث قطبہ	۱۸۶
بعث ضحاک	۱۸۶
بعث علقمہ	۱۸۷
سریہ علی	۱۸۸
اسلام ضمام	۱۸۹
اسلام کعب بن زہیر	۱۹۲
فروہ تبوک	۱۹۵
وفود واسلام ثقیف	۲۵۷
وفود بنی فزارہ	۲۶۲
مکتوب حمیر	۲۶۶
وفات نجاشی اصحمہ	۲۶۸
وفات ام کلثوم بنت النبی (علیہ السلام)	۲۶۹
فوت منافق ابن سلول	۲۷۰
حج ابی بکر الصدیق	۲۷۳

وفود بنی طائی ۲۷۷

وفود بنی کندی ۲۷۹

وفود همدان ۲۸۲

وفود بلی ۲۸۳

وفود مزینه ۲۸۶

وفود بحیله ۲۸۷

وفود بنی نجیب ۲۹۱

وفود بنی اسد ۲۹۴

وفود بنی ۳۰۰

وفود بنی مره ۲۹۷

وفود بنی محارب ۲۹۹

وفود بنی عبس ۲۹۹

وفود ازد ۳۰۰

وفود بنی البکاء ۳۰۲

وفود بنی هلال بن عامر ۳۰۳

وفود بنی دارم ۳۰۶

فصل ثالث عشر

ارتجی منه لهجیه و قایعی

وفات باذان ۳۰۸

بعث ابی موسی و معاذ ۳۰۹

وفود بنی عبدالقیس ۳۱۳

صحیفه

وفات ابراهیم بن النبی علیهما السلام	۳۲۳
کسوف شمس	۳۲۵
بعث خالد	۳۲۶
سریه علی و یمنده بلاد مذحجه	۳۲۸
وفود بنی حنیف	۳۳۴
وفود ازد شنوئه	۳۳۷
وفود نصارای نجران	۳۳۹
بعث ابی عبیده	۳۴۵
وفود بنی خولان	۳۴۷
وفود بنی مدلج	۳۴۸
وفود بنی غسان	۳۵۰
وفود بنی غامد	۳۵۰
قدوم عدی بن حاتم طائی	۳۵۲
وفود سلامان	۳۵۶
وفود بنی متفق	۳۵۷
ورود اسود عنسی	۳۵۸
حیجة الوداع	۳۵۹
بعث جریر	۳۹۷
قدوم فیروز	۴۰۱
طلوع جبریل	۴۰۲

فصل رابع عشر

اربع برنجی سنه لخبیره و زایعی

و فود نخع ۴۰۴

ظهور متنبین ۴۰۸

سریه اسامه استغفار و مرض النبی ۴۲۴

انتقال و ارتحال نبوی ۴۶۳

فصل خامس عشر

شمائل شریفه ۴۸۷

بعض احوال و اخلاق سنیہی ۴۹۰

اولاد کرامی ۵۱۳

اعمام و عداات فخامی ۵۱۷

زوجات و سراری طاهرانی ۵۲۰

خدمه و موالی و مولیات مکرمه لری ۵۳۸

کتاب و امراء و سفراء عظامی ۵۵۰

امناء و قضات و مؤذنلری ۵۵۷


شعراء و حراس مسعوده‌یی ۵۶۰

دواب و مراکب مبارکه‌یی ۵۶۲

اساحه سعادتلری ۵۶۹

اشیا و اثواب طیبہ‌یی ۵۷۵

مراتب و طبقات اصحاب کرامی ۵۷۷











3 1761 07290912 0